



P. R A M I,

D I A L E C T I C Æ

LIBRI DUO, AUDOMARI

Talæi prælectionibus,
illustrati.

A D

CAROLUM LOTHARINGUM
Cardinalem.

P A R I S I I S,

Apud Andream Wechelum, sub Pegaso, in
vico Bellovaco: Anno salutis

1 5 6 0.

Cum privilegio Regis.

PRIVILEGII SENTENTIA.

CAutum est auctoritate Regia , nequis alius præter Andream Wechelum juratum in alma Parisiensi Academia Librarium, P. Rami Dialecticæ libros duos, Audomari Talæi prælectionibus illustratos, ad Carolum Lotharingū Cardinalem, ante decēnium ab editione proximum, in hoc Francorum regno imprimat , neve alibi impressos vendat : Ac si Regii diplomatis sententia operis initio præfigatur , finive postponatur, ut omnibus clarum, notum, indictum habeatur. Secus qui faxit, & libris ipsis, & mille librarum Paris. multa pœnas pendito. Datum Rhemis, Regio consensu subsignatum, D. Villamoro supplicum libellorum magistro præsentē. 3. Id. Jun. 1557.

Coignet.



P. R A M I,

IN DIALECTICAM

P R Æ F A T I O.

A D

Carolus Lotharingum Cardinalem.



ON IGNORAS
(M' E C O E N A S) quem-
admodum quondam tem-
pestate vexati nautæ, Deo
munus aliquod offerebant,
cujus ope sibi viderentur
ad portum perducti: Sic e-
nim Virgilius ait duodeci-

mo Æneïdos,

*Forté sacer Fauno foliis oleaster amaris
Hic steterat, nautis olim venerabile lignum:
Servati ex undis ubi figere dona solebant
Laurenti divo, & votas suspendere vestes.*

Quare si tua singulari benevolentia, Aristo-
telici judicii fluctibus erepti, tabulam aliquam
naufragii nostri tibi nunc offerimus, verendum,
credo, mihi non erit, ne magis de præteritis ma-
lis cōqueri videar, quàm tempestatis hujus caus-

A ij.



sam testificari, & ei gratias agere, per quem servatus & liberatus sim. Fuit verò turbinis hujus caussa non insolita hominum moribus atque ingeniis, quoties res, usu præsertim longo ac tempore inveteratæ commutantur: At nos adversus omnes philosophos, de quibus primo Animadversionum libro dicitur, contendimus de Dialecticæ præmio, quod tantis ingeniis tantisque vigiliis obtinuerant, totque seculorum velut usucapione suum fecerant: Contentionis nostræ via fuit eadem, quæ philosophis omnibus proposita esse debuerat, tum principiorum, tum experientiæ. E veteribus philosophis adhuc unus nobis restat Plato, & cæterorum libris certè tituli superant in Laërtio: atque in Aristotelis, id est veterum philosophorum monumentis ab Aristotele collectis, quinque & triginta libri sunt de argumentorum generibus, deque eorum dispositione ac judicio, quæ vera Dialectica est: cujusmodi sunt septendecim libri in Organo logico, præter Porphyriū, quatuor in Rhetoricis, quatuordecim in Philosophia, multique præterea variè dispersi loci: quibus in libris & locis sunt præter antiquas institutiones alias, principia de materia & forma artis, ea, quæ dicentur à nobis secundo libro: quæque cum philosophis aliis, tū Aristoteli maximè spectata & probata sunt. Hæc ratio universalis, summa est syllogismi nostri propositio, de sequendis aut rejiciendis in Logica regulis: Assumptio autem multo difficilior est: Etenim ad illam principiorum

piorum legem, eligere de tot libris, quæ bona in-
sint, quæ desint, observare per seipsum lectione
poëtarum, oratorum, philosophorum, omnium-
que authorum bene differentium, omniaque ele-
cta & observata collocare & disponere: contra-
riam autem materiam formamque (licet in sum-
mi nominis authoribus, totque seculorū appro-
batione penè consecratis) liberè tamen accusare
& severè damnare, cum rem laboriosam esse cō-
fiteor, tū verò (hei mihi!) Meccenas, quid aliud
mihi fuit, quàm procellosos mari ventos immit-
tere? eorumque philosophorum nepotes irritare,
ad avorum ultionem persequendum? Atque hac
animorum commotione mirandum in modum
vexatus sum ab hominibus non solum auctori-
tate & dignitate magnis, sed etiam scientia do-
ctrinaque præstantibus: & inconstantia nomine
ab iis diutius & pertinacius accusatus sum: neq;
ut illis videbatur, injuria: Etenim quot annos e-
andem subinde incudem variè tundimus? Quo-
ties usu moniti corrigimus non solum aliorum
scripta, sed è nostris permulta? Quoties ad hanc
perfectam principiorum ideam, accuratius atq;
absolutius operis exemplū requirimus? Ecce au-
tem cum de Græcis & Latinis scholis egressus,
cupio ad exemplum & imitationem industriorū
discipulorum, meæ diligentia rationem reddere
patriæ, in qua natus & educatus sum, eique ver-
nacula lingua & notitia fructum studii mei de-
clarare, percipio multa his principiis repugnàtia,

quæ tot disputationibus in schola percipere non potueram. Quare magnam partem amputo tolloque eorum, quæ antea collegeram: Deniq; nō desisto per meipsum premere non solū in annum nonū (ut verē Horatius admonet) imō ferē in vicesimum: neque desino propalā positis tabulis (ut Apelles etiam multō veriūs admonet) excipere, imō surripere judiciū doctorum & indoctorum, amicorum & inimicorum, dum cōsidero studiosē & observo, quid ab illis laudetur aut reprehendatur: Ac licet fortasse cura diligentiaq; cæteris omnibus satisfaciam: attamen cū multis locis á scopo longissimē abesse me sentio, mihi ipsi non satisfacio: sed ignaviæ me condemnō, qui tot annos tam ignaviter consumpserim: Quapropter hoc pudore commotus enitor magis ac magis, velisq; ac remis (ut ajunt) ad perfectionem operis aspiro, cujus perficiēdi gratia tot fabros atq; adeo architectos, duo minimū annorū millia intelligimus occupatos fuisse: quod appellant in me graves illi & magni viri, levitatem & incōstantiam mirabilem: Verū hęc incōstantia, pro magna cōstantia laudatur & celebratur. non solū ab Horatio & Apelle, sed á philosophis, ac maximē omnium ab Aristotele: á quo docemur, philosophi proprium esse, veritatis causā non aliorum solū, sed suam etiam sententiā reprehendere: Imō verō hęc cōstantia apud hos reprehensores incōstantiæ rea, á Deo & natura statuitur, tanquam ascensus quidam difficilis

lis ac lubricus, cujus gradibus iter unicū ad perceptionem scientiæ & doctrinæ dirigatur: Quāobrem non solūm me contra reprehensiones istas reficio ac recreo, sed etiam spero hac philosophica perseverantia, novam quandam victoriam, nulli injuriæ resistendo, omniaque patienter perferēdo. Fuerimus igitur (ut ab hac causā tempestatis ad gratiam tibi debitam transeamus) omnibus ventis ac tempestatibus Aristotelici judicii huc & illuc dissecti: liceat tamen temporis illius oblivisci: liceat etiam nobis hanc in partem sic errare, ut existimemus in hoc discrimen, tāquam aliquod certamen, excitandi atq; exercēdi ingenii gratia nos incidisse: ac iam potiūs consideremus de tua singulari clemētia, qua sumus in pristinam libertatem restituti: sed præcipuē de summa liberalitate, qua Regiæ professionis dignitatem opatissimā huic laboriosæ vitæ (cui me dedidi) & charissimam consecuti sumus. Atque ut beneficii tui lætitia & gratulatio ex intimo penitūs animo promatur, non solūm carmen à Lyrico poëta, sed lyram ipsam jam nunc assumamus:

Mecænas atavis edite regibus,

Hor. 1.

O & præsidium & dulce decus meum!

Carm.

Perge ista tua virtute frui, afflictos excitare, miseros consolari, oppressos liberare periculis, supplicibus salutare illam dexteram porrigere: Charum, mihi crede, esse principem, bene de suis civibus mereri, diligere, coli, gloriosum est: qui verò metui, quāam amari, quique potentiā, quāam

æquitatem suam prædicari malunt, hi verum iter gloriæ prorsus ignorât. Laudes tuæ partibus omnibus sunt eximix: splendor nobilissimi generis orti primûm á summo Imperatore Carolo Magno, deinde per se relucens coronis Austrasiæ, Arragoniæ, Siciliæ, Hierosolymæ: dona naturæ atque ingenii prorsus admiranda, cogitatio rerû singularis, judicium peracre, memoria summa, plurimæ literæ divinæ & humanæ magnis studiis acquisitæ, unde tibi formata est dicendi facultas eximia: denique opes summæ successerunt. At hæ laudes generis, naturæ, eruditionis, fortunæ quamvis plerisque sint admirabiles: attamen nōnunquam magis graves sunt & odiosæ, quàm illustres & gloriosæ: Verûm mansuetudinis, benevolentix, charitatis, beneficentiæ gradibus, homines in cælum mihi videntur ascendere. Quamobrem (Mecænas) quoties vota pro tua dignitate atque amplitudine faciam, toties exoptabo ut maximis & plurimis in universum genus humanum meritis sempiternam apud Deum atq; homines gratiam consequare, ejusque veri solidique honoris ergo, tibi in hac tabula Dialecticam testem tui erga me beneficii nuncupabo, suspensumque pro naufragio donarium reponam.

P. R A M I



PETRI RAMI DIALECTICÆ

LIBER PRIMVS.

DIALECTICÆ DEFINITIO



DIALECTICA, est ars bene differendi.

Dialectica] Studium nostrum in hac quā instituimus, dialectica commentatione, duplex erit: Unum non solum præcepta ejus artis, sed etiā præceptorū exempla planius & uberius interpretandi: Alterum hæc eadem cum libris

Organi logici, qui Aristoteli tribuuntur comparandi. Nam & facilis interpretatio lucem aliquam Dialecticæ afferet, & perpetua comparatio declarabit hanc Dialecticam ad Aristotelis leges descriptam esse: cum perspicietur nullum præceptū esse nisi catholicum, id est κατὰ πᾶσι, καὶ ἀπὸ καὶ ὅλον πρῶτον, de omni, per se, universaliter primum: quod natura prius sit, loco & ordine præcedere, quod posterius, sequi: in Organo autem Aristotelis logico longè secus esse. Principiū igitur generalis Dialecticæ definitio ponitur, quæ omnia deinde consequentiā complectitur, & definitur, Ars bene disse-

rendi, id est disputandi, disceptandi, ratiocinandi, ratione denique utendi: Sic enim definire decet ἐκ τῆς εὐπραξίας, ex bona & perfecta actione, summo quippe sine virtutum omnium, non solum in actione externa, sed intima animi cōtemplatione positarum, ut docetur tertio capite octavi Politici. τέλος δὲ ἡ ἐνέργεια, καὶ τοῦτο χάριν ἢ δύναντος λαμβάνεται, Finis siquidē est actio, & huius gratia facultas adhibetur, ut octavo capite noni Philosophiæ. Sic Grammatica bene loquendi, Rhetorica bene dicendi ars definitur, ē prima nempe & summa actione: Bene itaque disserere, fuerit logica facultatis vires adhibere earumque quoad fieri poterit, nihil omittere: & finis erit Dialecticæ, bene disserere, de quo plura leges secūdo Animadversionum Aristotelicarum. Dialectica igitur, est ars bene disserendi, qua qui sit præditus & exercitatus, bene ratiocinari & quidvis ratione expedire possit: Quoties enim ratione utimur, toties dialectico munere fungimur: nec tantum ad scholasticas cōcertationes hæc disserendi ratio pertinet, ut quidam putant, sed tam latē patet, quā vis humanæ rationis: Atque ut Grammatica circa puritatem sermonis, Rhetorica circa ornatum versatur, sic Dialectica communis rebus omnibus ratione tractandis, id est inveniendis & iudicandis, prudentia quædam est, qua omnes artes inventæ, & descriptæ sunt: Quæ cūm disserunt, non sua quadam & propria, sed communi Dialecticorum facultate disserunt: Dialectica enim generales ratiocinandi, id est inveniendi & iudicandi leges tradit, quibus reliquæ artes communiter utuntur, ut nō potius Grammaticus & Rhetor & Arithmeticus & reliquarum artium & facultatum homines ratiocinētur, quā Dialecticus Grammaticus, Dialecticus Rhetor, Dialecticus Arithmeticus, Dialecticus Geometra: Et quanquam reliquarum artium præcepta à Dialecticæ præceptis separātur: usus tamen aliarum artium Dialecticæ usu carere non potest: Hæc igitur Dialecticæ definitio statuatur, quia omni Dialecticæ & per se & generaliter primū con-

venit

venit: Et primo omniū loco statuatur, quia natura prima est & clarissima, & omnes Dialecticæ partes cōpleta. Dialectica verò ἀπὸ τοῦ λόγου, à ratione derivatur: & διαλέγεσθαι omnino idem, quod ratione uti: de quo Socrates in Alcibiade primo: τὸ δὲ διαλέγεσθαι καὶ τῷ λόγῳ χρῆσθαι ταῦτόν ἐστι καὶ λέγειν; ἀλκιβ. παίνυ με. Disserere & ratione uti, nunquid idem vocas? Alcib. Sané quidem: Disserere, disputare, disceptare, Latinis frequētius est quàm ratiocinari: tamen si ratiocinari proprius etymologiam Græci nominis exprimit: Et disputatrix ac disceptatrix potiùs, quàm ratiocinatrix Dialectica dicitur, ut Quintilianus lib. 2. cap. 23. Etiam, ait, disputatrix virtus erit: Et cap. 2. lib. 12. Ita hæc pars Dialecticæ, sive illam disputatricem malumus. Item Cicero in Lucullo: Dialecticam inventam esse dicitis veri & falsi quasi disceptatricem. At licet latinæ elegantiores, attamen metaphoræ sunt ab origine Dialecticæ remotiores, ut jam dictū est. Logica etiam idem significans à nomine λόγος derivatur, adeoque Porphyrio in communionem generis & differentię, λογικόν, καὶ λόγῳ χρῶμεθον, & ratione utens idem est. Ergo Dialecticæ & Logicæ vocabula generalia sunt, de quorum speciali significatione, adeoque errore, qui invaluit in scholis, vide secundum Aristotelicarum Animadversionum. Solet etiam quæri qua de re Dialectica disputet: de omni re, dices: & quamobrem tamen de nulla re speciatim sit in Logica præcipiendum, videbis ibidem. Atque si requiris unde ars Dialectica sumi debeat, utrū ē secta & opinione philosophi hujus an illius, respondeo ex eodem fonte hauriendam esse, unde philosophi omnes, quicunque rectē philosophati sunt, haurire debuerunt, naturali nempe rationis usu, qui in exemplis magnorum & excellentium philosophorum, oratorum, omnis deniq; generis hominum cernitur. In uno nō omnis generis exempla fortasse reperiuntur: observatione igitur variorum & animadversione, adeoque inductione, tota res exploranda & probanda: Naturalis enim Dialectica, vis est rationis, men-

tibus nostris insita , per quam disputamus & ratiocinamur , per quā movemur & excitamur ad inquisitionem & investigationem rerum: per quam , ut per solem mūdus, sic animus partibus omnibus illuminatur : per quā multis seculis antequam ulla de differendo litera esset, innumerabiles homines prudēter & acutē disputarunt, disseruerunt, & ratiocinati sunt . In describendis igitur dialecticis præceptis , proposita nobis erit naturalis bene differentium consuetudo, ut artem accommodatam naturæ faciamus: ut tam latē pateat per poētas , oratores, historicos, philosophos, legumlatores, scriptores artium & doctores, quā vis illa & facultas humanæ rationis . Naturalis igitur propensionis fines , quousque humanæ rationis usū dilatarī possint & augeri , hætenus ars Logica ἀεθήσως, ἐπαγωγῆς, ἰσορίας, ἑμπειρίας, sensus, inductionis, observationis , experientiæ (unde omnes artium præceptiones ortæ sunt, ut Aristoteles verissimè docet tricesimo primi Priorum, & in Posterioribus decimo quarto primi & decimo octavo secundi) oculis intuetur, & legitimis præceptis interpretatur. Nec aliud hic ars est , quā naturæ imago & pictura : ut arte describenda, nil nisi perfectā natura describatur : Est itaq; in hac facultate non solū pars prima , sed cū perfectā sit usū proposita & subiecta veritas , quam ars præceptis imitetur, hoc tamē interest, quod aliis in artibus natura & materia diversæ res sunt: ut in Medicina, natura , est ingenium Medici : materia verò , est sanitas, morbi medicamentum, & cætera, quæ præceptis continentur. Contrā verò in Dialectica , eadem res est natura & materia, quam ars interpretatur : naturalis scilicet rationis virtus, & impetus mentis ad differendum.

INVENTIO ET EJUS PARTES.

Dialecticæ partes duæ sunt , Inventio & Dispositio.

Inventio

Inventio est pars Dialecticæ, quæ argumentum & argumenti partes explicat.

Argumentum est quod aliquid arguit: Argumentum igitur est artificiale aut inartificiale: artificiale, quod ex sese fidem facit, est primum vel à primo ortum: primum, simplex est nec aliunde ortum, & quatuor species habet, causas & effecta, subjecta & adjuncta, opposita, comparata. Causa, unde effectus aliquis existit, ut finis, forma, efficiens, materia.

Dialecticæ partitio] Dialecticæ artis partitio, cum partitione naturalis usus congruit: primum rationes & argumenta querimus, deinde certa via & ratione disponimus ad judicandum: tertium munus rationis in differendo præterea nullum est: unde constat duas hujus doctrinæ partes esse, inventionem & dispositionem, seu judicium: quarum usus licet in differendo conjunctus sit, præcepta tamen de argumentis, propositionibus, syllogismis & methodo separanda sunt: ut in Grammatica arte seorsum de vocabulis & eorum syntaxi præcipitur, quanvis earum rerum usus in eadem oratione confusus & permixtus sit. Atque ut Grammatica duas tantum partes sibi vendicat, Etymologiam in singulis verbis, & Syntaxim in apta & legitima verborum constructione, sic inventio, prima pars Dialecticæ, simplicium rationum naturam considerat: dispositio autem pars altera, accommodationem earum & collocationem in enunciatione, syllogismo, & methodo. Partes verò Dialecticæ, nominibus inventionis & dispositionis seu judicii appellantur in hac arte tritis & usitatis, non quòd inventio nō habeat aliquid judicii, cum per regulas divisionis & definitionis docet judicare, quæ vera & legitima sit definitio & divisio: per regulas contrariorum, quæ sint verè contraria & quæ non: itemque de causis, factis, subjectis, adjunctis, comparatis, testimoniis, judi-

cium est: nec quod iudicium sit expers inventionis, quia docet invenire genera enuntiatorum, syllogismorum, & methodi ad æstimandam & demonstrandam rem propositam: sed a maiore facultate appellationes distinctæ sunt, quod illic plus inventionis sit, hic plus iudicii. Dialecticæ divisio in inventionem & dispositionem approbari potest veterum testimoniis, Platonis, Aristotelis, Ciceronis, & Quintiliani. Socrates in Phædro dum examinat orationem Lysæ, in hanc bipartitam divisionem incidit: καὶ τῶ μὲν τοιούτων, οὗ τὴν εὐρεῖν, ἀλλὰ τὴν διάθεσιν ἐπαινετέον· τῇ δὲ μὴ ἀναγκαῖων τὴ καὶ χαλεπῶν εὐρεῖν πρὸς τῇ διαθέσει, καὶ τὴν εὐρεῖν. Atque ejusmodi rerum non inventio, sed dispositio laudanda est: necessariorum verò & inventu difficilium non solum dispositio, sed inventio laudanda est: deinceps Socrates definitionem & divisionem, quæ sunt membra inventionis, & universæ disputationis collocationem non solum effert laudibus, sed ejusmodi facultatem Rhetoricæ detrahens, Dialecticæ totam esse cōstituat: & eos qui id rectè facere & præstare possunt, Dialecticos appellat. Eodem tendit Aristoteles, cujus verba sunt primi libri priorū Analyticorum capite tricesimo tertio: εἰ γὰρ τὴν γένεσιν τῶ συλλογισμῶν θεωροῖμεν, καὶ τοῦ εὐρίσκειν ἔχουμεν δύναμιν· ἐτι δὲ τοὺς γενημένους ἀναλύοιμεν εἰς τὰ προφρημένα σχήματα, τέλος ἂν ἔχοι ἢ ἐξ ἀρχῆς ὑπόθεσις. Nam si compositionem syllogismorum inspexerimus, & habeamus inveniendi facultatem: tum verò compositos in propositas formas retexamus, proposita primū hypothesis ad finem pervenerit. Et octavi Topici capite primo: δὲ δὲ πρῶτον μὲν ἐρωτᾶν μέλλοντα, τὸν τόπον εὐρεῖν, ὅθεν ἐπιχειρετέον· δεύτερον δὲ ἐρωτηματίσαι καὶ τάξαι καθεκτά πρὸς αὐτόν· τὸ δὲ λοιπὸν καὶ τρίτον, εἰπεῖν ἤδη ταῦτα πρὸς ἕτερον. Necessè verò est imprimis eum qui sit interrogaturus, locum perspexisse, unde argumentetur: secundò autem interrogare & ordinare: apud seipsum singula: reliquū ac tertium, hæc apud alterum jam eloqui. Idemque in Rhetoricis ad Theodectem capite primo libri tertii: τρία βλῖν ἃ δὲ πραγματὸν εἶναι ποιεῖ τὸν λόγον,

λόγον, ὅτ' μὲν ἐκ τίνων αἱ πρῆξις εἴσονται· δεύτερον δὲ πρὸς τὴν λέξιν· τρίτον δὲ, πῶς δι᾽ εἶ ταῖς αἰ τὰ μέρη τῆς λόγου. Tria sunt in oratione cōsideranda, unum quidem unde probationes ducantur: secūdum versatur in elocutione: tertium, quomodo partes orationis sint collocandæ. Atque eodem capite ait de his partibus duas solas ad docendum necessarias esse, πρῆξιν καὶ τάξιν, probationem & collocationem: elocutionem verò & ejus comitem actionem, διὰ τὴν τῆ ἀκροατῆς μοχθηρίαν, id est propter auditoris improbitatem, accessisse. Sic in Topicis Cicero, Cūm omnis diligens differendi ratio duas habeat partes, unam inveniendī, alteram judicandī, utriusque princeps (ut mihi quidem videtur) Aristoteles fuit. Sic & Quintilianus 5. lib. de Dialecticis, Qui sibi (ait) & inveniendī & judicandī vendicent partes, quarum alteram τοτικῶν, alteram κριτικῶν vocant. Quare authorum istorum testimoniis Inventio & Dispositio, Dialecticæ partes erunt. *Inventio*] Definitur Inventio ē subjectis rebus, quas interpretatur. *Argumentum*] Generalis est argumēti definitio: Argumentum autem id est in Logica, quod vocabulum in Grammatica, simplex videlicet ratio, nam vocabula sunt symbola categorematum, ut Aristoteles capite primo libri primi de Interpretatione verissimè docet: utque ē nominibus & verbis sit oratio, sic ex argumentis per nomina & verba significatis efficitur enunciatio. Itaque argumentum non est tantummodo in argumentatione intelligendum, ut vulgò in scholis intelligitur, cūm enunciatio dubia concluditur per aliquid tertium, sed omnis sententiæ partes, argumenta appellantur: ut cūm dico, Homo est animal: hic duo categoremata duo argumēta sunt, species & genus. Quia multis nominibus & Græcè & Latine argumentum nūcupatur, ne quis temerè erret, hæc auditori explicanda sunt: Argumentum igitur Græcè dicitur κατηγορημα & ἀρχὴ & στοιχεῖον & μέσον & ὅρος & λόγος & πρῆξις. Latine attributum vel categorema, unde κατηγορία, doctrina categorematum apud Aristotelem, cujus præceptum

quoque dicitur *ῥῶτος*, id est locus per metaphoram, quod certis præceptis, tanquam locis, commonstret unde argumenta petenda sint: Inventio enim genera argumenti maxime generalia describit, quorū admonitione excitamur ad inquirendum, quod de re proposita dici possit: nec tamen hæc doctrina argumentum protinus ad disputandum suppeditat, sed tantū argumenti reperendi quandam commonitionem: Appellatur etiam Latine principium, quod sit in Dialectica primum, unde postea enunciationes & syllogismi existant: & elementum, quod sit simplicissimum & minimum: & medium in Analyticis, quod velut intermedium disponatur cum partibus quæstionis in syllogismo ad concludendum quod volumus: itemque terminus, quod propositionem terminet: nam cū dico, Homo est animal, homo & animal, sunt termini propositionis, & argumenta duo, species & genus: Item ratio dicitur, quod sit sententia mentis: & probatio, seu fides, quia facit ut rei credamus & assentiamur: postremo etiam argumentum, quia rem arguit & demonstrat: sed ratio, probatio, argumentum, vocabula sunt nota magis & usitata, ideoque ad docendum artem inventionis magis apta & idonea.

Argumentum igitur] Hactenus argumentum definitum est, deinceps dividitur ex adjunctis circumstantiis in artificiale & inartificiale: quam partitionem licet paulo aliter interpretetur Aristoteles, primus ostendisse creditur libri primi Rhetoricorum ad Theodectem capite secundo: τῶν δὲ πρῶτων αἱ μὲν ἀτεχνοὶ εἰσιν, αἱ δὲ ἐτεχνοὶ· ἀτεχνὰ δὲ λέγω, ὅσα μὴ δι' ἡμῶν πέποιται, ἀλλὰ πρὸς πῆρσιν, εἶον μάρτυρες, βάσανοι, συγγραφαί· ἐτεχνὰ δὲ, ὅσα διὰ τῆς μεθόδου καὶ δι' ἡμῶν χεῖρας κενὰ διωγὰν διωκτὴν. Probationum alia sunt inartificiales, alia artificiales. Inartificiales dico, quæ a nobis minimè exhibentur, sed in causa prius extiterunt: ut testes, tormenta, scripta: Artificiales, quæ per artem & nos ipsos comparari possunt: quam Aristotelis auctoritatem Cicero & Quintilianus secuti sunt, usitatā magis, quā ab illis penitus cognitā: Omnium enim

enim argumentorum sui loci sunt in arte. Artificiale igitur definimus, quod per se & sua natura fidem facit: nam ex causa, facto, subjecto & reliquis artificialibus per se, credimus: inartificialibus autem, id est testimoniis, non credimus, nisi ratione causæ, facti, subjecti, & aliorum artificialium. Veteres paulò secus definiunt, sed res eodem tendit. *Artificiale*] Artificiale dividitur in primum, & à primo ortum: quomodo Grammatici partiuntur nomina in primitiva & derivativa: Est enim causarum, effectorum, subjectorum, adjunctorum, oppositorum, comparatorum, Dialectica consideratio prima & ex his tanquam primis fontibus nominis, definitionis & divisionis consideratio & doctrina derivatur, ut postea planius intelligetur. *Primum*] Primum definitur & dividitur: definitur argumentum primum, nec aliunde ortum, id est cujus consideratio prima est, nec ex sequentibus dependet: nam doctrina quidem causarum, potest intelligi sine doctrina definitionis: doctrina verò definitionis depēdet ex doctrina causarum & aliorum primorum argumentorum. Dividitur argumentum primum in quatuor species, quo loco, duæ species loco unius generis ponuntur, ut causæ & effecta, subjecta & adjuncta, quod sæpe fit apud Aristotelem: ut in Categoria qualitatis, habitus & dispositio, duæ sunt species pro uno genere, cui nomē nō est impositum: itemque potentia & impotentia. Quod ad ordinem argumentorum pertinet, ea præcedunt in docendo, quorum cognitio natura prior est, ratione consequentium & se ipsa contenta: ea verò sequuntur, quæ natura posteriora sunt, & quæ ex antecedentibus quodammodo nascuntur, & intelligentiæ suæ lucem capiunt, ut ex Aristotele suprà dictum est, & secundo libro docebitur plenius. In omni autem rerum cogitatione & consideratione primum causæ occurrunt: tum effecta his respondent: & reliqua deinceps eo ordine, qui maximè naturalis & idoneus visus est, explicantur. Cùm igitur causæ dialecticarum probationum principes & primæ sint, ab his

jure principium hujus doctrinæ ducitur. Nec verò sequitur, si in longioris disputationis artificiosa colloca-
tione & methodo, á definitione rei, de qua agitur, ordi-
endum sit, ut in doctrina argumentorum, doctrina defi-
nitionis præcedere debeat: Definitio enim, si perfecta
sit, oritur ex causis, secus é factis, subiectis & a. junctis,
oppositis & comparatis: nec quisquam definitione uti-
tur, qui non utatur causis, aut cæteris primis argumen-
tis: At contrá, primis argumētis sine definitione uti pos-
sumus, unde constat causas natura priores esse defini-
tione: Causa igitur ante cætera argumenta doceatur.
Causa, unde] Causa definitur generaliter, unde effe-
ctus aliquis existit: *αἰτία καὶ αὐτίον* græcè dicitur: Et ali-
quando generaliter quodvis argumentum, causæ no-
mine significatur: propriè verò & specialiter hæc pro-
batio. Significatur autem causa frequenter nominibus
ἀρχῆς, πρῶτου, φύσεως, οὐσίας: principii, elementi, natu-
ræ, essentiæ: Sed duobus postremis etiam res tota suis
causis constituta significatur, ut docetur quinto Philo-
sophiæ: Sed *ἀρχῆς καὶ αὐτίον* eadem & una significatio
est, quia seinvicem consequuntur, ut est secundo capite
quartæ Philosophiæ. Ut *finis*] Causarum species sunt
quatuor, finis, forma, efficiens, materia, de qua divisio-
ne vide Aristotelem libro secundo Physicorum.

F I N I S.

Finis, est causa, cujus gratia aliquid fit. Ideo-
que dicitur principium non actionis, sed ratio-
nationis: quia sapientis est consilii & deliberati-
onis ante omnia, finem spectare. Juno primo Æ-
neïdos connubii finem assumit, cū Æolo Deï-
opeiam pollicetur, solatii scilicet prolisq; gratia:
*sunt mihi bis septem præstanti corpore nymphæ,
Quarum, quæ forma pulcherrima, Deïopeiam*
Connubio

*Connubio jungam stabili, propriamque dicabo:
Omnes ut tecum meritis pro talibus, annos
Exigat, & pulchra faciat te prole parentem.*

Sic in defensione Ligarii Cicero Tuberonem accusatorem urget, cum armorum contra Cæsarem susceptorum finem premit: Et certè contra ipsum Cæsarem est congressus armatus: Quid enim Tubero, tuus ille districtus in acie Pharsalica gladius agebat? cujus latus ille mucro petebat? quis sensus erat armorum tuorum? quæ tua mens? oculi? manus? ardor animi? quid cupiebas? quid optabas? Cicero tanto dicendi ardore hoc argumentum tractavit, ut Cæsari (quavis in hac causa, & judici & adversario) tamen veluti stupefacto, & extra se posito, color variè mutatus sit, & libelli quidam è manibus exciderint, ut Plutarchus in vita Ciceronis author est.

Finis] Plato in Timæo & aliis locis sæpe pro nomine, definitionem ponit, & τὸ οὐ οὐτεκα, id est cujus gratia, dicit pro fine. Aristoteles capite undecimo secundi Posteriorum ita definit, τὸ τινὸς οὐτεκα, καὶ τὸ οὐ ἐνεκα. alicujus gratia, & cujus gratia: Item tertio capite secundi Physici, τέλος καὶ τελικὸν αἰτίον, finem & causam, ut Papinianus jureconsultus loquitur, finalem: appellatur etiam πέρας, extremum, decimo tertio capite quinti Philosophiæ. Finis nomen translatum videtur esse à terminis, quibus res clauduntur: ad finem enim causæ reliquæ referuntur, & unaquæque res suo fine comprehenditur: Sic beatam vitam philosophi, finem bonorum appellabant, quò omnia consilia & rectè facta hominum referri debeant. Aristoteles capite nono secundi Physicorum de fine sic ait, ἀρχὴ οὐ τῆς πράξεως, ἀλλὰ τῷ λογισμοῦ. principium non actionis, sed ratiocinationis: quia cogitan-

tribus nobis & de re quapiam deliberantibus, primúm finis occurrit, quó cōsilia & actiones referantur. *Juno*] Primo Aeneidos hic locus est, ubi Juno Trojanis in Italiam prosperé navigantibus infensa, Aeolum ventorú regem adit, oratq; ut Trojanos tépestate vexet, & aditu Italiæ prohibeat: vexationis præmium pollicetur Deiopeiam nympham conjugem: donumque ipsum duplici fine conjugii amplificat, solatio vitæ & pulchra prole. *Sunt mihi*] Juno, est aër, de quo nubes creantur: ex nubibus aquæ fiunt, quæ á poëtis nymphæ dicuntur, inquit Servius. *Quid enim Tubero*] Hæc interrogatione multa cumulantur, quorum finis premitur, ut hæc argumenti vis sit: Tubero conatus est Cæsarem armis vincere: Ergo contra Cæsarem congressus est armatus. Notanda est in hoc exemplo metonymia quarti modi, qua adjuncta ponuntur pro subjectis, ut gladius & arma, pro eo qui accinctus est gladio, & armatus.

F O R M A.

Forma, est caussa, per quam res est id quod est, & á cæteris rebus distinguitur. Sic forma hominis, est anima rationalis: Hæc enim caussa est, cur homo sit homo, & á cæteris rebus differat. Sic rebus naturalibus omnibus sua forma est, ut leoni, equo, arbori, cælo, terræ: Sic artificiosis rebus, ut domui, navi: sic etiam incorporeis, ut colori, calori, virtuti, vitio sua forma est: Sic denique rebus omnibus est id quod est, sua forma, eaque separatur ab aliis. Sola é caussis forma suo effectui est congenita: itaque si forma sit, formatum quoque est, & contra: At veró formarum cognitio in unoquoque perdifficilis est homini & perobscura: ac si videantur, tamen sunt sine nomine,

nomine, ut sua forma manum, annulum, gladium vides: & tamen harum rerum formam unamquamque suo nomine appellare non possis: imò vix longa circuitione verborum.

Forma] Forma definitur generaliter non quidem physica illa tantum, quæ corporearum rerum & materiatarum sit: Nam forma logica, rerum omnium communis est: essentia nempe rei & differentia. Formæ præcipua utilitas est duplex, ut est decimo quarto capite primi Topici: καὶ πρὸς τὸ γνωρίζειν τί ἔστιν ἕκαστον & ad cognoscendum quid est unumquodque, & ad rationem ταυτῶ καὶ ἑτέρου, ejusdem & diverſi: Priore ratione describitur τὸ τί ἡ εἶναι, quod quid erat esse, ut undecimo capite primi Posteriorum: λόγος τῆς οὐσίας, ratio essentiae, ut primo capite primi de ortu Animalium: οὐσία τῷ πρᾶγματος, essentia rei, ut septimo capite primi Philosophiæ: λόγος εἰδικὸς καὶ οὐσιώδης, ratio specifica & essentialis, ut quarto capite quarti libri Philosophiæ; εἰδοποιὸς, συμπληρητικὸς, συνπατικός: specifica, completiva, constitutiva, ut apud Porphyrium. Appellatur verò etiam μορφή καὶ λόγος, forma & ratio persæpe: interdum etiam εἶδος καὶ παράδειγμα, species & exemplar, ut secundo capite quinti Philosophiæ: ratione secundæ utilitatis describitur á Porphyrio διαιρετική, quia species generis alias ab aliis dividit & distinguit: & appellatur tum propriè διαφορὰ, differentia: Et sic hoc nomen ὁμοιότητι, similitudini opponitur primi Topici capite undecimo & decimo quarto: & ἐ quatuor instrumentis communibus duo fiunt illic ab Aristotele, similitudo & differentia. Forma sola de causis ὁμόζωνος est, simul cum re genita, ut scribit Aristoteles duodecimo capite secundi Posteriorū: & sola, λόγος τῆς οὐσίας, ratio essentiae, & rerum naturalium naturali fini eadem est: τὸ μὲν γὰρ τί ἔστιν, καὶ τὸ οὐ εἶχε ἐν ἑστὶ, ut est septimo capite secundi Physici. *At verò formarum*] Quemadmodum cognitio formarum scientiam perfectam & absolutam efficit, ita homini perdifficilis est:



qua de caussa Timæus apud Platonem ait perpaucos homines veræ intelligentiæ esse participes : Communi quidem ratione & definitione intelligimus esse rerum formas : at quid singularis & unaquæque forma sit, ut leonis, equi, arboris, ab hominibus ignoratur : Et si cognoscitur, ut corporis humani, ut navis, vix multis rebus collectis exprimitur. Quapropter veteres Philosophi hic valde fuerunt occupati. Pythagoras & Pythagorei dixerunt τὰ ὄντα, entia, μιμήσεως καὶ ὁμοιωμάτων, imitationes & similitudines esse numerorum : καὶ ἀριθμὸν, εἶναι τὴν οὐσίαν ἀπάντων, & numerum, esse essentiam omnium : Plato pauló secús docuit, res quidem non esse imitationes numerorum, sed Idearum μιμήσεως, communicationes, ut communicatione multa sint synonyma, Ideis homonyma, ut author est Aristoteles libro primo Metaphysicorum. Ad hunc modum, veritatis cognitionem in profundo demersam velut alto gurgite absumptam, ab homine cerni non posse censuit Democritus : cuius sententiam ex nono libro Laërtii adscribam :
 Δημόκριτος δὲ τὰς πιότητας ἐκβαλὼν, ἵνα φησὶ, νόμος ψυχρὸν, νόμος θερμὸν · αἰτὶν δὲ, ἄτομα καὶ κενόν · καὶ πάλιν, αἰτὶν δὲ οὐδὲν ἰδιμελὲς · ὅν βουλῶ γὰρ ἡ ἀλήθεια. Democritus qualitates ejiciens, ait lege quidpiam frigidum, lege item calidum : caussa autem, atomi & vacuum. Et rursus : Per causam nihil scimus, in profundo siquidem veritas.

CAUSSA EFFICIENS, PRO-
creans & conservans.

Causa efficiens, est caussa, á qua res fit. Efficiens est procreans aut conservans : Procreans, quæ primó rem efficit : Sic patres & matres liberorum suorum causæ sunt : & hoc arguménti genere duritia Æneæ quarto Æneidos exprimitur ;

*Non tibi diya parens, generis nec Dardanus au-
 thor,*

Perfide,

Perfide, sed duris genuit te cautibus horrens

Caucasus, Hyrcanaque admorunt ubera Tigres.

Sic opifices, operum suorum causæ sunt. Menalcas Ecloga tertia Virgilii hoc modo vasa ab opifice commendat:

— pocula ponam

Fagina, calatum divini opus Alcimedontis.

Contrà similiter Damœtas:

Et nobis idem Alcimedon duo pocula fecit.

Efficiens conservans, quæ rem tuetur: Hoc modo leges sunt causæ Rerumpublicarum: & Cicero in defensione Cluentii sic usurpavit. Hoc enim (ait) vinculum est hujus dignitatis, qua fruimur in Repub. hoc fundamentum libertatis, hic fons æquitatis: mens & animus & consilium & sententia civitatis posita est in legibus. Ut corpora nostra sine mente, sic civitas sine lege, suis partibus ut nervis ac sanguine, uti non potest: Legum ministri, magistratus: legum interpretes, Judices: Legum denique iccirco omnes servi sumus, ut liberi esse possimus. Ovidius secundo de remedio amoris utrumque causæ genus complexus est, cum ait, otium causam amoris esse:

Hæc ut ames, faciunt: hæc, quæ fecere, tuentur:

Hæc sunt jucundi causa cibique mali.

Otia si tollas, periire Cupidinis arcus,

Contemptæque jacent & sine luce faces.

Causa efficiens] Tertium genus causæ generaliter designatur, Causa efficiens, à qua res est: non quod nomen efficientis causæ, ejusmodi præpositione semper exprimitur: nam & hominem ex homine natum & procrea-

tum dicimus: sed quòd efficientibus caussis præpositio-
nem à vel ab sæpissimè tribuamus. De hac caussa Plato-
nis locus in Philebo his verbis est: *χω. ὅρα γὰρ εἰ σοι δο-
κεῖ ἀναγκάσιον εἶναι, πάντα τὰ γινόμενα, διὰ τὴν αἰτίαν γίγνε-
σθαι. προ. Ἐμοι γέ, πῶς γὰρ χωρὶς τούτων γίγνοιτο; Σο.* Vide
an tibi necessarium esse videatur, omnia quæ fiunt, per
aliquam causam fieri. Pro. Mihi quidem, quomodo e-
nim absque ea fierent? Sic in Hippiâ majore. So. Atqui
(ait) causa o Hippiâ, & id cujus causa ipsa causa est,
nonne aliud est? nec enim utique causæ causa fuerit:
Sic verò considera: Nonne causam, id quod aliquid ef-
ficeret, esse constitit? Hip. constitit. So. Ab efficiente
verò non aliud fit, quàm quod efficitur, non autem effi-
ciens. Causa efficiens ab Aristotele definitur tertio ca-
pite primi Philosophiæ, ἀρχὴ κινήσεως, principium mo-
tus: & tertio capite secundi Physici, ἀρχὴ κινήσεως καὶ στά-
σεως ἢ ἡρεμείσεως. principium motus & status seu quie-
tis: appellaturque αἰτίον, τὸ ποιοῦν καὶ ποιητικὸν καὶ χυνητικὸν
ἢ χυνητικὸν. causa efficiens & generans. Non tibi diva]
Cum Dido Æneam neque religione conjugalis fidei,
neque precibus ullis movere ac retinere posset, his pro-
bris eum insectatur, ex caussis procreantibus inter se dis-
similiter cōparatis & amplificatis. Sic opifices] Sic Jup-
piter Olympius ex Phidia statuatio: sic Alexandri ima-
go ex Appelle: sic comœdiæ Latinæ ex Terëtio & Plau-
to: sic ornata oratio ex Cicerone & Demosthene: sic
quodvis opus excellens ex ingenio & nobilitate sui au-
thoris commendatur. *Efficiens conservans*] Eadem caus-
sæ procreantes esse & conservantes possunt: & frequen-
ter accidit, ut ab iisdem caussis res efficiatur & conser-
vetur: ut à parentibus liberi, à magistratibus civitates:
Ideoque genera hæc caussarum, cum re ipsa sæpe con-
fusa sint, ratione & cogitatione distinguenda sunt, quòd
alia sit procreandi, alia conservandi ratio: quanvis ple-
runque eadem procreatrix & cōservatrix causa sit ejus-
dem rei: ut in Officiis Cicero docet, gloriam in Repub.
comparari amore, gratia, favore civium & opinione vir-
tutis,

tutis, eandemque rebus iisdem conservari. *Mens & animus*] Ut enim ratio in homine, sic lex in civitate jubet quæ facienda sunt, prohibetque contraria: qualis igitur est animus in corpore, talis lex in civitate. *Ut corpora*] Similitudo ad illustrationem caussarū Rempub. conservantium. *Legum ministri*] Horum enim interest non solum legibus parere, sed etiam leges jubere & populo imperare. *Legum interpretes*] Nam cum iudicium semper aliqua lege constitutum sit, iudex æquus non solum legem in consilium advocat, sed ad eam interpretandam, religionem, fidem, æquitatem adhibet, ut secundum sententiam legis judicet. *Legum denique*] Legibus parendum, ut liberi esse possimus: nam his sublati, vis & oppressio dominetur in civitate, necesse est. *Hæc divisio*] Prima efficientium partitio potest ex Aristotele deduci, cum de principio ita loquatur in Philosophia, primo capite libri quinti: ἀρχή, ἢ μὲν ὅθεν γίνεται πρῶτον, μὴ οὐ παρεχόντος, καὶ ὅθεν πρῶτον ἡ κίνησις πύφκεται ἀρχοῦται, καὶ ἡ μεταβολή· ὅσον τὸ τέκνον ἐκ τοῦ πατρὸς καὶ τῆς μητρὸς, καὶ ἡ μάχη ἐκ τῆς λοιπῆς· ἢ δὲ οὐ κατὰ προαίρεσιν κινεῖται τὰ κινούμενα, καὶ μεταβάλλει τὰ μεταβάλλοντα. ὥστε ῥαὶ τὰ κατὰ πόλιν ἀρχαὶ καὶ αἱ δυναστεῖαι καὶ αἱ βασιλεῖαι καὶ τυραννίδες. Principium aliud quidem unde fit primum, cum tamen non insit, & unde primum motus solet inchoari, & mutatio, ut liberi à patre & matre, & pugna ab injuriis: Aliud verò cujus consilio moventur ea quæ moventur, & mutantur ea quæ mutantur: ut sunt civitatum magistratus & potentia & regna & tyrannides. Ex hoc caussarū loco omnis est philosophorum disputatio, de conservando bene morata civitatis statu: Hinc nobilis pars Medicinæ de sanitate tuenda & prospera valetudine retinenda.

EFFICIENS SOLA AC

cum aliis.

Atque hæ species sunt efficiētis caussæ: modi
quidam

quidam ex adjunctis colliguntur, quod efficiens sit sola, aut cum aliis: per se aut per accidens. Sola quæ sine alia causa rem efficit, ut ignis calorem. Efficiens cum aliis est princeps aut ministra, & adjuvans: ut in navi gubernator gubernationis princeps est, nautæ & remiges sunt ministri, & adjuvant. Hos efficiētis modos & solius & principis & adjuvantis pro M. Marcello Cicero adhibuit, cum militares Cæsaris laudes cum multis communicat, quia sit à multis adjutus: eique soli totam clementiæ gloriam attribuit, quia solus ejus author sit & effector: Nam bellicas laudes solent quidam extenuare verbis, easque detrahare ducibus, communicare cum multis, ne propriæ sint imperatorum. Et certè in armis, militum virtus, locorum opportunitas, sociorū auxilia, classes, comæatus multum juvant: maximam verò partem quasi suo jure Fortuna sibi vindicat: & quicquid est prosperè gestum, id penè omne ducit suum. At verò hujus gloriæ, Cæsar, quam es paulò antè adeptus, socium habes neminem: totum hoc, quantuncūque (quod certè maximum est) totum inquam, est tuum: nihil tibi ex ista laude centurio, nihil præfectus, nihil cohors, nihil turma decerpit: quinetiam illa ipsa rerum humanarum domina Fortuna, in istius se societate gloriæ non offert: tibi cedit, tuam esse totam ac propriam faretur.

Reliqua distributio efficientium veras species non habet: à Philosophis tamen valde proponitur: Imprimis (ait hospes in Politico Platonis) duas artes in omnibus quæ

quæ sunt, consideremus. So. Quas? Hospes. τὴν μὲν γενε-
 αὶς συναίτιον, τὴν δὲ αὐτὴν αἰτίαν. Unam quidem gene-
 rationis adjutricem, alterâ verò causâ & auctorem.
 So. Quomodo? Hospes. Quæcunque rem ipsam non
 efficiunt, sed efficientibus argumenta suppeditant, qui-
 busque absentibus nunquam earum unica opus institu-
 tum perficeretur, has συναίτιους, id est adjuvantes: opus
 autem ipsum perficientes, αἰτίας, causas appellamus.
 So. Consentaneum id quidem. Causa hujusmodi Græ-
 cis est συναίτιον, quasi diceret cōcausa: quo verbo, quin-
 to capite quinti Philosophiæ Aristoteles etiam utitur:
 Et capite secundo libri secundi Physicorum, facit artium
 alias ἀρχηγεμονικάς, id est principes & imperantes:
 alias ποιητικάς, id est effetrices & ministras: ut guber-
 nator, princeps est causa navigationis; navis & remi-
 ges, ministri: illa autem causa princeps plerunque pro
 absoluta usurpatur, ut cū dicimus ab Alexandro ma-
 gno victos esse Persas, à Scipione Carthaginēses, à Cæ-
 sare Gallos. *Hos efficientis modos*] Exemplum Ciceronis
 cōtinet dissimilitudinem rerum bellicarum & clemen-
 tiæ Cæsaris: cujus utraque pars ex causis efficientibus
 illustratur: In priore, quæ protasis appellatur, sex sunt
 adjuvantes causæ, quæ Cæsari victoriam comparant:
 in posteriore, unica est causa absoluta, quod Cæsar so-
 lus author sit suæ clementiæ: eaque amplificatur ex re-
 motione aliarum causarum adjuvantium,

EFFICIENS PER SE AUT

per accidens.

Efficiens per se, quæ efficit suo motu, idque
 consilio ac natura. Confessio Ciceronis pro Li-
 gario est exēplum causæ efficientis consilio: Su-
 scepio bello, Cæsar, gesto etiam magna ex parte,
 nulla vi coactus, iudicio meo ac voluntate ad ea
 arma profectus sum, quæ erant sumpta contra te,

Sic Phædria incontinentiam suam confitetur in Eunuchō Terentii:

— O indignum facinus ! nunc ego &
 Illam scelestam esse, & me miserum sciens,
 Et tædet, & amore ardeo, & prudens, sentio,
 Vivus vidensque pereō, nec quid agam, scio.

At illa ventorum efficientia primo Æncidos naturalis est:

Incubere mari, totumque à sedibus imis
 Unā Eurusque Notusque ruunt, creberque procellis
 Africus, & vastos tollunt ad littora fluctus.

Hac specie efficientis, res omnes naturales oriuntur, intereunt, augentur, minuuntur, alterantur, loco moventur. Causa per accidens, est causa, quæ non per se, sed necessitate, aut fortuna efficit: Necessitas, est causa per accidens, quæ vi cogitur ad effectum.

Omne siquidem necessarium, res violenta est, ait Euenus.

Et vis, necessitas est quædam, ut Sophocles ait, sed vis me hæc necessario cogit agere.

Necessitas hoc modo sumitur in defensione Ligarii ad eos excusandum, qui Pompejum secuti essent: At mihi quidem, ait, si proprium & verum nomē nostri mali quærat, fatalis quædā calamitas incidisse videtur, & improvidas hominum mentes occupavisse: ut nemo mirari debeat, humana consilia, divina necessitate esse superata. Fortuna, est causa per accidens, quæ sine vi ad efficiendum cogitur: In Palatium cōveniendi amici

amici gratia venisti, non invenisti, frustra igitur venisti: at dum illuc venires invenisti thesaurum: profectio tua est causa inventi thesauri, sed fortuita: Sic Ovidius primo Tristium, imprudentiam suam excusat:

Cur aliquid vidi? cur noxia lumina feci?

Cur imprudenti cognita culpa mihi est?

Inscius Aëtaon vidit sine veste Dianam:

Præda suis canibus nec minus ille fuit.

Scilicet in superis etiam fortuna luenda est,

Nec veniam, læso numine, casus habet.

Sic casu fortuito (ait Cicero tertio de Natura Deorum) Phæreo Iasoni profuit hostis, qui gladio vomericam ejus aperuit, quam sanare Medici non poterant. Hinc sumitur deprecatio, qualis est pro Ligario: Ignosce pater, erravit, lapsus est, non putavit: si unquam posthac. Et paulo post: Erravi, temere feci, pœnitet, ad clementiam tuam confugio, delicti veniam peto, ut ignoscas oro. Epicurus fortuita atomorum concursione mundum efficiebat: Cicero secundo de Natura Deorum merito philosophum derisit: Hoc qui existimat, ait, fieri potuisse, non intelligo cur non idem puter, si innumerabiles unius & viginti literarum formæ vel aureæ vel qualeslibet aliquo conjiciantur, posse ex his in terram excussis, annales Ennii, ut deinceps legi possint, effici: quod nescio an in uno quidem versu possit tantum valere fortuna: Ignoratio autem causarum, temerariam efficientiam confinxit: Itaque non in-

Scitè Juvenalis Satyra decima:

Nullum numen abest, si sit prudentia: sed te

Nos facimus Fortuna, deam, cæloque locamus.

Postremus modus efficientium est apud Aristotelem undecimo capite secundi Posteriorum pauló secús κατ' αὐτὸ καὶ κατὰ συμβεβηκός, per se & per accidēs : Itē quinto capite secūdi Phisici. Sed tamen ne quis in errore inducatur, accidētis nomen aliás Aristoteles ipse, ut in Philosophia tricesimo capite quinti, & secundo sexti, & septimo undecimi propriè facit αὐτὸμακτον, ἀόριστον, ἀσφρον, ἀτακτον fortuitum, infinitum, inordinatum; Hoc autem loco latús intelligitur: ut violētia, etiam causa per accidens dicatur, ut fortuna. *Plato*] Plato 10. Leg. comprehendit hanc divisionem nominibus naturæ, fortunæ, artis: ejus verba sunt, λέγονσιν πῦ τινὲς, ὥς πάντα ἔσιν τὰ πράγματα μὲν φύσιν, καὶ χρομόμην καὶ χροσόμην· τὰ μὲν φύσιν, τὰ δὲ τέχνη, τὰ δὲ διὰ τύχην· Quidam ajunt res omnes quæ fiunt, quæ factæ, quæque futuræ sunt, partim natura, partim arte, partim fortuna effici. *Idque consilio*] Causa per se efficiens, dupliciter aliquid efficit, κατὰ τὴν ὁρμὴν, id est appetitu & consilio, & κατὰ τὴν φύσιν, id est natura, ut Aristoteles ait in locis pauló antè citatis: Nā & voluntas, sua sponte movetur ad aliquid agendum, & natura, suoptè nutu agit procreando, augēdo, minuendo, alterando, cæterasque mutationes in corporibus ciendo: ideoque appellatur á Phisicis ἀρχὴ τῆς κινήσεως, principum motus, ὅτι αὐτὴ ὑπάρχει πρῶτως κατ' αὐτὸ καὶ μὴ κατὰ συμβεβηκός, in quo inest primúm per se & non per accidens. *Suscepto bello*] Cicero fatetur se consultó & liberè contra Cæsarem arma suscepisse: quæ confessio ad augendam clementiam Cæsaris spectat, qui voluntario hosti pepercerit. *Sic Phædria*] Phædria adolescens exclusus á Thaide incontinentiam suam arguit: quód tamen sciatur & intelligat se perire, voluntate tamen peccet. *Et prudens*] Hoc proverbii vice á Cicerone usurpatur in Epistolis: Ut in fabulis Amphiarus, sic ego prudens

prudens & sciens ad pestem ante oculos positam sum profectus. Pro Marcello: Prudēs & sciens ad interitum ruebam. Pro Sestio: Vivus ut ajunt, videntque cum victu & vestitu suo publicatus est. Pro Quintio: Huic acerbiſſimum vivo videntique funus ducitur. *Incubere*] Aeolus oratione & precibus Junonis adductus, ventos ex antris emittit in mare, ad vexandas naves Trojanorum. Hæc igitur est subitæ tempeſtatis descriptio, ex ventis, causſis efficiētib: Ubi ad incredibilem quandam tempeſtatem explicandam finxit poëta, ut Seneca in *Quæſtionibus naturalibus* notavit, quod natura non ferebat, ventos contrarios simul flare: Quod ſigmētum ex Homeri libro quinto *Odyſſeæ* imitatus est Virgilius. Sic Phyiſci naturales rerum cauſſas efficiētes conſiderant, calidum, frigidum, humidum, ſiccum: & pluviz, grandinis, cæterarumque rerum, quæ gignūtur in aëre, generationem partim ab exhalationibus, partim ab aſfectione aëris repetunt: & terræ motum ab incluſis exhalationibus: Itemque diſputāt, animalia partim coitu, partim ſine coitu generari, & eorum progreſſionē fieri partim vëtre, partim pinnulis, partim pedibus: nihil deniq; eſt in rerū natura, cujus cauſſas efficiētes naturales nō exquirant. *Cauſſa efficiens per accidens*] Cauſſa efficiens per accidēs dupliciter diſtinguitur, neceſſitas & fortuna: Neceſſitas, cauſſa coacta eſt, à qua ſi quid actum ſit, id potiùs cauſſæ cogēri, quàm coactæ imputatur: ut ſi quis ab alio impuſſus quenquam offēdat: is non tam reprehenditur, quàm qui impulit: atq; huiusmodi cauſſa coacta, interdum poteſt certo conſilio agere, ut homo: ſed non tum, cūm extrinſecūs oblata impuſſione cogitur ad efficiēdum. In hoc genere interdum numerantur cauſſæ, nō quæ omnino violēta neceſſitate impelluntur, ſed quæ quaſi cogi & impelli videntur: Nam mercator ſe tēpeſtate coactū eſſe dicit, ut merces abiceret: & privatus à tyranno ſe cogi, ut parentē interficiat: attamen neque tempeſtas, neque tyrānus neceſſitatem faciendī adfert, quanvis vehementer urgeat: ſed quia ſic uſus fert, talis

caussa appellatur necessaria & coacta, ex cōditione, sine qua salvi aut liberi esse non possumus, ut Cicero loquitur. Appellatur caussa hæc ab Aristotele undecimo capite secundi Posteriorum, ἀνάγκη βίαια, necessitas violenta: ea verò, ut est in Philosophia quinto capite quinti, παρὰ τὴν ὁρμὴν καὶ προαίρεσιν, contra voluntatem & cōsiliū impedit & prohibet: Violentum siquidem necessarium dicitur, & ideo molestum, quemadmodum & Euenus inquit,

πάν γὰρ ἀναγκαῖον πρᾶγμα ἀνιάρων ἐφύ.

Omne nanque necessarium, res violenta est.

Et violentia, necessitas est quædam, quemadmodum & Sophocles ait:

ἀλλ' ἡ βία μὲ τῶντ' ἀναγκάζει ποιεῖν.

Sed violentia me necessario hæc cogit facere.

Ac videtur necessitas ἀμετάπησόν τι εἶναι ὁρθῶς • indissolubile quiddam esse, & rectè: id enim contrarium est τῇ κατὰ τὴν προαίρεσιν κινήσει καὶ κατὰ τὸν λογισμὸν, consilii & rationis effectiōni: Hæc illic Aristoteles.

Necessitas hoc modo] Excusat Orator Pompejanos ad bellum civile contra Cæsarem, veluti necessitate fatali impulsos: hæc Græcis εἰμαρμόνη dicitur, cū res aliter fieri non potest, atque à Deo constitutum est intra fatalem continuationem ordinis sempiterni. Atheniensis apud Platonem disputat, res hominum in casu positas esse: & τύχην generaliter accipit libro quarto de Legibus: ἀλλὰ γὰρ ὁμοίως αὐτὴ καὶ τὸ θεὸς λέγοντα εὐ λέγειν, ὡς τοῖς αὐτοῖς τοῦτο. κλ. τὸ ποῖον; αθ. εἰς θεὸς μὲν πάντα, καὶ κατὰ θεῶν, τύχη καὶ κείρος τ' ἀνθρώπων αὖτε διακυβεῖν ὁμοῖον. At verò licet hoc quoque rectè affirmare in his ipsis. Cli. Quidnam? Ath. Quod Deus quidem omnia, secundum autem Deum, fortuna & occasio res omnes hominum gubernent. Aristoteles quinto & sexto capitibus secundi Physici, τύχην καὶ αὐτόματον, fortunam & casum in efficiētibz comprehendit: tamen & ibidem & in Philosophia septimo capite undecimi, τύχην statuit in iis, quæ cōsilio aguntur: αὐτόματον in omnibus: Ideoque in puris;

eris, bestiis, lapidibus non dici *ἐντυχίαν καὶ δυστυχίαν*, bonam aut malam fortunam, nisi κατ' ὁμοιότητα, secundum similitudinem: ut Protarchus dicebat *ἀθροὺς ἐντυχῆς*, lapides fortunatos esse, unde fiebant altaria, quia coleretur: *ἀνύματα*, veluti καὶ αὐτὰ μάττω, iptum frustra dicitur: Sic Ovidius] Excusat Ovidius culpam suam ob casum, quod aliquid fortuito viderit, quo Augustus Cæsar iratus est illi: commemoratque similem casum Actæonis, qui cum in monte Gargaphiæ feras persequens, nudam in fonte Dianam aspexisset, subito ab ea in cervum conversus, & a suis canibus dilaniatus est: Sic casu fortuito] Phalereo vulnus, salutaris curatio fuit, qui, ut Plinius libro septimo author est, jam deploratus a Medicis vomitæ morbo, cum mortem in acie quaereret, vulnerato pectore medicinam invenit ex hoste: hostis igitur curationis fortuita causa fuit: non enim sanare inimicum, sed necare volebat: Cicero libro tertio de Natura Deorum non Phalereum, sed Phæzeum Iasonē nominat. Hinc sumitur] Cicero fingit per prosopopœiā hominem aliquem imprudentia lapsū, & iccirco veniam facti sui deprecantem, tanquam non sponte, sed fortuito aliquo casu deliquerit. Epicurus] Lucilius Balbus apud Ciceronem secundo de Natura Deorum refellit Epicureos a minoribus causis: Characteres literarum temeré projecti, vix ac ne vix unquam annales Ennii efficient: non igitur credibile est, tam excellentem & admirabilem mūdum temerario & fortuito atomorum concursu factum esse: Sic Cicero adversus Carneadem disserit, qui divinationem fortuitam esse dicebat: Quicquam potest esse casu factum, quod in se habeat omnes numeros veritatis? quatuor tali jacti, casu venereum efficiunt, num etiam centum venereos, si quadringentos talos conjeceris, futuros putas? Aspersa temeré pigmenta in tabula, oris lineamenta effingere possunt, num etiam Veneris Cox pulchritudinem effingi posse aspersione fortuita putas? Fortuna, est ibidē Aristoteli quiddam παράλογον, ἀόριστον, ἀβέβαιον, ἀνθρώ-

πίνω λογισμῷ ἄδελον • Improvidum, incertum, dubium, humano judicio ambiguum: ejusque efficientiam ignorantio caussarum confinxit: Fortuna enim, nullius per se causa est, sed eventus, quem fortuitum dicimus, causa quædam certa est, licet humanæ menti ignota: ὡς θεὸν τι εὔσαι καὶ δειμονιώτερον, ut divinum quiddam & beatum, ut est quarto capite secundi Physici. *Non incitè Juvénalis*] Si intelligimus rerum causas, videmus omnia divino consilio & prudentia regi & gubernari: sed quia eas frequenter ignoramus, ideo fortunæ locum tribuimus, deamque vocamus. Sic Academici interdum Deum appellant fortunam, quod multa efficiat improvisa & inopinata nobis propter obscuritatem ignorationemque caussarū, ut ait Cicero primo Academico. Hujus generis caussarū ἐκουσιῶν καὶ ἀκουσιῶν, voluntariarum & non voluntariarum, magnus est usus in vita: atque iccirco hanc sibi causam Aristoteles sumpsit πρὸς τὸ ἐκουσίῳ καὶ ἀκουσίῳ dicendi. Cū sit, inquit primo capite tertii libri ad Nicomachum, virtus tum circa affectus, tum actiones: & in voluntariis laus & vituperatio versetur: in involuntariis venia, & interdum etiam misericordia: voluntarium & involuntarium necessarió fortasse de virtute præcipiente definiendum sit: commodum veró etiam legum latoribus & ad honores & ad animadversiones. Efficientis autem causæ genus Physici veteres in rebus pauló uberiús, sed rudiús & impolitius, quàm finem & formam adhibuerunt, ut scribit Aristoteles in Metaphysicis: & magis á veritate ipsa coacti, quàm ulla arte docti. Hesiodus & omnes Theologi id solúm, quod sibi probabile esset, spectaverunt: nos veró contempserunt: Nam cū deos, rerum principia esse, & ab iis omnia facta esse dicerent, quæ nectar & ambrosiam non gustassent, mortalia esse dixerunt. Hesiodus idem aliàs & Parmenides rerum efficientem causam possuerunt ἔρωτα, amorem: ἅ' καὶ πρὸς μὲν τῶν μυθικῶς σοφισομένων, sed de iis fabulosé philosophantibus, majoris considerationis studiū fuerit indignum: Hermotimus & Anaxagoras

xagoras ἄννευ, mentem: quæ una inter ebrios valde sobria visa est esse sententia: tamen si Anaxagoras illa mente, veluti machina aliqua ad mundi fabricam abutitur: Sic in rebus incertis eam trahit: aliàs quidvis potius causam, quàm illam mentem facit: Empedocles φιλικὰ καὶ νεῖκος, concordiam & discordiam: Democritus βρομὸν, διαθεγνῶν, τροπῶν figuram, ordinem, sicut: Parmenides unum modò secundùm rationem, modò calidum, frigidum, modò ignem: Denique hanc causam veteres attigerunt, at obscurè, nec quicquam apertè: sed, ut in pugnis inexercitati pugiles faciunt: Etenim illi huc & illuc impulsus egregias plagas frequenter imponunt: sed neque hi arte, neque illi omnino videntur sentire, quæ dicant. Sic Aristoteles hujus causæ doctrinam sibi vèdicat, sicut antea & finis & formæ doctrinam vendicavit: sicuti Logicæ universæ inventionem sibi vèdicavit: & tamen opiniones horum philosophorum Physicæ magis, quàm Logicæ, aut primæ Philosophiæ sunt: nec Aristoteles de còmuni & ad omnes doctrinas pertinēte causarū doctrina præcipiens, aptè videtur de physicis causis præcipientes philosophos reprehendere.

MATERIA.

Materia, est causa, ex qua res fit: Sic secundo Metamorphoseos Ovidii, Solis domus auro, pyropo, ebore, argento componitur,

*Regia Solis erat sublimibus alta columnis,
Clara micante auro, flamasque imitante pyropo:
Cujus ebur nitidum fastigia summa tegebat.
Argenti bifores radiabant lumine valvæ.*

Veruntamen jam satis de causis præceptum est ex inventionis ordine: Nam tamen si finis in deliberando præcedat, primoque inveniatur: deinde forma, tum efficiens sequantur: attamen in effectione operisque actione, materia prima

est: tum efficiens & forma consequuntur: itaque finis extremus est. Hic igitur logicæ inventionis primus fons est: fons omnis scientiæ: tum enim perfectè scimus, cum causas scimus, quodque secundo Georgico de physicis causis à poëta dicitur, merito hoc loco dici potest,

Felix, qui potuit rerum cognoscere causas.

Materia] Sic ab Aristotele definitur, αἴτιον testio capite secundi Physici, ἐξ ὧν γίνεταί τι ἐνυπαρχόντος · causa, ex qua cum insit, fit aliquid: ut æs statua, argentum patetæ materia est: appellatur ab eodem frequenter necessitatis nomine: non quod ex ea conclusio necessaria fieri possit, sed ἐξ ὑποθέσεως: quia ut res sit, materiam ejus esse necesse est: ἄλλω propriè, aliquando etiam τὸ ὑποκείμενον, subjectum dicitur. Materiam logicam intelligere debemus, & rerum omnium communem, non physicam tantum palpabilem & tractabilem: sic syllogismi vel mente sola concepti materiam, dicimus quaestionis extrema & argumentum: quo modo Aristoteles ait in Philosophia quinto & sexto capitibus libri primi, à primis Philosophis ἄλλω σωματικῶς materiam corpoream, à Pythagoreis & Platone ἀσώματον, incorpoream constitui: Et rursus ibidem decimo septimi, item sexto octavi duplicem ἄλλω, τὸ μὲν αἰσθητὸν, τὸ δὲ νοητὸν, materiam aliam quidem sensibilem, aliam intelligibilem: Et omnino ait secundo quarti & tertio undecimi Philosophiæ, αἴτια, sicut opposita & comparata, esse τὰ ὄντος πρῶτες διαφοραὶ, εἶδη καὶ κατ' αὐτὰ πάθη, entis primas differentias, & species, & affectiones, idemque de omnibus Dialecticæ locis omnino dicendum, ut est octavo capite primi Elenchōn: ὅντοι γὰρ κοινὸι πρὸς ἅπαντα τέχνην καὶ δύναμιν · Hi nanque communes sunt ad omnem artem & facultatem: Ergo ut finis, formæ, efficientis, sic materiæ cōsideratio physicis artibus multo communior & generalior est. Aristoteles primo libro

bro Metaphysicorum colligit antiquorum sententias de materia rerum: Thales Milesius statuebat aquam, quia humor esset, pabulum rerum omnium: Theologi, ut Orpheus & Homerus, Oceanum, Thetyn & Stygen: eadem ratione Anaximenes aërem, quod ex ejus raritate vel densitate, cetera fierent: Heraclitus ignem, quod calor sit fomes omnis naturæ: Hesiodus chaos, id est rudem & indigestam materiam, ex qua res omnes procreatæ essent: Pythagorei numerum: Plato magnum & parvum: his enim nominibus materiam designabat, appellans eam magnam, quod esset particeps omnis quantitatis: & parvam, quod per se esset experta omnis dimensionis, ut ait Simplicius: Melissus & Xenophanes, unum, ut cælum infinitum & immutabile, & sibi ipsi simile ac plenum: Quos omnes philosophos Aristoteles irridet ut ἀγριαίτιους, id est agrestiores, & puerorum in cunis balburientium persimiles.

Nam tamen si] Præstantiam excellentiamque causarum sibi finis vindicat, ut est primo capite primi libri de partibus Animalium: dein forma, tum efficiens: materia, omnium postrema est: nam si finis rei constiterit, ceteras esse causas est necesse, non contrā: physicis exceptis, ubi placet Aristoteli finem formæ conjungi: si forma, efficientem & materiam, non contrā: si efficiens, materiam, non contrā: sic videlicet antecedentibus in consequentes suum quodammodo jus est: tamen si in agendo contrā accidit: materia enim sit prius in ædificando, necesse est, quàm architectus ullum opus faciat: forma sequitur efficientem: tandem ædificio utimur, & operis sine fruimur: & sic finis tempore postremus est in rebus artificiosis & voluntariis, non autem in Physicis: iccircoque in Philosophia dicitur de causis, materiam primum, deinde efficientem, tum formam & finem observari cœpisse: & nos ideo illum naturæ ordinem in explicandis causis secuti sumus. *Hic igitur Logica*] Causa, primus Dialecticæ inventionis locus est, unde omnis scientiæ humanæ solida constansque cognitio

demonstratioque depromitur: tum enim veré proprie-
que scire judicamur, cum rei causam, propter quam res
est, & propriam & necessariam agnoscimus: Sic enim
Aristoteles τῷ ἐπισκεδῶν καὶ ἐπιστήμης nomen definit in
Posterioribus secundo capite libri primi, & infinité cæ-
teris deinde libris repetivit: tamen si scientia, cujuscun-
que rei sit, æternæ an caducæ, nihil ad Logicam interest,
tum vera tenetur, cum ejus causæ tenentur: ideoque
quacunque in arte vel dictione verferis, summum λο-
γικῆς ἐνπερίτης finem adeptus sis, cum causas pervide-
ris: tamen quia præstantior æternatum rerum scientia
sit, quàm caducarum, scientiæ quoque nomen illic ha-
betur præcipuum. Ergo memineris ab Aristotele scien-
tiam definiri ex causis æternis & propriis, propter quas
res sit: eamque scientiam dici ab eo διότι καὶ διὰ τι, quâ-
obrem & propter quid: secus é cæteris causis vel qui-
busvis aliis argumentis scientiam quandam secunda-
riâ gigni, eamque dici ὅτι, quia. Quanti veró unus caus-
arum locus Aristoteli fuerit, tam multa de his moni-
menta testantur: In posterioribus Analyticis, in Topi-
cis, secundo Physico, primis primorum de Animalium
ortu & partibus librorum capitibus, & tot jam propo-
sitæ Philosophiæ libris, in quibus veteres philosophos,
ut agrestes & inexercitados ac plané nugatores: ut Dia-
lecticæ deniq; expertes irrisit: οἱ γὰρ πρῶτοι, διαλεκτικῆς
δυνάμειν veteres enim, ait sexto primi Philosophiæ,
Dialecticæ participes non erant: Imó veró tota vetus
illa philosophia, septimo primi Philosophiæ, ei velut
infantula & in primis incunabulis adhuc involuta ψαλ-
λιζομένη δοικαν, balbutire visa est,

E F F E C T U M.

Effectum, est quicquid é causis existit: Hujus
loci sunt laudes & vituperationes, quarum pleni
sunt libri sacri & profani, pleni annales, plena
hominum

hominum vita: Sic Virgilius sexto Æneïdos nomine Romani describit facta veri principis,

*Tu regere imperio populos Romane, memento:
Hæ tibi erunt artes, Pacique imponere morem,
Parcere subjectis, & debellare superbos.*

Huc dicta scriptaque referenda sunt. Pericles & Hortensius bene dicendi laude celebrantur, eodemque argumento Demosthenes & Cicero etiam bene scribendi. Ad hunc etiam locum referuntur consilia & deliberationes, etiam si omnino ad exitum perductæ non fuerint: Parmenio & Philotas imperio Alexandri, morte mulctati sunt, quia conjurationis essent suspecti, ut Curtius & Arrianus meminerunt. De Lentulo & Cethego, aliisque Catilinæ popularibus, Romani senatus judicio supplicium sumptum est. Atque omnino, ut admonuimus causas omnes rerum corporearum & incorporearum communes esse, sic effecta volumus intelligi. Horatius hoc modo commemoratis aliquot ebrietatis causis, ejus effecta describit:

*Quid non ebrietas designat? operta recludit,
Spes jubet esse ratas, in prælia trudit inermem:
Sollicitis animis onus eximit, ac docet artes:
Fœcundi calices, quem non fecere disertum?
Contracta quem non in paupertate solutum?*

Causæ verò cum suis effectis, vicissimque effecta cum suis causis, affinitatem magnam habent: ut non solum ex suis causis effecta disputentur & exponantur, sed etiam ex effectis suis

caussæ: tamen si circulus hic effectorum ad causas, scientiam veram non afferat.

Effectum] Hoc argumentum dicitur in Organo ἀκτιῶν, πρᾶξις, ἔργον, ἐνεργεία, ποίησις, γένεσις: causlatum quasi diceret, actio, opus, actus, effectio, generatio: Latinis effectum vel effectus, eventum vel eventus frequenter appellantur: causlatum si Latinus in hanc sententiam usus pateretur, aptissime diceretur: Idem nomen propriè ad efficientes causas refertur: aliqua tamen ratione cum cæteris etiam causis comparatur: Nam & finis alluciendo, & forma rei naturam constituendo, & materia patiundo etiam ad effectum adhibentur: Itaque effecta de omnibus causis existere possunt: nec verò tantum in præteritis rebus effecta considerantur, sed etiam in his, quas quis facit aut facturus est: ut cum disputatur, quid facturus fuerit Alexander Magnus, si in Italiâ venisset: tum enim effecta Alexandri non præterita, sed futura memorantur. De hoc genere argumenti, Platonis locus sic est in Phædro, τὸ κοῖνον πρὸς φύσεως σκοπεῖ τί ποτε λέγει ἱπποκράτης τὲ καὶ ὁ ἀληθὴς λόγος. ἂρ' οὐχ ὥσθ' χρὴ διανοεῖσθαι πρὸς οὗτον φύσεως; πρῶτον μὲν, ἀπλοῦν ἢ πολυδές ἔστιν, οὐ περὶ βουλευσόμεθα εἶναι αὐτοὶ τεχνίται, καὶ ἄλλους διωματοὶ ποιεῖν. ἔπειτα δὲ εἰάν μὲν ἀπλοῦν ἢ σκοπεῖν πλὴν δυνάμει αὐτοῦ, τίνα πρὸς τι πέφυκεν εἰς τὸ εἶναι ἔχον, ἢ τίνα εἰς τὸ παθεῖν ὑπὸ τοῦ εἶναι δὲ πλείω εἶδη, ταῦτα ἀριθμωσάμενος, ὅπερ ἐφ' ἑνός, τοῦτ' ἰδίαν ἐφ' ἑκάστου τοῦ, τί ποιεῖν αὐτὸ πέφυκεν, ἢ τὸ τί παθεῖν ὑπὸ τοῦ φασκινδυνεύει, ὡς σωκράτης. τῷ ἡγοῦν ἀνευ λόγων μέθοδος, εἰσὶ μοὶ ἂν ὡς περὶ τυφλοῦ περίεα. ἂν μὲν μὴ ἀπεικασθὲν τὸν καὶ τέχνη ματιόντα ὅτι οὐκ τυφλὸν οὐδὲ κωφόν. Socrates in Phædro Platonis, cum medici & oratoris comparationem inducit, De naturæ, inquit, inquisitione quid Hippocrates veraque ratio præcipiat, considera: An non hoc modo natura cujusque rei cogitanda est? Primum quidem utrum simplex ea sit, an multiplex, quam arte percipere & alios docere cupimus: deinde si fuerit simplex, vix ejus consideranda est, quid

& ejus gratia agere: itemque quid & á quo pati possit: Si verò multiplex sit, partibus dinumeratis, in singulis similiter notandum est, quid faciat, & quid illi aliunde accidat. Phæ. Ita videtur o Socrates. So. Absq; his autem disputatio, progressio quædam velut hominis cæci esse videtur: Nec tamen qui aliquid arte tractat & profectur, cæco homini vel surdo cõparandus est. Hujus etiam arguendi locus, variè ab Aristotele repetitus est in Analyticis & Topicis. Hujus argumenti ab effectis exempla sunt, cùm opifices ex operibus, & inventiores ex inventis, & auctiores ex suis factis laudantur aut vituperantur: ut Cicero libro secundo de Natura Deorum ex mundo mundique partibus opificem naturæ inquitit & commendat: & Apelles ex tabulis pictis, Lythippus ex statuis laudem meruit: & populus Romanus ex bellicis factis: Sic Liber pater, quòd docuit emere & vendere: Ceres quòd arare, laudatur: & Assyrii, quòd primi literas invenerunt: & Amphion, quòd Musicam: & Atlas, quòd Astrologiam: & Anaximander, quòd sphæram. Sic Virg. sexto Æneidos, cùm in persona Aeneæ optimum Reipub. civem instituit, conversus ad Romanum principem, breviter ejus facta describit. *Huc dicta scriptaque*] Dicta, sunt eorum á quibus dicuntur, & scripta, eorum á quibus scribuntur, facta quædam: Ut Pericles Atheniensis ex bene dictis laudatus est, ob idque in ejus labris Pytho persuasionis deam sessitasse ajunt: Ex eodèmq; genere laudatus Hortensius orator Romanus: scripta tamen illius nulla, ut ait Cicero: hujus verò multò infra famam: Demosthenes & Cicero utraque laude præstiterunt, bene & dicendi & scribendi. *Ad hunc locum*] Consilia laudantur aut vituperantur, tanquam rectè aut malè facta deliberantium. Parmenionem reum conjurationis Cleander primum jussu Alexandri Magni percussit, deinde milites exanimem confodetunt: Curtius libro septimo. Philotas, cum multis aliis, qui in suspicionem conjurationis venerant, dato signo saxis obrutus est: Curtius li-

bro sexto. *Eodemque argumento*] Consilium conjurationis describitur prima oratione Ciceronis in Catilinam: deprehensio, oratione tertia: supplicia conjuratorum in historia Sallustii. *Atque omnino*] Omnes dialecticæ præceptiones sunt omnino generales & communes rerum omnium, nec ad res physicas vel alias unius generis tantum, sed ad omnes omnino attinent. *Horatius*] Cum Horatius aliquot ebrietatis causas narrasset, ut curas omnes abjicere, convivio splendido interesse, optima vina effusæ ac largè potare, ebrietatis effecta subjungit, quæ sunt, areani significatio, spes, audacia, gaudium, opinio doctrinæ, garrulitas, vacuitas à curis. *Causæ verò*] Causarum & effectorum cognatio magna est: præcipua tamen scientia est *dicti* ab Aristotele nominata, & tertio capite primi Posteriorum reprehenditur in vera & scientifica demonstratione, circulus effectorum, unde causæ doceantur: tametsi potest, accidere, ut eadem iisdem vicissim effecta sint & causæ, fiantque circulo, ideoque circularis sit eorum & mutua demonstratio, ut terra madefacta gignitur vapor: hinc nubes, unde pluvia, qua demum terra madescit, ut Aristoteles ait decimo tertio capite secundi Posteriorum.

SUBJECTUM.

Subjectum, est cui aliquid adjungitur: Sic anima, est subjectum scientiæ, ignorantia, virtutis, vitii: Corpus, magnitudinis, parvitat, sanitatis, morbi, roboris, infirmitatis, pulchritudinis, deformitatis: Homo, subjectum est divitiarum, paupertatis, honoris, infamiæ, vestitus, comitatus: Locus, est subjectum rerum in eo sitarum, quo modo Physici studiosè considerant rerum naturalium locum, ignis, aëris, aquæ, terræ, tempestatum, metallorum, plantarum, arborum,

rum, animalium: Quod propriè à Virgilio observatum est in Georgicis, dum suis quemque propositis rebus locum persequitur, ut segetibus, arboribus, vitibus, pascuis:

*At prius ignotum ferro quàm scindimus æquor,
Ventos & varium cæli pradiſcere morem
Cura ſit, ac patrios cultusque habitusque locorum:
Et quid quæque ferat regio, & quid quæque re-
cuſet,
Hic ſegetes, illic veniunt felicius uvæ:
Arborei fœtus alibi, atque injuſſa viſcunt
Gramina. —*

Sic color eſt ſubjectum viſus, ſonus ſubjectū auditus, quia hi ſenſus in hiſ ſenſilibus occupantur & exercentur: Atque hoc argumēto virtutes & vitia declarantur in Ethicis, temperantia & exuperantia, voluptate: magnanimitas & animi timiditas, periculo: liberalitas & avaritia, pecunia: Ejuſmodi ſubjecto Cicero ſecunda Agraria diſputat, inter Căpanos nullā contentionem eſſe, quia nullus ſit honor: Nō gloriæ cupiditate efferebantur, propterea quod ubi honos publicē nō eſt, ibi gloriæ cupiditas eſſe non poteſt: non contentione nec ambitione diſcordes: nihil enim ſupererat, de quo certarent: nihil quod contra peterent, nihil ubi diſſiderent. Eodem argumēto à Propertio dictum eſt:

Navita de ventis, de tauris narrat arator:

Enumerat miles vulnera, paſtor oves.

Senſu] Ariſtoteles ſubjectum generaliter etiam appellat ὑποκειµένον, ſive ſubſtantia ſit, ſive quidvis aliud, cui

aliquid præter suas causas adjungitur: itemque *Ἀκτι-
κόν*, ut in Topicis, quod sit quasi receptaculum adjun-
ctorum: ut anima, subjectum est virtutum & vitiorum,
scientiæ & ignorantia; quia hæc insunt in anima: cor-
pus, subjectum est quantitatis, quia quantitas est in
corpore: itemque multarum qualitarum, quæ huic ad-
junguntur, ut sunt sanitas, morbus, pulchritudo, defor-
mitas; & sic homo subjectum est divitiarum & pauper-
tatis, quia hæc insunt in homine, unde dives aut pau-
per dicitur. *Locus*] Locus, est subjectum rerum in eo
situarum, quia res ipsas in se capit & continet: & usum in
differendo non infrequentem habet, cum res ex suis
quæque locis sæpe describantur: Exemplum hic est ex
primo Georgico Virgilii. *Aristoteles*] Secundum genus
subjecti, circa quod res quæpiam occupatur & versatur,
ab Aristotele declaratur. Aristoteles in Philosophia
quinto capite quarti sic appellat *τὰ ὑποκείμενα, & ποιῶν
τὸ αἰσθῆναι*, subjecta, quæ faciunt sensum: Sic in explican-
dis sensuum facultatibus quid cuique subjectum sit,
docet, ut visui color, auditui sonus, odoratiui odor, gu-
statui sapor, tactui calor, frigus, humor, siccitas, & mul-
tæ aliæ qualitates. Ex hoc genere est illud quoque poë-
ticum,

— *Vocemque his auribus hausi.*

Atque hoc argumento] Virtutum & vitiorum subjecta
ab Aristotele tractantur capite septimo de Moribus: ut
fortitudo in periculis, temperantia in voluptatibus, libe-
ralitas in pecuniis, magnitudo animi in honoribus, cle-
mentia in ira, veritas in dictis & factis, justitia in iure
cuique tribuendo. versetur: in iisdemque contraria vi-
tia, sed infra aut supra modum occupentur: Tale est ex-
emplum pro lege Manilia: Non enim solæ sunt illæ vir-
tutes imperatoriæ, quæ vulgò existimantur, labor in
negotio, fortitudo in periculis, industria in agendo, ce-
leritas in conficiendo, consilium in providendo.

ADJUN-

ADJUNCTUM.

Adjunctum, est quod subjecto adjungitur: pro eodem, circumstantia dicitur: Sic animi corporisque bona & mala, eorum adjuncta dicemus: sic qualitates adjunctæ, ita propriæ ut uni & soli subjecto conveniant, sunt ejus adjuncta vel circumstantiæ: ut risus, est adjunctum hominis: hinnitus, equi: latratus, canis. Atque ejusmodi propria circumstantia per se, & sua natura, nulla intermedia causa inest in suo subjecto: Eorum inter se conjunctio, est modo quodam essentialis. Argumento igitur adjunctorum Fannium Chæream adversarium Cicero pro Roscio Comædo cavillatur: Nónne ipsum caput & supercilia illa penitus abrasa, olere malitiam & clāmitare calliditatem videntur? nónne ab imis unguibus usque ad verticem summum, (si quam conjecturam affert homini tacita corporis figura) ex fraude, fallaciis, mendaciis constare totus videtur? qui iccirco capite & superciliis semper est rasis, ne pilum ullum viri boni habere dicatur. Sic Martialis secundo libro Zoilum ludit:

Crine ruber, niger orē, brevis pede, lumine luscus:

Rem magnam præstas, Zoile, si bonus es.

Sic vestitus & comitatus, res adjunctæ sunt: quo circumstantiæ genere Dido venatum proficiscens, magnificè quarto Æneidos pingitur:

Oceanum interea surgens aurora reliquit.

Is portus Jubare exorto delecta juvenus:

Retia rara, plagæ, lato venabula ferro:

Maſſylque ruunt equites, & odora canum viſ:
 Reginam thalamo cunctantem, ad limina primi
 Pænorum expectant: oſtroque inſignis & auro
 Stat ſonipes, ac frena ferox ſpumantia mandit.
 Tandem progreditur magna ſtipante caterva,
 ſidoniam piſto chlamydem circundata limbo:
 Cui pharetra ex humero, crines nodantur in aurū:
 Aurea purpuream ſubnectit fibula veſtem.

Connexio autem ſubjectorum & adjunctorum, ea ferè eſt, quæ cauſarum eſt & effectorum, ſubjectumque præcipuè proprium, eſt adjuncto ſuo, ratione, intelligentia, natura prius. Attamen quânto circumſtantiarum copia maior eſt, tantò frequentior earum eſt uſus: Et quanvis ſingularia adjuncta minoris ſint ponderis & argumenti: attamen multa, magnas vires habèt, quemadmodum de ejuſmodi ſignis ait Ovidius ſecundo de Arte amandi:

*Forſitan hæc aliquis (nam ſunt quoque) parva
 vocabit:*

Sed quæ non proſunt ſingula, multa juvant.

Ariſtoteles ὑποκείμενον & ſυμβεβηκός frequenter opponit: Cicero & Quintilianus Latine adjunctum vel cō-
 junctum appellant: Quintilianus etiam capite decimo libri quinti, circumſtantiz nomine in eadem re utitur, cū interpretatur non περιουσίαν, ſed quod idem valet, περίσσειαν, licet ipſe generalem & communem circumſtantiarum uſum nesciverit. Accidētis porrò nomen aliàs Ariſtoteles ipſe, ut in Philoſophia 30. cap. 5. lib. & 1. 6. & 7. 11. facit αὐτόματον, ἀόριστον, ἀπείρον, ἄτακτον, fortuitum, infinitum, inordinatum. Aliàs hoc nomen ſignificat & effecta & adjuncta & comparata, ut in Topicis Ariſtoteleis:

teleis: Itaque ambiguitatis tollendæ gratia, meliùs adjunctum vel circumstãtia appellabitur. Quia separatim effecta tradita sunt, & modo adjuncta separatim traduntur: denique comparata etiam separatim tradentur.

Sic qualitates] Huc pertinet quod à Græcis dicitur ὁ ἰδιὸν, proprium, id est propria & penè essentialis affectio, quæ rei subjctæ sola & semper inest, ut homini ὁ μελαγχολικόν, natum esse ad risum: sic in leone propria affectio cernitur rugiendi, in tigre raurandi, in urso uncandi, &c.

Modo quodam essentiali] Aristoteles docet quarto capite primi posteriorum Analyticorum, subjectum proprio essenziale esse; & in ratione, quid est dicente & indeque propositiones per se fieri: Qua de re lege nonum librũ Animadversionum Aristotelicarum. *Hoc argumento*] Cicero jocatur in Chæream hominem fraudulētum ex habitu corporis, quòd sit rarus. Tota Physiognomorum ars & doctrina in hoc argumenti genere versatur: quæ nihil aliud est, nisi divinatio de affectibus animorum ex adjunctis corporis, ut colore, habitu, figura, lineamentis, ex quibus probabilem aliquam conjecturã de moribus hominum facimus: ut Zopyrus Socratem stupidum dixit esse & bardum, quòd jugula concava non haberet: addidit etiam mulierosum: In quo Alcibiades cachinnum dicitur sustulisse. Et Maximinus imperator ob insignem & portentosam magnitudinem pro bardo est habitus. *Crine ruber*] Martialis ex quatuor adjunctis corporis cõjicit Zoilum esse hominem malum. Sic Astrologi de pluvia, tempestate, serenitate, & cæteris aëris affectionibus augurantur, ut:

— Vento rubet aurea Phæbe.

Et Medici partem suæ artis σμικροτικὴν appellant, quæ de signis morbi aut sanitatis disputat. *Dido*] Virgilius quarto Aeneidos describit Dido reginam Carthaginensium, quæ se manè adornet ad venationem: primùm ex circumstante comitatu juvenum, retium, equitum, canũ, sonipedis: deinde ex circumstante habitu & ornatu corporis, chlamyde, pharetra, corymbo, fibulis: Ejus quoq;

generis exemplum est actione septima in Verrem: Stetit soleatus Prator populi Romani cum pallio purpureo tunicaque talari, muliercula nixus in littore. Subiecta autem & adjuncti doctrina à veteribus philosophis non solum præceptis penè confusa est, sed uno ferè tantum nomine τῷ συμβιβηκότῳ appellatur. Platonis locum antea ex Phædro citavimus: Aristoteles cum aliis, tum in Topicis libris secundo & tertio, accidentis simplicis & còpositi disputationē atque disquisitionem exposuit.

OPPOSITA.

Opposita, sunt quæ de eodem, secundum idē, & ad idem, & eodem modo, & eodem tempore dici, & verè affirmari non possunt. Sic Socrates albus & ater non potest eadem parte esse pater & filius ejusdem, dives & pauper eodem modo, sanus & æger eodem tempore: At albus esse potest alia parte & ater alia, pater hujus, filius illius, spe dives, re ipsa pauper, sanus hodie, cras æger: Atque opposita, sua natura sunt inter se æquē nota, attamen alterum alteri oppositum clariùs elucescit. Opposita, sunt contraria aut repugnantia. Contraria, sunt opposita, quæ plurimū differunt unum ab uno. Còtraria, affirmata sunt aut negata: Affirmata, relata aut adversa.

*Opposita*¹ Oppositorum definitio ex quarto capite primi Elenchorum deducta est, ubi definitur elēchus ejusmodi conditionibus, *περὶ τῷ αὐτῷ, καὶ κατὰ τὸ αὐτὸ, καὶ πρὸς τὸ αὐτὸ, καὶ ὁ αὐτὸς, καὶ ἐν τῷ αὐτῷ χρόνῳ*, quod sit ejusdem & unius non nominis, sed rei, secundum idem, & ad idem, & similiter, & eodem tempore: Quæ omnia sunt in generali & communi oppositorum definitione servanda: Sic Aristoteles in Philosophia decimo capite quinti,

quinti, ἀντικείμενα, opposita generaliter definit, ὅσα μὴ ὁπλίχεται ἅμα παρῆναι ἀμφοῖν δεκτικῶ, quæcunque non accidit simul esse amborum susceptivo: nec interest essentia sint per se consistentes, necne: Sic enim generaliter decet omnia Logicæ artis præcepta describi: & Aristoteles hac generali ratione generationem & corruptionem, fuscum & album, hominem & equum dicit ἀντικείμενα. Atque opposita] Aristoteles secundo capite quinti Topici, & tertio sexti docet oppositum æqualiter suo opposito notum esse: τὸ μὲν γὰρ ἀντικείμενον ἅμα τῇ φύσει, oppositum siquidem natura simul est: id est, ut jam dixi, suo opposito æquè notum: Et quanvis ad rem accuratè demonstrandam oppositum non multum valeat, valet tamen maximè ad refellendum quidpiam, & ex alterius oppositione diligentius considerandum: nec immeritò celebratum est illud axioma secundo & decimo septimò capitibus tertii Rhetorici: παράλληλα τὰ ἐναντία μάλιστα φαίνονται. contraria juxta se posita maximè elucere. Opposita] Oppositorum sic generaliter acceptorum species duæ sunt, contraria & repugnantia: Aristoteles istam tam perspicuam distinctionem non habet, sed oppositionis, id est generis nomine vocat primam illam speciem: Res autem distinctæ sunt, & melius distinctis nominibus docentur: & Cicero latinè primam illam speciem, contrariorum nomine nuncupat.

Contraria] Contraria definiuntur opposita, quæ plurimum differunt unum ab uno, ut bonum à malo, pater à filio, videns à cæco, justum à nō justo: quæ definitio approbatur ex Alcibiade secundo Platonis, ubi Socrates ita loquitur: καὶ μὲν δύο γε ὑπεναντία οἱ πράγματι πῶς ἀντίαι. ὁ νοθεύων. So. Quinetiam duo uni rei contraria esse qui possunt? Al. nullo modo. Eadem definitio colligitur ex variis locis librorum Aristotelis. In quo tamen Aristoteles probari non potest, cum generalem hanc affectionem & omnium oppositorum communem, non generaliter, ut ipse jubet, exposuerit, sed iteraverit per species, ut postea demonstrabo. Contraria] Aristoteles

in Categoriis decimo capite, & in Topicis tertio capite secundi, & quarto quinti, & in Metaphysicis libris quinto, & decimo, quadripattitam divisionem contrariorum facit: Sed commodius & facilius res ipsa percipietur, si primùm duo genera proponantur, deinde singulis suæ species subjiciantur: tum enim illustrior & clarior exister doctrinæ ratio. Contraria igitur sunt affirmata aut negata: Affirmata item duorum generum, relata videlicet & adversa.

R E L A T A.

Relata, sunt contraria affirmata, quorum essentia mutua est: ut pater, qui filium habet, & filius, qui patrem habet: ideoque quoniam contraria hæc mutuò se perpetuò respiciunt, natura simul sunt: ut si perfectè alterum noveris, reliquū quoque noveris: Itaque hæc ratio contrarium nihil efficit, quin argumentum é mutuis causis ostendit: ut, Sum tuus pater, tu es igitur meus filius: At cū dico, Sum tuus pater, nō igitur tuus filius, tum relata hæc non tractantur ut causæ mutua, sed ut contraria: attamen relata omnia ita contraria sunt, ut medio non careant: Nam inter patrem & filium intermedius est, cui nec pater, nec filius est.

Relata] Hæc ab Aristotele appellantur τὰ πρὸς τι. á Cicerone in Topicis, quæ cum aliquo conferuntur: aliàs etiam relata, quorum proprium est ἡ πρὸς ἕτερον ἀναφορά, καὶ τὸ πρὸς ἀντιθέποντα λέγεσθαι, ad alterum relatio, & inter se converti, id est sese mutuò & vicissim definire: ut pater filii pater, filius patris filius: quod aliis contrariorum generibus non simul convenit: non enim bonum dicimus mali bonum, aut contrá: nec bonum, non

non boni bonum. Aristoteles τὰ πρὸς τι definit in Categoriis septimo capite, sed λόγὲ difficultus & obscurius ὅσα αὐτὰ ἄπὸ ἑστίν, ἰτέρων εἶναι λέγειται, ἢ ὅπως οὖν ἄλλως πρὸς ἑτέρον. quæcunque ipsa quæ sunt, aliorum esse dicuntur, vel quomodolibet aliter ad alterum. Priore parte definitionis comprehendit verè relata, quæ se mutua relationis effectione complectuntur: posteriore, relata communiter etiam & improprie appellata, quæ sine mutua relatione definiri possunt, ut cum vulgò dicitur, scientia, alicujus esse scibilis, impropria relatione utimur, quia scientia sine suo relato potest definiri. *Ideoque*] Proprium relatorum est ἅμα φύσει εἶναι, simul natura esse: Nam simul atque pater est, filium habet: si filius obierit, patris qualitas jam perit, quod in cæteris oppositis nequaquam est: nec enim eorum essentia simul & oritur & interit, licet eorum notitia sit æqualis & simul natura, quod jam dictum est: Itaque si quis relatorum alterum εἰδῇ ὁρισμένως, noverit definitè, & reliquum definitè noverit. Pyrrhonii in ἀρεταλικῆς, incomprehensibilitatis argumentis, relata ponebāt & ignota esse dicebant, cum viderent alterum altero nihilo notius esse; & tamen alterius definitionem ex altero pendere: Vide Laërtium libro nono in vita Pyrrhonis. *Itaque hæc*] Relata nomine nullam dissensionem faciunt, sed consensionem potiùs: opposita tamen efficiunt: Nam cum patris qualitas (nec enim τὰ πρὸς τι δοκῶσιν ὁυσίαν σημαίνεσθαι, ad aliquid videntur essentia significare, ut est in Philosophia libri quinti capite tertio) quædam tibi occurrerit, protinus in hac relationis specie filius oppositus occurret: Sum tuus pater: non igitur tuus filius: Sum tuus dominus, nō igitur tuus servus: Et hac qualitate, relata sunt opposita. In hac specie oppositionis Aristoteles statuit generalem illam oppositorum legē, quod relatio sit ἐνὸς πρὸς ἓν, unius ad unū (ut est 6. cap. 4. in Philosophia) *Attamen*] Relata sic opposita sunt, ut medium tamen habere possint: Nam inter patrem & filium, medius est, cui nec pater nec filius vivit: inter dominum & servum,

liber: Illud autem medium relatis extremis relatum nō est: Imō verō nē contrarium quidem illis est: Nam medius inter patrem & filiū, nec patri nec filio opponitur.

A D V E R S A.

Adversa, sunt contraria affirmata, quorum essentia distincta est, ut candor & nigror: candor, est color disgregans visum: nigror, est color congregans visum. Sic bonum & malum, calidū & frigidum, virtus & vitium opponuntur: attamen, habent partim medium, ut album & nigrum, quorum sunt intermedii colores, viridis, cinericius, ruber: partim medium non habent, ut libertas & servitus. Tibullus secundo libro:

Sic mihi servitium video dominamque paratam;

Tu mihi libertas illa paterna, vale.

Adversa] Cicero in hac significatione, adversorum nomine utitur, quem vitandæ confusionis gratia, sequi licebit: In scholis contraria dicuntur: at hoc generale nomen est: Definiuntur autem contraria affirmata, ut hac parte definitionis distinguantur à privantibus & contradicentibus, de quibus mox dicemus: deinde additur, quorum essentia distincta est, ut à relatis separentur, quorum essentia est mutua: sic igitur candor & nigror, adversa sunt, quia utrunque est affirmatum: & essentiae rationem distinctam habent, id est alterum in alterius definitionem non adhibetur: Aristoteles in Categoriis paulo confusius definit: quæ Aristotelica definitio potest in relata quadrare. Atque in hac etiam specie repetit Aristoteles generalem illam oppositorum effectiōnem, ut est in Philosophia quarto capite libri dicimī: φανερόν ὅτι οὐκ ἐνδέχεται οἱ πλείω ἐναντία εἶναι. οὐτε γὰρ τῷ ἐχάτου ἐχαιώτερον εἶναι ἂν τι· οὐτε τῷ σόος διασήματα πλείω δυοῖν ἐχάται. Planum est fieri non posse, ut uni plura sint adversa:

adversa: neque enim ultimo ulterius quicquam fuerit, neque unius distantiae plures duabus extremæ possunt esse. Nec verò inter virtutem, τὴν ὑπερβολὴν καὶ τὴν ὀλιαν, exuperantiam ac defectum, oppositio vera est, ut videtur Aristoteles dicere aliquando in Categoriis capite decimo, & in Topicis capite tertio secundi: sed repugnantia: Nec enim plurimùm differunt, sed de duobus extremis alterum magis differt à medio, quàm reliquum: ut avaritia magis differt à liberalitate, quàm effusio, sicut Aristoteles ipse docet octavo capite secundi ad Nicomachum: ut potiùs duo vitia sint inter se adversa, quorum commune genus ἀνώνυμον, sit liberalitati contrarium. Attamen] Adversa, ut est decimo capite Categoriarum, vel habent medium, ut album & nigrum habent rufum, & dicuntur ἀνὰ μέσον καὶ ἑμμέσας: vel carent medio, ut sanum & ægrum, & dicuntur ἀνέν μέσῳ καὶ ἄμεσας. ut libertas & servitus: Sic Tibullus conqueritur se non esse liberum ab adversis ita conclusis.

Servus sum:

Non igitur liber.

PRIVANTIA.

Contraria negata sunt, quorum alterum continet alterius negationem: eaque, privantia, aut contradicentia. Privantia, sunt contraria negata, quorum alterum est habitus, alterum habitus privatio: ut visus, est habitus: cæcitas, ejus privatio in homine aut animante alio, in quo visus & cæcitas inesse possit: Ideoque privatio & habitus versantur in eodem. Sic pauper & dives opponuntur apud Martialem libro quinto:

*Semper eris pauper, si pauper es, Æmyliane,
Dantur opes nullis nunc, nisi divitibus.*

Contraria generis hujus nihil habent tertium neque medium, si alterum insit á natura, sic vita & mors sine medio sunt.

Contraria negata] Expositis contrariis affirmatis, sequuntur negata, quorum alterum continet alterius negationem, ut cæcitas, continet negationem visus, & non justitia, negationem justitiæ. Dividitur hoc genus in duas species, unam privantium, alteram contradicentium. *Privantia*] Hæc ab Aristotele *σπριτική*, id est privantia dicuntur, á privatione, parte altera oppositionis, cui opponitur *ἔστι*, id est habitus, *καθ' ὃν τὸ ἡγεῖσθαι δάκειν τὸ δακείν* quod bene aut malè afficitur affectum, ut scribit Aristoteles capite vicesimo libri quinti Philosophiæ: ut visus, est affectio, qua bene afficitur oculus: ebrietas affectio, qua malè afficitur homo. Cæcum dicimus, quod privatum est facultate videndi eo tempore, quo videre naturaliter possit: qua significatione talpa, cæca dici non potest, quia suapte natura non est capax visus: & si quando cæca dicitur, improprie dicitur: Homo verò privatus oculorum lumine, proprie cæcus appellabitur: quod confirmat Aristoteles in Philosophia vicesimo secundo capite libri quinti. *Sic pauper & dives*] Pauper, nomen est privationis: dives, habitus; & sic Martialis disputat:

Soli divites ditefcunt;

Non igitur pauper dives esse potest.

Contraria generis hujus] In veré & proprie privantibus nihil est medium, ut inter mortem & vitam nihil tertium interjacet, in his rebus, quæ vitæ participes esse possunt: Et hæc opposita de re singulari, cui alterú possit attribui, verum & falsum semper dividunt: ut Socrates mortuus est: nō igitur vivit. aut, Vivit Socrates: non igitur est mortuus.

CONTRADICENTIA.

Contradicentia, sunt contraria negata, quorum

rum alterum ait, alterum negat omnino idem:
 ut, Justus, non justus: Animal, non animal: cæ-
 cus, non cæcus: morbus, non morbus sunt con-
 tradicentia, & ubique contraria hæc medio ca-
 rent: Sic contradicuntur sententiis Catonis & Ci-
 ceronis, illius Stoici, hujus Academici: Dialogus
 est his verbis pro Muræna: Nihil ignoveris: Imò
 aliquid, non omnia. Nihil gratiæ causâ feceris:
 Imò ne resistito gratiæ, cū officiū & fides postu-
 labit. Misericordia cōmotus ne sis: Etiā in dissol-
 venda severitate: sed tamen est aliqua laus huma-
 nitatis. In sententia permaneto: Enimvero nisi
 sentētia alia vicerit melior. Martialis primo libro:

Bella es, novimus, & puella, verum est:

Et dives, quis enim potest negare?

Sed dum te nimium Fabulla, laudas:

Nec dives, neque bella, nec puella es.

Exige contradictionem, sic:

Fabulla bella est,

Fabulla bella non est:

Fabulla puella est,

Fabulla puella non est:

Fabulla dives est,

Fabulla dives non est,

Atticus Epicureus affirmabat mortuos ni-
 hil esse, ideoque miseros esse: Hoc argumento
 Cicero cum cogit prima Tusculana confiteri,
 mortuos miseros non esse quia contradictio se-
 queretur, idem esse & non esse. Jam mallet,
 ait Cicero, Cerberum metueres, quàm ista tam

inconsideratè diceret. Att. Quid tandem? M. Quem esse negas, eundem esse dicis: ubi est acumen tuum? cum enim miserum esse dicis: tum qui non sit, esse dicis. Tandem post longam disputationem Atticus ait: Agè, jam concedo non esse miseros, qui mortui sunt, quoniam extorsisti ut faterer, qui omnino non essent, cos ne miseros quidem esse.

Contradicentia] Contradicentia definiuntur sæpe & in Organo & in Philosophia, affirmatio & negatio: sæpe etiam ex altera parte, ἀποφατικῶς, negantia: Simplicium autem partium ut causarum, facta, subjecta, adjuncta, relata, adversa, privantia, sic negantia per se considerantur: Aristoteles tamen in Categoriis & Interpretatione, primo & tertio capite primi libri, negat hic affirmationem & negationem esse, sed velut affirmationem & negationem appellat: & si nomina sint eorum symbola, vocat ὄνομα ὁριστὸν καὶ ἀόριστον· nomen finitum & infinitum: Si verba, ῥῆμα ὁριστὸν καὶ ἀόριστον· verbum finitum & infinitum: atque sic utrunque communiter definit, ὅτι ὁμοίως ἐπ' ὧτων οὖν ὑπάρχει καὶ ὄντος καὶ μὴ ὄντος· quod similiter in quolibet est & ente & non ente: quia de quo iustum non dicitur, non iustum dicitur: & de quo sedet non dicitur, de eo non sedet dicitur. Quavis privatio intelligatur per negationem habitus, aliud tamen est privatio, aliud negatio: Illa siquidem certi cuiusdam generis & subjecti propria est, & tantum significat aliquid non inesse in re, in qua natura inesse possit: hæc communiter significat quicquid non est in re affirmata. Itaque negatio latius patet, quam privatio: Solum enim animal particeps visus, potest dici cæcum, quando privatur naturali facultate videndi: at verò non solum animal dicitur non videns, sed domus, sed vestis, sed res aliæ infinitæ. Quare hæc negatio (non videns) non respicit certum aliquod & proprium subjectum; at privatio

tio hæc (cæcum esse) circa proprium & certum subje-
 ctum versatur . *Et ubique*] Hæc contradicentium
 lex traditur in Categoriis capite decimo : ἐπὶ μόνων
 μὲν τῶν ἀναγκαῖον αἰεὶ τὸ μὲν ἀληθὲς , τὸ δὲ ψευδὲς αὐτῶν
 εἶναι . In solis enim his necesse est semper alterum ve-
 rum , alterum falsum esse . Nomen ἀντιφάσεως , con-
 tradictionis hic proprium est : nam φαῖναι , ἀποφαῖναι , φά-
 σις , ἀπόφασις : negare , affirmare , negatio , affirmatio , cō-
 munita symbola sunt : & propriè φάσις est , cūm affirma-
 tur : ἀντιφάσις , quando negatur contrā : Ἀντίφασις etiam
 partem ἀντιφάσεως sæpe significat : ac sæpe Aristoteles
 ἀντιφάσεως nomen communiter accipit pro omni affir-
 mationis & negationis oppositione : hic igitur propriū
 factum est , & ἀντιφάσεως axioma , multis locis apud A-
 ristotelem citatū : ἅπαν ἢ φῆσαι ἢ ἀποφῆσαι ἀληθὲς : quid-
 libet affirmare aut negare verum , ut est secundo capite
 primi Posteriorum , ad hanc solam oppositionem atti-
 net . Sunt verò ἀποφατικά Aristoteli , oppositorum om-
 niū maximè opposita duabus de causis : prima est quar-
 to capite secundi de Interpretatione , quia negatio est
 ἐναντιωτέρα , magis opposita affirmationi , quàm oppositi
 affirmatio : ad eam siquidem oppositi affirmatio revo-
 catur : Nam privatio , quædam negatio est , negatio nem-
 pe habitus in suo subiecto , ut est in Philosophia quar-
 to capite decimi : Et ἐ contrariis alterum reliqui priva-
 tio est , ut dissimilitudo similitudinis , vitium virtutis ,
 nigror alboris , ut est ejusdem libri capite secundo . De
 relatis idem fortasse , quatenus non exprimat , Aristote-
 les vult intelligi , ut servitus , privatio quædam sit domi-
 natus : Secunda causa est , quòd hæc sola opposita , in re
 qualibet immediata sint , nec medium admittant : Quid-
 libet est aut non est : Scholastica ramen ista subtilitas vi-
 detur , & Aristotelis etiam legibus cōtraria , qui dicit ge-
 nus huic vel illi speciei non magis & minús , sed æqua-
 liter attribui : qua doctrina , relata , adversa , privantia ,
 contradicentia , neque magis , neque minús opposita di-
 centur . Qualis contradicentium tractatio sit & dispositio

tio ad judicandum dicitur secundo libro, inventio tantum hic docetur. Aristoteles hic etiam in primis illam generalem oppositorum naturam repetit, unicam nempe affirmationem unicæ negationi opponi (ut est in libro de Interpretatione. Quare (ut demonstravimus) per species vitiosè declaratur ab Aristotele, quod initio generaliter erat explicandum. Verum præ cæteris contrariorum generibus contradicentium genus à philosophis disputatum est. Aristoteles in Philosophia tertio & quarto libris axioma contradictionis, Quodlibet affirmare aut negare verum, tanti fecit, ut principium principiorum omnium constituere non dubitavit. At Heraclitus utranque partem contradictionis veram esse censebat, quia nihil nisi verum dici posset: Anaxagoras inter verum & falsum, aliquid medium posuit: cum tamen nihil inter ens & non ens interjectum sit: Antisthenes dicebat nihil posse dici, nisi propria oratione: unde efficeretur, ut non liceret ἀντιλέγειν, contradicere, nec omnino mentiri, quia non propria oratione res tum diceretur: At cum res falsa pronuntiatur, oratione contrarii dicitur: Anaxagoras dicebat μίχθαι πᾶν ἐν παντί, mistum esse quodlibet in quolibet: & quales res quisque putaret, ei tales esse: quo uno faciebat πάντα ψευδῆ, omnia falsa: Heraclitus omnia in perpetuo motu & fluctu statuerebat, ut δις τῷ αὐτῷ ποτὶ μὴ ἔμβῃναι, bis in eundem fluvium ingredi equus non possit: omniaque & esse & non esse: quo uno faciebat ἅπαντ' ἀληθῆ, cuncta vera: Cratylus etiam Heraclitum carpebat: Imò verò, dicebat, ne semel quidem eundem fluvium ingredi equus potest: Itaque eò redierāt, ut censeret loquendum non esse, quia rerum natura antè mutaretur, quàm oratione pronuntiati posset: ἀλλὰ τὸν Ἀέκτυλον ἐκίνησε μόνον, sed digitum movebat tantum: Democritus κενὸν καὶ τὸ πλήρες, vacuum & plenum in quolibet ponebat: & hoc ens, illud non ens appellabat: nihilque verum esse dicebat, aut certè nobis incertum: Protagoræ sententia est, ἀνθρώπος ἔστιν ἀπάντων χρημάτων μέτρον. Homo,

Homo, est omnium rerum mensura: Itaque, quod ei videtur & apparet, verum est: contrarium, est falsum: Contra quos omnes Aristoteles disputat in libris de Philosophia.

R E P U G N A N T I A.

Repugnancia, sunt opposita, non maximè tamen differentia unum ab uno, sed unum à pluribus: Duorum contrariorum interdum aliquid medium est: nec tamen iis est contrarium, sed repugnans: ut viride, cinericium, rubrum, media sunt inter album & nigrum, quæ singula extremis & inter se repugnantia sunt: Sic liberalitas, effusio, avaritia, inter se repugnant: nec enim liberalitas & effusio maximè differunt, cum avaritia & effusio magis differant: Imò vitium, quod horum specialium vitiorum genus est, magis à liberalitate differt: ut par magis opponitur impari, quàm majori & minori, quæ partes sunt imparis: Sic homo, arbor, lapis, & ejusmodi res infinitæ repugnant: nec eadem res potest esse homo, arbor, lapis. Virgilius primo Æncidos hoc argumento disputat:

*O quàm te memorem virgo! nanque haud tibi
vultus*

Mortalis, nec vox hominem sonat: o dea certè!

Repugnancia] De oppositis contrariis & eorum generibus hætenus, veniamus ad repugnancia, quæ faciunt alteram speciem oppositionis: hæc tantum definitione explicantur & exemplis, partitionem nullam capiunt: Repugnancia igitur definiuntur negatione contrarium, quæ quidem differunt maximè unum ab uno duntaxat, sicut in contrariis ostendimus: Repugnancia au-

rem minús inter se dissident, quia inter se nec certa lege, nec certo numero dissident: quæ definitio quatuor exemplis declaratur: primum est de mediis inter album & nigrum coloribus, qui & inter se & cum suis extremis collati, repugnant. *Sic liberalitas*] Secundum sumitur ex secundo Ethico Aristotelis ad Nicomachum filium, capite octavo, ubi hæc contraria vocantur ab Aristotele significatione quadam liberiore & minús distincta: sed tamen interim hoc theorema ethicum proponitur, extrema videlicet magis inter se opposita esse, quàm ad medium collata: qua ratione effusio & avaritia magis repugnant, quàm effusio & liberalitas, vel avaritia & liberalitas. *Sic homo*] Tertium exemplum physicum est & de rebus physicis, quarum plures idem esse non possunt, sed tamen certa dissensionis lege non opponuntur, ut homo, lapis, arbor, aqua, terra, ignis, aer, cælum, &c. *Virgilius*] Quartum exemplum poeticum est, ubi Aeneas apud Virgilium disputat Venerem, quæ Spartanæ virginis habitum simulabat, deam tamen esse; Argumentum sumitur à repugnâtibz: Virgo non est mortali vultu, nec humana voce: Dea igitur est.

COMPARATA.

Comparata, sunt quæ inter se conferuntur: Ea sunt in quantitate aut qualitate: quantitas autem est par vel impar.

Comparata] Simplicia argumenta in tribus generibus considerata sunt, quorum primum fuit in causis & effectis, alterum in subjectis & adjunctis, tertium in oppositis, superest quartum; simplicis argumenti genus est comparatis: Definiuntur comparata, quæ inter se conferuntur: *συμβλητά* dicuntur in Topicis decimo tertio capite libri primi, ut comparatio ipsa, *σύγκρισις* capite quarto libri primi, & capite quarto libri tertii: quæ definitio facilius intelligetur per partes comparisonis: In
comparatis

comparatis autem duo intelliguntur: est enim res de qua agitur, & quæ ei comparatur: *πρότασις καὶ ἀπόδοσις*, propositio & redditio dicuntur: sed usus varius: modò enim argumentum proponitur, modò res redditur, modò contrá, ut in exemplis perspicies. Ea *ἴσῃ*] Comparata dividuntur ex suis subjectis, ut alia sint *ὡς τῇ ποσότητι*, in quantitate, alia *ὡς τῇ ποιότητι*, in qualitate: Nam omnis comparatio circa quantitatem vel qualitatem versatur. Comparatio quantitatis appellatur á Mathematicis *λόγος*, ratio: quantitati autem dux propriæ affectiones attribuuntur, *ἰσότης* vel *ἰσότης*. Aristoteles nomine quantitatis bifariam utitur: In Categoriis enim & in Philosophia decimo tertio capite libri quinti, quantitatem solummodo statuit in numero & magnitudine: quæ definitio nec logica est, nec satis generalis: idem verò secundo capite libri quarti, & tertio capite libri undecimi Philosophiæ generaliter definit, cū docet *ἰσότητα καὶ ἀνισότητα*, *πρώτως τῷ ὄντι διαφεράς*, *ἰσότητα* & *ἰσότητα*, primas esse entis differentias: itemque *τὰ εἶδη καὶ τὰ καὶ αὐτὰ πᾶσι*, species & per se affectiones: ideoque omne ens *ἰσότητα* esse vel *ἰσότητα*: quæ consideratio ad hunc generalem logicæ inventionis locum verè ac propriè pertinet, ut quantitas in omni entium & non entium genere sit, qua res *ἰσότητες* sint vel *ἰσότητες*: Quinetiam Aristoteles in Topicis ex eo quòd attributa *ὁμοίως, ἡττον, μᾶλλον ὑπάρχει*, pariter minús, magis insunt, genera quantitatis definit. Plato in Parmenide licet apertè divisionem quantitatis non demonstret, species tamen ostendit his verbis. *Ἄρ' οὖν καὶ ἴσον ἔστι, καὶ ἀνισον, αὐτῷ τε καὶ τοῖς ἄλλοις; πῶς; εἰ μᾶλλον εἴη τὸ ἐν ἢ τ' ἄλλα, ἢ ἑλάττω; ἢ αὐτ' ἄλλα τῷ ἐνὸς μᾶλλον ἢ ἑλάττω, ἄρα ὅν ἂν τῷ μᾶλλον εἶναι τὸ ἐν, καὶ τ' ἄλλα ἑλάττω τῷ ἐνὸς, ἔτε τί μᾶλλον, ἔτε τί ἑλάττω ἂν, εἴη ἀλλήλων αὐταῖς γὰρ ταύταις ταῖς ὁσίαις;* An aliquid est *ἰσότητα* & *ἰσότητα* & sibiip̄si & aliis? Quomodo? Si quid unum majus esset aut minus aliis: aut si alia majora aut minora existerent, quàm illud unum: an non unum, qua ra-

tione unum est, & alia, qua ratione diversa sunt ab uno, majora aut minora inter se fuerint propriis & suis essentis? Ibidem : καὶ ὅταν μᾶλλον καὶ ἑλαττον καὶ ἴσον, αὐξάνειν τε καὶ φθίνειν καὶ ἴσθαι. quando majus & minus & æquale aliquid, oportet crescere, decrescere & æuari.

P A R I A.

Paria igitur sunt, quorum est una & eadem quantitas: Argumentum igitur paris erit, cū par explicatur à pari: Atque aliquando argumentum hoc suis notis exprimitur, ut par, æquale, æquare, idem, tantum, quantum, tantò quantò: &, non magis, non minus.

—Par levibus ventis,

ait Virgilius secundo Æneidos. Paria cognosco esse ista in L. Muræna: atque ita paria, ut neque ipse dignitate vinci potuerit, neque te dignitate superarit.

Et nunc æquali tecum pubesceret avo,
Virgilius tertio Æneidos.

—Illa inclyta Roma

Imperium terris, animos æquabit olympo,
sexto Æneidos. Cujus res gestæ atque virtutes iisdem, quibus Solis cursus, regionibus ac terminis continentur: Cicero 4. Catilinaria.

Tam ficti praviq̃ue tenax, quàm nuntia veri,
Virgilius quarto Æneidos.

Littora quot conchas, quot amœna rosaria flores,

Quotque soporiferum grana papaver habet:

Sylva feras quot alit, quot piscibus unda natatur,

Quot tenerum pennis aëra pulsat avis:

Tot .

Tot premor adversis: quæ si comprehendere coner,

Icaræ numerum dicere coner aquæ,

Ovidius quinto Tristium. Non magis juris, quã
justitiæ cõsultus: neque constituere litium actio-
nes malebat, quã controversias tollere, Cicero
nona Philippica.

Non minor est virtus, quã quærere, parta tueri,

Ovidius secundo de Arte. Aliquando nulla ha-
rum notarũ proponitur: Terentius in Adelphis:

Quando ego non curo tuum, ne cura meum.

Martialis quinto libro:

Cum voco te dominum, nolo tibi Cinna, placere:

Sæpe etiam servum sic resaluto meum.

Sæpe in comparatione parium videmus paria
paribus reprimi: Damœtas tertia Ecloga Virgi-
lii proponit hoc ænigma:

Dic quibus in terris, & eris mihi magnus Apollo,

Tres pateat cœli spatium, non amplius ulnas.

Cui Menalcas respondere non potest, sed par
reponit:

Dic quibus in terris inscripti nomina regum

Nascantur flores, & Phyllida solus habeto.

Sic aliquando ex oppositis par efficitur ratio,
quæ in relatis & privantibus certa est: interdum
etiam in adversis: Pater, est filii dominus: Filius
igitur, est patris servus: Visus, est habitus sensus:
Cæcitas igitur, est privatio sensus. Cicero quin-
to de Finibus: Et quoniam hæc ducuntur de
corpore, quid est cur non recte pulchritudo e-
tiam ipsa propter se expetenda ducatur? Nam

si pravitatem imminutionemque corporis propter se fugiendam putamus, cur non etiam, ac fortassis magis propter se formæ dignitatem sequimur? & si turpitudinem fugiamus in statu & motu corporis, quid est cur pulchritudinem non sequamur?

Paria igitur] Comparatio parium, ut ait Cicero in Topicis, nec elevationem habet, nec submissionem: est enim æqualis: Multa sunt autem, quæ æqualitate ipsa comparantur, quæ ita concluduntur: Si consilio juvare & auxilio, æqua in laude ponendum est, pari gloria debent esse, qui consulunt & qui defendunt. Sic in Philosophia decimo quinto capite quinti Aristoteles definit ἴσα, ὧν τὸν πόσον ἐν ἰσότητι, quorum quantitas una & eadem: Et in Rhetoricis vicesimotertio secundi dicitur, ἴσον τὸ μήτε μᾶλλον, μήτε ἥττον, quod neque majus, neque minus. *Argumentum igitur*] Definitio parium ab Aristotele comprehenditur axioma Topico & Aristoteleo: ὁμοίως ὑπερχόντων εἰ τὸ ἕτερον μὴ ὑπέρχει, καὶ τὸ λοιπὸν εἰ δὲ θάτερον, καὶ τὸ λοιπὸν. Pariū si alterum non inest, neq; reliquū: si verò alterū, & reliquū: ut Aristoteles docet capite quarto secūdi Topici. Ideoq; valet hic locus εἰς ἀμφοτέρω in utranque partem, ad affirmandū & negandū, ut est quarto capite tertii Topici. At ista inventionis doctrina per judicii doctrinam præpostera est, ideoque omnia ejusmodi judiciaria axiomata à Topica doctrina separanda sunt. *Atque aliquando*] Aequalitatis genera nulla vera sunt: unū uni, duo duobus, tria tribus æqualiter conferri possunt: distinctiones tamen aliquot hujus comparationis, gratia facilioris doctrinæ adhibentur: argumentum igitur à paribus interdum singulis vocabulis significatur, videlicet certis notis, cujusmodi sunt par, æqualis, æquare, idem, tantum, quantum, tot, quot: Itemque negatio majorum aut minorum, ut non magis, non minús, ut propositis exemplis satis constat.

Interdum

Interdum nulla] Alter modus comparationis æqualium ostenditur, in quo nulla est talis nota collationis: & exemplis declaratur. *Sic aliquando*] Aristoteles tertio capite secundi Topici hanc *συμπλοκὴν*, complexionem docuit, ubi nulla est, sicut ipse testatur, oppositio: appellatque ἐπὶ ταῦτα ἀκολουθήσιν, ad eadem & paria consecutionem: quæ sicut ipse ait, in relatis & privantibus firma est: in adversis & cōtradicentibus nec perpetua, nec catholica est: ut, Candor est jucundus: ergo nigror est injucundus: vel, Homo est animal: ergo non homo est nō animal: utrunque vitiosè concluditur. Aristoteles tamen hic etiam magis *κριτικὴν* quàm *τοπικὴν* interpretatur.

M A J U S .

Impar, est majus aut minus: Majus cū minus explicatur á majori: Atque hic interdū propriæ notæ sunt hujus comparationis: ut, non solūm, sed etiam: cūm, tum: malo hoc, quàm illud. Cicero pro Muræna:

Tollitur é medio—

non solūm ista verbosa simulatio prudentiæ,
sed etiam illa domina rerum

—sapientia, vī geritur res:

spernitur orator—

non solūm odiosus in dicendo, aut loquax,
verūm etiam

—bonus, horridū miles amatur.

Cicero secunda Agraria, cū de sollicitudine Consulatus loquitur: Quæ cū omnibus est difficilis & magna ratio, tum veró mihi præter cæteros. Juvenalis Satyra octava:

Malo pater tibi sit Therfites, dūm modò tu sis

*Æacidae similis, Vulcaniæque arma capeffas,
Quàm te Therfitæ similem producat Achilles.*

Sæpe sine ulla harum notarum hoc argumen-
tum tractatur: Cicero pro Muræna: Noli tam
esse injustus, ut cùm tui fontes vel inimicis tuis
pateant, nostros rivulos, etiam amicis putes clau-
sos esse oportere. Virgilius primo Æneid.

O soci ! (neque enim ignari sumus antè malorum)

O passi graviora ! dabit deus his quoque finem.

Impar] Comparatum impar duplex est, majus aut
minus. Majus definitur simpliciter ex suo relatō, ut ipsa
nempe argumenti natura postulat: Aristoteles autem
definit ex judicii lege atque enuntiationis natura, quæ
difficilius vera sit: Sic enim ait 4. cap. 2. Topic. *εἰ δὲ ἥτιον*
εἰκὸς ὑπάρχειν, ὑπάρχει, καὶ ὃ μᾶλλον si cui licet minus in-
esse, tamen inest, & cui magis: ex quo axiomate possi-
mus tantum affirmatè argumentari, nunquam negatè:
ut ibidem & 3. Top. ait: Miles potuit expugnare urbē,
ergo & exercitus poterit: rata est consecutio ex affirma-
tione: At miles non potuit expugnare urbem: ergo ex-
ercitus non poterit: inconstans est ratio ex negatione.
At *ὑπερολογία* est, partes inventionis judicii legibus defi-
nire: atque omnino ista attributi in subiecto velut *ὑπαρ-
ξίς*, & tanquam diceret inexistencia, ad judicium attinet,
non ad inventionem, in qua res per se & solæ conside-
randæ sunt, non quatenus subjiciuntur huic attributo,
aut illi subiecto attribuuntur. *Atque hic*] Majora duo-
bus modis tractantur, sicut paria: uno, apposis certis
notis, majorum quantitatem exprimentibus, quales
sunt, non solum, sed etiam: cùm, tum: malo hoc, quàm il-
lud: imò verò, quin etiam, præcipuè, ut intelliges ex pro-
ximis exemplis. *Tollitur é medio*] Hæc formula compa-
rationis frequens est, cùm ita loquimur, non solum &c.
sed etiam &c. ubi major pars (non solum) quæstionem
continet: altera verò (sed etiam) argumentum majorū:
Itaque

Itaque hujus comparationis sententia est: Tollitur domina rerum sapientia, quid mirum igitur, si verbosa simulatio prudentiæ tollitur? Ex hoc loco sunt quædam rhetoricæ gradationes: Cicero pro Milone: Neque verò se populo solùm, sed etiam Senatui tradidit: neque Senatui modò, sed etiam publicis præsiidiis & armis: neque his tantùm, verùm etiam ejus potestati, cui Senatus totam Rempub. omnem Italiæ plebem, cuncta populi arma commiserat. *Quæ cùm omnibus*] Aliud exemplum est, ubi particulæ (cùm & tum) significant genus collationis, atque ita concludunt: Ciceroni imprimis est ardua provincia tuendi Senatus, & difficilis igitur est aliis omnibus. *Malo*] Malo tibi patrem esse pessimum, dum modò tu sis generosus & fortis, quã patrem tibi esse optimum, ut tu ipse sis pessimus. *Sæpe sine*] Sæpe nulla nota majoris quantitatis ponitur, inæqualitas tamen nihilominus intelligitur: Exemplum autem pro Muræna pressius ita tractatur: Sulpitius vel inimicis suis abundantissimè consulit: quare Cicero suis amicis saltem mediocriter consulere debet. *O socii!*] Aeneas tempestate afflictus & in Libyam dejectus, socios consolatur: Vos (ait) graviora mala passi estis, levia igitur, si quæ acciderint, facile pati poteritis.

M I N U S.

Minus est, cùm majus explicatur á minori. Quod etiam sæpe fit propriis notis. Cicero nona Philippica: Omnes ex omni ætate, qui in hac civitate intelligentiam juris habuerunt, si unum in locum conferantur, cum Servio Sulpitio non sunt conferendi. Sic Ovidius tertio de Tristibus:

Sævior es tristis Busriride, sævior illo,

Qui falsum lento torruit igne bovem.

Sic Virgilius Ecloga prima:

*Ante leves ergo pascentur in æthere cervi,
 Et freta destituent nudos in littore pisces:
 Ante pererratis amborum finibus, exul
 Aut Ararim Parthus bibet, aut Germania Tigrim,
 Quam nostro illius labatur pectore vultus.*

In his omnibus exemplis minus adhibetur ad majoris explicationem. Atque hujus ejusdem speciei sunt hæ formulæ, quæ fiunt etiam negatione paris aut majoris: Cicero secunda Catilinaria: Non tam hæc quærentur, quam verentur: Et ibidem. Nemo non modò Romæ, sed ne ullo in angulo totius Italiæ oppressus ære alieno fuit, quem non ad hoc incredibile sceleris fœdus asciverit. Hoc etiam argumentum disseritur sine ulla nota: Cicero pro Marcello: Tantum abes à perfectione summorum operum, ut fundamenta, quæ cogitas, nondum jeceris: Ovidius primo de remedio Amoris:

Ut corpus redimas, ferrum patieris & ignes,

Arida nec sitiens ora levabis aqua:

Ut valeas animo, quicquam tolerare negabis?

At pretium pars hæc corpore majus habet.

Ovidius indicat hic argumenti sui genus.

Minus est] Hæc item definitio ex natura minorum sumpta, Aristoteles tamen hic etiam ὑπερολογίαν superiori similem adhibet. εἰ ὃ μᾶλλον εἰκὸς ὑπάρχει, μὴ ὑπάρχει, ὥτε ὃ ἥττον. Nam si cui magis par est inesse, non inest, neque cui minus, ait quarto capite secundi Topici: Ideoque tantum valet collatio hæc ad negandum, ait ibidem: *Quod sæpe fit]* Comparatio minorum duobus item modis tractatur, sicut parium & majorum: nam aliàs notæ quædam indices collationis adhibentur, aliàs omittuntur.

mittuntur. Prioris modi exempla varia sunt, ut disse-
rendi varietas in hoc genere demonstratur.

Omnes ex omni] Hæc collatio negatione parium pro-
ponitur: Nam si dixeris, Omnes juris periti sunt cum
Sulpitio comparandi, paria hæc sunt: quæ si negentur,
in collationem minorum recident. *Saviores*] Alterum
exemplum est per nomen comparationis, quæ sic est
explicanda: Busris fuit tyrannus sævus, sed minús
sævus, quàm tu. *Ante leves*] Aliquando majorum spe-
cies indicatur, sed tamen res ipsa minus quiddam est &
facilius: sic Tityrus Virgilianus ait facilius esse cervos
in aëre pasci, quàm Augusti nomen ex ejus animo exci-
dere. *Atque hujus ejusdem*] In collatione minorum ali-
quando par negatur, ut, Non tam hæc quæruntur, quàm
verentur: aliquando majora, ut, Nemo non modò Ro-
mæ, sed ne ullo in angulo totius Italiæ oppressus ære
alieno fuit, &c. *Hoc etiam argumentum*] Secundus col-
lationis minoris modus est, qui nulla certa nota expri-
mitur, ut pro Marcello: Tantum abes &c. Cujus argu-
menti vis negatione minoris intelligitur, ut tollatur
majus: Cæsar nondum fundamenta jecit: nondum igi-
tur opus absolvit: eaque lex ex attributis sumitur, ut, Si
quid non inest rei, cui magis videtur inesse, neque ine-
rit ei, cui minús inesse videbitur.

COMPARATIO IN QUALI-

tate & primò similitum.

Sequitur cōparatio in qualitate, similitudo &
dissimilitudo: Similia igitur sunt, quorum qua-
litas est una: habet item suas notas: Cicero nona
Philippica: Quanquā nullū monimentū clarius
Servius Sulpitius relinquere potuit, quàm effigiē
morum suorum, virtutis, constantiæ, pietatis, in-
genii, filium. Ovidius primo Tristium:

*Namque ea vel nemo, vel qui mihi vulnera fecit,
solus Achilleo tollere more potest.*

Aliquando nota similitudinis apertior est,
& similitudo evidentiús utrinque explicata:
Ovidius primo Tristium:

*scilicet ut fulvum spectatur in ignibus aurum,
Tempore sic duro est inspicienda fides.*

Cicero secunda Philippica: Sed nimirum ut
quidam morbo & sensus stupore suavitatem ci-
bi non sentiunt: sic libidinosi, avari, facinorosi,
veræ laudis gustum non habent. Aliquando nul-
la prorsus est nota: Virgilius Ecloga secunda:

*O formose puer, nimium ne crede colori,
Alba ligustra cadunt, vaccinia nigra leguntur.*

Exempla, fabulæ Æsopicae & parabolæ So-
craticæ, sunt hujus comparationis: cujusmodi est
quam Cicero transtulit à Socratico Æschine, in
qua Aspasia mulier erudita Xenophontem &
ejus uxorem admonet, quo pacto quàm maxi-
mé inter se ament. Dic mihi quæso Xenophon-
tis uxor, si vicina tua melius habeat aurum, quàm
tu habes, utrùm illius, an tuum malis? Illius, in-
quit. Et si vestem & cæterum ornamentum mu-
liebre pretii majoris habeat, quàm tu habes, an
illius malis? Illius verò respondit. Agé verò, si vi-
rum illa meliorem habeat, quàm tu habes, an il-
lius malis? Hic mulier erubuit: Aspasia autem cū
ipso Xenophonte sermonem instituit. Quæso,
inquit, si vicinus tuus meliorem equum habeat,
quàm tuus est, tuumne equum malis, an illius?
Illius inquit. Quod si meliorem fundū habeat,
quàm tu habes, utrùm tandem illius malis? Illius
inquit,

inquit, meliorem scilicet. Quod si uxorem meliorem habeat, quàm tu habes, utrùm illius malis? Atque hic Xenophon quoque ipse tacuit: post Aspasia: Quoniam uterque vestrum, inquit, id mihi non solum respondit, quod ego solum audire volebam, ego inquit dicam, quid uterque cogitet: Nam & tu mulier, optimum virum maxime habere: & tu Xenophon, uxorem lectissimam maxime habere vis: Quare nisi hoc perfeceritis, ut neque vir melior, neque femina lectior in terris sit, profectò id quod semper optimum putabitis esse, multò maxime requiretis: & tu ut maritus sis cum optima muliere, & hæc quàm optimo viro nupta sit. Atque hæc fictæ similitudines populares sunt, idque boni in se continent, quod cum difficile sit res veras similes invenire, parabolas fingere facile sit: attamen exempla rerum factarum commodiora sunt.

Sequitur comparatio in qualitate] Comparatio in qualitate declaratur per species, similitudinem & dissimilitudinem, & per distinctionem qualitatis, quam quidem Aristoteles in Categoriis octavo capite specialiter, & non logicè usurpat, cum ei subicit habitum & dispositionem: In Philosophia autem capite decimo quarto libri quinti, significationem ejus verè logicam exponit, cum ὁμοιότητος, καὶ ἀνομοιότητος similitudinem & dissimilitudinem, πρῶτας τῆ ὄντος διαφορὰς, primas entis differentias efficit, quia quodlibet cuilibet comparatum simile sit aut dissimile: & sic logicè decet accipi, ut qualitas id omne sit, quo res qualis esse dicitur, sive essentiā compares cum essentia, sive accidens cum accidente. Species igitur comparisonis in qualitate, sunt similitudo & dissimilitudo, quæ generali qualitatis significa-

tione vocantur ab Aristotele in Philosophia secundo capite quarti & tertio undecimi, primæ differentię æntis, quemadmodum pauló anté dictum est. Galenus in opere de Placitis Hippocratis & Platonis, comparationem similiarum & dissimiliarum mirum in modum celebravit, ὧν ἀκριβῆ γνῶσιν εἰς μεθοδικὴν ἀπάσης τέχνης σύγκειν, quorum accuratam cognitionem ad methodicam cuiuslibet artis constitutionem, maximé idoneam videri docuit: similiaque & dissimilia in his rebus interno-sci, quæ sub sensus caderent: ideoque multa exempla ex Platone citat ad extollendam collationem similiarum & dissimiliarum. *Similia*] Similia sunt, quorum qualitas est una, ut Aristoteles ait decimoquinto capite quinti Philosophiæ: ὁμοία, ὧν ποιότης μία. Et valet in utranque partem ista collatio, ut Aristoteles docet Topici quinti capite quarto & quinto. Similitudo vocatur in Topicis ἀναλογία, proportio, quinto capite quinti, sicuti primi Posteriorum capite quinto: In Rhetoricis duodecimo capite ad Alexandrum, παρομοίωσις. aliquando ἐνότης καὶ ταυτότης, unitas & identitas in Philosophia dicitur: tamen si ἐνότης potiús genus quoddam est, ut ταυτότης, sit ἐνότης essentię: ὁμοιότης veró, sit ἐνότης qualitatis: His in rebus Aristoteles multus est, ut in Philosophia sexto & nono & decimoquinto quinti & toto decimo.

Habent item] Similia, ut cætera comparata, suis etiam notis indicantur: aliás brevius, ut Philippica nona: quo in exemplo nota similitudinis, est effigies, qua declaratur Sulpitius esse patris similis. *Namque ea*] Solus Augustus potest sanare Ovidium, qui solus eum afflixit, more Achillis, qui Telephum, quem vulnerarat, percussus sanavit. *Aliquando nota*] Similitudo plané & evidenter expressa, duas habet partes, protasim & apodosim: Notæ protaseos sunt: Quemadmodum, ut, sicut, veluti: Notæ apodoseos, Sic, ita, non secús, non aliter, eodem modo, &c. Cúm itaque singulis partibus singulæ notæ redduntur, tum similitudo illustrior efficitur, ut exempla duo declarant. *Aliquando nulla*] Potes di-
stinctionis

inctionis gratia, appellare hoc secundum genus simi-
 lium, in quo nulla nota exprimitur. *Exempla*] Aristote-
 les in Rhetoricis capite vicesimo libri secundi, παρα-
 λήγματος nomine ferè totam collationem similium cõ-
 plectitur, quòd alia sint rerum factarum, alia futu-
 rarum: ex quo genere sunt fabulæ Aesopi, quæ ducere
 solent animos præcipuè rusticorum & imperitorum, ut
 ait Fabius: & parabolæ Socratis, in quibus fuit homo
 divinus & imprimis excellens, ut libri discipulorum
 ejus testantur. *Dic mihi*] Hoc exemplum citat Cicero
 libro secundo de Inventione, & Quintilianus libro
 quinto. *Atque hæc sicut*] Lege Aristotelem capite vice-
 simo libri secundi ad Theodoctem, ubi inter similitu-
 dines, appellantur δι λόγοι διμμορηκοί. De argumento si-
 militudinis diversum fuit duorum philosophorum ju-
 dicium: Euclides Megaricus τὸν διὰ παραβολῆς λόγον tol-
 lebat, quia similibus aut dissimilibus constaret: ac si
 constaret ex similibus, ad res potiùs, quibus ea essent si-
 milia, respiciendum esse: sin é dissimilibus, παρέλκειν τὸν
 παράδειγμα, collationem inutilem esse: sic enthymemate
 captioso ex argumentis clarissimum Euclides carpe-
 bat, ut est apud Laërtium in ejus vita: At Empedocles,
 ut est in tertio Philosophiæ Aristotelis, longè secús om-
 nia videbatur similitudinis argumento tribuere: ἡ δὲ
 γνώσις τῷ ὁμοίῳ, τῷ ὁμοίῳ· γαίην μὲν γὰρ, φησὶ, γαίην ὁπώ-
 πει μὲν, ὕδατι δ' ὕδαρ, αἰθέρι δὲ αἰθέρα δῖον, σελήνῃ τε σελήνῃ,
 νεῖκος τε νεῖκει λυγρῷ. Cognitio autem similis, sit simili:
 terra enim, inquit, terram inspicimus, aqua verò aquā,
 ac amicitia amicitiam, & contentionem contentione
 perniciofa.

DISSIMILIA.

Diffimilia sunt, quorum qualitas est diversa:
 appellantur etiam differentia, ut dissimilitudo &
 differentia pro eodem capiuntur. Diffimilium
 argumentum notis suis etiam deducitur, Cicero

pro Plancio : Quanquam dissimilis est pecuniæ debitiō & gratiæ. Cicero primo Epistolarum ad fratrem : Sit annulus tuus non tanquam vas aliquod, sed tanquā ipse tu. Horatius primo Epist.

Non eadem est ætas, non mens.—

Dissimilitudo est valdē frequens in hac formula, *Quanquam*, tametsi : Virgilius secundo *Æneidos*:

*Hic Priamus, quāquā in media iam morte tenetur,
Non tamen abstinuit, nec voci iræque pepercit.*

Et longē frequentior hoc modo, *Non hoc*, sed illud: Ovidius secundo de Arte:

Non formosus erat, sed erat facundus Ulysses.

Præterea paulō secūs in Eunuchō:

Nam si ego digna hac contumelia

Sum maximē: at tu indignus qui faceres tamen.

Sunt præterea multi comparationis hujus modi: Martialis quinto libro:

Sum fateor, semperque fui, Callistrate, pauper:

Sed non obscurus, nec malē notus eques.

Sed toto legor orbe frequens, & dicitur, Hic est:

Quodque cinis paucis, hoc mihi vita dedit.

At tua centenis incumbunt tecta columnis,

Et libertinas arca flagellat opes:

Magna que Niliacæ servit tibi gleba Syenes,

Tondet & innumeros Gallica Parma greges.

Hoc ego, tuque sumus: sed quod sum, nō potes esse:

Tu quod es, ē populo quilibet esse potest.

Cicero tertio de Oratore : Non est enim philosophia similis artium reliquarum : Nam quid faciet

faciet in Geometria, qui non didicerit? quid in Musicis? aut taceat oportebit, aut ne sanus quidem judicetur: hæc veró quæ sunt in philosophia, ingeniis eruuntur ad id, quod in quoque verisimile eliciendum acutis atque acerbis: eaque exercitata oratione poliuntur. Interdum nulla nota est: Catullus:

*Soles occidere & redire possunt:
Nobis cùm semel occidit brevis lux,
Nox est perpetua una dormienda.*

Disimilia] Comparata in qualitate, sunt similia aut dissimilia: Similibus expositis, dissimilia deinceps docentur definitione, divisione & exemplis: Definiuntur itaque dissimilia, quorum est qualitas diversa, & appellantur à Græcis ἀνόμοια, διάφορα, ἕτερα, ἄλλα. à Latinis dissimilia, differentia, altera, alia: Ideoque ἀνομοιότης, διάφορὰ, ἑτερότης: dissimilitudo, differentia, & ut sic loquar, alteritas. Ac cùm differentia rerum sumatur ex omnibus argumentis: ἰδιαιτέρα autem, id est maxime propriè sumatur è forma: forma ipsa ab Aristotele differentia nomine sæpissimè dicitur: ambiguitatis tamen vitandæ gratia, formæ nomen in causis antè adhibitum est, differentia nomen nunc adhibetur, quia similitudini propriè differentia opponitur: & sic Aristoteles primo Topico opponit. *Disimilium*] Partitio dissimilium ex adjunctis sumitur, ut partim certas notas habeant, partim illis careant: Prius modus illustratur variis exemplis. Sunt autem notæ dissimilium, Quamquam, tamen, non, sed, dissimile, diversum, differens, non idem: Itemque, contrà, & similia notæ per negationem propositæ, non quemadmodum, non talis, non sicut. *In hac formula*] In ejusmodi loquendi formula, quamquam, significat protasim dissimilitudinis, tamen, antapodosim, id est redditionem diversam atque dissi-

milem. *Et longé frequentior*] Omnium dissimilitudinis notarum longé frequentissima est, non hoc, sed illud: Pro lege Manilia: Non victoriam, sed victoriæ insignia reportarunt. Quo é genere sunt correctiones, quæ à Rhetoribus dicuntur, ut pro Roscio Amerino: Quæ convivia? honesta, credo, in ejusmodi domo: si domus est habenda potiùs, quàm officina nequitiae & diversorium flagitiorum omnium. Nec aliud est correctio, quàm dissimilis objectio. *Interdum nulla*] Secundus est modus tractandæ dissimilitudinis, cum nulla nota adhibetur, quæ dissimilium collationem significet. *Soles occidere*] Catullus invitat Lesbiam ad delicias, quæ post mortem nullæ futuræ sint: ubi Sol & vita dissimiliter comparatur, quod ille sæpius abeat & redeat, hæc nobis semel erepta, nunquam redeat: quod carmen Epicureum & impium est: Protasis est in primo versu, antapodosis in reliquis duobus.

A R G U M E N T A A P R I N C I P I -
bus orta, ac primùm Notatio.

Hactenus principum argumentorum loci sunt expositi, sequuntur orta de principibus, Nomen, distributio, definitio: Nomen, cum argumentum é nomine ducitur, ut notatio & conjugatio. Notatio, est nominis interpretatio: nomina siquidè, sunt instrumenta rerum, nominumque vel derivatorum vel compositorum (si vera notatione fiant) ratio reddi potest: ut animosus, animi plenus: homicida, qui hominem occidit. Cicero secunda Philippica Bambalionem socerum Antonii hoc argumento cavillatur: Tuæ conjugis, bonæ fœminæ, locupletis quidem certè, Bambalio quidam pater, homo nullo numero, nihil illo
con-

contemptius, qui propter hæsitantiam linguæ stuporemque cordis, cognomen ex contumelia traxerit. Ejusmodi facetiæ ex hoc loco sape ducuntur.

Hætenus] Transitus fit á primis argumentis, ad ea quæ sunt de primis orta: eaque tribus generibus comprehenduntur, nomine, distributione & definitione: nominis enim notatio, sicut conjugatio, ex quatuor primis petuntur, sicut distributio atque etiam definitio: qua de causa, dicuntur argumenta á primis orta, quæ primorum quidem unde ducuntur, symbola quædam sunt, sed inventionis viam dissimilem ostendentia.

Nomen] Nomen generatim definitur & dividitur: Definitur argumentum ex vi vocabuli sumptum, dividiturque in notationem & conjugationem: Notatio, est interpretatio nominis: Græci, ut ait Cicero in Topicis, *ἰτυμολογίαν* vocarunt, id est, verbum ex verbo, veriloquium: Nos autem novitatem verbi non satis apti fugientes, genus hoc, notationem appellamus: quia sunt verba, rerum notæ. Itaque hoc idem Aristoteles *σύμβολον* appellat, quod Latine est nota: Sed tamen nos hoc loco non instituimus notationem rerum, quæ sunt ipsa nomina, sed nominum ipsorum explicationes, origines, atque deductiones, quibus vis & natura nominum probari demonstrarique possit. Notatio autem á Grammaticis & Dialecticis dissimili ratione tractatur: ab illis, ut accidentia dictionum doceantur: ab his, ut ex origine & natura res ipsi significationi subiecta arguatur & probetur. Sunt etiam qui originationem potius vocant, ut scribit Fabius, quod origines & causas nominum aperiat, unde orta ductæque sint. De notatione in Cratylo Platonis, longa est disputatio: Nam cum Cratylus nomina, rerum naturali quadam veritate, Hermogenes hominum instituto & leges tantum constare diceret, Socrates tanquam honorarius arbiter, controversiam in hunc modum disceptat: Nominum quædã esse

vera, quæ substantias rerum nominatarum significant,
& quorum recta ratio reddi possit: quædam esse falsa,
quorum notatio diversa sit á re, quæ nominatur: quædã
esse primitiva, quorum origo barbara sit, aut certé no-
bis ignota: Itaque nomina quidem arbitrio hominum
constare, sed sæpe sapiente & rerum naturis nomina
ipsa accommodante, qualia multa & divina & non di-
vina Socrates in Cratylo interpretatur. Notatio appel-
latur ab Aristotele aliàs λόγος ὀνομαστικός, definitio no-
minalis, ut decimo capite libri secundi posteriorum
Analyticorum: aliàs λόγος ὀνόματος, definitio nominis, ut
secundo capite Topici secundi: aliàs τόπος ἀπὸ τοῦ ὀνόμα-
τος, locus á nomine, ut capite vicesimo tertio secundi
Rhetorici: & Topico secundo inter locos argumentor-
um notatio ponitur. *Tua conjugis*] Cicero jocatur in
Bambalionem socerum Antonii ex ficta nominis inter-
pretatione, quasi Bambalio dictus sit á balburio.

Ejusmodi] Notatio valet ad jocandum, cum interpreta-
tio nominis moribus personæ convenit: Sic Cicero nūc
Verrem á verrendo, nunc á verre porco non castrato
quasi dictum fingit: & Philippica quinta jocatur in Ly-
sidicum: Lumen, ait, & decus illius exercitus pené præ-
terii, Caninium Cymbrum Lysidici filium: Lysidicum
ipsum in verbo Græco, qui omnia jura dissolvat.

CONJUGATIO.

Conjugatio, est nominum ejusdem generis
varia collatio, ut justitia, justus, justé: in conjuga-
tis symbolum caussarum & effectorum conti-
netur: primum siquidem conjugatorum illorum
caussas reliquorum continet, ut justitia, caussa
est, qua homo justus sit, & quód justé vivat. Cic.
2. Phil. Non tractabo ut Consulem, ne ille quidé
me ut Consularem Propertius secundo libro:

Libertas

Libertas quoniam nulli jam restat amanti,

Nullus liber erit, si quis amare velit.

Hic libertas, causa est, cur sis liber. Cicero tertio de Natura Deorum cum de Dionysio tyranno loquitur: Jam mensas argenteas de omnibus delubris iussit auferre: in quibus quod more veteris Græciæ inscriptum esset, **BONORUM DEORUM**, uti eorum bonitate velle se dicebat. Dii boni sunt: eorum igitur bonitate est utendum.

Conjugatio] Secundum argumentum ex vi nominis sumptum est, Conjugatio, est nominū ejusdem generis varia deductio, unde res cognatæ, quæ ipsis nominibus subjunctæ sunt, explicantur & docentur: ut si Aristides justus fuisse probetur, quia justé vixit, justus & justé sunt cognatæ, ex quorum altero alterum demonstratur. Aristoteles tertio capite secundi Topici σύνσχημα vocat nomina ipsa, id est cognatæ; ut justa & justus & justitia: fortia, fortis & fortitudo: πῶσις autem, id est casus, adverbia, ut justé & fortiter: sed has distinctiones reliquis libris contempsit, in quibus hæc omnia, σύνσχημα καὶ πῶσις, conjuncté & indifferenter nominantur: Et in Rhetoricis capite vicesimo tertio libri secundi, τόπος ἐκ τῆς συνσχεῖας τῆς καὶ ὁμοίων πῶσεως, locus á cognatis & similibus casibus dicitur. In Categoriis autem nomine paronymorum videtur speciem aliquam conjugationis docuisse, cum ea definit, quæ ab aliquo solo differentia casu, secundum nomen habent appellationem: sed ab Aristotele non ut argumenta sunt, nec explicandæ quæstionis alicujus gratia illic traduntur. Quod ad rationē nominis attinet, σύνσχημα, Latine cognatæ dici possunt: Cicero in Topicis ad Trebatium, σύνσχημα καὶ συνυγίαν, conjugata & conjugationem latine est interpretatus. Et Fabius libro quinto: Hic, inquit, illud adjicere ridiculum putarem, nisi eo Cicero uteretur, quod conjugatū

vocant, eos qui rem justam faciunt, justé facere: quod certé probatione non eget. Conjugatio igitur & conjugatum ab authoribus Latinis in hac logica significatione usurpantur. *In conjugatis symbolum*] In conjugatis nomen unum, causam reliquorum continet: ut exempli gratia, justitia, causa est cur homo sit justus & justé vivat. *Inventionis tamen in conjugatis symbolum aliud est. Cicero tertio*] Cicero disputat conjugatorum argumento ex Dionysii sententia: Dii sunt boni, ergo eorum bonitate est utendum. Bonitas, causa est, cur Dii sint boni. Quatuor loci ab Aristotele præcipué laudantur in Topicis, opposita, comparata, conjugata & partes: Et cum in Topicis libris sæpe locus à cognatis citatur, tum nominatim commendatur capite quarto libri tertii: *μάλις δὲ ἐπιχειροῖ καὶ κοινὸν τῶν ὁπῶν, οἱ ἐκ τῶν συσσίχων καὶ πτώσεων*. Maximé veró sunt opportuni loci ex conjugatis & casibus. Itemque capite secundo Topici septimi: *εἰσὶ δὲ ἐπιχειρότατοι τῶν ὁπῶν οἱ ἐκ τῶν πτώσεων καὶ συσσίχων*. διὸ καὶ δεῖ μάλις κατέχειν καὶ προχίρως ἔχειν τὰς τε, χρησιμώτατοι γὰρ πρὸς πλείους. Opportunissimi veró sunt & casibus & conjugatis loci: itaque imprimis tenendi & in promptu habendi sunt: ad res enim plurimas sunt utilissimi.

DISTRIBUTIO, ET PRIMUM ex causis.

Distributio, est distinctio totius in suas partes, quæ sunt causæ vel effecta: unde genera duo veræ distributionis existunt, in quorum utroque veré & totum & partes nominantur: vel subjecta sunt aut adjuncta, unde genera duo secundariæ divisionis fiunt, in quibus nec totum, nec partes veré sunt: Itaque veræ distributionis primum genus est ex causis totum constituentibus, partibus

tibus nempe toti essentialibus : ut humanæ animæ natura triplex est, vitæ, sensus, rationis, é quibus animæ nostræ essentia componitur : Sic natura hominis componitur é corpore & animo : Atque cùm totum constet é partibus, hic propriè totū & pars & partitio dicitur. Itaque hæc distributio, cùm longa quædam disputatio tractatur, principalis est, ut quæ procedat é causis, rei naturam constituentibus: qualis est in poëtis & oratoribus, cùm certas in partes totam quæstionem distribuunt: Virg. 1. Georg.

*Quid faciat latas segetes, quo fidere terram
Vertere, Mœnas, ulmisque adjungere vites
Conveniat: quæ cura boum, quis cultus habendo
sit pecori, atque apibus quæta experientia parcas,
Hinc canere incipiam.—*

Cicero pro Muræna : Intelligo, Judices, tres totius accusationis partes fuisse: & earum unam in reprehensione vitæ, alteram in contentione dignitatis, tertiam in criminibus ambitus esse versatam. Atque etiam separatim tractatur hoc argumenti genus, vel á partibus ad totum, vel á toto ad partes.

Distributio] Distributio, διαίρεσις, divisio est Aristoteli, aliquando etiam ἀνατομή, sectio: cujus genera prima sunt duo, unum verum, in quo & totum & partes verè nominantur: ut cùm dividitur totum integrum in suas partes, vel genus in suas species: alterum secundarium, in quo nec totum, nec partes verè sunt: ut cùm dividitur adjunctum in res subiectas, vel subiectum in res adjunctas: Quanvis autem partes ἀρτιμετρίαι, contra se divisæ, ut Aristoteles ait tertio capite sexti Topi-

ci, & opponi toti, & aliquo genere comparari possint: attamen in distributione totius in partes spectatur cōsensus quædam prima & simplex: nec habetur vel oppositionis vel comparationis ratio. *Itaque prima*] Primum genus veræ distributionis primo loco definitur, cū partes, totius naturam componentes, id est toti essentielles adhibentur: Aristoteles autem ait vicesimo quarto capite libri quinti in Philosophia, ex causis suis rem quamque constare: & ibidem vicesimo sexto capite definitur ὅλον, ἃ μὴδὲν ἀπέστι μέρος, ἐξ ὧν λέγεται τὸ ὅλον φύσει: totum, à quo nulla pars abest earum, ex quibus totum natura dicitur: Et ibidem capite vicesimo quinto definiuntur μέρη, ἐξ ὧν σύγκειται τὸ ὅλον: partes, ex quibus totum componitur. *Atque cūm totum*] Totius & partis significationes multæ numerantur in Philosophia capite vicesimo quinto & vicesimo sexto libri quinti: duæ tamen sunt principes: totum primò dicitur, quod constat é partibus ipsum constituentibus, ut corpus membris suis est totum: Secundò, quod de partibus una & communi ratione dicitur, ut universale: Sic animal homini & pecudi comparatum, τὸ κοινόν, id est universale totum dicitur: Prima igitur significatio totius & maximè germana illa fuerit, cū res ex partibus integrantibus constabit: ejusque distributio, verè partitio nominabitur. Plato in Parmenide quid totum sit, & quid pars, ostendit, cū disputat de ente & uno πῶς γὰρ ἂν; οὐτε ἄρα μέρος αὐτῷ, οὐτε ὅλον αὐτὸ λέγεται· τί δὲ; τὸ μέρος πᾶς μέρος ὅλης ἐστὶ. καὶ τί δὲ τὸ ὅλον; ἂν ἂν μέρος μὴδὲν ἀπῇ, ὅλον ἂν εἴη; Qui sit enim? neque igitur partem esse illius aliquam, neque totum ipsum esse oportet. Cur nam? Pars utique totius pars est. Quid verò? nonne totum est, cui nulla pars deest? *Itaque hæc distributio*] In omni legitima disputatione postquàm res est proposita & generatim definita, si potest ea in membra certa dividi, cōfestim dividenda est, ut à primis causis rem ipsam constituentibus progrediatur oratio: hoc igitur genus partitionis ut arte &

præceptis,

præceptis, sic usu & tractatione primum esse in differēdo debeat: quale proponitur á Virgilio initio Georgicorum: Nam hujus totius operis quatuor partes sunt. quatuor libris comprehensæ & expositæ, cultura agrorum, pecoris, apum. *Atque etiam*] Usus distributionis hujus latè patet. Affirmatione siquidem partium omnium, affirmatur totum, ait Aristoteles sexto capite sexti Topici: ἐν οἷς γὰρ τὰ μέρη, καὶ τὸ ὅλον ἀνάγκη ὑπάρχειν. In quibus enim partes, & totum necesse est inesse. Et hæc partium est ἐπαγωγή, inductio, quæ toties in Organo proponitur, sicut in cæteris distributionum generibus, cum ex partibus totum differitur: Negatione verò partium non solum omnium: sed etiam quarundam, totum negatur, ait ibidem: ἀνάπαλιν γὰρ δὲ συμβαίνειν τῶν μερῶν φθαρέντων, φθείρεσθαι τὸ ὅλον. Contrá enim necesse est accidere partibus sublatis, tolli totum. Sic Catullus in amicam Formiani, de pulchritudine ex ejus aliquot partibus argumentatur:

*Salve nec minimo puella naso,
Nec bello pede, nec nigris ocellis,
Nec longis digitis, nec ore sicco,
Nec sanè nimis elegante lingua,
Decoloris amica Formiani:
Ten' provincia narrat esse bellam?
Tecum Lesbia nostra comparatur?
Q seclum insipiens & infacetum!*

Atque hæc inductio etiam est, quæ aliquando fit unica parte, ut ait ibidem Aristoteles: τὸ γὰρ μέρος ἀνααιρεθέντος, καὶ ὁ πᾶς ὅρισμός ἀναρεῖται. Parte enim sublata, tota definitio tollitur: Et generaliter quidem id verum est, Parte sublata totum tollitur: Atque sic propriè totum differitur ex partibus, ut é causis effecta differuntur: Aliquando tamen & ex toto partes disceptantur, quod affirmatum, partes vel omnes vel aliquot affirmat. Ibidem: ὃν ᾧ γὰρ τὸ ὅλον, ὃν ἐκείνω δὲ καὶ τὰ μέρη εἶναι. Nam in quo totum, in illo & partes esse necesse. Ibidem: τὸ δὲ ὅλον φθαρέντος, οὐκ ἀνάγκη καὶ τὰ μέρη φθάρθαι. Toto

verò sublato, non necesse est partes tolli. Sed hæc aristotelea axiomata iudicium, non inventionem demonstrant: & hic magis propriè ἀνατομὴ, quàm διαίρεσις dicitur.

DISTRIBUTIO EX EFFECTIS,

ubi de genere & specie.

Secunda distributionis species est, ex effectis: ut hominum alii curant rem publicam, alii domesticam, alii neutram: Hujus, est distributio generis in species: Genus, est totum, cuius essentia ad suas partes æqualiter attinet: Species, pars subiecta generi: Sic animal, genus hominis & bestię dicimus: Animal est totum, cuius essentia, nempe, substantia corporea animata, ad bestiam & hominem communiter attinet: Sic dicimus hominem & bestiam species animalis, quia partes sunt animali subiectę, & quę animalis essentiã communem habent: Sic dicimus hominem, genus hominum singulorum, & leonem, singulorum leonum: contrā verò singulos homines, species hominis: sic singulos leones, leonis, ut Aristoteles sæpe loquitur: imò Græci passim & Latini. Genus, est generalissimum aut subalternum: Species, subalterna aut specialissima. Genus generalissimum, cuius nullum est genus: ut in logica inventionem, argumentum, genus est generalissimum artificialium & inartificialium & reliquorum inde manantium generum: Subalternum genus, ut subalterna item species, species hujus

hujus, illius autē genus est: ut caussa, species est argumenti artificialis: genus verò, finis, formæ, efficientis, materiæ. Species specialissima, quæ nullas inferiores species habet: quod in schola individuum dicitur: nempe quod species non habeat, in quas dividi possit, ut sunt fines, formæ, efficientes, materiæ sensilium & singularum rerum. Genus verò & species, symbola sunt caussarum & effectorum: ut in animali est substantia corporea, quæ materia est, species communiter attingens: tum facultas vitæ & sensus, quæ forma item communiter ad species spectat: Quare genus continet causas, quæ communiter ad ipsius species attineant: contrā itaque etiam species, effecta generis sui continent: Hinc universale, est insigne ac præstabile, quia causam declarat. Distributio generis in species propriè divisio dicitur, valdeque excellit ac difficilis est & rara inventu: attamen illustrationis & exempli gratia, afferemus quod licebit. Ovidius primo Metamorphoseos dividit animal in quinque species, stellas, aves, bestias, pisces, homines: stellis animam tribuit, ut etiam philosophi tribuere:

*Neu regio foret ulla suis animalibus orba,
Astra tenent cæleste solum, formæque deorum:
Cesserunt nitidis habitandæ piscibus undæ:
Terra feras cepit, volucres agitabilis ær:
Sanctius his animal, mentisque capaciùs altæ
Deerat adhuc, & quod dominari in cætera posset,
Natus homo est.—*

Sic Cicero primo de Officiis virtutem dividit in species quatuor, prudentiam, justitiam, fortitudinem, temperantiam: Sed omne quod honestum est, id quatuor partium oritur ex aliqua: aut enim in perspicientia veri solertiaque versatur, aut in societate hominum tuenda,tribuendoque suum unicuique, & rerum contractarum fide, aut in animi excelsi atque invicti magnitudine ac robore, aut in omnibus, quæ fiunt quæque dicuntur ordine & modo, in quo inest modestia & temperantia. Divisionis modus idem est, dividere genus in species & in earum formas: ut vulgò in scholis dicitur animalium aliud esse rationale, aliud irrationale: Species in hac divisione ponuntur, sed evidentius, quam suis nominibus essent propositæ. Genus & species non solum tractantur hac simplici divisionis formula, sed etiam separatim alterum ex altero. Objicit sibi Cicero, Tu es orator, Archias est poeta: quomodo igitur eloquentiæ tuæ fructum ei debeas? Etenim, ait, omnes artes quæ ad humanitatem pertinet, habent commune quoddam vinculum, & quasi cognatione quadam inter se continentur. Ars, est genus: poetica & eloquentia, sunt species. Contrà genus tractatur per species, ut quarto de Tristibus apud Ovidium:

Materiamque tuis tristem virtutibus imple:

Ardua per præcepta gloria vadit iter.

Hæc tora quis nosset, felix si Troja fuisset?

Publica virtutis per mala facta via est,

Ars

*Ars tua Tiphys, jacet, si non sit in æquore fluctus:
 Si valeant homines, ars tua Phœbe, jacet.
 Quæ latet, inque bonus cessat non cognita rebus,
 Apparet virtus arguiturque malis.*

Virtus militaris rebus adversis probatur, item nautarum & medicorum scientia: Virtus igitur adversis rebus probatur: argumentum est de genere per species. Exempla specialia suo generi accommodata sunt hujus loci: Homo philosophus est, ut Socrates & Plato: Hæc enim exempla, species sunt generis propositi.

Secunda] Secundus veræ distributionis modus est ex effectis, cum id quod dividitur, totum est, & partes, effecta: qualis est apud Ciceronem Pythagorea hominum partitio Tusculana quinta, quod alii Rempub. tractant honoribus inservientes: alii rem familiarem curant quæstui dediti: alii neutram administrant, sed in studio sapientiæ versantur. *Hujusmodi*] In hoc secundo modo divisio generis in species, excellit maximè: qua occasione genus & species docentur & mutuò explicantur, propterea quod relatorum ea consensio est, ut natura simul sint, nec alterius sine altero essentia & ratio intelligi possit. **Definitur** genus, totum universum, cujus essentia subjectis partibus, quæ sunt species, ex æquo communicatur: & species, pars quæ subest generi: quas definitiones proxima exempla planius declarabunt. Hoc autem interest inter totum integrum & genus, quia toti integro partes sunt essentielles: genus verò totum est suis partibus essentiale, ut exempli gratia, corpus & animus essentiam hominis constituunt: animal autem homini & bestię suam essentiam imperit. Nomen generis logici translatus videtur à stirpe, unde multi oriuntur, & cognatione quadam essentiæ in se conjuncti sunt; Sic genus logicum, est causa &

principium, unde species communem & æqualem essentiam inter se habentes oriuntur. Plato in Parmenide τὸ γένος καὶ τὸ εἶδος interdum nominat logica significatione, ut, εἰ μὴ αὐτὰ τὰ γένη τε, καὶ εἶδη ὅν αὐτοῖς ἀποφάνει τὰ παντὶα ταῦτα πάθην πάροντα, ἄξιον θαυμάζειν. Si enim genera ipsa & species in se ipsis demonstret recipere contraria, mirabile fuerit. In Sophista cū ostendit fieri nō posse, ut omnia stent & moveantur: & tamen omnia cōmunionē entis inter se consentiant, disputat ex logicis legibus generis & speciei, & hoc loco γένος καὶ εἶδος dialecticē usurpat: In Politico non solū docet qualiter debeat fieri divisio generis in species, sed etiam quid sit genus & quid species, ut illud totum sit, hæc pars: Interdum tamen nomine generis pro specie abutitur: sed cū res ipsæ subtiliūs docendæ sunt, vocabulorum significationes distinguendæ etiam sunt. Aristoteles decimj Philosophiæ capite tertio: λέγεται δὲ, αἰτ, γένος, ὃ ἅμω τὸ αὐτὸ λέγονται κατὰ πλὴν ὅσιν τὰ διάφορα. Genus dicitur, quō ambo differentia dicuntur idem secundum essentiam. Sic dicimus hominem] Vulgares scholæ negant hominem, genus esse Socratis & Platonis, quia Socrates & Plato non differant specie, sed tantū numero & accidentibus: ideoque hominem appellant εἶδος εἰδικώτατον, speciem specialissimam: Socratein verò & Platonem, ἄτομα καὶ μὴ εἶδη, individua & non species: quod ex Organo logico sumpserūt, ubi genus definitur, quod de multis specie differentibus in quaestione quid est, dicitur: sed hoc præceptum verus usus, id est magister artis, resellit: usus, inquam, quem Aristoteles ipse sequitur: Sic enim ait libri tertij Philosophiæ capite quarto: ἔχεται γένος ἐπὶ τοῖς ἀνάμοις, ὅιον ἄνθρωπος: ultima genera in individuīs, ut homo. Et primo capite primi libri: τὸ τῶν ἀνθρώπων γένος καὶ τέχνη καὶ λογισμῶ ἔη. genus hominum arte & ratione vivit. Et in libro de longitudine vitæ: μακροβιώτερον τὸ τῶν ἀνθρώπων γένος, ἢ τῶν ἵππων. Diuturnioris est vitæ hominum genus, quā equorum. Item de parvibus Animalium: ἔχεται εἶδη, ζωκράτης, καὶ κόρισκος: ultimæ

ultimæ species, Socrates & Coriscus. Siquando autem homo dicitur εἶδος, species, εἶδος ἀπὸ τοῦ γένους dicitur, ut sæpe fit in tota Philosophia, sicut Philoponus & Alexander notarunt. Quod verò quidam defendunt, Socratem & Platonem non differre specie, in hoc etiam falli videtur, quia singuli homines singulas habent formas essentielles, per quas id sunt, quod sunt & cum inter se, tum à cæteris distinguuntur. Nec verò sequitur, si tales essentia nos fugiant, & solis accidentibus Socratem à Platone distinguere soleamus, ut ideo in rerum natura diversæ non sint: Nam de generalibus formis vix ullam philosophi percipiant: nec tamen inde rejiciunt formas generales, propter earum ignorationem & obscuritatem in profundo demersam: Lege librum tertium Animadversionum Aristotelicarum. Genus est] Genus summum appellatur ab Aristotele πρῶτον, primum: ab Aristoteleis interpretibus γενικώτατον, generalissimum: cujusmodi est in Aristotelicis Categoriis, substantia. Si superiorum species est inferiorum & genus, dicitur ὑπάλλalon, subalternum: ut animal, viventis naturæ species est, & genus pecudis: εἶδος quoque distingui potest εἰς ὑπάλλalon, in speciem subalternam, ut animal: καὶ εἰς ἕxατον, ὕπατον, ἄτομον, εἰδικώτατον in speciem ultimam, postremam, individuum, specialissimam, ut Plato, Socrates: Atque hæc distinctio generis & speciei hoc loco docetur, ut lucem aliquam & intelligentiam afferat cum aliis in rebus, tum in methodo doctrinæ, quæ jubebit libro secundo, ut in omni artificiosa disputatione à summis generibus ad intermedia progrediamur, donec ad infima perventum sit. Genus verò & species] Ne quis existimet doctrinam generis à secunda specie distributionis alienam esse, genus, non modò totum est, sed etiam causas speciei continet: & species, effecta generis: Itaque hæc verè symbola sunt τῶν αἰτιῶν καὶ αἰτιατῶν, causarum & effectorum: ut animal comprehendit in se materiam hominis, substantiam corpoream, & partem formæ, ut facultatē vitæ & sensus: qua de causa Aristoteles capite vicefimo

quarto libri primi Analyticorum posteriorum appellat
 τὸ κεθόλου τίμιον, ὅτι διηλοῖ τὸ αἴτιον. universale præstabile
 & honorabile, quia demonstrat causam: Idemque affir-
 mat, univetsale esse præstantius singulari, quia sit magis
 simplex, & ad gignendam scientiam aptius magisque
 principale. *Ovidius primo*] Ovidius ad imitationem
 Timæi Platonici dividit animalia in quinque species,
 stellas, aves, pisces, bestias terrestres, & homines: quas
 species ex subjectis locis, cælo, aëre, aqua, terra quo-
 dammodo distinguit. *Sic Cicero*] In hoc exemplo ho-
 nestum vel honestas, genus est, quod dividitur in qua-
 tuor species, prudentiam, justiciam, fortitudinem, tem-
 perantiam: quæ divisio ex primo libro Platonis de Le-
 gibus sumpta est. *Divisionis modus*] Quidam duos di-
 versos modos divisionis esse putant, unum cū genus
 in species dividitur, ut animal in hominem & bestiam:
 alterum cū genus in differentias, ut vocant, distribui-
 tur, ut animal in rationale & irrationale: cū tamen
 unus & idem modus sit, sed illic species suis nominibus
 exprimuntur, hic suis definitionibus. *Genus & species*] *U-*
usus & tractatio generis & speciei multiplex est: aliās
enim adhibetur ad perfectam divisionem, ut antè dictū
est: aliās ut unam speciem vel aliquot concludat, aut vi-
cissim ab una specie, vel aliquot concludatur. Ex gene-
re species docetur duobus modis, affirmatè & negatè:
utrobique autem valebit hoc axioma catholicum, ut si
constanter concludere velis, genus omnino affirmes
aut neges: ut,

Omnes artes sunt conjunctæ:

Poëtica & eloquentia sunt artes:

Ergo sunt conjunctæ.

Item, Nullum vitium est laudabile: Ergo neque ava-
 ritia est laudabilis, neque injustitia, &c. Secūs firma con-
 secutio non erit, ut scribitur capite secundo Topici se-
 cundi: ὅν γὰρ ἀναγκάζον ὅσα τῶ γενέῃ ὑπάρχει, καὶ τῶ εἶδει ὑ-
 πάρχειν: non enim necesse est quæcunque generi insunt,
 & speciei inesse: ut, Aliquod animal sapit: Ergo bestia
 sapit:

sapit: vel, Aliquod animal non sapit: Ergo homo non sapit: Quia quando genus in parte tantum affirmatur aut negatur, speciem ineptè concludit. *Contrá genus*] Dicitum est de usu generis ad explicandam speciem, sequitur usus speciei ad explicandum genus, ubi notanda sunt axiomata: Si species unica affirmatur, genus ipsum affirmari: ut, Justitia est laudabilis: Ergo virtus est laudabilis: Si negatur, non protinus genus universè negari: ut, Anima non augetur: Ergo nō movetur. Si species omnes per negationem removeantur, genus hinc negatè concludi: ut, Prudentia non est vituperabilis, neque justitia, neque fortitudo, neque temperantia: Nulla igitur virtus est vituperabilis. Si species aliquot vel omnino affirmentur, genus ipsum, vel in parte vel omnino affirmari: ut, Virtus militaris, rebus adversis probatur, ut nautica & medica: Virtus igitur rebus adversis probatur. *Exempla*] Cū res generatim proposita exemplis illustratur, tum exempla species sunt, & ad hunc locum distributionis pertinent, quia partes sunt, ex quibus totum demonstratur: Plato in *Lyside* vocat παραδείγματα, ὁμήρου τε λόγου· exempla, vades rationis & disputationis: & in *Politico* docet exempla ad illustrationem magnarum & obscurarum rerum plurimum valere. χαλεπὸν ὡς θυμῷ με. μὴ παραδείγμασι χρώμενον, ἵκεν ὡς ἐνδείκνυσθαι τι τῶν μεγάλων· κινδυνεύει γὰρ ἡμῶν ἕκαστος, οἷον ὅσαρ εἰδὼς ἀπαινεῖται, πάντα αὐτὸ πάλιν ὥσπερ ὑπερ ἀγνοεῖν. Difficile est o beate, exemplis non utentem res magnas explicare: videtur enim unusquisque nostrum, tanquam per somnium nosse omnia, & omnia revera rursus ignorare. Sic Aristoteles in *Topicis* capite secundo libri octavi ait: εἰς δὲ σαφυνύειαν παραδείγματα καὶ παραβολὰς διείπον· παραδείγματα δὲ δικαῖα καὶ ἐξ ὧν ἴσμεθ, οἷα ὁ μῦθος, μὴ οἷα χοιρίλος· οὕτω γὰρ ἂν σαφέστερον εἴη τὸ περὶ ἀνόμῃον. Ad perspicuitatem verò exempla similia tenenda sunt: exempla verò familiaria & unde res cognoscimus, qualia sunt apud Homerum, non apud Chærilum: sic enim clarius & manifestius fit quod proponitur. Porro

generis & speciei doctrina maximé philosophos veteres exercuit, eademque occasione de Idea quaestio extitit: Idea tamen apud Platonem nihil est aliud, quam genus logicum, id est generalis notio & ad multa perti-
nens: vel res generalis animo & mente concepta, ut ex multis Platonis locis perspicui facillime potest: sexto siquidem libro de Repub. *ιδέαν τῆ ἀγαθῆ* nominat pro communi & universali notitia boni, quam sæpius pronomine demonstratè exprimit, ut *αὐτὸ ἀγαθόν, αὐτὸ καλόν*, Platonis sermone idem sit, quod generalis notio boni & honesti. Sic decimo libro *τὸ εἶδος καὶ τὴν ιδέαν* definit, notionem videlicet universam, cujus consimilia inter se multa sunt exempla: quam in Parmenide etiam appellat *γένος*: ut *εἶδος, ιδέα*, *γένος* apud Platonem promiscuè & indifferenter passim in eadem re & significatione dicatur: In Parmenide etiam & Sophista, aliisque permultis locis, *εἶδος καὶ ιδέα* communionem multarum rerum essentia inter se similium significat: totaque Parmenidis & Socratis disputatio eò maximè spectat, ut intelligamus esse *ιδέας*, id est genera rerum, quæ multis subjectis partibus æqualiter & communiter essentiam suam impertiant: ad quæ genera sese convertit animus, ut stabilem aliquam & solidam veritatis scientiam percipiat, quoniam in rebus singulis, quæ sunt subinde mutabiles & caducae, nullum tale vestigium sapientiae appareat. Quidam somniarunt à Platone *ιδέας*, dici exemplaria æterna à rebus tum communibus, tum singulis separata, ad quorum similitudinem Deus res omnes creavit & efflaxerit: Quæ quidem exemplaria Socrates adolescētulus & captivus sophismate deceptus videtur inducere, sed multis modis à Parmenide refellitur: Aristoteles porro in Philosophia, Socratis *ιδέαν* interpretatur de genere logico, non de exemplari per se consistente & à rebus separato. *ὁ μὲν σωκράτης τὰ καθόλου ὄν χωρὶς ἐπίσκει*. Socrates quidem universalia separata non faciebat, ait quarto copite libri decimi tertii. In Philebo, Socrates quid sentiat, apertius ostēdit, communia videlicet omnia,

nia, seu genera, seu species, *ιδέας* esse: quæ revera sunt in multis, ut in suis partibus: & tamen ratione quadam sine suis partibus intelligantur: quod etiam Aristoteles docet in Philosophia, & in posterioribus Analyticis: Lege, si voles, etiam Cratylum Platonis & Timæum, ut planius agnoscas, quod initio proposui, *ιδέαν* apud Platonem nomen esse dialecticum, idque significare aut notionem generalem, aut multitudinem & cōmunionem rerum essentia similium.

DISTRIBUTIO E SUBJECTIS.

Reliqua duo genera sunt secundariæ distributionis, in quibus nec totū, nec partes verè dicuntur, sed tantū specie quadā & similitudine. Primum igitur secundariæ distributionis genus est ē subjectis, cū totum adjunctum est, & partes ejus subjectæ, ut apud Catullum:

Virginitas non tota tua est, ex parte parentum:

Tertia pars matri data, pars data tertia patri:

Tertia sola tua est, noli pugnare duobus,

Qui genero sua jura simul cum dote dederunt.

Sic Cicero primo Academico: Fuit jam à Platone accepta philosophandi ratio triplex: una de vita aut moribus, altera de natura & rebus occultis, tertia de differendo, & quid verū, & quid falsum, quid rectū in oratione pravumque, quid consentiens, quid repugnans, judicando.

DISTRIBUTIO EX ADJUNCTIS.

Alterum genus secundariæ distributionis est, quando totū, subjectum est, partes, adjuncta: ut hominū alii sani, alii ægri: alii divites, alii paupe-

res: Sic Virgilius primo Georgicorum mundum dividit in quinque partes, mediam torridā, duas extremas frigidas, & reliquas duas temperatas:

*Quinque tenent cælum Zonæ: quarum una corusco
Semper sole rubens, & torrida semper ab igni:*

*Quam circum extrema dextra lavaque trahuntur
Cærulea glacie concreta, atque imbribus atris:*

*Has inter mediamque, duæ mortalibus agris
Munere concessæ divūm.—*

Reliqua] Dictum est de duobus generibus veræ distributionis, sequuntur duo genera distributionis non veræ, sed imaginariæ: Primum est ē subjectis, quando totum, est adjunctum, & partes, subjecta: ut apud Catullum virginitas, adjunctum est, & distinguitur ex tribus subjectis, patre & matre, quæ sunt subjecta, ut possessor rei possessæ: & puella nubente, quæ est virginitatis subjectum, quia in ea virginitas insit. Sic Cicero] Philosophia, ut adjunctum, dividitur in tres res sibi subjectas, circa quas ipsa versatur, in mores, in res naturales & occultas, & in rationem disserendi: Hæc enim tria subjecta sunt, circa quæ philosophia Platonis occupatur.

Alterum] Alterum genus fictæ divisionis appellatur ex adjunctis, quando totum, subjectum est, & partes, adjuncta: Sic Virgilius dividit cælum in quinque Zonas, quæ nominantur ex adjunctis rebus, torrida, frigida ad septentrionem, frigida ad meridiem, temperata nostra, temperata antipodum. Zonas autem Mathematici per metaphoram dicunt, pro circulis, in cælo & in terra fictitiis: Cælum igitur in hac divisione subjectum est, Zonæ autem, adjunctæ cælo. *Secundariæ]* Primus modus fictæ divisionis imitatur primum verum, ut secundus secundum: unde fit, ut cū adjunctum dividitur in sua subjecta, divisio totius in mēbra: & cū subjectum in adjuncta, divisio generis in species esse videatur: attamen in neutra harum divisionum verē totum,

tum, nec pars dicitur, sed utrobique totum est imaginarium, & per metaphoricam similitudinem appellatum: quia totum & pars separari possunt. Item quod verè totum est, id vel partibus suis est essenziale, ut totum integrum: vel ei partes sunt essentielles, ut totum universale, sive genus. At verò neque subjectum semper est de essentia adjuncti: nec adjunctum de essentia subjecti: Itaque in subjectis & adjunctis totum & pars verè dici non possunt: sed imaginaria tantum similitudine totum & pars intelliguntur. Et quoniam veras rerum essentias pauci homines comprehendunt, eò fit ut veræ distributiones raræ sint, & his imaginariis uti cogamur. Divisionis locus variè & ambiguè tractatur in libris Aristotelis: Nam tricesimo secundo capite libri primi Analyticorum priorum, & capite quinto libri secundi Analyticorum posteriorum reprehenditur, tum ut captiosa, quod αἰτῆται, ὅμῳ δεῖ διαιρεῖται, petit, quod oporteat demonstrare, & est ἀσυνλόγητος, & sic in Prioribus Analyticis infirmum syllogismum appellat, nihil concludens: tum ut prorsus inutilis: quæ sententia (ut interpretes Aristotelis ajunt capite decimo quarto libri secundi Posteriorum) fuit Speusippi, divisionem tollentis, ut impossibilem, quia dividendi omnia essent tenenda: & ut fallacem, quia principium peteret. At verò eodem capite defenditur ab Aristotele ut possibilis & facilis, quia dividendi non sint omnia tenenda, sed satis sit partes nosse, quibus probare quippiam velis: & divisio ipsa in oppositis immediatis doceat, non petat: & quanvis non concludat, alio tamen modo cognoscere faciat, ut naturali enūtiationis judicio: Et decimo sexto capite ejusdem libri laudatur, ut ad omnia problemata disputanda valde utilis: Sic enim ait: πρὸς τὸ ἔχειν τὰ προβλήματα, ἐκλέγειν δεῖ τὰς τε ἀνατομὰς καὶ τὰς διαιρέσεις ad obtinendum problemata, oportet adhibere partitiones & divisiones: Ideoque cum laudat comparisonis & conjugationis locum, divisionem etiam laudat capite secundo septimi Topici: præcipit enim tenendos esse locos καὶ.

τῶν ἄλλων, τοὺς μάλιστα κοινούς· & inter alios, maximé communes. οὗτοι γὰρ ἐνεργέτατοι τῶν λοιπῶν· οἷον τὸ περιβλέπειν ἐπὶ τὰ καθ' ἕκαστα, καὶ ἐπὶ τῶν εἰδῶν σκοπεῖν, εἰ ἐφαρμόττει ὁ λόγος· hi siquidem sunt efficacissimi reliquorum: ut respicere ad singula & per species considerare, an rarior conveniar. Divisionis veró laudem videtur Aristoteles Socrati tribuere capite quarto libri decimi tertii Philosophiæ: αὐτῷ γὰρ ὅτιν ἂν τις ἀποδώῃ σωκράτει δικαίως, τοὺς τ' ἐπακτικοὺς λόγους, καὶ τὸ ὀρίζεσθαι καθεύων· Duo enim sunt, quæ jure quis attribuerit Socrati, inductionis rationes & generales definitiones: inductiones auté, quia partiū enumerationem continent, ex loco distributionis sumuntur: Plato divisionem in tribus Dialogis præcipué docet, in Parmenide, ubi de toto & parte pluribus verbis differit: In Sophista, Hoc, ait hospes, est scire, per genus discernere, quomodo singula communicare vicissim possunt, & quomodo non possunt. The. Prorsus. Hospes. At veró Dialecticum opus haud alteri dabis (ut arbitror) quàm puré & legitimé philosophanti. The. Quomodo alteri tribui posset? In Politico Socrates eos reprehendit, qui vitiosé partiuntur: & doctrinam legitimæ divisionis attingit: primúm, ut rem generatim percipiamus, deinde partes inter se dissimiles inspiciamus, & una communione generis comprehendamus: Idemque admonet adhibendam esse rationem, qua possimus rem proposiram in species dividere, disputationemque longiorem attendere, nec ejus longitudinem, quæ sit per singulas partes, molesté ferre.

DEFINITIO, AC PERFECTA PRIMUM.

Definitio, est ratio quæ proprié explicat quid res sit. Definitio, perfecta est aut imperfecta: Illa proprié definitio, hæc descriptio dicitur. Definitio perfecta, est definitio cōstans é causis essentialibus.

tiam constituentibus , quales genere & forma comprehenduntur : Atque hoc modo definitur homo, animal rationale : Nam genere , animal, intelligimus (ut dictum est) essentiam corporeā plenam vitæ & sensus, quæ materies hominis est & pars formæ: cum qua si addas, rationale, totā formam comprehendes vitæ, sensus, rationis facultate: quæ forma est etiam efficiens, ut quæ statum rei tucatur . Itaque perfecta definitio nihil aliud est, quā universale symbolum causarum essentiam rei & naturam constituentium . Tales definitiones sunt artium: Grāmatica , est ars bene loquendi: Rhetorica, bene dicendi: Dialectica, bene differendi: Arithmetica , bene numerādi: Geometria, bene metiendi.

D E S C R I P T I O.

Descriptio , est definitio ex aliis etiam argumentis rei definiēs: ut, Homo est animal mortale, capax disciplinæ: Hic cum aliqua causā miscetur propria circumstantia : At hæc succincta brevis non est in hac specie perpetua , sed sæpe & res & auditor illustriorem & magnificentiorem explicationem desiderat : Ejusmodi ferè sunt descriptiones poëtarum : Sic quarto Æneidos Fama describitur:

*Ex templo Libyæ magnas it fama per urbes:
Fama, malum, quo non aliud velocius ullum
Mobilitate viget, viresque acquirit eundo:
Parva metu primo, mox sese attollit in auras,*

Ingrediturque solo, & caput inter nubila condit:
 Illam terra parens ira irritata Deorum
 Extremam, ut perhibent, Cæo Enecladoque sorore
 Progenit pedibus celerem & pernicibus alis:
 Monstrum horrendum, ingens, cui quot sunt cor-
 pore plumæ,
 Tot vigiles oculi subter (mirabile dictu)
 Tot linguæ, totidem ora sonant, tot subrigit aures:
 Nocte volat cæli medio, terræque per umbram,
 Stridens, nec dulci declinat lumina somno:
 Luce sedet custos, aut summi culmine tecti,
 Turribus aut altis, & magnas territat urbes:
 Tam ficti praviq; tenax, quàm nuntia veri:

Tales sunt descriptiones arborum, plantarum,
 animalium in philosophis: item urbium, flumi-
 num, montium in historicis: Atque ut brevis
 laudatur in perfecta definitione, sic magnificen-
 tia in descriptione celebratur, ea lege, ne quid re-
 dundet & superfluat.

Definitio] Tertium argumentum ex primis ortum, est
 definitio, Græcis ὅρος, ὁρισμός & ὁριστικός λόγος: quæ nomi-
 na per metaphoram dicuntur à mensuris deducta:
 Definire enim, propriè est terminare, ut agrum, aream,
 regionem: & hinc ad artes translatus, est naturam rei
 propositæ certis quasi terminis circumscribere & expli-
 care: Ut enim mensores decempeda agrum metiuntur,
 ut & quantus sit, ostendant, & eum à cæteris aliis distin-
 guant: ita res, de qua agitur, definitione quid sit, expli-
 catur & à cæteris rebus distinguitur. Cicero libro pri-
 mo de Oratore etiam vocat finem: Quintilianus libro
 septimo finitionem. Definitionem, philosophi maximè
 commendant: nec tantum præcipiunt ut in docendo, res
 de qua agitur, aptè definiatur, sed etiam quæ sit ars fa-
 ciendæ

ciendæ definitionis, docent, ut Plato in Theæteto, Politico, Sophista, aliisque multis Dialogis, in quibus vitiosas rerum definitiones refellit, & pro his rectas & legitimas reponit: in quo maxima & singularis elucet sapientia Socratis contra sophistas. Aristoteles primi Topici capite quarto: ἔστι δὲ ὁρος μὲν (ait) λόγος, ὃ τὸ τι ἢ εἶναι σημαίνων. Definitio autem, est oratio significans quid res sit. Idem capite decimo libri secundi Posteriorum: ὁρισμὸς δ' ἐπεὶ λέγεται εἶναι λόγος τῷ τι ἔστι, φανερόν ὅτι ὁ μὲν τις ἔστι λόγος, τῷ τι σημαίνει τὸ ὄνομα. Cùm igitur definitio dicatur esse oratio ejus quod quid est, constat esse quandam orationem ejus rei, quam nomen significat. In sexto etiam Topico ejusmodi leges ab Aristotele instituuntur. *Definitio*] Definitionis duo sunt genera, unum perfectum, subtile & accuratum, quo philosophi perfectam rerum essentiam demonstrari atque exprimi volunt: & propriè definitio nominatur: quæ propter excellentiam doctrinæ, commune nomen definitionis, speciale & tãquam suum usurpavit: de quo genere scriptus ab Aristotele totus Topicus liber sextus: alterum est minùs subtile, pressum, elaboratum, magisque popolare, quod non solum ex causis interioribus, sed etiam externis & cæteris primis argumentis deduci potest, & appellatur descriptio: de qua scriptus est ab Aristotele quintus liber Topicus. Hæc itaque partitio definitionis licet in Organo logico verbis expressa non sit, huc tamen ferè recidunt omnia, quæ sexto Topico de vera definitione, & quinto de proprio, id est de descriptione præcipiuntur. *Definitio perfecta*] Perfecta definitio vocatur in Analyticis posterioribus capite decimo libri primi ὁρισμὸς ἀμεσὸς, καὶ λόγος ὁ δηλῶν διὰ τι, καὶ ἀρχή. Definitio immediata, & ratio explicans propter quid, & principiū: Quia omnis demonstrationis principium, sit definitio constans ex causis propriam veramque rei essentiam constituentibus. Aristoteles in Topicis præcipit, ut talis definitio ex genere & differentia, id est forma, componatur, quia genus & differentia, causas, essentiam rei pro-

positæ constituentes comprehendant: ut in definitione hominis (animal rationale) genus, animal, significat & materiam & duas facultates formæ hominis, unam vivendi, alteram sentiendi: differentia autem, rationale, significat principē formam hominis, videlicet participē rationis & intelligentiæ: quæ etiam est caussa efficiens, quia statum hominis conservat: & finis, quia ad ejus usum omnia hominis facta referuntur: Itaque cū definitio sit ex genere & differentia, omnes causas, quæ sunt in re ipsa, continet: quodque Aristoteles in posterioribus Analyticis tradit, ut definitionem speciei, divisione generis investigemus, & definitiones generis, inductione specierū colligamus: hoc ipso nos admonet, ut ad definiendam speciem, assumpto genere descendamus ad propriam differentiā, id est formam, & ad definiendum genus, inquiremus per inductionem primū aliquid commune, in quo multa similia consentiant: deinde assumpta differentia, id est propria forma, definitionem conpleamus: ut perfecta definitio nihil aliud sit, quā catholicum symbolum causarum, rei, de qua agitur, essentiam constituentium. *Tales*] Cū definitur Grammatica, ars bene loquendi, ars, Grammaticæ genus est, & bene loqui, caussa formalis, per quam Grammatica est, id quod est, & à cæteris artibus distinguitur. Idem judicato de Rhetorica, Dialectica, Arithmetica, Geometria, & reliquis artibus, quæ singulæ ex genere & sua forma definiuntur. Mirabilis autem fuit Antisthenis & imperitorum hominum opinio, negantium quicquam definiri posse: de quibus sic Aristoteles capite tertio libri noni Philosophiæ scribit: ὥστε ἡ ἀπορία, καὶ ἂν τιθέντες καὶ οἱ ἄλλοι ἀπαίδευτοι ἡ πόρρω, ἔχει τινὰ καιρὸν λυθῆναι· ὅτι οὐκ ἔστι τὸ τί ἐστὶν ὁρίσασθαι· τὸν γὰρ ὅρον, εἶναι λόγον μακρὸν· ἀλλὰ ποῖον μὲν τί ἐστὶν, ἐνδεχέσθαι καὶ διδόναι· ὡς αὖτε ἀργυρον, τὴ μὲν ἔστιν· ὅτι δι' οἷον καττίτερος. Quare ea dubitatio, qua Antistheni & tales ineruditi homines dubitabant, opportunè solvi potest: Hi quidem definitiones tradi non posse existimabant: definitionem enim
longam

longam orationem esse dicebant : sed fieri quidem potest ut doceas, quale quid hoc est : ut autem definias, minime fieri potest : etenim quidnam sit argentum non dixeris : at tale esse, quale est stannum, dicere potes.

Descriptio] Secundum genus definitionis ex omnibus argumentis primis effici potest, differtque á superiore, quód non solum causas interiores & essentielles explicat, sed aliis præterea argumentis, tanquam externis coloribus rem propositam, exornat & exprimit, ut causis externis, factis, subjectis, adjunctis, oppositis, comparatis, Aristoteles quinto Topico nomine τῆ ἰδέας, id est proprii, comprehendit : Porphyrius appellat ὑπογραφὴν, descriptionem : Rhetores etiá περίφρασιν. Cicero in Topicis παραγραφὴν ut sit hominis descriptio, ζῶον θνητὸν καὶ ἐπιστήμης ἀκτικόν, animal mortale, particeps scientiæ : Genus siquidem, animal, significat hominis materiam & duas facultates animæ, quæ est forma : reliqua autem significant adjunctas homini proprietates, non ullam hominis essentiam. *Atque hæc*] Descriptio interdum brevior est, ut illa, Animal mortale, capax scientiæ : sæpe etiam longa & multis verbis expolita, qualis est Virgiliana famæ descriptio ab adjunctis, quæ sunt, malum, velox, mobilis, inconstans : ab effectis, quæ sunt, sese attollere, latè volare : á causa procreante, quæ est terra : rursumque ab adjunctis corporis, celeritate pedum, mobilitate alarum, multitudine oculorum, linguarum, sermonum, aurium : itemque ab effectis, quæ sunt, tota nocte volare, interdiu urbes terrere : á paribus, quæ sunt, tam nugatoriam famam esse, quàm verax est.

Tales sunt] Philosophi inopia verarum & perfectarum definitionum, sæpissimè confugiunt ad descriptiones : Nam cum veras plantarum, arborum, animalium formas & essentias ignorent, ejusmodi res ex causis externis, factis, subjectis, adjunctis, oppositis, aliisque id genus argumentis quoquo modo possunt, explicant atque ostendunt : In historicis, qui res speciales tractant, usus magnificentioris hujusce descriptionis etiam fre-

quens est duabus de causis, & quia illis propositum est non solum docere, sed etiam delectare, quod copiosa & illustri oratione efficitur: & quia specialia pluribus verbis egent ut definiatur, quam universalia.

Atque ut brevis] Definitio proprie dicta, tribus virtutibus in scholis laudatur, proprietate, ut rem totam & solam definiat, perspicuitate, ut clare exponat quid sit, brevitate, ut facile percipiatur & ediscatur: quarum virtutum duæ primæ sunt ei cum descriptione communes, proprietas & perspicuitas: tertiam interdum descriptio desiderat, ut in tradendis artium præceptis: sæpe etiam repudiat, ut in rebus popularibus, in quibus angustia orationis & paucitas verborum vituperatur, copia & amplitudo & magnificentia laudatur, ut antea dixi de poësi & historia. Fabius libro septimo: An (inquit) si non dixerō, homo est animal rationale, mortale, non poterō expositis tot animi corporisque proprietatibus latius oratione ducta vel à mutis eum discernere, vel à diis? Quid quod nec uno modo definitur eadem res, sed latiore varioque tractatu? ut facit Cicero, ut omnes oratores plerunque fecerunt: Rarissima enim apud eos reperietur illa ex cōsuetudine philosophorum ducta servitus: Est enim servitus ad certa verba sese astringendi: eamque M. Antonius libro secundo de Oratore vetat: Nā est etiam periculosum, cum si in uno verbo sit erratū, tota causa cecidisse videamur. *Ea lege*] Cicero libro secundo de Oratore: Hoc (ait) præcipit ratio atque doctrina definiendi, ut vis eius rei, quam definias, sic exprimatur, ut neque absit quicquam, neque super sit: Deest autem aliquid in definitione, cum ipsa rem proprie & perspicue non explicat: redundat, cum aliquid detrahi potest, ut tamen propria & perspicua definitio maneat. Aristoteles verò totam istam definiendi scientiam Socrati attribuit, ut ostendit locus paulo ante citatus in capite de divisione ex decimo tertio Philosophiæ, ubi ait Socratem authorem fuisse inductionum & definitionum: ob eam (opinor) causam, quod & male definiē-

res refellat : & quod ipse generalem rerum definitionē semper requirat. Idem Socrates in Theæteto definitionem clarissimo siderum Soli cōparat , & ut propria claraque sit , admonet: atque eodem loco præcipit definitionem ex multis componendam esse, quæ tandem aliquid proprium efficiant, quod non possit in ullam aliam rem transferri.

ARGUMENTUM INARTIFICIALE,
ac primū Lex.

Exposito artificiali argumento sequitur inartificialis declaratio: Argumentum inartificiale est, quod per se suaque natura fidem non facit. Id uno nomine testimoniū vocatur, siue divinū sit, ut oracula & prophetiæ, siue humanū: Cicero in defensione Milonis ex lege & scripta & non scripta disputat: id est divino & humano testimonio: Quod si duodecim tabulæ nocturnum furē quoquo modo, diurnum autem si se telo defenderit, interfici impunē voluerunt: quis est qui quoquo modo quis interfectus sit puniendum putet, cū videat aliquando gladium nobis ad occidendum hominem ab ipsis porrigi legibus? Et ibidem pauló pōst: Est enim (Judices) non scripta, sed nata lex: quam non didicimus, accepimus, legimus: verū ex natura ipsa arripuimus, hausimus, expressimus: ad quam non docti, sed facti: non instituti, sed imbuti sumus: ut si vita nostra in aliquas insidias, si in vim, in tela aut latronum aut inimicorum incidisset, omnis honesta ratio esset expediendæ salutis: sententiæ

poëtarum & insignium personarū, sunt humana testimonia. Sic Athenienses usi sunt Homeri testimonio in caussa Salaminis: & Tenedii, Periadri adversus Sigientes: Sic Plato & Aristoteles philosophiam suā ornarunt testimoniis poëtarum: Proverbia sunt etiam testimonia. Sunt item pacta. Exemplum pacti est apud Ciceronē quinta Philippica: Audebo etiam obligare fidē meam P. C. vobis populoque Rom. quod profectō cū me nulla vis cogeret, facere nō aude-rem, pertimesceremque in re maximē periculosa opinionem temeritatis: promitto, recipio, spōdeo P. C. Cæsarē talem semper fore civem, qualis hodie sit, qualemque eum maximē velle & optare debemus. Pignus autem, pactum quoddam est, ut apud Virgilium Ecloga tertia:

*Vis ergo inter nos quid possit uterque, vicissim
Experiamur? ego hanc vitulam, ne fortē recuses,
Bis venit ad mulctram, binos alit ubere factus,
Depono: tu dic mecum quo pignore certes.*

Quæstio etiam in testimoniis humanis numeratur, id est vi & tormentis expressa confessio, Tale fuit argumentum contra Milonem, quod à Cicerone deridetur: Agē verō, quæ erat aut qualis quæstio? Heus ubi Ruscio? ubi Casca? Clodius insidias fecit Miloni? Fecit: Certa crux. Nullas fecit: Spectata libertas. Huc etiam referri potest argumentum, quo utimur, cū affirmationis nostræ probationem & experientiam proponimus.
4. Ver. Ecquis Volcatio, si sua sponte venisset,
unam

unam libellam dedisset? Veniat nūc, experiatur,
recto recipiet nemo. Terentius in Eunuchis:

Fac periculum in literis, fac in palestra, in musi-
cus: quæ liberum

Scire æquum est adolescentem, solertem dabo.

Ovidius tertio de Tristibus:

Quod magis ut liqueat, neve hoc ego fingere cre-
dar,

Ipse velim pœnas experiare meas.

Jusjurandum, etiam testimonium est, quale est
sexto Æneidos:

Per superos, & si qua fides tellure sub ima est,
invitus, regina, tuo de litore cessi.

Argumentum inartificiale, cum exquisita re-
rum veritas subtilius expenditur, magnam vim
probationis non habet: sed hæc fides, famæ &
existimationi personæ tribuitur: mores enim
sunt maximæ persuasionis, si prudentia, bonitas
& benevolentia conjunctæ sint. Sapientia, bo-
nitas, benevolentia, summæ sunt in Deo, ideo-
que divinis testimoniis summa fides adhibetur:
hominum dictis major minorve, prout hæ cir-
constantia majores minoresve fuerint. Denique
in privatis & publicis civitatis cujusque judiciis,
pericula capitis, famæ, fortunarumque omnium
his ferè argumentis dijudicantur.

Expositis] Argumentum initio generatim divisum
fuit in artificiale & expers artis, & quæ essent species
argumenti artificialis, quemque usum haberent, ex an-
tecedentibus præceptis satis constare arbitror: Restat
argumentum inartificiale, expers artis, quod & assum-

ptum, & testimonium Cicero nominat: Fabius etiam locum ab autoritate: Definitur autem ex dissimilibus, quod ex sua natura fidem non facit, sicut argumentum artificiale facit, sed fides ejus, argumento aliquo artificiali expenditur & confirmatur, ut mox docebitur. Aristoteles quinque modos distinxit capite decimo quinto libri primi ad Theodectem: εἰσι δὲ πέντε τὸν ἀριθμὸν, νόμοι, μάρτυρες, συνθήκαι, βιάσκηνοι, ὄρμος. Sunt autē numero quinque, leges, testes, pacta, quæstiones, jusjurandum: In Rhetoricis ad Alexandrum leges & pacta non adhibentur. At hæc omnia, testimonia sunt. Cicero] In Rhetoricis ad Theodectem dividitur νόμος, lex, εἰς γεγραμμένον καὶ κοινὸν ἢ ἀγραφον, in scriptam & communem aut non scriptam. Utriusque generis exempla sunt pro Milone: In priorē inest etiam comparatio à majori ad minus: Leges duodecim tabularum dant impunitatem interficiendi furem: Jubent igitur & eum impunē occidi, qui vim alteri fecerit. Alterum exemplum est à lege naturali, quæ jubet ut contra vim hostium, naturam salvam & incolumem tueamur. Sententiæ] In testimoniis humanis numerantur sententiæ poëtarum & insignium hominum, ut docet Aristoteles capite decimo quinto primi Rhetorici, ubi poëtas ait esse παλαιὸς μάρτυρας, veteres testes: οἷον Ἀθλωαῖοι ὁ μὲν μάρτυρι ἐχρήσαντο περὶ Σαλαμῖνος, καὶ τινέδδοι ἐναγχος περιάνδρῳ τῷ Κορινθίῳ πρὸς Σιγῆς, καὶ Λεοφρόν κατὰ κρίτις τοῖς Σόλωνος ἐλεγεῖοις ἐχρήσαντο. Sicut Athenienses usi sunt Homero teste pro Salaminē, & Tenedii nuper Perianthro Corinthio adversus Sigienſes, & Leophron contra Critiam Solonis elegiis usus est: Solon autem persuasit Salaminam insulam esse Atheniensium, quia Homerus libro secundo Iliados in catalogo navium id confirmare videretur: Lege Diogenem in vita Solonis. Tenedii cum Sigienſibus de agro intermedio contendentes, testimonio & arbitrio Perianthri controversiā totam componi voluerunt: Vide Strabonem libro decimo tertio Geographiæ. Sic Leophron, filius (ut opinor) Perianthri sapientis, contra Critiam tyrannum

rantium versibus iis est usus, quos Solon adversus Pisistratum tyrannum composuerat. Sic Plato & Aristoteles ad exornandam suam philosophiam, versus antiquorum poetarum citant, ut Parmenidis, Homeri, Orphei, Empedoclis, Hesiodi, Theognidis, Simonidis, &c.

Proverbia] Idem etiam admonet Aristoteles his verbis: *ἐτι δὲ αἱ παροιμίαι, ὥστε ἔρηται, μαρτυρία ἐστὶν· διὸν ἢ τις συμβαλένῃ μὴ ποιεῖσθαι φίλον γέροντα. τὸ τοῦ μαρτυρεῖν ἢ παροιμία, μὴ ποτ' ἐν ἔρδῃ γέροντα*. Item *paræmia*, ut dictum est, testimonia sunt: si quis consulit amicum senem non esse beneficiis afficiendum, proverbium hoc testificabitur, non esse beneficium in sene collocandum. *Πάσις*]

In pactis sunt tabulæ privatæ & publicæ, quæ ad quæstionem affirmandam aut negandam afferuntur: Item fœdera privata & publica, quæ non scribuntur: quale fuit pactum Antonii cum Cæsare de evertenda Republica: quale etiam est illud promissum Ciceronis de Octavio Cæsare, quod habuit maximam vim testimonii: Octavius adolescens erit optimus civis, quia Cicero promittit eum talem fore. *Pignus*] Pignus, est id quod deponitur ab his, qui decertant apud sequestrum: Sic Damocritas invitans Menalcam ad certamen cantus, oppignerat virulam: & paulo post uterque pocula affabre elaborata. *Quæstio*]

Quæstionem, intelligimus tormenta & dolorem corporis ad eruendam veritatē: Sed eodem nomine tormentis expressam confessionem dicimus: Aristoteles in Rhetoricis *βάσανον* vocat, atque ita definit decimo quarto capite ad Alexandrum: *βάσανος δὲ, ἐστὶν ἢ αὐτοῦ ὁμολογία περὶ σωφροσύνης, ἀκόντης δὲ*. *Quæstio*, est confessio quidem conscii, sed coacti: Ut confessiones servorum & reorum tormentis expressæ. *Huc etiam*] *βάσανος* dicitur ab Aristotele non solum tormentum, sed etiam experientia & probatio: Cum autē jubemus contradicentem experiri, videmur velle approbationem ejus rei, de qua agitur, ab eo extorquere: ut apud Terentium Parmeno, cum Thaidi laudari vult Chæream simulatum Dorum Eunuchum, & a Phædria dono mis-

sum, sentitque Gnatonem & Thrasionem adversari, jubet ambos experiri, quid Dorus possit in literis, in palaestra, in musicis. *Quod magis*] Invehitur in maledicū, eique experientiam laborum & ærumnarum suarum proponit, ut tandem maledicere desinat. *Jusjurandum*] Jusjurandum, est affirmatio religiosa: ὅρκος δὲ, ἔστι μετὰ θείας παραλήψεως φάσις ἀναπόδεικτος. Jusjurandum, est cum obtestatione divina indemonstrabilis affirmatio: id est quæ demonstrari non possit. Veteres ethnici jurabant per Jovem cæterosque deos, ut apud Virgilium Aeneas per deos superos & inferos testatur, se invitū & divino jussu coāctum, Carthagine decessisse in Italiam: quæ affirmatio Aenææ, interpositis diis testibus, jusjurandum est, id est sancta & religiosa affirmatio.

Argumentum] Hactenus descripta sunt genera argumenti inartificialis: ad extremum natura illius & facultas & usus explicantur: quæ explicatio, definitionem hujus generis antea positam, clariorem & illustriorem efficit: hoc igitur logicum axioma (Argumentum inartificiale, cū subtilius veritas exquiritur, non multūm per se posse) ex definitione sumptum est, quod tribus locis Platonis illustrari potest in Protagora, in Gorgia & in Charmide. *Itaque Plato*] Socrates Protagoram rideré se proposita ad quæstionem de poetis digressum, quos citat ut locupletissimos testes: καὶ γὰρ δοκεῖ μοι τὸ πρὸ ποιήσεως διαλέγεσθαι ὁμοιότατον εἶναι τοῖς συμποσίοις καὶ τῶν φαύλων καὶ ἀγοραίων ἀνθρώπων. καὶ γὰρ οὗτοι διὰ τὸ μὴ δύνασθαι ἀλλήλοις δι' αὐτῶν συμφέιναι ἐν τῷ πίνειν, μὴ δὲ διὰ τῆς αὐτῶν φωνῆς καὶ τῶν λόγων τῶν αὐτῶν ὑπὸ ἀπαιδευσίας, τιμίας ποιῶσι τὰς αὐλητρίδας, πολλὲν μοδούμηνον ἀλλοτρίαν φωνὴν πρὸ τῶν αὐτῶν, καὶ διὰ τῆς ἐκείνων φωνῆς ἀλλήλοις συμφέειν ὅπου δὲ χαλροὶ καὶ χαλροὶ συμπύτοι καὶ πεπαιδευμένοι εἰσιν, οὐκ ἂν ἴδους οὐτ' αὐλητρίδας, οὐτ' ὀρχητρίδας, ὅτε χαλτρίδας, ἀλλὰ αὐτοὺς αὐτοῖς ἰκνέουσιν ὅττις συμφέειν, ἂν δὲ τῶν λήρων τὴν καὶ παιδιῶν τούτων, διὰ τῆς αὐτῶν φωνῆς λέγοντας τε καὶ ἀκούοντας ἐν μέρῃ αὐτῶν κοσμίως, καὶ πᾶν πολὺν οἶνον πίωσιν οὕτω δὲ καὶ αἱ τοιαύται συμφωνεῖσαι, ἂν μὲν λάβωται ἀνδρῶν,

ὁρῶν, οἷοί περ ἡμῶν οἱ πολλοὶ φασιν εἶναι, οὐδὲν δίδονται ἀλλο-
 τρίας φωνῆς, οὐδὲ ποιητῶν, οὐς οὐτε ἀνέρεσθαι εἴοντ' ὅτι ποί-
 ῶν λέγουσιν· ἐπαγγόμοιοί τε αὐτοὺς οἱ πολλοὶ ὥς τοῖς λόγοις, οἱ
 μὲν τῶντά φασι τὸν ποιητὴν νοεῖν, εἰδ' ἑτέρα πλεῖ πρὶ ἀγμά-
 τος διαλεγόμενοι, ἀδωματοῦσιν ἐξελέγξαι· ἀλλὰ τὰς μὲν καὶ αὐ-
 τας σιωποῦσας ἑῷσι χαίρειν· αὐτοὶ δ' ἑαυτοῖς εὖνεσι δι' ἑαυτῶν,
 ὃν τοῖς ἑαυτῶν λόγοις πῆραν ἀλλήλων λαμβάνοντες καὶ διδόν-
 τες. τοὺς τοιούτους μοι δοκεῖ χρεῖναι μάλλον μιμῆσθαι ἐμὲ τε
 καὶ σέ, καταθεμένους τοὺς ποιητὰς, αὐτοὺς δι' ἡμῶν αὐτῶν πρὸς
 ἀλλήλους τοὺς λόγους ποιῆσθαι τῆς ἀληθείας, καὶ ἡμῶν αὐτῶν
 πῆραν λαμβάνοντας· *Videtur enim mihi disputatio de re-*
bus poetiis, persimilis esse convivii imperitorum ple-
beiorumque hominum: Qui cum propter inscitiam ne-
queant invicem propria voce suisque sermonibus ipsi
colloqui, mercede exhibita tibicines introducunt, & alie-
na voce, id est tibiae flatu, convivium transigunt: Ubi
autem boni praeclarique & eruditi viri conveniunt, ne-
que tibicines ipsi neque saltatrices, neque cantatrices
ullas videas, sed voce propria remotis iis nugis jocis-
que convivium celebrare, & alterius interrogationibus
responsionibusque modestè disserere, etiam si vinum
abundè bibant. Eodem modo ad disputationes hujus-
cemodi si viri conveniunt tales, quales esse nostrum plu-
rimi praedicant, haudquaquam aliena voce opus est,
neque poetarum, quos percontari de his, quae scribunt,
non datur: & qui eorum testimonia in medium afferunt,
alii hoc, alii aliud poetam dicunt sentire: neque tamen
convincere rem possunt, de qua disserunt, aut expedire.
Tales ergo confabulationes viri sapientes mittunt, ip-
sique inter se colloquuntur, vicissimque ingenii pericu-
lum faciunt: Disputatores autem huiusmodi, ut arbitror,
ego & tu nunc imitari debemus: & poetis posthabitis,
nostris rationibus rem ipsam discentere, facereque tam
ingenii nostri, quam veritatis periculum. Secundus lo-
cus est in Gorgia, cum Polus juvenis de beata vita di-
sputans, auctoritate testium maximè niteretur, Socra-
tes cum admonet, veritatem in disputando non ex te-

iste aliquo, sed ex argumento esse ponderandam, ut ea
 disputandi ratio sit optima, cum unus in causa adver-
 sarius ratione convictus fuerit: quo loco duos modos
 disputationis ostendit, unum cum testibus opprimitur
 adversarius, alterum cum rationibus & argumentis co-
 vincitur: Verba Socratis sunt: ἂν μὲν ἐγὼ σοι εἰς ὧν ἔχ' ὁμολο-
 γῶ· ὃ γὰρ με σὺ ἀναγκάζεις· ἀλλὰ ψευδομάρτυρας πολλὰς
 κατ' ἐμὴν παρασχομένους, ἐπιχειρεῖς ἐκβάλλειν με ἐκ τῆς δυνάμεως
 καὶ τῶ ἀληθοῦς, ἐγὼ δὲ ἂν μὴ σὲ αὐτὸν εἶνα ὄντα μάρτυρα πα-
 ράγωμαι, ὁμολογοῦντα πρὸς ὧν λέγω, ὃ δὲν ὅμαι ἀξιὸν λό-
 γον πεπεσέναι, πρὸς ὧν ἂν ἡμῖν ὁ λόγος ᾖ· ὅμαι δὲ ὃ δὲ σὺ,
 εἰ μὴ ἐγὼ σοι μαρτυρῶ εἰς ὧν μόνος, τὸν δ' ἄλλος πάντας
 τέτρες χαίρειν εἶς· ἔστι μὲν ἔν τις πρόπος ἐλέγχου, ὡς σύ
 τε οἶδ' καὶ ἄλλοι πολλοί· ἔστι δὲ καὶ ἄλλος, ὃν ἐγὼ αὐτὸς ὅμαι
 παραβάλλοντες ὄντι παρ' ἀλλήλους σκεπόμεθα, εἴτε διοίσουσιν
 ἀλλήλων· At ego unus tibi non assentior: non enim me
 rationibus cogis, sed falsis testibus contra me productis,
 ex ipsa veritatis substantia dejicere me moliris: Ego ve-
 rò nisi te ipsum testem unum adduxero mihi assentien-
 tem, nihil existimatione dignum in his, quæ tractamus,
 perfecisse me arbitror: Nihil etiam te profecturum pu-
 to, nisi ego, unus solusque tibi consentiam: tum dimissa
 aliorum testium multitudine id ipsum efficias. Est igitur
 unus, ut dixi, iste arguendi modus, quemadmodum
 tu aliique multi putatis: Est & alter, quem ego puto:
 Eos igitur invicem comparantes, utrum & quo pacto
 inter se discrepent, diligenter consideremus. Locus in
 Charmide Platonis hic est: ἂν μὲν τί διαφέρει, ἢ δ' ὅς ὁ χαρ-
 μήδης, ὃ σώκρατες, ὅτε ἤκουσα; ὃ δὲν, ἢ δ' ἐγὼ. πάντως γὰρ
 ὃ τὸ σκεπτόμενον. ὅς τις αὐτὸ εἶπεν, ἀλλὰ πότερον ἀληθεὺς λέγει-
 τι. ἢ ὃ. νῦν ὁρθῶς λέγεις, ἢ δ' ὅς· ἢ δ' αἶα, ἢ δ' ἐγὼ. Quidnam
 refert (inquit Charmides) o Socrates, ex quo audive-
 rim? Nihil (inquam) profectò: Neque enim id consideran-
 dum est, quis dixerit, sed utrum verè dicatur, necne.
 Probè nunc loqueris, inquit. Rectè per Jovem, inquam.
 Simile est illud Socratis in Critone: σκοπεῖσθαι ἔν χρη-
 μασι, εἴτε ταῦτα πρᾶκτέον, εἴτε μὴ· ὡς ἐγὼ ὃ μόνον νῦν, ἀλλὰ
 καὶ

καὶ αὖ τοῖς τοῖς, οἷος τῶν ἐμῶν μὴ δὲν ἄλλω πεῖθεισθαι, ἢ τῷ λό-
 γῳ, ὅς ἂν μοι λογιζομένη βέλτιστος φαίνεται. Considerandum
 est igitur, agendane hæc nobis sint, an non : Nam ego is
 sum non modò nunc, sed & semper, qui meorum nulli
 paream, præterquam rationi, quæ ratiocinanti mihi
 optima videatur. *Sed hæc*] Aristoteles secundo capite
 libri primi ad Theodectē: ἀπὸ πρῶτου, ὅσα μὴ δι' ἑμῶν
 πεπείσται, ἀλλὰ προὔπῃρχιν probationes, ait, inartificia-
 les voco, quæ á nobis non inveniuntur, sed priús inerāt
 in caussa. Cicero in Partitionibus: Nec eó dicuntur sine
 arte, quód ita sint, sed quód ea non pariat ars orationis,
 sed ad se delata tamen tractet. Quintilianus capite pri-
 mo libri quinti probationes inartificiales vocat, quas
 extra dicēdi rationē accipit orator. Aristoteles igitur &
 Aristotelē secuti Cicero & Quintilianus, argumēta ap-
 pellant ἀπὸ πρῶτου, id est expertia artis, quód ea orator non
 inveniat, sed á litigatore extrinsecús assumantur: quám
 recté, ipsi viderint : Nam & testimonia plerunque ab
 oratore inveniuntur, ut poëtarum & philosophorum:
 & argumenta alia artificialia sæpe á litigatore ad ora-
 torem deferuntur, ut adjuncta, facta, subjecta: appellen-
 tur igitur potiús inartificialia, quód ex se & sua natura
 minimi habeant artis, id est fidei & probationis: Nec
 enim quia aliquid quis dixerit, iccirco verum esse putā-
 dum est: Recteque Aristoteles capite octavo libri primi
 de interpretatione ait : ὃ δὲ γὰρ διὰ τὸ καταφαιθῆναι ἢ ἀπο-
 φαιθῆναι, ἔσται ἢ ἔκ' ἔσται. Neque enim propterea quód af-
 firmatum aut negatum sit, id erit aut non erit. Quam-
 obrem veritas argumenti inartificialis, caussis, factis,
 subjectis, adjunctis personarum & rerum, quæ testimo-
 nii caussa proferuntur, examinanda & expendenda est.
Mores enim] Mores, sunt adjuncta personarum, ut pru-
 dentia, bonitas, benevolentia, unde fides habetur inar-
 tificialis argumenti, ut Aristoteles obiter docet capite
 secundo libri primi ad Theodectem: plapiús autem ca-
 pite primo libri secundi : τὸ μὲν οὖν αὐτὸς εἶναι πιστὸς τὸς
 λίγοντας, πρὶα εἰς τὰ αἴτια· τοσαῦτα γὰρ ἐστὶ δι' αὐτοῦ μόνον

ἔξω τῶν ἀποδείξεων. ἔσι δὲ ταῦτα, φρόνησις καὶ ἀρετὴ καὶ ἐν-
νοια. Ut igitur qui dicunt, fide digni sint, tres sunt caussæ:
tot enim sunt, quæ extra demonstrationem fidem fa-
ciunt, prudentia, virtus & benevolentia. ἀνάγκη ἄρα τὸν
ἅπαντα δοκούντα, ταῦτα ἔχειν εἶναι τοῖς ἀκροαμένοις πιστόν.
Necesse est igitur si cui hæc omnia inesse videatur, eum
fide dignum esse apud auditores. Credimus oraculis di-
vinis & prophetiis divino afflatu emissis, quia Deum
summè sapientem & bonum & benevolum esse credi-
mus: ideoque semper veracem & nunquam mendacem:
& de hominum genere his credimus, qui propter pru-
dentiam vera sentire, propter bonitatem ea dicere, quæ
sentiunt, propter benevolentiam nobis rectè consulere
velle videantur. Quamobrem argumenta inartificialia,
quæ per se nihil, aut certè parum possunt, adhibitis per-
sonarum circumstantiis, fidei aliquid & probationis ha-
bent. Denique] Maximus usus hujus argumenti cer-
nitur in civilibus negotiis & judiciis: his enim lites in-
struuntur, & de capite, fama fortunisque civium judi-
catur: Qua de causa Rhetores eum locum in utranque
partem studiose tractarunt, ut pro testibus & contra tes-
tes copiosissima dicendi materia suppeditaret: & Jure-
consulti multò diligentius & subtilius rem totam expé-
derunt, ut ex eorum libris cognosces.

PERORATIO INVENTIONIS.

Haftenus prima pars Dialecticæ exposita
est: cujus partes singulares non ita perpetuò di-
stinguuntur, quin eadem res esse possit causa
& effectus, subjectum & adjunctum, & cætera
omnia: ut homo efficitur ex suis causis, & alia
etiam efficit: subjectum est multorum adjun-
ctorum, & adjunctum etiam est cujusdam sub-
jecti, ut terræ: pluribus opponi & cōparari omni
modo

modo potest: totum est suarum partium, & pars alicujus totius, ut mundi: genus est Platonis & Ciceronis, species etiam animalis: Imó idem argumentum in eadem quaestione variis modis accipi potest: Nullus opprimit populum: non est igitur popularis: effectum est Rulli: est etiam oppositum popularis, ut etiam ex parte conjugatum: Attamen ratio & definitio cujusque argumenti distincta & dissimilis est: Itaque locis his eaque ratione distinctis, omnes vias cujusque rei inveniendæ propositas habemus: Quavis Menon inventionem tollere videatur, cum hoc modo contra Socratem disputat: At qua via quæres, o Socrates, quod omnino quid sit, ignoras? quam tandem ejus rei, quam nescias, notam spectans & intuens inquires? aut etiam si vel maximè in illud incurreris, quo pacto quod ignoras, illud ipsum quod quæris, esse percipies? So. Intelligo quid velis, o Menon: Vides quàm captiosam, quamque contentiosam rationem induxeris, nempe quód homini non conveniat inquirere neque quod sciat, neque quod nesciat: Neque enim quod sciat, inquireret: id quippe jam nactus est, nec id postea investigare necesse est: neque item quod nesciat, inquireret: nec enim noverit, quod inquireret. Socrates hoc dilemma sic retexit, & Pythagorea nescio qua philosophia dissolvere nititur, dum disserit hominum divinorum testimoniis, animos nostros immortales esse: qui res omnes o-

mnino penitusque percepissent & tenuissent, earum notitiam veluti consignatam & impressam in corpora attulissent : sed cū subito in tam alienum tamque confusum & turbatum domicilium ingrederentur , in præteritarum rerum oblivionem incidere, quarum, cū sese collegissent, paulatim reminiscerentur: Itaque nihil esse mirum statuebat, si animus, omnium rerum reminisceretur, cū eas intelligentia & memoria antè complexus esset : Nam cū rerum omnium natura sibi cognata sit & cōsentiens, eamque totam perceperit animus , nil prohibeat unius cujusdam recordatum, cætera connexa & conjugata recordari , si modò strenuus in quærendo constansque sit, nec quærendi labore frāgatur ac debilitetur : Illud enim inquirere , non aliud fuerit , quā reminisci & recordari . Socrates igitur hoc modo Menonis dilemma refellere voluit . Aristoteles secundo de Syllogismo & primo de Demonstratione aliam solutionis viam tentavit, cū ait eum , qui quærit , generaliter scire, quod quærit, sed specialiter ignorare : Itaque generali nota specialem recogniturum, quanvis ejus ignarus esset . Hæc Aristotelis solutio parte quadam vera est : nam ubi generales artium & doctrinarum leges percepimus, res speciales exquirimus , easque de generali notitia antè nota agnoscimus: Veruntamen si Meno responsum Aristotelis persequatur , eique primam hominum inventionem objiciat , cū nihil neque

que generale, neque speciale esset observatum, hæc solutio satisfacere non posset: Quare ut tota res plenius explicetur & solvatur, afferemus potius quod à Socrate dicitur: in animo naturalem quandam vim inesse omnia cognoscendi, cum dirigitur & convertetur ad ea cognoscendum: Quod Aristoteles etiam secutus est secundo de Demonstratione, cum ait non ab animis, ut Socrates aliquando dixit, in corpora nostra rerum notitias importari, sed facultatem & vim cognoscendi: ut neque oculi nostri ab utero matris colorum species afferunt, sed tantum potentiam intuendi: Quare, tamen si homo rerum omnium ignarus sit, non ideo tamen querere non debeat, & invenire nequeat, cum in seipso naturalem facultatem habeat omnia cognoscendi: cum vero ante oculos posuerit, inveniendi artem ex his generibus universis, tanquam speculum aliquod, species rerum universales, & generales imagines complexum, longe facilius ei fuerit singulares species ex his recognoscere, ideoque invenire quod quaesierit: Veruntamen multis exemplis, magna exercitatione, longo usu poliendum est hoc speculum, antequam reluceat, ac has imagines exprimat: omninoque hi loci, ut Cicero ait secundo de Oratore, tum prodesse poterunt ei, qui est versatus in rebus vel usu: quem denique ætas affert vel auditione & cogitatione, quæ studio & diligentia præcurrit ætatem: Nam si tu mihi quanvis eruditum hominem adduxe-

ris,quanvis acrem & acutum in cogitando,quavis ad pronuntiandum expeditum,si erit in consuetudine civitatis,in exemplis , in institutis , in moribus ac voluntatibus suorum civium hospes, non multum illi ii loci proderunt, ex quibus argumenta promuntur: Subactio mihi ingenio opus est , ut agro non semel arato , sed novato & iterato , quo meliores factus possit & gradiores edere:Subactio autem,est usus , auditio , lectio,literæ. Quamobrem ut omnino quavis alia doctrina,sic logica, præcipue in hac parte, bona sua desidiosus & inertibus nihil credit, sed industriis tantum & diligentibus distribuit:& quidem æqua portione,ut labori merces respondeat.

Hactenus] Peroratio tria docet , quod argumentorum genera ratione tantum distinguantur , quemadmodum disputatio Menonis contra inventionem solvitur,quod logica inventio diligenter exerceri debet: Genera igitur argumentorum prius exposita , tametsi singula vim propriam habeant,ratione ferè sola separantur: Potest enim res eadem modo esse causa aut effectus , modo subiectum aut adjunctum , modo oppositum , modo comparatum , modo ex alio atque alio genere : ut homo,est causa boni & mali,& effectum earum partium, ex quibus componitur , & subiectum sanitatis & morbi, & adjunctum terræ,& contrarium bestię, & similis angelo : &c . Sed variæ sunt rationes , cur homo hoc vel illud dicatur : quinetiam idem argumentum in eadem quaestione diversis partibus accommodatum , ad alium atque alium locum pertinet:ut, exempli gratia , Nullus opprimit populum:ergo non est popularis: Opprimere populum,est effectum Rulli : idemque opprimere populum,opponitur parti quaestionis,videlicet,popularis: atque etiam ex parte conjugatum est : quod cum accideret,

det, ad magis insignem locum referendum erit, ut in proposito exemplo, dicam locum potius esse ex oppositis, quàm ex effectis aut ex conjugatis. Aristoteles docet capite decimo septimo libri secundi posteriorum Analyticorum, argumentum, rationem esse primi extremi: ἐστὶ δὲ τὸ μέσον, λόγος τῷ πρῶτῳ ἄκρον. Sed hæc præceptio nec perpetua est, nec necessaria, quia non solum ex majore extremo quaestionis, sed etiam ex minore argumentum ducitur. *Itaque*] Transitus est ad alteram partem perorationis, ubi adversus logicam rerum inventionem dilemma Menonis texitur & retextitur: Locus hic est apud Platonem in Menone: ὁ μὲν δὲ ἐθέλω ματὸς σὺ σκέψασθαι καὶ συζητῆσαι, ὅ,τι ποτὲ ἔστι· μέ. καὶ τίνα πρό-
πον ζητήσῃς ὡς σωκράτης, τῷτο ὃ μὴ οἶδαι, τὸ παρὰπαν ὅ,τι ἔστι ποῖον γὰρ ὦν ἔκ οἶδαι προθέμενος ζητήσῃς; ἢ εἰ καὶ ὅ,τι μάλιστα ὀφύχους αὐτῷ, πῶς εἰσῇ; ὅ,τι τῷ ἔστι, ὃ σὺ ἔκ ἡλῃσαι. σω. μανθάνω θίον βύλα λέγειν, ὡ μίνων· ἔρας τῷτον ὡς ἐριστικὸν λόγον κατάρχεις; ὡς ἔκ ἄρα ἔστι ζητῆν ἀνθρώπων, ἔτε ὃ οἶδεν, ἔτε ὃ μὴ οἶδεν· ἔτε γὰρ ἀνὸς οἶδαι, ζητοῖ· οἶδαι γὰρ καὶ ὃ οἶδεν δὲ τῷ γὰρ τοιῦτω ζητήσεως. ἔτε ὃ μὴ οἶδεν· ὃ οἶδαι γὰρ οἶδεν ὅ,τι ζητήσαι. μέ. οὐνοῦν καλῶς σοι δοκεῖ λέγεσθαι ὁ λόγος ἕτος, ὡ σωκράτης; σω. ἔκ ἐμοί γε. Cupio tecum considerare & exquirere quidnam sit virtus. Me. At qua via quaeres, o Socrates, quod omnino quid sit ignoras? quam tandem ejus rei, quam nescias, notam spectans & intuens inquires? aut etiam si vel maximè in illud incurreris, quo pacto quod ignoras, illud ipsum, quod quaeris, esse percipies? So. Intellego quid velis, o Meno: Vides quàm captiosam quàmque contentiosam rationem induxeris: nempe quod homini non conveniat inquirere, neque quod sciat, neque quod nesciat: neque enim quod sciat, inquiret: id quippe jam nactus est, neque id præterea necesse est investigare: Neque verò etiam quod nesciat, inquiret: non enim, noverit, quod inquiret.

Socrates hoc] Socrates respondet ad secundam partem captiosi dilemmatis: Quod nescis, quomodo inquires? Per ἀνάμνησιν (ait) id est recordationem, cum strenuus

& diligens animus earum rerum recordabitur, quas antea memoria & intelligentia comprehenderat: Qua de causa Socrates Pythagoream μεταμύχωσιν, id est animæ ex alio in aliud corpus migrationē, & ἀνάμνησιν, recordationem superioris vitæ commemorat, ut contentiosam & fallacem Menonis rationem dissolvat.

Aristoteles] Aristoteles respondet ad utranque partem dilemmatis, hoc modo: Imò verò quod quæro, & scio & nescio: Scio quidem καθόλου, generaliter: nescio autem ἀπλῶς, absolutè & specialiter. Hæc solutio est apud Aristotelem capite primo libri primi posteriorum Analyticorum, unde intelligimus animum notionibus universis, ad singulares investigandas & percipiendas deduci: Idē Aristoteles vicesimo primo capite libri secundī priorum Analyticorum scribit, hominem generalibus artis præceptis eruditum, usu verò non eruditum, falli & decipi posse: aliudque esse scire ὡς τῇ καθόλου, sciētia universali, aliud ὡς τῷ ἐνεργῆν, actu. Hæc *Aristotelis*] Aristotelis solutio contra Menonis dilemma, parte aliqua laudatur, parte etiam alia reprehenditur: laudatur quidem in tradendis artibus, in quibus à notione rerum universalium, ad notionem specialium facilè deducimur: Ideoque ex eo quod generaliter scimus, inquiremus tandē, quod specialiter nesciebamus. *Veruntamen*] Aristotelis solutio reprehenditur exemplo speciali: Primis hominibus cū nulla ars adhuc esset inventa, neque generales, neque speciales inventiones fuerūt: qua via igitur primi illi homines, quod neque καθόλου, neque ἀπλῶς sciebant, investigarunt? Quare neque Socratis, neque Aristotelis solutio satisfacit ad sophisma Menonis: alia igitur adhiberetur ex aliis Platonis & Aristotelis locis deprompta: Plato libro septimo de Republica (ut initio hujus operis diximus) docet in animis nostris inesse vim quandam percipiendæ sapientiæ: qualis est in oculo, intuendi coloris: res autem animo percipi, cū animus ipse eò se convertit, quod ex se & natura sua potest intelligere. Quemadmodū igitur quod antè nūquam

quam vidisti, inquiris, & vides applicatione visus ad colorem, sic quod non intelligebas, inquiris & cognoscis conversione mentis ad rem intelligendam. Eadem est sententia Aristotelis capite ultimo libri secundi posteriorum Analyticorum: in animis videlicet nostris omnium scientiarum atque notionum *διωρίμεις*, facultates, *ἔχ' ἔξ' εἶς*, non habitus inesse. *Veruntamen*] Tertius perorationis locus est, de exercenda arte topica, quem admodum Antonius præcipit apud Ciceronē libro secundo de Oratore: Quæ admonitio, ad omnes omnino artes pertinet, quarum præcepta sunt ignavæ & inertes rationes: patumque hominibus prosunt, nisi longo usu & assidua diligentia exerceantur & tanquam excolantur. *Subactō*] Allegoria sumitur ab agris, qui ut fertilitatis amplificandæ gratia non semel tantum, sed sæpius arantur, sic hominis ingenium ad patiendam rerū prudentiam & copiam, varia & multiplici exercitatione & cogitatione subigendum & locupletandum est. *Quamobrem*] Conclusio est à dissimilibus: Desideriosi ab hac arte non multum juvantur: at diligentes multum adjuvantur, & labori suo æquale præmium ferunt: ut quanta fuerit in his diligentia, tantus sit fructus: si exigua, exiguus: si modica, modicus: si magna, magnus.

FINIS LIBRI PRIMI.



PETRI RAMI

DIALECTICÆ

LIBER SECUNDUS,

Audomari Talæi præ-

lectionibus illu-

stratus:

ENUNTIATIO SIMPLEX,



IUDICIUM, est secunda pars Logicæ, quæ bene judicandi vias & rationes certis dispositionis regulis instituit: Dispositio logica tres species habet, enuntiationem, syllogismum, methodum. Enuntiatio, est dispositio, qua enuntiatur aliquid de aliquo. Partes duæ sunt, prima dicitur antecedens, secunda, consequens. Enuntiatio affirmata est, si vinculum affirmatur, contraque, ex eo negato negatur,

tur, ut per species intelligetur. Enuntiatio, simplex est aut composita: Simplex, quæ simplicem sententiam continet: ubi partes, termini vocantur: antecedens, dicitur subjectum: consequens, attributum, ut ignis urit, ignis est calidus, ignis non est aqua. Hic prima est rerum inventarum dispositio, in qua sunt duæ partes, altera antecedens & subjecta, altera consequens & attributa: ut hic ignis urit, Ignis, est pars antecedens & subjecta, Urit, consequens & attributa. Atque harum partium altera est causa vel effectus, subjectum vel adjunctum, aut è cæteris argumentis aliquod unum de suo relato enuntiatur: ut in primo exemplo causam vides & effectum, in secundo, subjectum & adjunctum, in tertio oppositum cum opposito. Enuntiationis simplicis vinculum, semper, est verbum, ex eoque affirmato erit affirmatio, ut etiam è negato erit negatio. Enuntiatio simplex, est communis aut propria: Communis, cujus partes sunt multorum communes: eaque generalis aut specialis est: Generalis, cum generaliter enuntiatur, ut, Omnis virtus est amabilis, Nulla virtus est amabilis: Specialis, cum specialiter enuntiatur, ut, Aliqua virtus est amabilis, Aliqua virtus non est amabilis: Enuntiatio propria, cujus pars est unius propria, ut, Plato est philosophus, Plato non est philosophus.

[*Judicium*] Dialectici veteres secundam partem Logicæ artis, κρίσις & κριτικὴν, iudicium & iudiciariam nominarunt ex fine, quia certis dispositionis regulis do-

cet de propositis rebus judicare:& τάξιν, dispositionem, quia docet res inventas apte ad judicandum collocare, sic Aristoteles primo capite octavi Topici: μετὰ δὲ ταῦτα (ait) πρὸς τὰς τάξεις, καὶ πῶς δεῖ ἐρωτᾶν, λικτέον. Postea de dispositione, & quomodo interrogare conveniat, dicendum est: Quemadmodum igitur grammatica syntaxis explicat dictionum compositionem, sic dialectica τάξις, rationum collocationem ostendit: ut, Homo est animal, dialectica τάξις est, in qua genus disponitur cum specie. In Analyticis Aristoteles videtur nominibus γενέσως καὶ ἀναλύσως, hanc artem comprehendisse, & instituisse si non omnino, saltem in parte. Illic enim de enuntiatione, syllogismo, methodo præcipit. Nos eam partem nominibus judicii & dispositionis, quæ sunt & usitatæ & aptæ significationis, appellabimus: quibus (sicut cæteris Logicæ vocabulis) duplex notio subjecta est: Nam judicium & dispositio, interdum dicuntur pro regulis judicandi & disponendi, quales sunt regulæ enuntiationum, syllogismorum & methodi: interdum significant aptam rerum dispositionem, quæ fit secundum hujusmodi regulas. *Dispositio*] Nihil interest ad docendum, dispositio an judicium distribuatur: nam (ut antè dixi) utrumque indifferenter pro eodem usurpamus. Dispositionis igitur tres sunt species, enuntiatio, syllogismus, & methodus: Nam in his singulis & res artificiosæ disponuntur, ut posthac docebitur, & quales sint, dijudicantur: ut in enuntiatione, attributū disponitur cum subjecto: in suo syllogismo, argumentū cum quæstione & ejus partibus: in methodo, generalia primò, deinde intermedia, postremò specialia collocantur: & his generibus, hominum intelligentia & judiciū instruitur & confirmatur. *Enuntiatio*] Prima species dispositionis ab Aristotele nominatur ἀπόφανσις, ut primi libri de Interpretatione capite quarto: & περὶ ὁρισίς, ut primo capite libri primi priorum Analyticorum: à Cicerone enuntiatio, ut de Fato: Explicanda est vis ratioque enuntiationum, quas Græci ἀξιώματα appellant.

Item

Item enuntiaturum & pronuntiaturum, ut Tusculana prima: Omne pronuntiaturum (sic enim mihi in præsentia occurrit, ut appellarem ἀξιωμα· utar pōst alio, si inveno melius) id ergo est pronuntiaturum, quod est verum aut falsum. In Lucullo etiam dicitur effatum: ut: Fundamentum Dialecticæ est, quicquid enuntietur (id autem appellatur, ἀξιωμα, quod est quasi effatum) aut verum esse, aut falsum. Aristoteles hoc genus definit ab adjunctis qualitatibus: alias veritate & falsitate, ut libro de Interpretatione primo dicitur λόγος ἀποφαντικός, ὅς ἐστι τὸ ἀληθὲν ἢ ψεῦδος· ὅτι τὰ ἔχει· oratio enuntians, in qua verū aut falsum inest: alias affirmatione & negatione, ut libro primo priorum Analyticorum: πρότασις μὲν ἔστι λόγος κατὰφατικός ἢ ἀποφατικός τίνος κατὰ τίνος· Propositio igitur, est oratio affirmans aut negans aliquid de aliquo. Sed multo commodius definitur ex genere & proprietate, quæ est instar formæ essentialis: Dispositio siquidem, genus est enuntiationis, & enuntiare aliquid de aliquo, proprietas quædam est, & veluti forma: & ex hac definitione discimus, in enuntiato rationes certo quodam modo simplici aut composito disponi, quod Aristotelis definitio aperte non docet. *Partes*] Prima enuntiationis distributio est in partes, ex quibus constituitur, & in quas resolvitur, quas generaliter appellare licebit antecedentem & consequentem: ut exempli gratia, in hoc enuntiato, Dies est, dies, antecedit: verbū autem, est, consequitur: Si dies est, lux est: illud totum, si dies est, appellatur pars antecedens: hoc autem, lux est, pars consequens: nec quicquam interest an partes enuntiationis, dictiones simplices sint, an orationes. Judicii autem hujus primi author primus fuit Clinomachus, de quo Laërtius libro secundo: κλινόμαχος (αἰτ) ὁ ἑβραῖος, πρῶτος πρὸς ἀξιωμαίων καὶ κατηγορημάτων καὶ τῶν τοιούτων σωμείγραψα· Clinomachus Thurius primus de enuntiationibus & categorematis & similibus scripsit. *Enuntiatio*] Secunda divisio enuntiationis sumitur ex adjunctis qualitatibus, affirmatione & negatione: Enū·

tatio igitur affirmata dicitur, cujus principale vinculū affirmatur: ut, Socrates est philosophus: verbum, est, appellatur vinculum, quod affirmatum affirmat enuntiationem: Item, Si dies est, nox non est: Conjunctio, si, dicitur vinculum enuntiationis, quod affirmatum affirmat enuntiationem: Negata autem enuntiatio á negato vinculo nomen habet: ut, Socrates non est philosophus: Non si dies est, nox non est: utrunque enuntiatum negatum est, quia principale vinculum negatur: illic verbum, est, hic conjunctio, si. Nec satis est, ut Boëtius deceptus existimavit, partem enuntiati compositi consequentem negari, ut totum negetur: sed oportet toti enuntiato negationem præponi, ut vinculum, quod sententiam conjungit, negatione afficiatur. Atque hæc divisio iccirco præcedit, quia magis est communis, & lucem aliquam proximæ divisioni est allatura. Menedemus, auditor Platonis & Stilponis negationes é Logica tollebat, de quo ita scribit Laërtius libro secundo: ἀνήρ δ' ἐφάσι, καὶ τὰ ἀποφατικά τῶν ἀξιωματίων, καὶ καταφατικά τιθεῖς, καὶ τούτων τὰ ἀπλᾶ προσδεχόμενος, τὰ οὐκ ἀπλᾶ ἀνήρ δ', λέγων συνημμένα καὶ συμπεπλεγμένα. Negatía axiomata tollebat, affirmantia constituens: atque ex his simplicia amplectebatur, composita tollebat, ea & complexa & conjuncta dicens: sed temeré tollebat, cū magnus usus negationum sit in omni judicii genere, id est enuntiato, syllogismo, methodo. *Enuntiatio*] Tertia divisio est generis in duas species, enuntiationem simplicem & compositam: quæ quarto capite libri primi de Interpretatione, vocatur ἀπόφανσις ἀπλὴ ἢ συγκεκλιμένη, enuntiatio simplex aut composita: ut, τούτων δὲ ἡ μὲν ἀπλὴ ἔστιν ἀπόφανσις οἷον τι κατὰ τινος, ἢ τὶ ἀπό τινος. ἡ δὲ ἐκ τούτων συγκεκλιμένη, οἷον λόγος τις ἥδη σύνθετος. Harum alia quidem simplex est enuntiatio, ut quæ affirmat aliquid de aliquo, aut aliquid remoyet ab aliquo: alia ex his composita, ut oratio jam ex his constans. *Simplex*] Enuntiatio simplex definitur á simplici sententia, cū simplicem & unicam sentētiā enuntiat, & non multas: ut Socra-

tes est philosophus, unica est sententia perfecta & absoluta, quæ hic enuntiatur: quam solam Aristoteles in libro de Interpretatione & in prioribus Analyticis arte & præceptis exposuit: compositam tantum generali definitione attigit, species ejus non docuit. Porro simplex enuntiatio, quæ etiam dicitur *πρώτη ἀπόφανσις*, prima enuntiatio, trifariam distinguitur: primum ex partibus: deinde ex adjunctis qualitativis, affirmatione & negatione: postremo item duobus aliis adjunctis, ut communiōe & proprietate. Partes simplicis enuntiationis, ab Aristotele vocantur *ὅροι*, termini, vocabulo sumpto à Mathematicis, qui in comparationibus nominant *ὅρους*, terminos, antecedentes videlicet, & consequentes, ut multis locis Euclides: qua similitudine Aristoteles videtur primo capite primi Analytici definire *ὅρον*, *εἰς ὃν διαλύεται πρότασις* in quem resolvitur propositio: *οἷον τὸ, τε κατηγορούμενον, καὶ τὸ καθ' ὃ κατηγορεῖται, ἢ πρὸς τιθεμένον ἢ διαιρουμένον, τὸ εἶναι, ἢ μὴ εἶναι* ut attributum, & id, cui attribuitur, sive addatur, sive tollatur, esse aut non esse. Prima igitur distributio enuntiationis simplicis sumitur ex causis essentiam rei constituentibus: ut, exempli gratia, hæc enuntiatio, Virtus est laudabilis, constat ex duabus partibus, quarum una antecedit, virtus, & appellatur aliàs *ὅρος ὑποκείμενος*, terminus subiectus, aliàs *ἔσχατον ἥττον*, extremum minus: altera consequitur, ut hoc totum, est laudabilis, & dicitur *ὅρος κατηγορούμενος*, terminus attributus, vel *κατηγορημα*, attributum, vel *ἔσχατον μέζον*, extremum majus. Hæc prima] Diximus initio dialecticam dispositionem esse rationum inventarum aptam collocationem: id primum in Enuntiatis declaratur, ut in hoc exemplo: Ignis urit: Ignis causa est, & Urere, effectum ignis: Ignis est calidus, Ignis subiectum est, Calidus, adjunctum ignis: Ignis non est aqua: Hic disponitur oppositum cum opposito: In hoc autem exemplo, Si ignis urit, ignis est calidus: pars antecedens ut effectum, pars consequens ut causa consideratur: Itaque enuntiatio, dispositio est, qua enun-

tiatur aliquid de aliquo, id est ratio de ratione: Enuntiatio autem hoc solum sibi proponit, ut enuntiet aliquid de aliquo. *Vinculum*] Hic si quis afferat Aristotelis enuntiata illa modificata, Hominem currere est possibile: Hominem animal esse est necesse: in quibus philosophus ait negationem é modo non é verbo sumi, afferret Aristotelis errorem: nec enim solus modus affirmatus aut negatus affirmat aut negat enuntiatum, sed verbum cum modo affirmatum & negatum, alioqui contradictionis partes simul essent falsæ: ut Socrates est leo necessario: Socrates est leo non necessario. Vide 6. Animadvers. Aristotelic. Secunda distinctio enuntiati simplicis fit ex affirmatione & negatione: Assertio autem & negatio in hoc genere, intelliguntur ex principali verbo asserto aut negato: ut, Socrates est philosophus, enuntiatio dicitur asserta, quia verbum, est, principale vinculum orationis assertatur: &, Socrates non est philosophus, enuntiatio dicitur negata, quia idem verbum negatur. Atque ut in naturis formæ, sic in enuntiatis simplicibus, verba ipsa principes causæ sunt, & tanquam vincula cæterarum partium. *Enuntiatio simplex*] Tertia distinctio sumitur ex ratione subjecti, quod si nomen fuerit commune, &, ut Grammatici loquuntur, appellativæ qualitatis, facit enuntiationem communem: ut, Philosophus est studiosus sapientiæ: sin autem proprium, facit proprium: ut, Socrates est studiosus sapientiæ. Communis autem enuntiatio duplex est, ἢ καθ' ὅλου, ὡς καθ' ὅλου, ἢ καθ' ὅλου μὲν, μὴ ὡς καθ' ὅλου · universalis ut universaliter, aut universalis quidem, non tamen ut universaliter, ut ait Aristoteles capite quinto libri primi de Interpretatione: Item ἢ καθ' ὅλου ἢ ἐν μέρει · aut universalis aut particularis, capite primo primi libri Analyticorum priorum. Latine igitur dicantur generalis & specialis: Generalis generaliter & universè enuntiatur, significaturque his nominibus, omnis, quilibet, totus, universus, solus, quisque, unusquisque, nullus, nemmo, nusquam, nunquam, & similibus præterea notis: ut,

Omnis

Omnis virtus est expetenda : Nulla virtus est expetenda. Interdum nulla nota exprimitur, & nihilominus tamen sententia universè concipienda est: ut, Virtus est expetenda : perinde est, ac si dixeris, omnem virtutem esse expetendam: quomodo præcepta in artibus intelliguntur, quæ catholica & generalia sunt, licet his particulæ generales plerunque non adhibentur: ut, Dialectica, est virtus bene differendi : tantum valet atque hoc, Omnis Dialectica, est virtus bene differendi. Specialis enuntiatio non universè, sed specialiter enuntiatur : & certis notis exprimi solet, cujusmodi sunt, aliquis, quidam, aliquando, nonnullus, non omnis, &c. ut, Aliqua virtus est expetenda: Non omnis philosophus est liber. Hæc itaque genera duo sunt enuntiationis communis, unum generale, alterum speciale. Enuntiatio simplex & propria nominantur à parte, ut dixi, subjecta sive antecedente, quæ sit nomen proprium & singulare : ut, Socrates est philosophus, Socrates, nomen proprium unius personæ, propriam facit enuntiationem. Hactenus itaque doctrina enuntiationis simplicis, tripartita varietate distributionis breviter exposita fuit, quæ licet plus habeat naturæ ad judicandum, quàm artis (nam simplicem enuntiationem judicamus veram aut falsam naturali lumine mentis potius, quàm ulla artis regula) apprimè tamen utilis erit & ad cognoscendam vini contradictionis, & ad intelligentiam syllogismorum simplicium, quorum genera postea describentur, & ex partibus, & ex adjunctis enuntiationum simplicium.

ENUNTIATIO COMPOSITA.

Enuntiatio composita, est quæ multas sententias habet conjunctas : cujus vinculum non jam verbum est, sed conjunctio, ideoque ex ea affirmata sumetur affirmatio, è negata, negatio. Enuntiatio composita, est copulata, relata, con-

nexa, disjuncta. Enuntiatio copulata, est enuntiatio composita, cujus vinculum est conjunctio, & ut, Homo est sapiens & probus: Negatio igitur erit, Homo non est sapiens & probus: quæ non est conjunctarum partium negatio, sed conjunctionis: tanquam diceretur, Homo non est simul sapiens & probus. Itaque vetum totius copulatae judicium, pendet ex omnium partium veritate. Enuntiatio relata, est enuntiatio composita, cujus vinculum, est relationis symbolum. Itaque ejus affirmatio negatioque ex eo est, & verum relatæ judicium relationem veram habet: ut, Homo tam dives est quàm vult: Homo non tam dives est quàm vult: relatio in hoc exemplo, est qualitatis: potest esse etiam essentialis, ut in his notis, is, qui: item quantitatis, ut tantum, quantum: tum loci, ut ubi, ibi: denique temporis, tum, cum. Enuntiatio connexa, est enuntiatio composita, cujus vinculum est conjunctio, si: ut, Si homo est doctus, est justus: ideoque ut enuntiatio negetur, vinculum hoc negandum est: Non si homo doctus est, etiam est justus: Affirmatio significat, si sit antecedens, etiam consequens futurum: negatio igitur significat, si sit antecedens, non propterea consequens futurum: Denique hanc conditionem & consecutionem non esse necessariam. Quare cum connexam judicabis absolutè veram esse, necessariam quoque judicabis, & intelliges hanc necessitatem è necessaria partium conditione oriri, non autem

ex earū veritate necessaria: Possunt enim omnes simul esse falsæ, ut rota conditio necessaria sit: ut, Si homo est immortalis, homo nunquā moritur: pars antecedens, homo est immortalis, est falsa: pars cōsequens, homo nunquā moritur, est etiā falsa: attamen cōditio harū falsarum partium nō solūm vera, sed etiam necessaria est: at si conditio sit contingens, & pro sua tantūm probabilitate ponatur, iudicium ejus tantūm opinio fuerit.

Enuntiatio disjuncta, est enuntiatio cōposita, cujus vinculū est cōjunctio Aut: ut, Aut dies est, aut nox est, quo significatur alterutrū verū esse, non utrunq; . Negatio igitur erit, Nō aut dies est, aut nox est: quo significatur non necessariō alterutrum verū esse: nā si disjunctio absolutē vera est, est etiā necessaria, partesque disjunctæ, sunt oppositæ sine medio. Veruntamen, quanvis absolutē vera disjunctio, necessaria sit: attamē nihil necesse est partes separatim necessarias esse: ut, Homo est bonus, vel non est bonus, disjunctio necessaria est: & tamē Homo est bonus nō est enuntiatio necessaria: Homo non est bonus, non est enūtiatio necessaria: sed disjunctionis necessitas pēdet ē necessaria partiū oppositione & disjunctione, nō ex earū necessaria veritate. Quæ res malē percepta decepit non solūm Epicurū, qui in hac arte tardus & plumbeus habitus est, sed etiam eos, qui valentes Logici sibi viderentur, ut Diodorum & Chrysippum: quia credebatur, si disjunctio necessaria esset, alterutram partem non so-

lúm veram, sed necessariam esse: in quem erroré post eos Cicero lapsus est in libro de Fato.

Disjunctionis partes, sunt enuntiationes simplices aut compositæ, é quibus propterea disjunctio simplex aut composita dicetur. Simplex igitur, erit communis aut propria: communis, generalis aut specialis. Generalis disjunctio est, ubi pars utraque generalis est: neque hic, disjunctio est absoluté vera, nisi pars altera sit necessaria: ut, Omnis leo est bestia: vel, omnis leo est homo: Secús partes simul esse falsæ possunt: ut, Omnis homo est justus, aut nullus homo est justus, & in cæteris contingentibus, imó etiam non contingentibus: ut, Omne animal est rationale, aut nullum animal est rationale. Disjunctio specialis est, quando partium altera generalis est, altera specialis, & vera est absoluté in oppositis medio carentibus: ut, Omnis homo est sanus, vel aliquis homo est æger: Omnis homo videt, aut aliquis homo cæcus est. Omnis homo sapit, vel aliquis homo non sapit. Disjunctio propria est, quando partes sunt enuntiationes propriæ: ut, Plato est philosophus, aut non est philosophus.

Disjunctio composita est, quando partes sunt enuntiationes compositæ: & tamen affirmatione & negatione, id est contradictione efficitur: ut, Homo est sapiens & bonus: vel, Homo non est sapiens & bonus. Homo tam dives est, quàm vult: vel, Homo non tam dives est, quàm vult. Si homo est doctus, est etiam justus: vel, Non si homo

homo est doctus, est etiam justus: Dies est, aut nox est: vel, Non dies est, aut nox est. Videmus in his exemplis opposita medio carentia: secus disjunctio non erit vera, nisi forte ex hypothesi: Sic, si statuamus Socratem solum venturum, aut Cleonem solum, non utrunque simul, tum quæri possit, Venitne Cleon an Socrates? Itaque disjunctio omnis absolutè vera, est etiam necessaria, quanvis hæc veritas non sit nobis perpetuò certa, ut in contingentibus, & præcipuè futuris. Quare Pittacus, unus è septem sapientibus, interrogantibus quid esset obscurum, Futurorum eventus, respondit. Eadem ratione Martialis Priscum libro duodecimo cavillatur:

Sæpe rogare soles, qualis sim Prisce, futurus,

Si fiam locuples, simque repenti potens:

Quenquam posse putas, mores narrare futuros?

Dic mihi, si fias tu leo, qualis eris?

Quare veritas rerum, in futuro contingentium non est nobis valdè manifesta, nec per naturam admodum esse possit, quanvis tamen Deo certa sit, cui omnia & præterita & futura, præsentia sunt: Nec tamen quia Deus rem futuram præviderit, iccirco eveniet, sed quia evētura est, prævidit: ut, Te video currentem, quia curris: at non ideo curris, quia video: Ac divina notio, est tanquam temporum omnium quædam visio. Sed de disjunctioe satis, quæ contradictionis principium (est vel non est) à veteribus philosophis tantopere agitatum comprehendit.

Enuntiatio composita] *Exposita enuntiatione simplici*, deinceps de composita dicendum: quæ definitur ex multis conjunctis sententiis, quia nihil aliud est, quàm duæ aut plures enuntiationes simplices, in unum corpus quasi coagmentatæ, & uno communi vinculo colligatæ: ut, Si dies est, lux est: hæc enuntiatio ex duabus simplicibus constat, quæ commune habent vinculum, videlicet, si: Atque ut enuntiationis simplicis partes, docuimus esse simplices quasdam rationes, ex quibus enuntiatio ipsa constaret, sic enuntiationis compositæ partes, intelligamus esse enuntiationes simplices inter se devinctas, & certa ratione cohærentes, quæ antecessoris simul & consecutionis ordine distinguuntur: ut, Si dies est, lux est: illud, dies est, antecedit: hoc, lux est, consequitur: non secus atque in simplici enuntiato partes simplices antecedere & consequi diximus. Prima igitur distributio enuntiationis compositæ ex partibus integrantibus notanda est: secunda ex adjunctis, affirmatione & negatione, quæ sumuntur ex principali vinculo affirmato aut negato: nec tamē ut in enuntiativis simplicibus, sic in compositis, verba ipsa, vincula fuerint, sed interdum nomina aut pronomina, ut tantus, quantus, is, qui: interdum adverbia, ut ubi, ibi: sæpe particula, quæ appellantur à Grammaticis conjunctiones, ut &, aut, si, &c. à quibus enuntiationes compositæ, dicuntur affirmatæ vel negatæ: ut, Si dies est, lux est: affirmatio dicitur, quia vinculum, si, est affirmatum. Non si dies est, lux est, negatio dicitur, quia vinculum, si, negatur: Cùm verò ita dicis, Si dies non est, lux non est, nō quia in singulis partibus negationes sunt, iccirco enuntiatio fuerit negata, quia principale vinculum non negatur. Menedemus porrò compositas enuntiationes rejiciebat, qui locus ē Laërtio citatus est. Aristoteles libro primo de Interpretatione tantum monuit ex enuntiationibus simplicibus, interdum fieri enuntiationem compositam: Theophrastus & Eudemus Aristotelis discipuli, genera quædam enuntiationis compositæ notarunt:

runt:& postea Stoici in ea quoque parte elaborarunt, ut author est Boëtius in libello de syllogismis hypotheticis, & Laërtius in recensendis libris Chrysippi. Tertio igitur loco, dividitur enuntiatio composita in quatuor species, copulatam, relatam, connexam, disjunctam: quæ ex suis vinculis nominantur, & inter se distinguuntur. *Enuntiatio copulata*] Copulata enuntiatio nomen habet à conjunctione, ut Grammatici dicunt, copulativa, cum partes ejus conjunguntur conjunctionibus, &, ac, atque, & similibus: cujus affirmatio & negatio ex vinculo affirmato & negato sumuntur, ut antea de omnibus compositis enuntiatis, communiter dictum est: Contradiciunt igitur, exempli gratia, hoc modo: Et dies est, & lux est: Non & dies est, & lux est: quæ affirmatio negationi opponitur. Non autem hoc modo: Et dies est, & lux est: Et dies non est, & lux non est: quia posterior enuntiatio, non est negatio prioris affirmationis: Imò verò negatio nullo modo dici potest, quia principale vinculum non negatur. *Itaque*] Criticum ἀξιωμα est copulata enuntiationis, quæ tum vera judicatur, cum partes veræ sunt: ut, Et Deus est, & cælum movetur: falsa autem cum partes omnes falsæ sunt, aut aliqua harum: ut, Et deus est, & pisces loquuntur: falsum est enuntiatum, quia pars ejus cōsequens est falsa. *Enuntiatio relata*] Enuntiatio relata dicitur à notis relationis, quæ, ut antea demonstratum est, aliàs sunt nomina, ut qualis, talis: aliàs pronomina, ut is, qui: aliàs adverbia, ut eò, quò, tum, cum, tandiu, quandiu: quæ quidem notæ, quoniam præcipuum jus affirmationis & negationis obtinent, contradictionem etiam indicant: ut, Quales in Repub. principes sunt, tales solent existere cives: hæc affirmatio est, quia vincula relationis affirmantur: & huic negationi contradicit, Non quales in Repub. principes sunt, tales solent existere cives: quod enim illic conjunctim affirmatum erat, hic conjunctim negatur. Sin autem ita dixeris, Quales in Repub. principes non sunt, tales non solent existere cives: negatio non erit, quia vincu-

la negationis non negantur, licet partes sigillatim negentur. Ut in copulatis, sic in relatis enuntiationibus veritas æstimatur ex partibus veris: quæ si necessaria veritate inter se cohæreant, scientiam efficiunt: ut, Quæadmodum se habet binarius ad quaternarium, sic quaternarius ad octonarium: enuntiatio est certæ & constantis scientiæ: sin probabiles, opinio tantum gignetur: ut, Qualis est pater, talis est filius: enuntiatio tantum est opinabilis & inconstans: Quod si partes in relatione vel omnes falsæ sunt, vel etiam aliquot, falsa erit tota relatio: ut Quemadmodum homines sentiunt, sic etiam stirpes: falsa est relatio, quia pars consequens falsa est. *Enuntiatio connexa*] Hoc enuntiatum ab Aristotelis interpretibus dicitur *συνυμμένον*, à Cicerone connexum, in scholis passim hypotheticum & conditionale, & conjunctione conditionali, ut Grammatici loquuntur: in qua spectatur vis affirmationis & negationis, atque ideo ratio certa contradictionis: ut hæc enuntiatio, Si dies est, lux est, affirmatur, quia vinculum affirmativum positum est: & contradicit huic, Non si dies est, lux est, ubi vinculum, si, negatur: Affirmatio significat antecedente posito, consequens etiam futurum: negatio affirmationem destruit, & significat antecedente posito, non propterea futurum esse consequens. Itaque Nisi, vel Ni non negat conditionalem Si, sed negatio toti orationi præponitur: Non enim si mensis nullus erat, sæcula non erant: Non enim, si est facilius, eo de numero quoque est excerpendum. Non si causa iusta est &c. Ideo vobis quoque &c. Non continuo, si me in sicariorum gregem contuli, sum sicarius. Negatio conditionis est. Nec si omne &c. sequitur illico. Sic Quintilianus, Nec protinus non est materia Rhetorices, si in eadem versatur & alius. In quibus negatis exemplis ad consecutionis negationem, pro Ideo, ponuntur Continuo, Illico, Protinus. *Quare*] Catholica regula describitur de duplici iudicio connexæ enuntiationis, uno scientiæ, altero opinionis: Si connexio absolute vera sit, iudicium, erit scientia; id est connexio necessaria.

necessaria & certa judicabitur. Connexionis autem necessitas, non pendet ex partium necessaria veritate, sed ex necessaria conditione partium: Hoc enim verbum, si, non significat partes esse veras, quæ junguntur, sed sententiam consequentem, antecedenti esse aliqua conditione connexam. Itaque possunt omnes partes esse falsæ, ut tamen earum consecutio necessaria sit: ut, Si homo est lapis, homo non est animal: utraque pars est falsa, homo est lapis, & homo non est animal: & tamen conditio vera & necessaria judicatur: quale judicium est scientiæ. At si conditio tantum probabilis fuerit, & non necessaria, enuntiatio tantum probabilis judicabitur, & ejus judicium, erit opinio, non scientia: ut, Si homo febricitat, statim morietur, conditio duntaxat probabilis est, quia antecedente posito, consequens accidere & non accidere potest. Itaque opinionem tantummodo gignit, non scientiam. *Enuntiatio disjuncta*] Disjuncta enuntiatio definitur à vinculo disjunctionem significante ut, aut, ve, vel, & similibus: & distinguitur similiter in affirmationem & negationem ex ratione vinculi affirmati aut negati. Affirmatio igitur significat de duabus propositis partibus, alterutram veram esse, non utranque: ut, Aut dies est, aut nox est: negatio significat nihil esse necesse, cur alterutra vera sit. *Nam si*] Hic traditur regula prima judicandi de enuntiato disjuncto, adhibita hujusmodi distinctione: Disjunctum verum duobus modis intelligitur, absolute aut ex suppositione: absolute verum ex duabus circumstantiis cognoscitur, si necessarium sit, & ex oppositis medio carentibus efficiatur: ut, Aut dies est, aut nox est: disjunctio est necessaria, & sit ex privantibus, in quibus nihil est intermedium. Verum autem ex hypothese non est simpliciter necessarium, nec utitur talibus oppositis: ut, Aut Cluentius judicium corripit, aut Oppianicus: Hoc nec per se necessarium est, nec res oppositas disjungit, sed tantum ex hypothese proponitur & enunciatur. Itaque Aristoteles capite quinto libri decimi Philosophiæ ait, *πότερ*

rum philosophorum sententias disceptans, ad scopulos logicæ disjunctionis vehementer etiam impingit, existimans si disjunctio necessaria sit, partem ejus alteram veram, esse necessariam, partem alteram, falsam, esse impossibilem. Itaque non minús peccat, quám hi, quos ipse coarguit. Cúm igitur ita pronuntiamus, Socrates aut philosophus est, aut non est, disjunctio est necessaria: neutra tamen harum partium est necessaria, sed utraque contingens & mutabilis: unde hoc axioma tenendum est & concludendum, disjunctionem appellari veram & necessariam, non ex partium veritate & necessitate, sed ex necessaria partium oppositione, cúm ita opponuntur, ut verum & falsum distinguant.

Disjunctionis partes] Hactenus explicata est definitio disjunctæ enuntiationis, sequitur divisio in duas species, simplicem, & compositam: Simplex, componitur é simplicibus enuntiationibus: Itaque genera simplicis disjunctionis, generibus simplicium enuntiatorum paria sunt: ut disjunctio simplex, alia sit communis, quæ constat ex enuntiatis communibus: ut, Omnis homo vivit, aut nullus homo vivit: alia propria, ex propriis cõstans: ut, Socrates vivit, aut non vivit. Rursus communis, duplex est, una generalis, altera specialis. Hanc divisionem Aristoteles primo libro de Interpretatione, econtradictentibus præcipuè attribuit, sed omnium oppositorum, quæ medio carent, communis est. Generalis disjunctio definitur, quæ sit ex enuntiatis generatim propositis, eaque tum vera & necessaria in oppositis judicatur, cúm pars altera necessaria fuerit: ut in adversis:

Omnis homo est rationalis: vel,

Omnis homo est irrationalis:

Disjunctio vera est & necessaria, quia pars ejus antecedens vera est & necessaria. In contradicentibus:

Omnis homo sentit vel,

Nullus homo sentit:

Disjunctio item est necessario vera, quia partem antecedentem habet necessariam: Secús partes simul esse

falsæ possunt, & tum disjunctio fallax & incōstans fuerit: Ut in adversis:

Omnis homo est sanus: vel,

Omnis homo est æger:

Ambæ partes sunt falsæ, atque ideo falsa disjunctio. In privantibus:

Omnis homo est oculatus: aut,

Omnis homo est cæcus:

Utrunque membrum disjunctionis falsum. Item in contradicentibus:

Omnis homo est justus: vel,

Nullus homo est justus:

Quia partes simul falsæ sunt, disjunctum etiam enuntiatum falsum erit. Neque solum id accidit in enuntiatis contingentibus, sed etiam in non contingentibus: ut,

Omne animal est rationale: aut,

Nullum animal est rationale:

Utrunque enuntiatum est impossibile, quare disjunctio falsa & impossibilis: quam speciem disjunctionis & oppositionis Aristoteles vocat ἐναντιότητα, contrarietatem enuntiationum. Eadem etiam falsitas apparebit in attributis finitis & infinitis: ut.

Omnis homo est justus: aut,

Omnis homo est non justus:

Utrunque falsum esse potest. *Disjunctio specialis*] Specialis disjunctio definitur, cujus pars altera est generalis, altera specialis: ut, Omnia peccata sunt æqualia, aut aliqua peccata non sunt æqualia: pars antecedens, est enuntiatio generalis, & cōsequens, specialis est. Hæc in oppositis mediū habētibus certa & necessaria nō est: ut,

Omnis pannus est albus: aut,

Aliquis pannus est niger.

Potest utraque pars simul esse falsa: At verò in oppositis medio carentibus, semper necessaria disjunctio judicanda est. In adversis: ut,

Omnis homo est sanus: aut,

Aliquis homo est æger:

Disjunctio

Disjunctio absoluté vera & necessaria ex adversis im-
mediatis, quæ sunt, sanum & ægrum. In privātibus : ut,
Omnis homo videt: vel,
Aliquis homo cæcus est.

In contradicentibus : ut, *Omnis homo sapit: vel,*
Aliquis homo non sapit.

In hujuscemodi disjunctionibus catholicum verita-
tis & necessitatis judicium inest sine ulla exceptione.
Disjunctio propria] Disjunctio propria, si non est in op-
positis, falsa est: ut, *Socrates vivit aut ridet:*
inconstans est disjunctio: Item in oppositis mediatis
nec vera nec necessaria est : ut,
Socrates est albus: vel,
Socrates est niger.

At in oppositis medio carentibus, absoluté vera &
necessaria existit sine ulla exceptione. In adversis : ut,
Socrates est sanus: vel,
Socrates est æger.

In privantibus: ut, *Socrates est vivus aut mortuus:*

In contradicentibus: ut, *Socrates vivit aut non vivit.*

Cúm autem in disjunctione speciali aut propria op-
ponuntur affirmatio & negatio ejusdem de eodem, ta-
lis oppositio vocatur ab Aristotele ἀντίφασις, contradi-
ctio, libro primo de Interpretatione. *Disjunctio cōposita*] Secunda disjunctionis species composita nominatur à
partibus, id est enuntiationibus compositis, ut copula-
tis, relatis, connexis, disjunctis : quæ cúm per ἀντίφασιν,
id est per affirmationem & negationem opponuntur,
verum semper á falso dividunt : qua de causâ in his ab-
soluté vera & necessaria disjunctio semper erit : qualis
est hæc ἀντίφασις copulata:

Socrates & sapit & vivit: aut,
Non Socrates & sapit & vivit.

Item relata:

*Qualis rex, tales subditi: aut,
Non qualis rex, tales subditi.*

Item connexa:

*Si Socrates est philosophus, Socrates est non bonus: aut,
Non si Socrates philosophus, idem quoque vir bonus.*

Item disjuncta:

*Dies est, vel nox est: aut,
Non dies est, vel nox est.*

Composita disjunctio, quæ non fit ex oppositis immediatis, ut sunt affirmatio & negatio, non est necessaria per se, sed tantum ex hypothesi: ut si statuas te crastino die in forum tantum esse profecturum, aut in templum solum, tum necessarium erit disjunctum, Cras in forum ibis, aut in templum; non tamen necessarium simpliciter, sed ex hypothese: Lege Aristotelem capite quinto libri decimi Philosophiæ. *Itaque*] Concluditur catholicum axioma, quod omnis disjunctio seu simplex, seu composita, absolute vera, necessaria quoque sit. Sequitur quaestio, quo modo disjunctionis absolutæ pars una vera, pars altera falsa cognoscatur. In præteritis, inquæ, & præsentibus rebus sive necessariis, sive contingentibus veritas homini per naturam nota & perspicua esse potest: sic ut dici possit, hæc pars est vera, hæc autem falsa: ut, Omnis homo fuit rationalis aut non fuit: pars antecedens, est certæ & perspicuæ veritatis. Henricus Rex Galliarum nunc vivit aut non vivit; illud prius definitæ & certò nobis verum est: In futuris autem contingentibus, quæ hæc evenire & non evenire possunt, Aristoteles capite octavo libri secundi de Interpretatione videtur dicere neutram partem contradictionis jam veram aut falsam esse, quanvis vera aut falsa futura sit: at nondum tamen esse: Tu brevius & facilius respondebis, rerum futurarum & contingentium veritatem homini certâ & definitam non esse, ut per naturam affirmare possit, hoc verum est, illud falsum: ut cum ita loquimur, Necesse est

se est cras bellum fore aut non fore, disjunctio est vera & necessaria, & tamen neutra pars est nobis perspicuè & definitè verasimò verò ne necessaria quidem, sed utraque contingens, varia, & mutabilis & incerti eventus. *Quare Pittacus*] Pittaci apophthegma Laërtius refert libro primo: καὶ πρὸς τοὺς πωθαιμένους τὶ ἐν χάριτον, χρόνος, ἔφη· ἀφανὲς, τὸ μέλλον· πιστὸν, γῆ· ἄπιστον, θάλασσα. Et interrogantibus quid esset maximè gratum, Tempus, ait: quid obscurum, futurum: quid fidele, terra: quid infidum, mare. *Quare*] Conclusio est ex dissimilibus: Homines veritatem rerum in futuro contingentium certò & perspicuè non tenent, sed solus Deus tenet, cui præsentia sunt omnia, & quæ instant, & quæ præterierunt, & quæ ventura sunt: Nec tamen divina illa præscientia, causa est rei futuræ, sed adjunctum duntaxat rem futuram præcurrens: quod quale sit, declaratur exemplo simili: Quemadmodum aspectus meus, cùm curris, non est causa cur ipse curras: sic divina prænotio & præscientia, quæ est omnium temporum visio, nō est causa, cur res ita eveniant. *Sed de disjunctione*] Disjunctio firma & necessaria potest effici (ut antè diximus) ex omnibus oppositis immediatis, ut adversis, privantibus, contradicentibus, quæ verum semper à falso dividunt, sed præcipuè & maximè in contradicentibus elucet: qua de causa dialecticum illud axioma cōtinet, ἅπαν φῆσαι ἢ ἀποφῆσαι ἀληθές· quodlibet affirmare aut negare verum: quod quemadmodum tres antiqui philosophi, Heraclitus, Anaxagoras & Protagoras labefactare atque evertere conati fuerint, docet Aristoteles tertio & quarto libro Philosophiæ: cōfutatisque eorum sententiis & rationibus, concludit hoc axioma esse omnium axiomatum primum, & principium omnium principiorum, quia circa illud errare nunquam possumus: Heraclito placuit utranque partem contradiccionis veram esse, quod est omnium longè absurdissimum: Idem enim exiit & homo & lapis & arbor, si nihil nisi verum dici potest: & omnia cōfusa perturbataque erūt:

Anaxagoras dicebat utranque partem contradictionis esse falsam : quæ opinio similem confusionem inducit : essentiam, veritatem, & distinctionem rerum tollit : Protagoræ sententia fuit, ἀνθρώπος ὅστιν ἀπάντων χρημάτων μέτρον· homo est omnium rerum mensura: itaque quod ei videtur, verum est: contrarium autem falsum est. At quod apparet nobis verum, plerumque id falsum est : Sensus enim & phantasia sæpius falluntur, ut visus, auditus, gustus, olfactus, & tactus : quare Protagoræ mensura illa fallax & inconstans fuerit. Quamobrem hoc Dialecticæ fundamentum cum Aristotele statuamus, contradictionis alteram partem esse veram, alteram falsam : & ea de causa disjunctionem ex ejusmodi contradictione factam, non modo absolutè veram esse, sed etiam necessariam.

P E R O R A T I O P R I M I
judicii.

Adhuc enuntiationis partes, species, proprietates habemus, unaque judicium ipsius, si clara nobis sit & manifesta, aut per se, aut ex aliqua præcedente notitia: per se, inquam, cum sit immediata, id est nullum aliud præcipuum suæ veritatis argumentum habeat, sed suapte natura sit evidens & nota, sive scientifica sit, sive opinabilis. Enuntiatio immediata, scientifica, vocatur principium, ut quæ primum sit suæ sciendi lumen: & tribus his notis notatur, de omni, per se, universaliter primò. Enuntiatio est de omni, cum affirmatur omnino & necessario: Per se, cum constat è partibus inter se essentialibus: Universaliter primùm, cum partes eadem reciproce sunt: ut, Homo constat è corpore & anima rationali:

tionali: Animal, est homo aut bestia: Homo, natus est ad risum: enuntiationes hæ sunt omnino necessariae: sunt etiam partium inter se essentialium & reciprocarum: Prima constat ex integro & partibus ipsi essentialibus: Secunda, est generis in species, quibus ipsum est essentialia: Tertia, est subjecti & proprii adjuncti, quæ sunt inter se quodammodo essentialia: propriumque adjunctum in suo subjecto inest per se, nõ alia de causa: Eademque exempla partibus reciproca sunt, & ita propria, ut ubi una conveniat, ibi quoque conveniat reliqua. Denique omnis enuntiatio his tribus notis, de omni, per se, universaliter primò, est verum artis & scientiæ principium, primæque suæ veritatis causa. Principii iudicium vocatur intelligentia, tanquam prima & summa scientia: attamen ut colores, qui per se videri, sic principia, quæ per se intelligi possunt, aliis alia clariora sunt. Quæ causa fuit, duo genera principiorum constituendi, axioma & thesim. Axioma, est principium, quod simul enuntiatum & intellectum est: ut ex argumentorũ definitionibus, Quicquid efficitur, ab aliqua causa efficitur. Æqualia eidem tertio, sunt inter se æqualia: Totum majus est sua parte: Totum partibus omnibus est æquale: item in Arithmetica, ut Bis bina sunt quatuor: in Geometria, Quæ inter se cõveniunt, sunt æqualia, & in cæteris artibus ejusmodi intelligentiæ, quæ suapte natura claræ sunt & evidentes, sine doctrina, imò sine ulla sensus

animadversione vel experientia : ut essent oculo illustres & imprimis perspicui colores in bono lumine collocati: Ideoque principium hoc, axioma dicitur, id est dignitas, tanquam supra principiorum omnium genera longé maximum & amplissimum. Thesis, est principium non protinus approbatum : sed sensum & experientiam exempli cujusdam familiaris expetit : ut bonus quidam color : at in bono lumine nequaquam positus. Ejusmodi magna pars est artium & disciplinarum, quæ experientia & observatione sensilium & singularium rerum cognitæ sunt. Itaque principia si quid obscuritatis habēt, tum Theses appellantur, & ad eorum illustrationem exempla reperuntur, unde primó percepta sunt: ideoque in omni arte Dialectica, & omnibus ejus regulis, quas sequimur, nullam aliam declarationis rationem adhibuimus, nec imposterum adhibebimus, nisi exemplorum maximé insignium & familiarium, quæ longa meditatione & naturalis usus notatione seligere potuimus. Veruntamen enuntiationes necessarió & sine medio veræ ejusmodi sunt : quæ materies est artis; quam in præfatione appellavimus, quia omnis artis ac scientiæ enuntiationes ejusmodi esse debeant, & hujus primi judicii sunt, ut sunt etiã enuntiationes contingentes manifestæ. Nec veró solúm hic judicantur sine medio enuntiationes, sed omnino (ut dictum est) omnes enuntiationes antea cognitæ, & de quibus dubitatio
nulla

nulla sit. Atque ut in arte, sic in natura iudicium hoc primum est : quinetiā parte aliqua cum multis animantibus commune, ut rerum sensilium & in enuntiatione propria : omne nanque animal habet insitam quandam facultatem iudiciariam, quam sensum vocant, qui etiam iudicii species appellatur : Nec ideo tamē est in hoc iudicio primo inferior intellectus sensu : nec enim sensus potest de veritate cōnexæ vel disjunctæ enuntiationis iudicare : imō verō cōmune & universale nihil potest sentire : Itaque cū mens universale concipiat, eō præstantior & excellentior est, quā sensus, magisque causā & principiū cōprehendit. At si enūtiatio vel necessaria, vel contingēs, manifesta non fuerit, sed dubia & incerta, ut infinitæ contentiones hominum & lites inter se, in quæstionem convertitur : tumque antecedēs terminus minor appellatur, consequens terminus, major : ejusque iudicium ad syllogismum attinget, de quo deinceps agendum nobis est.

Adhuc } Hactenus enuntiationis partes expositæ sunt, antecedens & consequens, & species duæ, simplex una & cōposita altera, & proprietates duæ, affirmatio & negatio : & quemadmodum enuntiatio vera aut falsa iudicaretur in singulis generibus, demonstratum est : hoc primum dialecticæ artis iudicium tandem peroratur, ac concluditur addito ad præcedentem doctrinam corollario, ex quo discimus enuntiationes solū manifestas cadere in hoc primum iudicium : & duplex earū esse iudicium, scientiam in materia certa & necessaria, & opinionem in materia probabili & verisimili. Enuntiatio igitur est aut manifesta aut dubia : si manifesta, hujus primi iudicii trutina perpenditur & æstimatur : si

dubia,transit in quæstionem:& arte syllogismi, de qua
 mox agetur,dijudicanda est. Porro enuntiatio duobus
 modis clara & evidens est,aut per se, & dicitur *ἀμσος*,
 sine medio,quod per se & nullo naturæ lumine clario-
 re luceat: Nec interest an necessaria sit: ut hæc, Totum
 majus est sua parte:an probabilis & opinabilis: ut, Pa-
 tres suis liberis charos esse: Aut ex aliqua noticia, quæ
 suapte natura clarior sit:& appellatur *ἑμσος*, medium
 habens, id est argumentum, quo demonstretur: Nec
 etiam interest an talis enuntiatio necessaria sit, an con-
 tingens:ut si quis dicat, quicquid numeret,id hominem
 esse,argumentum enuntiationis erit, quia id sit animal
 rationis capax: aut si quis dicat eloquentem non men-
 titurum,quia sit vir bonus: Definiamus autem primū
 eam, quæ est *ἀμσος καὶ ἐπισημονικὴ*, sine medio & effe-
 ctrix scientiæ, quæque ab Aristotele dicitur *πρῶτη καὶ
 ἀναπόδεικτος*, prima & indemonstrabilis: itemque *ἀρχή*,
 principium:Aristoteles capite quarto libri primi poste-
 riorum Analyticorum,talem enuntiationem vult tribus
 notis esse præditam & insignitam,*κατὰ παντός, καὶ αὐτὸν,
 καὶ θ' ὅλου πρῶτον*: de omni, per se,& universaliter primū.
 Prima nota significat enuntiationem hujus generis esse
 universam & necessariam: ut, Homo est animal ratio-
 nale:Secunda, enuntiationem cōstare ex rebus cognatis
 & homogeneis, aut absolute: ut, Homo est animal
 rationale:aut quodammodo: ut,Homo est aptus ad ri-
 sum:hæc enim affectio est homini congenita ac penē
 essentialis:Tertia, enuntiationem esse terminis reci-
 procam,qualis est utraque proposita: quales etiam esse
 debent enuntiationes artium: ut, Dialectica est virtus
 bene differendi: Grammatica est virtus bene loquendi:
 Omnis enim Dialectica est virtus bene differendi: &
 vicissim omnis virtus bene differendi,est Dialectica.
 Principii judicium] Cū mente & animo comprehen-
 dimus veritatem primæ,necessariæ,scientificæ, & inde-
 monstrabilis enuntiationis,Aristoteles talem cognitio-
 nem appellat *νοῦν*, intelligentiam, capite sexto sexti
 Ethici

Ethici ad Nicomachum : ἐπιστήμη, καὶ φρόνησις ἐστὶ καὶ σοφία καὶ τοῦς. τούτων δὲ τῶν πρώτων μηδὲν ἐνδέχεται εἶναι· λέγω δὲ τρία, φρόνησιν, σοφίαν, ἐπιστήμην· λέγεται, ὅτι τῶν ἀρχῶν εἶναι· Scientia, est & prudentia & sapientia & intelligentia : horum autem trium nil potest esse : Tria dico prudentiam, sapientiam, scientiam : Restat igitur intelligentiam esse principiorum. In Analyticis posterioribus generaliter γνώσις etiam dicitur, cognitio : quam Aristoteles secundo capite libri primi posteriorum Analyticorum vult esse ἀκριβεστέραν καὶ ἀληθεστέραν, certiores & veriores, quam cognitionem rerum ex illius principiiis deductarum : ἀεὶ γὰρ δι' ὃ ὑπάρχει ἔκαστον, ἐκείνο μάλλον ὑπάρχει· Semper enim propter quod est unumquodque, illud magis est : Itaque si scimus per principia & credimus, etiā & illa scimus & credimus magis, quia per illa etiam posteriora cognoscimus : Sæpe etiam ab Aristotelis interpretibus vocantur principiorum προγνώσεις καὶ προλήψεις, prænotiones & anticipationes, quasi prima artium & disciplinarum lumina. *Atamen*] Similitudo adhibetur sumpta à coloribus, ad constituenda duo genera principiorum, axioma & thesīm, de quibus Aristoteles capite secundo libri primi posteriorum Analyticorum ita scribit : ἀμέσθον δ' ἀρχῆς συλλογιστικῆς θέσιν μὴ λέγω, ὡς μὴ ἐστὶ δᾶξαι, μηδ' ἀνάγκη ἔχειν τὸν μαθησόμενον τι. ὡς δ' ἀνάγκη ἔχειν ὅτοιόν μαθησόμενον, αἰτίωμα· ex immediato syllogismi principio id thesīm quidem dico, quod demonstrare non licet : neque necesse est eum habere, qui quidpiam discet : quod verò necesse est eum habere, qui quidvis discet, axioma. Axioma igitur, Aristoteli principium est suapte natura clarissimum & evidentissimum : quod simul atque pronuntiatum est, intelligitur sine ulla doctoris admonitione, sine ulla exemplorum inductione : quales præcipuè sunt maximæ, quæ dicuntur vulgo, ex inventionis locis, quæ in omnes deinde artes communi luce diffunduntur. Thesis autem licet demonstrari non possit, id est causa aliqua natura priore & notiore probari, non est tamen

discipulo αὐτοπίστος, per se omnino probabilis: neque ἀπλῶς καὶ τῇ φύσει, absolutē & suapte natura discenti nota: sed interdum lucem aliquam exemplorum similitum aut specialium exigit: Nec tamen ob id ἀμεσος, medio carens esse definit: Medium enim hoc loco interpretamur argumentum natura prius & antiquius & notius: ex quo genere exempla non sunt. Regula igitur logicæ inventionis superiore libro exposita & exemplis illustrata, theses sunt. Quamobrem ut in coloribus alii sunt alius clariores, sic in principiis artium & disciplinarum alia sunt aliis illustriora, quorum intellectus iudex & cognitor dicitur ἀμετάπλωτος, minimē obnoxius prolapsioni & errori. & ἀμετάπειστος καὶ ἀμετάπιστος, qui dissuaderi & cuius fides mutari nullo modo possit. *Experientia*] Polus in Gorgia Platonis ait artes ab experientia profectas esse: ὧ κερεφῶν, πολλὰ τέχνηα ὃν ἀνθρώποις εἰσὶν, ἐκ τῶν ἐμπειρῶν ἐμπείρως ἐυρημέναι· ἐμπείρῃα μὲν γὰρ ποιεῖ τὸν αἰῶνα ἡμῶν πορεύεσθαι κατὰ τέχνην, ἀπειρῃα δὲ κατὰ τύχην. O Cerephon, multæ artes hominum per experientiam prudenter inventæ sunt: experientia siquidem facit, ut vita nostra artificiosè progrediatur: in experientia, ut temerè & sine arte. Quam Platonis sententiam Aristoteles primo capite libri primi Philosophiæ comprobavit, ἀποβαίνε δὲ ἐπιστήμη καὶ τέχνη διὰ τῆς ἐμπειρίας τοῖς ἀνθρώποις· ἡ μὲν ἐμπειρία τέχνην ἐποίησεν, ὥς φησὶ πῶλος ὁρθῶς λέγων· ἡ δὲ ἀπειρία τύχην. Est verò scientia & ars hominibus per experientiam: experientia enim artem genuit, ut rectè ait Polus: in experientia verò fortunam & temeritatem. Idem scribit Aristoteles capite tricesimo primo libri primi priorum Analyticorum, parētem videlicet omnium artium esse ἐμπειρίαν καὶ ἰστορίαν· experientiam & inquisitionem: nec solum principia per experientiam & observationem rerum sensilium collecta esse, sed si de his, quare vera sunt, addubites, ad ἐμπειρίαν καὶ ἰστορίαν recurrēdum esse: quod Aristotelicum dogma copiosius explicatur libri primi posteriorum Analyticorum capite decimoquar-

to, ubi Aristoteles docet universalia intelligi non posse, nisi inductione & exemplis rerum sensilium & singularium: Ideoque sublato sensu aliquo, universale tolli, & ex eo deductam scientiam: & capite ultimo libri secundi, ubi disputat ex sensu existere memoriam: ex memoria ejusdem rei sæpius inducta experientiam: ab experientia verò universale principium artis & sciētix. Quāobrem, ut rem paucis concludamus, enuntiationes primæ & immediatæ & necessariae, demonstrari quidem causis natura notioribus & prioribus non possunt, sed si quid habeant obscuritatis & dubitationis, inductione singularium exemplorum aliquo modo explanari & illustrari possunt: & tum (ut antè dixi) appellantur ab Aristotele theses, ut sunt etiam contingentes. Enuntiationio ἀμεσος aut necessaria est, & ejus judicium appellatur præcipuè νῦς, intelligentia, ut vicesimo sexto capite libri primi posteriorum Analyticorum, quia sine arte & sine syllogismo mens, sua tantum luce, talem enuntiationem concipit & intelligit: aut contingens & mutabilis, & ejus judicium dicitur δόξα, opinio, ut eodem loco: ὥστε λέγεται δόξαν εἶναι πρὸς τὸ ἀληθὲς μὲν, ἢ τὸ ψεῦδος· ὁ δὲ γόμῳ δὲ καὶ ἄλλως ἔχειν· τὸ το δὲ ἔστιν ὑπόληψις τῆς ἀμέσου, καὶ μὴ ἀναγκαίας. Itaque restat opinionem esse circa verum quidem aut falsum, sed quod aliter se habere possit: id verò est opinio enuntiationis immediatæ & non necessariae. Atque ut in arte] Judicium enuntiationis ut natura, sic arte primum est, quia enuntiation, prima & simplex est collocatio, quæ rationem cum ratione disponit: ut si quis paries albus esse dicatur, hujusce rei sensus suapte natura & per se judex esse poterit: ideoque in enuntiatis propriis & sensilibus, judicium hominibus cum plerisque bestiis commune est, ut docet Aristoteles capite ultimo libri secundi de Demonstratione: φαίνεται δὲ τὸ τοῦτο ὑπάρχειν πᾶσι τοῖς ζώοις· ἔχει γὰρ δυνάμιν σύμφυτον κριτικὴν, ἣν καὶ ἔσθιν αἰθυσιν. cernitur autem hoc in omnibus animalibus: habent enim ingenitam facultatem judicandi, quam sensum vocant:

Et capite secundo Topici secūdi, sensus dicitur esse species quædam judicii: τὸ γὰρ κρίναι, γένος τῶ ἀιδιαίνεσθαι. ὁ γὰρ αἰδιανόμενος, κρίνει πῶς Judicare enim, genus est sentiendi; nam qui sentit, quodammodo judicat: Tale autē judicium apparet in his bestiis, quæ phantasiam & memoriā aliquam insignem habent, ut in elephantis, equis, canibus. *Nec ideo*] Intellectus hic communiter accipitur, quo & necessaria & contingentia cognoscimus: non autem angustē, quo tantū principia artium intelligimus: Talis intellectus in solis hominibus inest, non etiam in cæteris animantibus: quem Aristoteles capite undecimo libri primi Philosophiæ sensibus longē anteponit: & capite secundo libri primi posteriorum Analyticorum, quia intellectus circa res universales versatur, sensus autem res singulares apprehendit & dijudicat. Hoc autem uno vel maximē homines bestiis ipsis præstant, quod rationem habent à natura datam, mentemque & acrem & vigentem, celerrimeque multa simul agitantem, & (ut ita dicam) sagacem, quæ & causas rerum & consecutiones videat, & similitudines transferat, & disjuncta conjugat, & cum præsentibus futura copulet, omnemque completatur vitæ consequentis statum, ut ait Cicero libro secundo de Finibus. Atque hæc animi agitatio in percipiendis notionibus, communiter hoc loco dicitur intellectus. *At si*] Transitus fit ad syllogismum, secundam judicii speciem: Syllogismus enim docet judicare de enuntiatione dubia & incerta: quæ cū ita proponitur, fit quæstio, & habet duas partes, nam antecedentem, quæ nominatur ὁρος ἐλάττω, terminus minor; alteram consequentē, quæ dicitur ὁρος μείζων, terminus major: argumētum autem, quod cum his partibus in syllogismo disponitur, ὁρος μέσος, terminus medius, & absolutē τὸ μέσον, medium.

SYLLOGISMUS ET EJUS PARTES.

Syllogismus, est dispositio, qua quæstio cum
argumento

argumento disposita , necessarió concluditur. Atque hoc vocabulum proprié rationem & calculum significat : & á Mathematicis ad Dialecticam videtur traductum . Syllogismi partes sunt,propositio,assumptio , conclusio : Propositio,est prima pars syllogismi , in qua argumentú cum parte consequente quæstionis tantúm , vel cum utraque proponitur : Assumptio , secunda pars syllogismi, ubi argumentum cum altera tantúm parte quæstionis,é propositione assumitur: Conclusio, tertia pars est syllogismi , quæ partes quæstionis colligit.Sic igitur tres syllogismi partes efficiuntur,propositio,assumptio,complexio: Ut apud Ciceronem quarto de Finibus:

Omne laudabile,est honestum;

Omne justum,est laudabile;

Omne itaque justum,est honestum.

Hic quæstio erat,Omne justum,estne honestum?tum argumentum , laudabile , dispositum primó cum,honestum , consequente parte quæstionis,fecit propositionem:

Omne laudabile,est honestum:

Deinde assumptum é propositione cum , justú, parte antecedente quæstionis,fecit assumptionē:

Omne justum,est laudabile:

Unde quæstio necessarió concluditur:

Omne itaque justum,est honestum.

Verúm hæc necessariæ dispositionis fabrica, plenius per species intelligetur.

Syllogismus] Logicæ dispositionis triplicem speciem proposuimus,enuntiationem, syllogismum , & metho-

dum. Expositis itaque enuntiationis legibus, quæ certas judicandi vias indicant, perspicuitas doctrinæ postulat, ut deinceps videamus, quid sit syllogismus, quot partes illius, quot item species: omniaque lumina definitionum, divisionum, & exemplorum ad illustrandam artem & intelligentiam syllogismi accendamus. Syllogismi definitio constat ex genere & aliis causis essentialibus: Dispositio siquidem, genus est syllogismi: eo accedit propria differentia (quod quæstio cum argumento disposita, necessario concluditur) quæ docet necessitatem conclusionis, non est coherrentia rerum, sed est collocatione legitima argumenti metiendam esse. Aristoteles primo capite libri primi priorum Analyticorum his verbis definit: συλλογισμὸς δὲ, ὅστις λόγος, ἐν ᾧ τιθέντων τινῶν, ἕτερόν τι τῶν κειμένων ἐξ ἀνάγκης συμβαίνει, τὸ ταῦτα εἶναι. Quæ definitio iccirco minus aperta est, quia non satis perspicuas & idoneas syllogismi causas continet: Nam si λόγος, dicatur oratio, syllogismi genus non est: sin autem ratio, genus est longè petatum, quod & inventionem & dispositionem universam significat: Reliquæ verò partes formalem causam & obscurius involvunt, neque declarant quæstionem cum argumento disponi, ut necessario concludatur: neque etiam definitionem propriam efficiunt: Nam quibusdam positis, potest aliquid necessariò sequi, quòd hæc ita sunt, neque tamen erit syllogismus: ὁ μὲν γὰρ συλλογισμὸς πᾶς, ἀναγκαῖον · τὸ δὲ ἀναγκαῖον οὐ πᾶν συλλογισμὸς · ὥς' οὐκ εἰ τι συμβαίνει τιθέντων τινῶν, πειρατέον ἀνάγειν ἐνθὺς, ἀλλὰ πρῶτον ἀληπτέον πρὸς δύο προτάσεις. Omnis enim syllogismus, necessarium: non omne autem necessarium, syllogismus: quare non si quid accedit quibusdam positis, conandum ut protinus reducatur in suam formam, sed prius sumenda sunt duæ propositiones, ut Aristoteles ipse præcipit tricesimo tertio capite libri primi priorum Analyticorum. Si quis igitur ita disputat:

— *Venti incubere mari:*

— *Crebris micat ignibus æther;*

Denfi

—*Densifunduntur ab æthere nimbi:*
Ergo tempestas est.

Ex his antecedentibus caussis ita positis, necessarió tempestas efficitur, neque tamen syllogismus est. Quãobrem Aristotelica syllogismi definitio, vel Aristotelis ipsius testimonio & iudicio refelli videtur. Syllogismus ab Aristotele etiam dicitur logismus in eadem re & significatione, ut capite quadragesimo libri primi de Syllogismo: οὗτος γὰρ λόγος καὶ λογισμός· hic enim fortasse syllogismus est: capite decimo octavo libri secundi de Demonstratione, οἷον δ' ὅσα καὶ λογισμός, ut opinio & syllogismus: & tertio capite sexti Topici, ἰσότης ἐναντίων λογισμῶν, æqualitas contrariorum syllogismorum: & octavo capite secundi Physici, ἀρχὴ γὰρ καὶ αὐτὴ ἐκ τῆς πράξεως, ἀλλὰ τὸ λογισμῷ· principium enim ipsum non actionis, sed ratiocinationis: & primo capite libri primi Philosophiæ, τὸ δὲ τῶν ἀνθρώπων γένος, καὶ τέχνη καὶ λογισμοῖς ζῇ· genus autem hominum arte vivit & ratiocinatione: & capite septimo libri undecimi, διὸ ἀδύνατος ἀνθρώπινος λογισμός. quare incerta humana ratiocinatione.

Atque hoc vocabulum] Ut logismus, sic syllogismus duas habet significationes, unam propriam & nativam, & dicitur ratio seu calculus arithmeticus, qui fit additione & deductione, unde Arithmetica, Logistica nominatur, id est ars & scientia computandi: alteram hinc similitudine quadam translatam, quæ est legitima dispositio quæstionis cum argumento, unde quæstio necessarió concluditur. Quemadmodum enim Arithmeticus calculator, addendo subducendoque videt quæ reliqui summa fiat: ita Dialecticus ratiocinator cùm apte quæstionem cum argumento disposuerit, summam tandem aliquam rationis efficit, & qualis sit ipsa quæstio, vera an falsa, iudicat: qua similitudine ratiocinatio etiam Latine à Cicerone in Rhetoricis dicta est: argumentatio autem in Partitionibus oratoriis, quia sit argumenti explicatio: Fabius capite ultimo libri quinti epichere-ma nominat, *Syllogismi*] Definitionem syllogismi se-

quitur partitio in tria membra, propositionem, assumptionem & complexionem: ex quibus omnis syllogismus componitur. Cicero in veteri Rhetorico quinque partes rationationi tribuit, ut prima sit propositio, deinde ejus ratio, tum assumptio, quarta ejus approbatio, quinta complexio: á quo dissentit Quintilianus capite decimo quarto libri quinti: Mihi (inquit) & plurimis nihilominus auctoribus tres solummodo videntur: Nam ita se habet natura, ut sit de quo quærat, & per quod probetur: tertium adjici potest, velut ex consensu duorum antecedentium: Ita prima erit intentio, secunda assumptio, tertia complexio: Nam confirmatio primæ partis & secundæ exornatio, iis sem cedere possunt, quibus subjiciuntur. Quæ distinctio apud Fabium numero quidem partium vera est, sunt enim tres tantum syllogismi partes, sed probatione falsa: intentio enim & complexio, una & eadem pars est: nec aliud est intentio, quam proposita quæstio seu enuntiatio dubia, quæ subducta ratione tandem concluditur: assumptionis autem nomine, propositio & assumptio confunduntur: Porro vocabulum propositionis duobus modis intelligitur: aut enim dicitur intentio rei, de qua agitur, sive proposita quæstio, ut libro tertio de Oratore, Propositio, quid dicturus sis. Atque hac significatione si concludatur, tertia & ultima pars est syllogismi: aut dicitur propositio prima pars, non ordine quidem semper, ut apparet in disputationibus philosophorum & oratorum, ubi propositio interdum secundum, interdum ultimum etiam locum habet: sed tamen cum judicium de re dubia facere volumus, & syllogismum reteximus, primo loco considerata nobis est, in qua argumentum primum disponitur, vel cum quæstionis parte consequente ut in syllogismo simplici, vel cum utraque, ut in conjuncto: quod per species planè cognoscitur.

Assumptio] Secunda pars syllogismi definitur, ubi argumentum assumitur é propositione, & cum altera tantum parte quæstionis disponitur, nunquam cum utraque,

que, ut apparebit postea in generibus syllogismorum simplicium & conjunctorum: á Latinis appellatur assumptio, quia aliquid propositionis illic assumitur & repetitur, videlicet ipsum argumentum. Cicero in veteri Rhetorico: Assumptio (inquit) est particula orationis, per quam id quod ex propositione ad ostendendum pertinet, assumitur. *Conclusio*] Postrema pars syllogismi multis appellatur nominibus, conclusio & complexio, Græcè το συμπέρασμα, quia quasi summam aliquam rationis & iudicii colligit & concludit: connexio etiam á Quintiliano: itemque á Græcis ἐπιφορά, illatio: Interdum conclusio pro toto syllogismo usurpatur, ut in Lucullo: Hæc conclusio, quam vim habeat, considera. Et primo libro de Divinatione: Conclusio autem rationis ea probatur, in qua ex rebus non dubiis, id quod dubitatur, efficitur. Et contrá syllogismus interdum dicitur, pro tertia illa parte syllogismi, ut capite decimoseptimo libri secundi de Syllogismo: ἀνὶ γὰρ ἐναντίος συλλογισμὸς γίνεται τῷ πρῶτῳ. Semper enim syllogismus efficitur contrarius rei. Syllogismus hic dicitur pro complexione. *Ut apud*] Partitio syllogismi declaratur exemplo speciali, in quo syllogismus retextitur in suas partes, & argumenti cū suis partibus dispositio ostenditur.

SYLLOGISMUS SIMPLEX, ET

ejus prima figura.

Syllogismus, est simplex aut compositus: Simplex, cujus propositio & assumptio habent simplicem dispositionem argumenti cum altera parte quæstionis: ut in exemplo, laudabile, disponitur in propositione cum sola consequente parte quæstionis: in assumptione cum sola antecedente: & quanvis á simplici argumenti dispositione simplex appelletur syllogismus, non

á simplici enuntiatione, ex enuntiationis tamen simplicis differentiis, affirmatione, negatione generali, speciali, propria, differentias generum accipit. Species seu figuræ simplicis syllogismi sunt tres, in quibus singulis utraque pars antecedens est generalis, vel altera tantum, vel propositio saltem propria. unde generalis, specialis proprius syllogismus appelletur. Prima figura est, in qua argumentum est antecedens propositionis, consequens assumptionis.

Primus modus generalis est omnino affirmatus, ut syllogismus antea citatus:

Omne laudabile, est honestum:

Omne justum, est laudabile:

Omne itaque justum, est honestum.

Secundus modus generalis, est affirmatus sola assumptione: ut,

Nullus timidus est liber:

Omnis avarus est timidus:

Itaque nullus avarus est liber:

Hoc ita concluditur & judicatur ab Horatio primo Epistolarum:

Quó melior servo, quó liberior sit avarus,

In triviis fixum cum se demittit ob assem,

Non video: nam qui cupiet, metuet quoque: porro

Qui metuens vivit, liber mihi non erit unquam.

Primus modus specialis, est omnino affirmatus, & sola propositione generalis, & é primo generali ducitur: ut,

Omne laudabile, est honestum:

Aliquod

Aliquod iustum, est laudabile:

Aliquod itaque iustum, est honestum.

Nec interest si pro assumptione speciali, propria statuatur: ut,

Consules virtute facti, studiosè Rēp. tueri debent:

Cicero, est virtute factus Consul:

Cicero igitur Rempub. studiosè tueri debet.

Cicero sic diligentiam suam Agraria secunda concludit & iudicat, sed partes comparationibus illustrat. Nam cū omnium Coss. gravis in Repub. custodienda, cura ac diligentia debet esse, tum eorum maximè, qui non in incunabulis, sed in campo sunt Coss. facti. Nulli populo Ro. pro me maiores nostri sponponderunt: mihi creditum est: à me petere, quod debeo, me ipsum appellare debetis. Quemadmodum cū petebam, nulli me authores generis mei vobis commendarunt: sic si quid deliquero, nullæ sunt imagines, quæ me à vobis deprecantur. Quare modò ut vita suppetat (quanquam ego sum is, qui eam possim ab istorum scelere insidiisque defendere) polliceor hoc vobis, Quirites, bona fide, Rempub. vigilanti homini, non timido: diligenti, non ignavo, commisistis.

Secundus modus specialis, assumptione sola est affirmatus, & sola propositione generalis: è secundo autem generali modo deducitur: ut,

Nullus timidus est liber:

Aliquis avarus, est timidus:

Aliquis igitur avarus non est liber:

Hic etiam propria assumptio esse potest pro speciali: ut,

Nullus deceptor amantis puellæ, laudandus est:

Demophoon, est deceptor amantis puellæ, ut

Phyllidis:

Demophoon igitur non est laudandus:

Phyllis apud Ovidium ita iudicat Demo-
phoontem laudandum non esse:

Fallere credentem non est operosa puellam

Gloria: simplicitas digna favore fuit.

Sum decepta tuis & amans & fœmina verbis:

Dii faciant laudis summa sit ista tuæ.

Primus modus proprius, est omnino affirmatus: ut,

Octavius est hæres Cæsaris:

Ego sum Octavius:

Sum igitur hæres Cæsaris.

Secundus modus proprius, sola est assumptione affirmatus: ut,

Antonius non est filius Cæsaris:

Tu es Antonius:

Non es igitur filius Cæsaris.

Hæc prima species, est evidentia syllogismi prima: omneque genus quæstionis affirmatæ, negatæ, generalis, specialis, per eam concluditur & iudicatur.

Syllogismus] Syllogismus secunda divisione dividitur, ut totum universale in duas species, syllogismum simplicem & compositum, qui à Boëtio nominantur syllogismus categoricus & hypotheticus: vocabulis quidem à Theophrasto & Eudemo acceptis, sed tamen signifi-

significatione parum apta & conveniente : quia syllogismus ex genere dispositionis potiùs , quàm ex partiù adjunctis distinguendus fuit . Syllogismus simplex est , in quo argumentum cum partibus quæstionis simpliciter & separatim disponitur , ut cum parte consequente in propositione , & cum antecedente in assumptione : ut in exemplo superiore argumentù , laudabile , disponitur seorsum cum parte consequente quæstionis , hoc modo :

Omne laudabile , est honestum

Et seorsum cum parte antecedente , hoc modo :

Omne iustum , est laudabile :

Ac quanvis] Cùm syllogismus dividitur in simplicem & compositum , in hac generali divisione non habetur ratio enuntiationis simplicis aut compositæ , ut paulò antè docuimus , sed tantummodò argumenti simpliciter aut compositè cum partibus quæstionis dispositi : & tamen species syllogismorum simplicium , ut mox apparebit , ex adjunctis simplicium enuntiatorum , ab Aristotele distinguuntur : modi siquidem illorum appellantur generales , speciales , proprii , affirmati , negati , ab enuntiationibus generalibus , specialibus ; propriis , affirmatis , negatis : qua quidem distinctione nos uti cogemur , donec alia melior & commodior inventa fuerit , si tamen inveniri poterit . *Species*] Divisio simplicis syllogismi in tres species sumitur , ex triplici varietate argumenti simpliciter dispositi : aliàs enim consequentem partem quæstionis antecedunt in propositione , & consequuntur antecedentem in assumptione , & dicitur prima species : ut ,

Quod semper movetur , æternum est :

Animus semper movetur :

Animus igitur æternus est .

Aliàs utranque partem quæstionis consequitur , & dicitur secunda species : ut ,

Nullum vitium est expetendum :

Omnis virtus est expetenda :

Nulla igitur virtus est vitium .

Aliás utrunque antecedit, & dicitur tertia species: ut,

Omnis avarus est insatiabilis:

Omnis avarus est injustus:

Aliquis igitur injustus est insatiabilis.

Aristoteles vocat has species figuras, ejus verba sunt primi de Syllogismo capite quarto, καὶ καλῶ δὲ τὸ τοιοῦτον σχῆμα πρῶτον · atque hujusmodi dico primam figuram, id est primam speciem syllogismi: & capite quinto, τὸ μὲν σχῆμα τὸ τοιοῦτον καλῶ δεύτερον · figuram quidem hujusmodi voco secundā: & capite sexto, τὸ μὲν σχῆμα, τὸ τοιοῦτον καλῶ τρίτον · figurā quidem hujusmodi appello tertiā: quod nomē propriē geometricū est: Nam genera lineamētorum, ut circulus, triāgulum, quadratum, propriē dicuntur σχήματα, & his locis per metaphorā usurpatur pro dialectica specie: sic Aristoteles σχήματα κατηγοριῶν, species categoriarum dixit libris nono & decimo Philosophiæ. *In quibus*] Tres syllogismi simplicis species, tres differentias communes habent, ab adjunctis enuntiatorum simplicium sumptas: Nam in unaquaque specie syllogismus generalis, specialis & proprius invenitur, ut mox intelligetur: generalis, quādo duæ primæ partes generales sunt: specialis, quando altera specialis: proprius, quando utraque vel altera est propria. Atque iccirco hæc distinctio in generali partitione simplicis syllogismi inclusa est, quia ad singulas species cōmuniter attinet. *Prima figura*] Prima species simplicis syllogismi definitur, in qua argumentum antecedit in propositione, & consequitur in assumptione: ut,

Omne laudabile, est honestum:

Omne bonum, est laudabile:

Ergo omne bonum, est honestum.

Argumentū, laudabile, est antecedēs propositionis & consequens assumptionis: In hoc genere dispositionis (ut antea monuimus) tres sunt modi, generalis, specialis & proprius: generalis autē duplex, affirmatus & negatus: Generalis affirmatus est, cujus partes antecedentes generales & affirmatæ sunt, ut in proximo exemplo,

Omne

Omne laudabile, est honestum:

Propositio generaliter affirmatur. Item:

Omne bonum, est laudabile:

Assumptio generaliter affirmatur. Complexio propositioni & assumptioni similis hic est, id est generalis & affirmata: ut,

Ergo omne bonum, est honestum.

Potest etiam hinc specialis effici, quod enim concluditur in genere, & omnino, idem quoque licet in specie concludere: ut,

Ergo aliquod bonum, est honestum.

Atque hic modus, ut iudicii naturalis lege clarissimus est, ita ad doctrinæ scientiam est accommodatissimus, & ad cognoscendum quid sit, de quo agitur, quia sententias generales & affirmatas disputat & cōcludit.

Secundus modus] Secundus modus generalis sola assumptione affirmatur: ut,

Nullus timidus est liber:

Omnis avarus est timidus:

Nullus igitur avarus est liber.

Horatius ex Stoicorum sententia, sic ratiocinatur ex repugnantibus, libro primo Epistolarum: ubi complexio primo loco ponitur, assumptio secundo, propositio ultimo. Nec sine causa in definitione præcipitur, ut hic modus sola assumptione affirmetur: Nam si propositionem affirmaris, & assumptionem negaris, syllogismus non erit: ut,

Omne animal, est substantia:

Nullus lapis est animal:

Nullus igitur lapis est substantia.

Fallax est dispositio, quia partibus antecedentibus veris, falsa sequitur conclusio. Atque hic secundus modus universitate quidem, primo modo par est, sed luce doctrinæ impar, quia non concludit quid sit, sed quid non sit: clarius autem est, quid sit, cōcludere, quàm quid non sit: Usus tamen superiori ferè parem obtinet, præsertim in disputationibus philosophorum, quæ refellē-

di gratia instituuntur, ubi generales quæstiones negatè concluduntur: Hic etiam complexio potest esse specialis, ob eam causam, quam paulò antè in primo modo docuimus. *Primus modus*] Quemadmodum generalis, ita specialis modus in primo genere duplex est: primus usquequaque affirmatus, & sola propositione generalis, & à primo generali deductus esse videtur, ut quod illic generaliter & affirmatè concluditur, hic specialiter & affirmatè dicatur: itaque assumptio & complexio, quæ illic generales erant, hic speciales fiunt: ut,

Omne laudabile, est honestum:

Aliquod justum est laudabile:

Aliquod igitur justum, est honestum.

Nec interest] Nihil interest ad hanc rationem dispositionis, pro speciali proprium enuntiaturum ponere: idque apud poëtas & oratores longè usitatissimum est, quorum oratio magnam partem in quæstionibus finitis & propriis versatur: ut,

Consules virtute facti, studiose Remp. tueri debent:

Cicero est Consul virtute factus:

Studiose igitur Remp. tueri debet.

Hoc modo Cicero Agraria secunda pollicetur, se diligentem fore in tuenda Rep. Propositio syllogismi prima est, & amplificatur duplici comparatione, una majorum, altera minorum: Assumptio exornatur item è dissimilibus: Non sum factus Consul commendatione maiorum meorum, sed perspectæ virtutis: Conclusio etiam eodem genere cōparationis illustratur: Quare futurus sum vigilans, non timidus: diligens, nō ignavus. Rectè autem in definitione positum est, ut hic modus fiat sola propositione generalis: Nam si propositio fuerit specialis, assumptio generalis, nihil concludetur: ut,

Aliquod animal currit, ut equus:

Omnis homo est animal:

Ergo aliquis homo currit.

Syllogismus non est. *Secundus*] *Secundus modus specialis*

specialis proficiscitur á secundo generali, assumptione & complexione generalibus in speciales mutatis: Nec quicquam hic præterea est novæ artis: itaque quod illic generaliter concluditur, hic specialiter efficitur: ut,

Nullus timidus est liber:

Aliquis avarus est timidus:

Aliquis igitur avarus non est liber.

Idem quoque efficies, si pro specialibus enuntiatis propria sumantur: ut,

Nullus deceptor amantis puellæ, est ludandus:

Demophoon est deceptor amantis puellæ, ut Phyllidis:

Demophoon igitur non est landandus.

Sic Phyllis ratiocinatur in Epistola apud Ovidium: ubi syllogismus est naturali partium ordine conclusus. *Primus modus proprius*] Proprii modi non differunt quantitate generali aut speciali enuntiationum, sed sola qualitatis differentia distinguuntur, id est affirmationis & negationis: Primus itaque est omnibus partibus affirmatus: ut.

Octavius est hæres Cæsaris:

Ego sum Octavius:

Ego itaque sum hæres Cæsaris.

Interdum hic modus sola propositione est proprius: ut,

Romulus est conditor Romæ:

Aliquis filius Martis, est Romulus:

Aliquis igitur filius Martis, est conditor Romæ.

Secundus modus est sola assumptione affirmatus, propositione & conclusione negatus: ut,

Antonius non est filius Cæsaris:

Tu es Antonius:

Non es igitur filius Cæsaris.

Aristoteles capite sexto libri primi de Syllogismo, cum syllogismos simplices tertiæ figuræ per expositionem probat, dat aliquam significationem syllogismorum propriorum, sed subobscuram: & velut aliud agens, communem syllogismorum specialibus exemplis declarat: ut,

Omnis homo sentit:

Omnis homo est animal rationale:

Aliquod igitur animal rationale sentit.

Hic syllogismus per expositionem sic demonstratur:

Socrates sentit:

Socrates est animal rationale:

Aliquod igitur animal rationale sentit.

Sed Aristoteles (ut dixi) non id agit, ut doceat, syllogismum ex propriis enuntiatis fieri, & communi arte syllogismorum conformari, sed casu aliquo in idipsum incidit, quod tamen neque animadvertit, neque docuit. *Hæc prima*] Omnis quidem syllogismus naturalem in se continet perspicuitatem, sed in hoc primo genere, evidentia dispositionis & judicii prima summaque est: itaque natura duce, hujusmodi dispositionem maximè sequimur & probamus, nec quicquam clarius & apertius videmus. Itaque cum argumentum, majus extremum quæstionis antecedit, & minus consequitur, ea forma & lege, quam præscripsimus, syllogismum talem ut dignitate, sic evidentia & claritate primum & principem esse judicamus, in quo quæstiones concluduntur, non solum generales, quas mens & intellectus judicat, sed etiam speciales & propriæ, quæ in sensus etiam judicium cadunt.

SECUNDA FIGURA.

Secunda figura est, in qua argumentum est consequens propositionis & assumptionis.

Primus generalis modus; assumptione sola est affirmatus: ut,

Nullus turbatus, ratione bene utitur:

Omnis sapiens ratione bene utitur:

Nullus igitur sapiens, est turbatus.

Hoc judicium ita fit à Cicerone tertia Tusculana,

culana, sed propositio collatione illustratur: Et quemadmodum oculus cōturbatus non est probé affectus ad suum munus fungendum: & reliquæ partes totumque corpus à statu cūm est motum, deest officio suo & muneri: sic conturbatus animus non est probé affectus ad exequēdum munus suum. Munus autem animi, est ratione uti: & sapientis animus ita semper affectus est, ut ratione optimé utatur: Nunquam igitur est perturbatus.

Secundus modus generalis, sola propositione est affirmatus: ut,

Omnis res mortalis componitur & dividitur:

Nulla anima componitur, neque dividitur:

Nulla igitur anima est mortalis.

Cicero quinta Tusculana hoc syllogismo judicat animum immortalem esse: Assumptio prima est, conclusio secunda, propositio ultima. In animi autem cognitione dubitare non possumus, nisi forté in physicis plumbei sumus, quin nihil sit animis admixtum, nihil concretum, nihil copulatum, nihil coagmentatū, nihil duplex. Quod cūm ita sit, certé nec secerni, nec dividi, nec discerpi, nec distrahi potest: nec interire igitur: Est enim interitus, quasi discessus & secretio ac diremptus earum partium, quæ ante interitum junctione aliqua tenebantur.

Primus modus specialis, est affirmatus assumptione sola, & generalis propositione sola: ut,

Nullus lividus est magnanimus:

L iij

Maximus est magnanimus;

Maximus igitur non est lividus.

Hoc judicio Ovidius tertio Tristium concludit, & partes comparationibus illustrat:

Livor, iners vitium, mores non exit in altos;

Utque latens ima vipera serpit humo.

Mens tua sublimis supra genus eminet ipsum;

Grandius ingenio nec tibi nomen inest.

Ergo alii noceant miseris, optentque timeri,

Tinctaque mordaci spicula felle gerant;

At tua supplicibus domus est assueta juvandi;

In quorum numero me precor esse velis.

Secundus modus specialis, sola propositione est affirmatus & generalis. Hoc judicii modo Ovidius tripliciter concludit, dum carminum suorum excusationem exponit:

Carmina proveniunt animo deducta sereno:

Nubila sunt subitus tempora nostra malis.

Carmina secessum scribentis, & otia quarunt:

Me mare, me venti, me fera jactat hyems.

*Carminibus metus omnis abest; ego perditus
ensem*

Hæsurum jugulo jam puto, jamque meo.

Hæc quoque, quæ facio, judex mirabitur æquus:

Scriptaque, cum venia, qualiacunque leget.

Primus modus proprius, est affirmatus sola assumptione: ut,

Agésilæus non est pictus ab Apelle:

Alexander est pictus ab Apelle:

Alexander igitur, non est Agésilæus.

Secun-

Secundus modus proprius, est affirmatus sola propositione: ut,

Cæsar oppressit patriam:

Pompejus non oppressit patriam:

Pompejus igitur, non est Cæsar.

Hæc secunda figura minús est frequens, quâ prima, & quæstionem negatam tantum concludit.

Secunda figura] Dictum est de prima specie seu figura simplicis syllogismi, secunda figura deinceps explicanda est: in qua argumentum utranque partem quæstionis consequitur: argumentum autem consequitur, quando est attributum, & partes quæstionis, sunt subiecta: ut,

Omne regnum, est Reip. salutare:

Nulla tyrannis, est Reip. salutaris:

Nulla igitur tyrannis, est regnum.

Argumentum, salutare, in propositione & assumptione attributum est. In hoc genere, sicut in primo, triplex est conclusionis modus, generalis, specialis, & proprius: generalis item duplex: primus assumptione sola affirmatus, propositione & conclusione negatus: quale est illud Stoicum consecrarium:

Nullus turbatus, ratione bene utitur:

Omnis sapiens, ratione bene utitur:

Nullus igitur sapiens, est turbatus.

Argumentum est á repugnantibus: propositio, Tusculana tertia illustratur á similibus, assumptio est secunda, complexio ultima. Secundus modus generalis, sola propositione affirmatur, assumptione & complexione negatur: quo modo Cicero Tusculana quinta concludit, nullum animum interire: argumentum est á repugnantibus, quod nullus animus componitur & dividitur: Atque in hoc exemplo Ciceronis, assumptio prima est, complexio secunda, propositio ultima: Nam

perſæpe ordo partium ſyllogiſmi immutatur, ut ipſa varietate gravior & jucundior ſit oratio, & ne ars ipſa cōcluſionum nimium oſtentati videatur: & tamen cū ſententiam orationis examinamus, & ad legem artis revocamus, unamquamque partem ſuo loco & ordine diſponimus, facilioris intelligentiæ gratia. *Primus*] Specialis modus duplex, primus propoſitione generalis & negatus, aſſumptione ſpecialis & affirmatus, complexione ſpecialis & negatus: Atque is ſub primo generali continetur, quia quod illic generaliter concludebatur, hic ſpecialiter concluditur: Nihil autem intereſt (ut antè diximus) pro ſpecialibus enuntiatis, propria ponere. Sic Ovidius ratiocinatur libro tertio de Ponto: ubi argumentum, magnanimus, repugnat majori parti quæſtionis, quæ eſt, lividus: Propoſitio eſt in primo diſticho, quæ illuſtratur à ſimilibus: aſſumptio in ſecundo, quæ declaratur collatione minorum & parium: complexio in tertio & quarto, quæ amplificatur é diſſimilibus. Secundus modus ſpecialis ex ſecundo generali etiam deducitur, aſſumptione & complexione generalibus mutatis in ſpeciales: Sola igitur propoſitio generalis & affirmata hic eſt: Sic Ovidius exul apud Getas, concludit ſe non poſſe ſcribere bonos verſus, & ex tribus argumentis tres ſpeciales ſyllogiſmos efficit, quorum primus ſic eſt:

*Omnis bonus poëta, debet eſſe lætus:
Ego non poſſum eſſe lætus:
Non igitur ſum bonus poëta.*

Secundus ſic: *Omnis bonus poëta eſt ſolitarius & otioſus:
Ego ſolitarius & otioſus non ſum:
Neque igitur bonus poëta.*

Tertius ſic: *Omnis bonus poëta, eſt vacuus à perturbatione:
Ego non ſum vacuus à perturbatione:
Neque igitur ſum bonus poëta.*

Primus

Primus modus proprius] Modus proprius in secunda figura item duplex est: Primus usquequaque proprius, sola autem assumptione affirmatus: ut,

Agessilaus non est pictus ab Apelle;

Alexander pictus est ab Apelle:

Alexander igitur non est Agessilaus.

Argumentum, pictus ab Apelle, utranque partem quæstionis consequitur. Secundus modus est omnino proprius, & sola propositione affirmatus: ut,

Cæsar oppressit patriam:

Pompejus non oppressit patriam:

Pompejus igitur non est Cæsar.

Argumentum, opprimere patriam, consequitur utranque partem quæstionis: & syllogismi partes, sunt enuntiationes propriæ & singulares. *Hæc secunda*] In secunda figura conclusio valde quidem naturalis est: & quanvis in hac, tanta claritas non inest, quanta est in prima, per se tamen satis probatur: dupliciter verò à prima distinguitur, primum quod minus sit frequens in usu quotidiano & in bonis authoribus, deinde quia semper negatè concludit: prima autem modo affirmatè modo negatè: ideoque secunda figura refutationibus quæstionum generalium & specialium conveniet.

TERTIA FIGURA.

Tertia figura est, in qua argumentum est antecedens propositionis & assumptionis: & priores figuras duobus specialibus modis superat: at generaliter nihil concludit.

Primus modus generalis, est omnino affirmatus: ut,

Omnis magnanimitas est laudabilis:

Omnis magnanimitas est confidentia:

Aliqua igitur confidentia est laudabilis.

Secundus modus generalis, est affirmatus so-

la assumptione: ut,

Nulla temeritas est laudabilis:

Omnis temeritas est confidentia:

Quædam igitur confidentia non est laudabilis.

Primus modus specialis, est omnino affirmatus, sed generalis sola assumptione: ut,

Quædam magnanimitas est laudabilis:

Omnis magnanimitas est confidentia:

Quædam igitur confidentia est laudabilis.

Secundus modus specialis, est omnino affirmatus, sed generalis propositione sola: ut,

Omnis magnanimitas est laudabilis:

Quædam magnanimitas est confidentia:

Quædam igitur confidentia est laudabilis.

Tertius modus specialis, est affirmatus & generalis assumptione sola: ut,

Quædam temeritas non est laudabilis:

Omnis temeritas est confidentia:

Quædam igitur confidentia non est laudabilis.

Quartus modus specialis, est negatus & affirmatus sola assumptione, & generalis sola propositione: ut,

Nulla temeritas est laudabilis:

Quædam temeritas est confidentia:

Quædam igitur confidentia non est laudabilis.

Primus modus proprius, est omnino affirmatus: ut,

Magnanimitas Catonis est laudabilis:

Magnanimitas Catonis est confidentia:

Quædam igitur confidentia est laudabilis.

Secundus

Secundus modus proprius, est affirmatus sola assumptione: ut,

Temeritas Catilinæ non est laudabilis:

Temeritas Catilinæ est confidentia:

Quædam igitur confidentia non est laudabilis.

Eadem quæstio tribus modis in hac figura concludi potest: imò quatuor, si argumentum mutetur, ut apparet in his exemplis. Atque triū figurarum hæc postrema usu pleni & perfecti syllogismi rarissima est: attamen sentētia & usus hujus judicii videtur admodum frequens esse, omniaque exempla, quæ ad specialem quæstionem adhibentur, ad hoc judicium spectare: ut si sine syllogismo integro diceremus,

Quædam confidentia est laudabilis, ut omnis magnanimitas, ut Catonis magnanimitas:

Quædam confidentia non est laudabilis, ut omnis temeritas, ut Catilinæ temeritas:

Hic videntur ejusmodi exempla sub utranque partem quæstionis subjici, ut intelligamus omnem magnanimitatem esse laudabilem, & esse confidentiam: unde concluditur in hac tertia figura, quandam confidentiam esse laudabilem: similiter nullam temeritatem esse laudabilem: omnemque temeritatem, vel aliquam saltē, esse confidentiam: unde etiam sequatur in eadem figura, aliquam confidentiam non esse laudabilem: Item magnanimitatem Catonis esse laudabilem, & esse confidentiam: unde judicetur, quandam confidentiam esse laudabilem:

di, primus omnibus partibus affirmatus: ut in exemplo proposito:

Omnis magnanimitas est laudabilis:

Omnis magnanimitas est confidentia:

Aliqua igitur confidentia est laudabilis.

Omnes partes sunt affirmatæ, & duæ antecedentes universæ. Secundus modus, est sola assumptione affirmatus, propositione & complexione negatus: ut in hoc exemplo:

Nulla temeritas est laudabilis:

Omnis temeritas est confidentia:

Quædam igitur confidentia non est laudabilis.

Vides ut partes antecedentes generaliter enuntientur, & sola assumptio affirmetur. *Primus modus specialis*] In tertia figura modi speciales sunt quatuor, ut antè diximus: ubi pro specialibus enuntiatis licebit propria ponere, sicut in prima figura & in secunda demonstratum est. Primus specialis, est omnino affirmatus, sed sola assumptione generalis, & à primo generali deducitur, mutata propositione generali in specialem: ut in hoc exemplo vides:

Aliqua magnanimitas est laudabilis:

Omnis magnanimitas est confidentia:

Aliqua igitur confidentia est laudabilis.

Ex primo generali factus est primus specialis, mutata propositione generali in specialem.

Secundus modus item à primo oritur, mutata assumptione generali in specialem: ut,

Omnis magnanimitas est laudabilis:

Aliqua magnanimitas est confidentia:

Quædam igitur confidentia est laudabilis.

Illuc generaliter assumebatur,

Omnis magnanimitas est confidentia:

Hic specialiter assumitur,

Aliqua magnanimitas est confidentia,

Tertius modus] Tertius specialis modus, fit ex secundo

generali, conversione propositionis generalis in specialem: ut,

Quædam temeritas non est laudabilis:

Omnis temeritas est confidentia:

Quædam igitur temeritas non est confidentia.

In secundo modo generali, generaliter propositum erat,

Nulla temeritas est laudabilis:

Hic specialiter dicitur,

Aliqua temeritas non est laudabilis.

Quartus item modus à secundo descendit, mutata assumptione generali in specialem: ut,

Nulla temeritas est laudabilis:

Aliqua temeritas est confidentia:

Aliqua igitur confidentia non est laudabilis.

Quod illic generaliter erat assumptum, hic specialiter assumitur: ut,

Aliqua temeritas est confidentia.

Primus } In tertia figura modus quoque proprius duplex est, ab antecedentibus partibus sic appellatus, quæ sunt propriæ enuntiationes: complexio autem efficitur non propria, sed specialis. Primus modus est omnino affirmatus: ut,

Magnanimitas Catonis est laudabilis:

Magnanimitas Catonis est confidentia:

Aliqua igitur confidentia est laudabilis.

Secundus propositione & complexione negatus, sola autem assumptione affirmatus: ut,

Temeritas Catilinæ non est laudabilis:

Temeritas Catilinæ est confidentia:

Aliqua igitur confidentia, non est laudabilis.

Eadem quæstio } In tertia figura quatuor modi affirmati, ut primus generalis, duo speciales primi, & primus proprius unam & eandem quæstionem specialem & affirmatam concludere possunt, ut exempla prius citata nos docent: Similiter quatuor negati, ut secundus generalis,

generalis, duo speciales postremi, & secundus proprius unam & eandem quæstionem specialem & negatam concludunt, ut apparet etiam in exemplis propositis: quod eò fit, quia modus generalis complexionem efficit specialem, & speciales propriique modi sub generali continentur. Itaque quæstio specialis, siue affirmata, siue negata fuerit, quatuor modis in hac figura concludi potest: Sed in propriis modis argumentum mutatur, quia proprium sumitur, unde concluditur quæstio specialis, ut vidēs in exemplis antè positis.

Atque harum] Syllogismus tertiæ figuræ non est tam perspicuus & illustris, quàm syllogismus primæ aut secundæ, sed tamen sua luce & perspicuitate clarus est, & per se firmus & constans: Omnis enim syllogismus, est dispositio perspicua & naturalis: sed ut in stellis, sic in figuris syllogismorum sunt quidam gradus claritatis: ut syllogismus tertiæ figuræ sit clarus, secundæ clarior, primæ clarissimus: unusquisque tamen sua naturali perspicuitate contentus. Laurentius Valla libro tertio Dialecticæ, tertiam figuram velut inusitatam repudiavit, verum quanvis in hac specie syllogismus omnibus suis membris conclusus, rarò inveniatur in bonis authoribus, frequentissimè tamen imperfectus incidit: ut cum ad specialem quæstionem aliquod exemplum adhibetur (adhibetur autem sæpissimè & usitatissimè) tum vestigium aliquod tertiæ figuræ apparet: & addita assumptione vel propositione, quæ deest, syllogismus in tertiæ figura concluditur.

SYLLOGISMUS COMPOSITUS,

ac primùm connexus.

Syllogismus compositus est, cujus affirmata propositio habet argumētum cum utraque parte quæstionis dispositum. Syllogismus compositus est connexus aut disjunctus: Syllogismus cō-

nexus, est syllogismus compositus, cujus propositio est connexa: Modi sunt quatuor.

PRIMUS MODUS CONNEXUS.

Primus modus connexus assumit antecedens, & consequens concludit: Quomodo Cicero judicat & concludit secundo de Divinatione:

Si dii sunt, divinatio est:

Sunt autem dii:

Divinatio est igitur.

Sic Æneidos quarto, Dido judicat Æneæ remanendum esse:

Mene fugis? Per ego has lachrymas, dextramque tuam, te,

Quando aliud mihi jam miseræ nihil ipsa reliquit:

Per conubia nostra, per inceptos hymenæos,

Si bene quid de te merui, fuit aut tibi quicquam

Dulce meum, miserere domus labentis, & istam,

Oro, si quis adhuc precibus locus, exue mentem.

Te propter Libycæ gentes, Nomadumque tyranni

Odere, infensi Tyrii: te propter eundem

Extinctus pudor: &, quæ sola sidera adibam,

Fama prior: cui me moribundam deferis hospes?

Aliquando non assumitur idem, sed majus: ut prima Catilinaria: Si te parentes timerent atque odissent tui, neque illos ulla ratione placare posses, ut opinor, ab eorum oculis aliquó concederes: nunc te patria, quæ communis est omnium nostrum parens, odit ac metuit, & jam diu de te nihil judicat, nisi de parricidio suo cogitare: Hujus

jus tu neque auctoritatem verebere, neque judicium sequere, neque vim pertimesces? Concludendi modus hic idem est, quando propositio est relata: quo genere nympha Oenone apud Ovidium concludit errorem stultitiæ suæ:

Cum Paris Oenone poterit spirare, relicta:

Ad fontem Xanithi versa recurret aqua.

*Xanthe retró propera, versa que recurrite lymphæ
Sustinet Oenonem deseruisse Paris.*

SECUNDUS MODUS

connexus.

Secundus modus connexus assumit contradictionem consequentis, & antecedentis contradictionem concludit:

*si ulli rei sapiens assentietur usquam, aliquando
etiam opinabitur:*

Nunquam autem opinabitur:

Nulli igitur rei assentietur.

Eodem syllogismo Ovidius secundo de Tristibus, stultitiam suam judicat:

si saperem, doctas odissem jure sorores,

Numina cultori perniciofa suo.

At nunc tanta meo comes est insania morbo:

Saxa memor refero rursus adiecta pedem.

Interdum nominatim neque assumitur, neque concluditur contradictio partium, sed aliud quoddam oppositum statuitur: Qua via Cicero quarta Philippica judicat Antonium Reipub. hostem esse:

Si Consul Antonius, Brutus hostis:

Si conservator Reip. Brutus, hostis Antonius.

Hæ syllogistici judicii species, sunt maximè
omnium usitatæ.

TERTIUS MODUS

connexus.

Duo præterea modi connexi additi sunt, ubi
antecedens negatur, & consequens affirmatur:
itaque tertius modus connexus assumit contra-
dictionem antecedentis, & consequentis con-
tradictionem concludit: ut,

*si Trojani sine tua venia in Italiam venerunt,
sunt puniendi:*

At venia tua venerunt:

Itaque non sunt puniendi.

Sic Venus pro Trojanis, Æneidos decimo
disputat:

Si sine pace tua, atque invito numine, Troës

Italiam petiere, luant peccata, neque illos

Juveris auxilio: sin tot responsa secuti,

Quæ superi, manesque dabāt: cur nunc tua quis-
quam

Flectere jussa potest? aut cur nova condere fata?

Sic Cicero concludit, cùm disputat Muræ-
nam sibi defendendum esse: Quod si licet desi-
nere, si te authore possum: si nulla inertia, nulla
superbia turpitudine, nulla inhumanitatis culpa
suscipitur, ego verò libenter desino: sin verò in-
ertiam

ertiam fuga laboris, & desidiā: repudiatio supplicum, superbiam: amicorum neglectio, improbitatem coarguit: nimirum hæc causa est ejusmodi, quam nec industrius, nec misericors, nec officiosus deferere possit.

QUARTUS MODUS

connexus.

Quartus modus connexus assumit consequens, & concludit antecedens: ut Terentius in Heautontimorumenō cōcludit in sermone Cliniae & Clitiphonis:

si nihil mali esset, jam hic adessent:

At jam aderunt:

Nihil igitur est mali.

Assumptio exornatur circumstantiis loci & personarum: Sermo sic est:

Clin. Si nil mali esset, jam hic adessent. Clit.

Jam aderunt. Clin. Quando istuc erit?

Clit. Non cogitas hinc longius abesse? & nostin' mores mulierum?

Dum moliuntur, dum comuntur, annus est. Clin.

O Clitipho,

Timeo. Clit. Respira: eccum Dromonem cum syro unā adsunt tibi.

Sy. Ain' tu? Dro. Sic est. sy. Verum interea dum sermones cadimus,

illæ sunt relictæ. Clit. Mulier tibi adest, audin' Clinia?

*Clin. Ego veró audio nunc demum, & video,
& valeo, Clinpho.*

Hic modus rarissimus est omnium, est tamen naturalis & usitatus & firmus & constans: nec unquam é veris antecedentibus falsum concludit, si species affirmationis & negationis in hac dispositione teneatur: quæ fides & cōstantia syllogismi, est ipsius definitione comprehensa.

SYLLOGISMUS SIMPLEX

é partibus connexis.

Aliquando syllogismus connexus videtur, quia propositio connexio est: verúm si dispositio simplex fuerit, syllogismus etiã simplex erit: ut,

Si quid optatum redierit, gratum est:

Lesbia Catullo optata rediit:

Grata igitur.

Catullus sic concludit in primâ simplici specie, propositione tamen connexa:

*Si quicquã cupidoque optãtque obrigit unquã, et
Inspiranti, hoc est gratum animo propriè.*

*Quare hoc est gratum, nobis quoque charius auro,
Quód te restituis Lesbia, mi cupido.*

*Restituis cupido, atque insperanti ipsa refers te
Nobis: o lucem candidiore nota!*

*Quis me uno vivit felicior? aut magis hac quid
Optandum vita, dicere quis poterit?*

Sic Terentius in Eunuchō concludit & judicat propositione relata, & tamen simpliciter:

Quod

Quod consilio caret, id consilio regi non potest:

Amor consilio caret:

Consilio itaque regi non potest.

Syllogismus his verbis sequitur:

Here, quæ res in se neque consilium, neque modum

Habet ullum, eam consilio regere non potes:

In amore omnia hæc insunt vitia, injuriæ,

Suspiciones, inimicitia, inducia,

Bellum, pax rursus: incerta hæc si tu postules

Ratione certa facere, nihilo plus agas,

Quàm si des operam, ut cum ratione insanias.

Potest similiter in secunda specie simplici concludi: ut,

Si quicquam homo est, animal est:

Lapis non est animal:

Lapis igitur non est homo.

Item:

Quod homo est, id animal est.

Lapis non est animal:

Lapis igitur non est homo.

Quinetiam syllogismus ex omnibus connexis partibus potest simpliciter concludi: ut,

si honestum est, laudabile est:

Si justum est, honestum est:

Itaque si justum est, laudabile est.

Prima species est simplex. Iterum,

si honestum est, laudabile est:

si injustum est, non est laudabile:

Itaque si injustum est, non est honestum.

Secunda species est simplex. Eodem modo ex

omnibus relatis partibus concludi potest, quomodo Cicero concludit secundo Officiorum: Summa quidem autoritate philosophi, severe sané atque honesté hæc tria genera confusa, cogitatione distinguunt: Quicquid enim justum sit, id etiam utile esse censent: itemque, quod honestum, idem justum: Ex quo efficitur, ut quicquid honestum sit, idem sit utile.

Species est simplex prima. Similiter,

Quicquid honestum est, id laudabile est:

Nihil quod injustum sit, laudabile est:

Nihil itaque quod injustum sit, honestum est.

Species est simplex secunda.

Syllogismus compositus. Dictum est hætenus de syllogismo simplici: compositus deinceps explicandus nobis est: qui nomen hoc invenit á cõposita & affirmata propositione argumenti cum utraque parte quæstionis: In hoc enim genere, propositio semper affirmatur, secus nil posset é negata, catholicé concludi, & semper habet argumentum dispositum cum utraque parte quæstionis: quod quidem syllogismo simplici nunquam accidit. Nec veró prætereundum illud est, eandé quæstioné utroque genere syllogismi posse concludi: idemq; argumentum modò simpliciter, modò cõposité disponi: ut,

Omne laudabile est honestum:

Omne bonum est laudabile:

Omne igitur bonum, est honestum.

Syllogismus hic simplex est, qui ex eodem argumento & quæstione in conjunctum mutatur, hoc modo:

Si omne bonum est laudabile, omne bonum, est honestum:

At omne bonum est laudabile:

Omne igitur bonum est honestum:

Itaque licet syllogismum simplicem in compositum, vicissimque compositum in simplicem convertere. Ac

ne

ne quis existimet syllogismum compositum dici ab enuntiationibus compositis, fieri potest, ut ex compositis omnibus partibus syllogismus simplex existat: ut,

Si animal est, substantia est:

Si homo est, animal est:

Ergo si homo est, substantia est.

Partes omnes sunt enuntiationes compositæ, & tamen argumentum simpliciter dispositum, id est, separatim cum singulis partibus quæstionis. Syllogismum compositum Boëtius vocat ὑποθετικὸν, recentiores Peripateticos imitatus: Sed alia est ratio ejus nominis apud Aristotelem: nam in prioribus Analyticis syllogismum ἐξ ὑποθέσεως definit, qui componitur ex confessis quidem partibus, quanvis falsæ & incertæ suapte natura esse possint: ut finge omne animal spirare, & omnem piscem in aquis degentem, esse animal, consequens erit omnem piscem in aquis spirare: idque ex hypothesi, quæ cadit in syllogismum simplicem, non compositum. Quare syllogismus compositus definiendus est à composita dispositione argumenti cum utraque parte quæstionis, non autem ab enuntiatis compositis. Aristoteles capite vicesimoquarto libri primi priorum Analyticorum, syllogismum, nisi simplicem, nullum esse docet, siue ἀπαιτικός sit, siue ὁ ἐξ ὑποθέσεως. omnemque syllogismum fieri existimat per tres figuras, quas exposuit: interdum tamen in prioribus Analyticis & in Topicis, syllogismi compositi leges aliquas ostendit, sed imprudens & velut aliud agens, nec intelligens, se syllogismū docere, sed genus aliquod argumēti tradere, ut mox intelligetur. Theophrastus verò & Eudemus, Aristotelis discipuli, esse aliquem syllogismum compositum primi cognoverunt, & in quandam disciplinæ formam descripserunt, quàm deinceps à Stoicis auctam & amplificatam fuisse Laërtius & Boëtius auctores sunt.

Syllogismus] Syllogismi compositi species duæ sunt, syllogismus connexus & disjunctus: qui ut natura & ratione, sic arte & præceptis separantur & distinguuntur:

Atque his duobus generibus, omnis ratio argumenti compositæ disponendi continetur, nec ulla præterea alia inveniri aut tradi ab homine dialectico potest.

Syllogismus connexus] Syllogismus connexus definitur primum ex genere, syllogismus compositus: deinde ex formali differentia, cujus propositio est connexa: hæc enim nota differt à syllogismo disjuncto. Ποιὸς syllogismus connexus ab Aristotelis interpretibus appellatur συλλογισμὸς ὁ ἐξ ἀκολουθίας, syllogismus ex consecutione. καὶ τὴν ἀκολουθίαν κατασκευάζων, consecutionem constituens: cujus quatuor modi notantur, & ex antecessionis & consecutionis varia affectione distinguuntur: primus appellatur ab antecedentibus, secundus à consequentibus: sed apud Aristotelem secundi Topici capite secundo hæc nomina sunt argumenti, non argumentationis: verba illius sunt: σκοπεῖν δὲ ἐπὶ τῷ προκειμένῳ, τίπο· ὅντος ἀναγκαῖον τὸ προκειμένον εἶναι, ἢ τί ἔστιν ἐξ ἀνάγκης· κατασκευάζειν μὲν οὖν βουλεμένῳ τίπος ὄντος τὸ προκειμένον ἐξ ἀνάγκης· εἰάν γὰρ ἐκεῖνο, διχρὴ ὑπάρχῃ, καὶ τὸ προκειμένον δι-
 διχρὴ μὲν ἔσται· ἀνασκευάζειν δὲ βουλεμένῳ, τί ἔστιν ἐν τῷ προ-
 κειμένῳ ἔστιν· εἰάν γὰρ διέσωμαθον τὸ ἀκόλουθον τῷ προκειμένῳ
 μὴ ὄν, ἀνηρηκότις ἐσόμεθα τὸ προκειμένον. Videndum etiam est, cui res proposita adjuncta sit, aut quid necessariò, si res posita sit, uná secum esse velit: is quidem, qui confirmare volet, cui res proposita adjuncta sit, videbit: quoniam si rem illam doceat, esse rem quoque propositam demonstrabit: qui autem volet refellere, considerabit quid propositæ rei adjunctum sit: nam si consequens rei propositæ non esse ostenderit, rem quoque propositam non esse docebit. Hic Aristoteles duos modos connexos indicat, sed eos argumentorum nomine comprehendit, syllogismos autem esse non existimat.

Primus modus] In enuntiato connexo duæ sunt partes, quarum prior dicitur antecedens, posterior consequens. Cúm igitur assumptio retinet antecedentem partem connexionis, id est affirmat, si affirmata fuerat: aut negat, si negata fuerat: complexio autem retinet consequen-
 tem

tem partem ejusdem propositæ connexionis , tum pri-
mus modus connexus efficitur: ut,

Si homo est rationalis, Dialecticus est :

Sed homo est rationalis:

Homo igitur Dialecticus est. vel,

Si homo non est irrationalis, bestia non est:

Sed homo non est irrationalis:

Homo igitur, bestia non est.

Illic antecedentis & consequentis affirmatio, hic negatio utriusque retinetur. *Quomodo*] Cicero ex Stoicorum sententia, concludit esse aliquam divinationem & præfagationem rerum futurarum: argumentum est á causis, id est diis, qui divinationem nostris animis impertiuntur. *Sic Aeneidos*] Dido precatur Aeneam, ut in Libya secum remaneat: argumentum est varium primis tribus versibus feré comprehensum, deinde iteratum á factis, id est bene meritis in ipsum Aeneam: Propositio syllogismi tribus secundis versibus continetur: assumptio est in tribus proximis, complexio est in ultimo versu. *Aliquando non assumitur*] Cúm plus assumitur, quám erat in antecedente parte connexionis positum, syllogismus nihilominus constans est, quia in tali amplificatione majus ipsum continet in se vim minoris: ut cúm Cicero Catilinam hortatur, ut exeat ex urbe, hoc modo argumentatur:

Si te parentes tui odissent & timerent, ab his secederes:

At patria tua te metuit & odit:

Quanto magis igitur tibi á patria secedendum est?

Hic plus assumpsit, quàm in priore parte quæstionis
propositum erat; Nam autoritas patriæ, & Reip. ma-
jor est, quàm parentum: & tamen appellatur primus
modus connexus, ob eam causam, quam diximus.

Concludendi modus] Connexus syllogismus constat ex propositione connexa, vel ex ea, quæ vim habet connexionis: qualis est interdum propositio relata: unde illud Ovidianum:

Cúm Paris Oenonem deferet, Xanthus fluvius ad suum fontem refluet:

Sed Paris Oenonem deferit:

Xanthus igitur ad suum fontem refluet.

Propositio est in primo disticho, & habet sententiam connexionis, perinde ac si dicas:

Si Paris deferet Oenonem, Xanthus ad suum fontem refluet:

Assumptio spectatur in quarto versu, complexio in tertio. *Secundus modus*] Secundus modus connexus assumit contradictionem consequentis, & concludit contradictionem antecedentis: contradictionem veró intellige propriam aut specialem: ut,

Si Plato fuit indoctus, non est recte philosophatus:

Sed Plato recte philosophatus est:

Non fuit igitur indoctus Plato.

Et, *Si omnis exercitatio utilis est, nullus ludus fugiendus:*

Sed aliquis ludus est fugiendus:

Aliqua igitur exercitatio non est utilis.

In contradictione autem generali captiosè concluderetur: ut,

Si omne animal est, omnis homo est:

Sed nullus homo est:

Ergo nullum animal est:

Syllogismus est inconsequens, quia veris antecedentibus, falsum potest concludere: Atque hic secundus modus tam dissimilis est primo, ut cum illic pars antecedens propositionis, sit argumentum, & consequens, quaestio: hic contra consequens, argumentum, & antecedens, quaestio ponatur. Aristoteles capite tertio Topici secundi comprehendit hunc secundum modum nomine τῆς κατὰ τὴν ἀντίφασιν ἀκολουθήσεως, conversæ secundum cōtradictionem consequentia: λαμβάνειν δὲ ἐξ ἡπαγωγῆς. εἶον· εἰ ὁ ἄνθρωπος, ζῶν, τὸ μὴ ζῶν, οὐκ ἄνθρωπος· ὁμοίως δὲ καὶ ἐπὶ τῶν ἄλλων· ἐνταῦθα γὰρ ἀνάπαλιν ἢ ἀκολουθήσεις· τῷ μὲν γὰρ ἀνθρώπῳ τὸ ζῶν ἐπεται· τῷ δὲ μὴ ἀνθρώπῳ,

θρῶπιον, τὸ μὴ ζῶον, οὐκ, ἀλλ' ἀνάπαλιν τῷ μὴ ζῶον, τὸ, ὅτι ἀνθρώ-
πος· ἐπὶ πάντων οὖν τὸ τοιοῦτον ἀξιοτέον· εἶον, εἰ τὸ καλὸν, ἡδὺ·
καὶ τὸ μὴ ἡδὺ, οὐ καλόν· εἰ δὲ μὴ τοῦτο, οὐ δ' ἐκείνο· ὁμοίως
δὲ καὶ εἰ τὸ μὴ ἡδὺ, οὐ καλόν, τὸ καλόν, ἡδὺ. δὴλον οὖν ὅτι πρὸς
ἅμφω ἀντιφρέφει κατὰ τὴν ἀντίφασιν ἀκροεῦθης ἀνάπα-
λιν γινόμεναι]. Utendū est inductione hoc modo: Si homo
animal: nō anima, Inō homo: itēque in ceteris: hoc enim
loco vicissim retrō commeat cōsequentia: nam hominē
quidem animal sequitur: at verō non hominem, non
sequitur non animal, sed contrā non homo sequitur nō
animal. In omnibus igitur tale existimandum est: ut si
bonum, suave: non suave, non bonum: Sin autem non
hoc, neque illud: Item si non suave, non bonum, bonum,
suave. Pespicium est igitur consequentiam reciproca-
ri, quæ secundum contradictionem retrō agitur. Sed
Aristoteles, ut antē dixi, formam aliquam syllogismi
esse non animadvertit: sed in hoc disputandi genere, ar-
gumentum putat esse à contradicentibus: argumenta-
tionem etiam esse non cogitat, nec docet.

Cicero in Lucullo] Cicero confirmat Academicam ἐπο-
χὴν id est retentionem & cohibitionem assensionis, ἐ
specie: opinio enim, species est assensionis, ut etiam
scientia: nec ideo propositio vera est: Nam potest ad
scientiam assensio sapientis adjungi, non ad opinionē:
argumentatio tamen constans est, sed propositio falsa:
ut si diceres,

Si animal est, homo est:

Sed non est homo:

Ergo non est animal.

Propositio falsa est, constans tamen & firma conclu-
sio. Eodem syllogismo] Ovidius negat se esse bene consul-
tum, à suis factis, quia colit musas, à quibus læditur: Syl-
logismus est huiusmodi:

Si saperem, odissem musas;

Sed non odi musas;

Non igitur sapio.

Propositio est in primo disticho, assumptio in quarto

versu, complexio in tertio. *Interdum*] Aliquando consequens propositionis nominatim non tollitur, sed re tamen & sensu tollitur: Nam assumitur aliquod dissensaneum, quod vim parem contradictioni obtinet: ut in secunda hypothese propositi exempli, assumitur oppositum consequentis, videlicet, conservator est Brutus: Itemque oppositum antecedentis concluditur, videlicet, hostis Antonius: hoc enim repugnat parti antecedenti connexæ propositionis. *Hæ syllogistici*] Duo modi connexi usum maximum habent in communi sermonis consuetudine, multoque frequentius occurrunt, quàm reliquorum generum syllogismi, tum quia nullū ferè genus sit argumenti, quod non aptè tractari his duobus modis posse videatur, tum quòd pleraque argumenta, quæ syllogisinos simplices fugiunt, facilius hac commoda dispositione explicantur: ut comparationes parium, majorum, minorum, similium & dissimiliū: notatio & conjugatio, & alia permulta: Illud autem cōmuniter de duobus connexis annotandum est, nec antecedens, nec consequens interdum nominatim retineri, aut tolli, sed brevitatis causa in assumptione & complexione ad retinendum vel tollendum formulas quasdam adhiberi: cujusmodi sunt, Hoc autem, illud igitur: vel, Primum verum, verum igitur & postremum: vel, Non illud, neque hoc igitur: vel, Secundum falsum, igitur & primum. Quales syllogismos Stoici *λογοτρόπος* appellabant, ut ait Diogenes in vita Zenonis: & Cicero in Officiis ita disputat: Idipsum si ita est, certè violare alterum lege naturæ prohibemur: verum autem primum: verum igitur & extremum. Aristoteles autè duos primos modos connexos præceptis celebravit, licet se syllogismos tales, vel facere, vel docere nesciret: in Ethicis quidem & physicis disputationibus frequenter ita argumentatur: in Organo autem logico interdum leges ejusmodi conclusionum proponit, naturali lumine judicii fretus: sed in Topica invētionis arte rem turbat. Protulimus antea locos duos ex Topico secundo:

in

in prioribus Analyticis capite secundo libri secundi, & terque modus connexus proponitur: Primus his verbis: εἰ ὅτι ἀληθὲς ἔστι τὸ α, ἀνάγκη καὶ τὸ β ἀληθὲς εἶναι, ἢ συμβήσκει τὸ αὐτὸ ἅμα εἶναι τε καὶ μὴ εἶναι · τὸτο δὲ ἀδύνατον. Si igitur verum est α, necesse est β verum esse, aut accideret idem simul esse & nō esse: id autem fieri nequit. Assumptio & conclusio præcesserunt. Secundus sic: εἰ γὰρ τὸ α ὄντος ἀνάγκη τὸ β εἶναι, τὸ β μὴ ὄντος, ἀνάγκη τὸ α μὴ εἶναι. Si enim cūm α sit, necesse est β esse, cūm β non fuerit, necesse est α non esse. Secundi modi connexi ratio additur capite quarto ejusdem libri: αἵτιον δὲ, ὅτι ὅταν δύο εἴη ὁντως πρὸς ἄλληλα, ὥστε θατέρω ὄντος, ἐξ ἀνάγκης θάτερον εἶναι. οὕτως μὴ ὄντος μὲν, ὃ δὲ θάτερον ἔσται · ὄντος δ' ἐκ ἀνάγκης εἶναι θάτερον · τὸ δ' αὐτὸ ὄντος, ἀδύνατον ἐξ ἀνάγκης εἶναι τὸ αὐτό. Causa verò est, quoniam cūm duo sic se habeant inter se, ut si sit alterū, necesse sit alterum esse: cūm hoc quidem non sit, nec erit alterum: si verò sit, non necesse est esse alterum: at cūm idem sit, & non sit, impossibile est ex necessitate esse idem. Quo certè locò, dum Aristoteles probare vult omnes syllogismos esse firmos & constantes, imprudens incidit in syllogismos connexos, & per eos rem propositam disceptat atque dijudicat: ut,

*Si ex antecedente syllogismi, consequens sequitur necessario,
antecedente vero, consequens quoque verum erit:*

Sed ex antecedente consequens necessario sequitur:

Quare antecedente vero, consequens erit quoque verum.

Duo præterea] Theophrastus & Eudemos dicuntur inventores esse & principes tertii & quarti modorum connexorum, quos Boëtius ita describit, ut eos non ex complexione quidem, sed ex natura tantū terminorum necessarios esse dicat: attamen si connexionis pars antecedens negata fuerit, & cōsequens affirmata, in utroque genere firmi & constantes erunt syllogismi: nec unquam committent, ut antecedentibus veris & concessis, complexio falsa sequi atque induci possit: Itaque in his modis constantia conclusionis, ex dispositionis genere efficitur, non ex rerum cohærentia & ratione:

quoties enim ad hanc præscriptionis formulam syllogismus descriptus fuerit, nunquam faller: *secús ἀσυνλόγως* erit & fallax: ut,

Si arbor esset equus, viveret:

Sed arbor non est equus:

Non igitur arbor vivit.

Propositio & assumptio sunt veræ, & complexio falsa: quod est contra catholicam regulam syllogismi: error autem accidit ex enuntiato connexo, cujus pars antecedens non est negata, sed affirmata. Quare ex eo vestigio nihil constanter concluditur: Item,

Si arbor esset equus, viveret:

Sed arbor vivit:

Arbor igitur est equus.

Veris antecedentibus, conclusio est falsa, & eadem erroris ratio redditur, quia connexionis prima pars negata non est. Itaque *tertius*] Tertius modus ita definiendus est, ut syllogismus connexus sit removens in assumptione antecedens propositionis negatum, ut in complexione tollat consequens ibidem affirmatum: quomodo concluditur oratio Veneris ad Jovem decimo Aeneidos:

*Si Trojani bona tua pace in Italiam non venerunt,
luant pœnas:*

At bona tua pace venerunt:

Ne luant igitur pœnas.

In connexione antecedens negatur & consequens affirmatur: assumptio autem arripit contradictionem antecedentis, & complexio contradictionē consequentis: itaque exemplum, regulæ convenit. Sic Cicero] Cicero confirmat justum esse officium suæ defensionis pro Muræna: propositio parte antecedente negatur, & consequente affirmatur:

*Si neque iners, neque superbus, neque inhumannus
essẽm, libenter desinerẽm Muranam defendere:*

Deinde assumptio tollit antecedentem partem:

Sed iners & superbus & inhumannus essẽm:

Et complexio tollit consequentem:

Quare non desinam Muranam defendere.

Quartus modus] In hoc quarto modo observabis etiam, ut propositionis antecedens negetur, consequens affirmetur: Quo genere Terentius ex sermone Cliniae & Clitiphonis ratiocinationem concludit: Ait igitur Clinia:

Si nil mali esset, jam hic adesse:

Jam aderunt, inquit Clitipho:

Concludit tandem Clinia:

Nil igitur est mali.

Propositio iisdem verbis ponitur, assumptio exornatur adjunctis loci & personarum, quod mulieres longé absint & quod multum tempus, dum ornantur, absument. *Aliquando syllogismus*] Admonitio est de connexa propositione, quæ interdum efficit syllogismum simplicem non compositum: quia illic tantum argumentum simpliciter cum singulis partibus & separatim disponitur, non composité: ut in exemplo Catulli, in quo prædicat Lesbiam sibi amicam gratam contigisse: argumentum est á causis, & syllogismus simplex primæ figuræ pressius concluditur, hoc modo:

Si quid optatum rediit, gratum est:

Lesbia Catullo optata rediit:

Lesbia igitur grata est.

Propositio connexa est in primo disticho, assumptio & complexio simul sunt in reliquis. *Sic Terentius*] Alterum exemplum adhibetur de propositione relata, ex qua tamé fit simplex syllogismus secundi modi primæ figuræ: Sic enim Parmeno servus ratiocinatur nullum amorem consilio regi posse, ab adjunctis amoris, quia sit cæcus & expers consilii: propositio relata præcedit:

Here, quæ res in se neque consilium, neque modum habet nullum, eam consilio regere non potes.

Assumptio incipit á versu, *In amore hæc omnia insunt vitia:* & declaratur ab adjunctis amoris: Complexio ad extremum est, & augetur cōparatione parium. *Potes[st]*

Tertium exemplum est de secunda simplici figura, ubi tamen propositio connexa est: Nam argumentum, animal, simpliciter disponitur, & utrâque partē quæstionis consequitur: quod propriū est secundæ simplicis figuræ. *Quinetiam*] Quartum exemplum de omnibus partibus connexis: ubi tamen syllogismus simplex existit: Nam argumentum, honestū, simpliciter disponitur cum partibus quæstionis, & ad normam primæ simplicis figuræ disponitur. *Item*] Quintum exemplum ex omnibus connexis enuntiatis, refertur ad secundam simplicem figuram, quia argumentum, laudabile, sequitur utranque partem quæstionis. *Eodem modo*] Sextum exemplum docet, ex omnibus relatis simplicem syllogismum fieri primæ figuræ, quia argumentum, justum, maiorem partem quæstionis in propositione præcedit, & minorem sequitur in assumptione. *Similiter*] Septimum exemplum ex omnibus relatis explicat secundam figuram simplicem: argumentum siquidem, laudabile, utranque partem quæstionis cōsequitur. Tales itaque syllogismos Theophrastus docuit simplicibus ἀναλογεῖν, id est certa proportionem respondere, ut interpretes Aristotelis ajūt, qui eos vocant modò δι' ὅλον, per totum, modò διὰ τριῶν, per tria, quod ex omnibus partibus conjunctis constāt, quæ sunt numero tres.

SYLLOGISMUS DISJUN-

ctus primus.

Syllogismus disjunctus est syllogismus compositus ē propositione disjuncta: Cujus duo modi sunt. Primus modus disjunctus, omnibus partibus affirmatus, assumit unum & reliqui contradictionem concludit: ut,

Dies est aut nox est:

At dies est:

Nox

Nox igitur non est.

Sic Juno cum Jove de Turno concludit decimo Æneidos:

—*Quid si quod voce gravis,*

Mente dares, atque hæc Turno rata vita maneret?

Nunc manet infontem gravis exitus, aut ego veri

Vana feror: quod ut o potiùs formidine falsa

Ludar, & in melius tua, qui potes, orsa reflectas!

Cicero similiter pro Cluentio: Sed cum esset hæc illi proposita conditio, ut aut justè pieque accusaret, aut acerbè indigneque moreretur, accusare quoquo modo posset, quàm illo modo mori maluit. Disjunctio clarior sic erit:

Aut accusandum aut moriendum;

Sed accusandum:

Non igitur moriendum.

Ejusmodi syllogismus efficitur è propositione copulata negata, quæ à Philopono, Aristotelis interprete, negata complexio dicitur:

Non & dies & nox est:

At dies est:

Non igitur nox est.

SECUNDUS MODUS DISJUNCTUS.

Secundus modus disjunctus assumit contradictionem unius & reliquum concludit: ut,

Brutus & Cassius sunt libertatis defensores,

aut parricidæ:

Non autem parricidæ:

Defensores igitur libertatis.

Cicero secunda Philippica judicat hoc syllogismo Brutū & Cassium defensores esse Reip. Nunquamne intelliges tibi statuendum esse, utrum illi, qui istam rem gesserunt, homicidæ sint, an vindices libertatis? Attende enim paulisper, cogitationemque sobrii hominis ad punctum temporis suscipe: & ego, qui sum illorum, ut ipse fateor, familiaris: ut á te arguor, socius, nego quicquam esse medium: confiteor illos, nisi liberatores populi Rom. conservatoresque Reip. sint, plus quám sicarios, plus quám homicidas, plus quám parricidas esse: siquidem est atrocius patriæ parentem, quám suum occidere. Tu homo sapiens & considerate, quid dicis? Si parricidæ, cur honoris causa á te sunt & in hoc ordine, & apud populum Ro. semper appellati? cur M. Brutus te referente, legibus est solutus, si ab Urbe plus quám decem dies absuisset? cur ludi Apollinares incredibili M. Bruti honore celebrati? cur provinciæ Cassio & Bruto datæ? cur Quæstores additi? cur Legatorum numerus actus? Atque hæc aucta per te: Nón igitur homicidæ: Sequitur ut liberatores tuo iudicio sint, quandoquidem tertium nil potest esse. Partes disjunctæ propositionis possunt esse duabus plures, & tamen judicandi concludendique ars erit eadem: Sic Cicero judicat Rabirium cum Coss. esse oportere: Atqui videmus, ait, hæc in rerum natura tria fuisse, ut aut cum Saturnino esset, aut cum bonis, aut lateret: latere autem, mortis erat
instar

instar turpissimæ: cum Saturnino esse, furoris & sceleris: virtus & honestas & pudor cum Coss. esse cogebat.

Superest] Disjunctus syllogismus deinceps definitur ex genere, compositus nempe syllogismus, & formali differentia, cujus videlicet propositio est enuntiatum disjunctum: quod si necessarió verum est, constat ex dissentaneis medio carentibus, ut docuimus in arte disjunctionum: secús, probabile tantúm fuerit, aut verum ex hypothesi. *Cujus modi*] Genera duo syllogismi disjuncti ab Aristotele notantur, capite secundo secundi Topici: sed ita norantur, quasi topicæ artis genera sint, non criticæ & syllogisticæ: ὅσοις δὲ ἀνάγκη μόνον θάτερον ὑπάρχειν ἢ ὅχ' ὑπάρχειν, οἷον τῷ ἀνθρώπῳ τὴν νόσον ἢ τὴν ὑγίαν, εἰάν πρὸς θάτερον εὐπορῶμεθ' διαλεχόμεναι, ὅτι ὑπάρχει ἢ ὅχ' ὑπάρχει, καὶ πρὸς τὸ λοιπὸν εὐπορήσομεθ'· τοῦτο δὲ ἀντιστρέφει πρὸς ἄμφον. Quibuscunque veró necesse est solum alterum inesse aut non inesse, ut homini morbum aut sanitatem: si ad alterum facilé disserere valeamus, quód insit aut non insit, ad reliquum quoque facilé valebimus: id veró convertitur ad utrúque. *Primus modus*] Primus modus disjunctus postulat, ut pars disjunctionis in assumptione retineatur, & reliqua in complexione tollatur: De hac autem retentionis & remotionis formula, sic Aristoteles præcipit secundi Topici capite secundo: λέγειαντες μὲν γὰρ ὅτι ὑπάρχει θάτερον, τὸ λοιπὸν δεδωκότες ἰσομεθ' ὅτι ὅχ' ὑπάρχει. Nam si docuerimus alterum inesse, docebimus reliquum non inesse: ut,

Aut dies est, aut nox est:

Dies autem est:

Non igitur nox est.

Juno] Juno petit á Jove ut Turnum conservet: Summa petitionis est in duobus primis versibus. Res autem brevius ita concluditur:

Aut periculum impendet Turno, aut ego fallor:

At ego fallor:

Periculum igitur non impendet Turno.

Hic retinetur consequens, & antecedens tollitur: nec enim interest, utrum retineas aut tollas ad constanter & legitime concludendum: ad veritatem quidem fortasse interest. Propositio disjuncta exprimitur tertio versu, assumptio quarto, complexio quinto. Cicero] Cicero purgat Cluentium, quod Oppianicum vitricum suum accusasset veneficii: Disjunctio vera est ex hypothese, cujus prior pars retinetur, & posterior tollitur, posita contradictione illius.

Ejusmodi] Primum disjunctum medium copulatio negans imitatur, quam Philoponus interpret Aristotelis, capite vicesimo secundo libri primi priorum Analyticorum appellat ἀποφατικὴν συμπλοκὴν, negantem complexionem: quæ si vera est, indicat partes simul veras esse non posse: quare si unam retineas, altera recte tollitur: ut,

Non est albus homo est et niger:

Est autem homo albus:

Non igitur niger.

At si in hujusmodi negantia tollatur unum, ut reliquum retineas, ἀσυνλόγητον erit, & vitiosè cōclusum: ut,

Non est albus homo est, et niger:

Non est autem albus:

Est igitur niger.

Syllogismus est inconsequens, quia antecedentibus veris complexio falsa efficitur: & quanvis in cōtrariis, quæ medio carent, hic error non appareat, id tamen fit non ratione dispositionis, sed propter naturam contrariorum immediatotum: quorum si unum absit, alterum protinus adesse necesse sit: ut,

Non est dies est, et nox est:

Non est autem dies:

Nox igitur est.

Hic syllogismus non est cōstans: quia in aliis exemplis, si talem dispositionem sequare, interdum errabis, ut antè docuimus. Cicero tamén in Topicis hunc modum

dum probat. Septimus, ait, modus:

Non & hoc & illud:

Non autem hoc:

Illud igitur.

Sed Cicero fallitur, ut exemplo constat:

Equus non & homo est, & lapis:

Equus autem non est homo:

Equus igitur est lapis.

Antecedentibus partibus veris, complexio falsa efficitur, quod est ἀσυνλόγητον & inconsequens. *Secundus modus*] Secundus modus tollit unum, ut retineat reliquum: & ab Aristotele secundo Topico ita definitur: ἵνα δὲ ὅτι ἔχῃ ὑπάρχει ἀίξεωμεν, καὶ λοιπὸν ὅτι ὑπάρχει ἀδικοῦτε ἰσοῦμεν. Si verò non inesse ostenderimus, reliquum inesse ostendemus. Argumentum Ciceronis de Cassio & Bruto ducitur à repugnantibus: propositio syllogismi præcedit:

Cæsaris interfectores, sunt aut parricidæ, aut vindices libertatis.

Deinde assumptio tollit priorem partem disjunctionis, hoc modo:

Cæsaris interfectores non sunt parricidæ:

Quod probatur testimonio & factò Antonii, populi que Romani. Conclusio retinet alteram partem disjunctionis:

Cæsaris igitur interfectores, sunt vindices libertatis.

Partes disjunctæ] In disjuncta enuntiatione si partes duabus plures sint, licet unam retinere, ut reliquas tollas: ut,

Numerus par est, pariter par tantum, aut pariter impar tantum, aut pariter par simul & pariter impar.

Sed quaternarius est par pariter par tantum:

Non igitur pariter impar tantum, nec pariter par simul & pariter impar.

Vel contrà plures partes tollere, ut unam retineas: ut,

Duodenarius par est pariter par simul & pariter impar.

Non igitur pariter par tantum, nec pariter impar tantum.

Idque duntaxat in utroque modo observandum est, ut ex disjuncti enuntiati partibus, quæ in assumptione non erunt, hæ in complexionem veniant: aut quæ in assumptione erunt, hæ in complexionem ne conjiciantur: ratio autem retinendi & tollendi ad descriptam normam accommodetur. Sic disputat Cicero Rabirium debuisse arma capere cum C. Mario & L. Valerio Coss. disjunctio est tripartita: & duæ partes in assumptione tolluntur, ut tertia retineatur in complexione: qui modus est secundus disjunctus. In quibus autem disjunctis utraque pars contradictionis includitur, licet utroque modo concludere, nec ad tollendam unam non debemus nominatim contradictionem ejus assumere: sed hanc remotionem significamus quibusdam particulis & formulis loquendi: ut,

Cicero aut fuit eloquens, aut non.

Ad primo modo retinendum, ut reliqui contradictionis concludatur, dices,

Sed primum verum:

Falsum igitur secundum.

Item, *Sed secundum verum:*
Falsum igitur primum.

Item ad secundo modo tollendum, ut reliquum concludatur dices,

Non autem illud:

Hoc igitur.

Vel, *Illud autem falsum:*
Hoc igitur verum.

Vel, *Non autem hoc:*
Illud igitur.

Vel, *Postremum falsum:*
Verum igitur primum.

Boëtius autem ex Eudemo & Theophrasto hic admonet de comparatione majorum & minorum disjunctiones fieri, unde tantum secundo modo concluditur: Ut si quis ita proponat (ait)

Aut animal est aut non homo.

Si igitur animal non sit, non erit homo, & si homo sit, animal erit:

Sive autem animal sit, non necesse est esse hominem,

Sive homo non sit, non necesse est animal interire.

Et rursus,

Aut non est homo, aut anima est:

Si igitur assumamus.

Atqui est homo:

Erit animal.

Si negemus esse animal, non erit homo: Si autem hominem negemus vel animal affirmemus, nihil necessarium cadet, hæc Boëtius ad finem secundi libri de syllogismo hypothetico. Quod verum quidem est, sed disjunctio talis comparationis considerandum nescio quid habet, cum videtur utraque pars posse simul esse vera, & Aristotelis regulæ de altero retinendo vel tollendo vel retinendo apertiore concludendi viam demonstrant.

PERORATIO SYLLOGISMI.

Hæc ars & hoc judicium est syllogismi tum simplicis, tum compositi, cujus propositio sumi solet ex arte aliqua: ut Grammatica, Rhetorica, Logica, Mathematica, Mechanica, Physica, Ethica, Politica, omninoque qualibet arte: Regulæ enim ac leges, quæ primis annis ediscuntur, non solum primæ suæ veritatis judicia sunt, sed sunt etiam propositiones & fundamenta judiciorum syllogisticorum, quæ postea concludimus in specialibus & hinc deductis rebus.

Cúm igitur iudicium propositionis & assumptionis firmum erit , collocatioque earum recté constituta , quæstio pariter pro vera falsave recté iudicabitur : in secundo enim iudicio primum ponitur, ex eoque geminum hoc iudicium mutuó sumitur ad illustrandam conclusionem: Denique ars syllogismi nil aliud admonet, quám ut posita quæstio solvatur é manifesta veritate duarum partium legitimé dispositarum: Neque est hoc iudicium syllogisticum proprié, & sua forma partim necessarium, partim opinabile, sed omnino necessarium, atque ut in propositione connexa absoluté vera, sic in syllogismo perfectó, consequens necessarió cum antecedente ita coniungitur, ut si partes omnes falsæ sint, attamen conclusio necessarió deducatur: Nec veró syllogismus esset, nisi iudicaret & cōcluderet necessarió: secús nisi dispositio partibus omnibus constans & certa esset, ejusmodi conclusio, opinio tantúm esset, & interdum veris antecedentibus falsa deprehenderetur: quod hic enuntiationis contingentis iudicio respondet. Perfecti veró syllogismi usus valdé ratus est: Sæpe enim in oratoribus, poëtis, philosophis, omnibusque authoribus usum naturalem sequentibus etiamsi quæstiones syllogisticas tractent, attamen pars aliqua syllogismi relinquitur: Atque hic syllogismus imperfectus, appellatur, vulgó enthymema, & syllogismus Rhetoricus. Mens hominis aliás propositione sola contenta

contenta est, aliás assumptione : aliás anté complexionem concipit , quám dici exprimive possit: quod totum, usus est & prudentiæ, de qua postea in methodo pluribus: Attamen hoc syllogistico judicio retexendo, partes duntaxat intellectæ complendæ sunt , & syllogismus est absolvendus . Martialis quinto libro in hoc enthymemate assumptionem relinquit:

Si quando leporem mittis mihi Gellia, dicis,

Formosus septem Marce, diebus eris:

Si non derides, si verum lux mea, narras:

Edisti nunquam Gellia, tu leporem .

Adde assumptionem, syllogismus talis erit:

Si quis edat lepore, septem diebus formosus erit;

Gellia nunquam formosa fuit:

Gellia igitur nunquam edit leporem .

Cicero in libro de Senectute propositionem sic omittit: Senex nec quod speret, habet : at est eo meliore conditione , quám adolescens , cùm id, quod ille sperat, hic assecutus sit: ille vult diu vivere, hic diu vixit. Adde propositionem generalem, & conclude:

Qui jam assecutus est , beatior est eo, qui se assecuturum sperat:

At senex assecutus est longam vitam , quam adolescens sperat:

Itaque senex beatior est adolescente.

Martialis primo libro complexionem omittit:

Amissum non flet , cùm sola est Gellia , patrem:

Si quis adest, jussæ prosiliunt lachrymæ:

*Non luget, quisquis laudari Gellia, querit :
Ille dolet veré, qui sine teste dolet.*

Verus luctus est occultus:

Luctus Gellia non est occultus:

Luctus igitur Gellia non est verus.

Sæpe ut in Grammatica partes orationis, sic in Logica partes syllogismi, ordine artis dispositæ non sunt. Nec enim casus rectus semper antecedit, nec verbum consequitur: sic neque propositio perpetuò prima est, neque assumptio secunda, neque complexio ultima: sed contrà per sæpe: Attamen si qua propterea sit obscuritas, in artis locum redigendæ sunt, ut in exemplis antea citatis fecimus. Atque etiam crebrò partes propositionis & assumptionis exponuntur non duobus verbis, sed longa circuitione: quin modis variis ornantur: quod pro syllogismus dicitur: ac tum evidentia causa, oratio uno verbo comprehendatur, si fieri possit. Cicero totam Milonis defensionem syllogismo uno judicavit & conclusit: at propter longos pro syllogismos partibus interpositos, non facile à quovis id intelligitur: Itaque separatis his pro syllogismis, interea que capitibus rerum notatis, poteris hoc modo totius summam comprehendere:

Insidiator sceleratus jure occiditur:

Propositio est, cujus pro syllogismus sequitur: Autoritas enim populi & judiciorum, Senatus, Marii, legis naturalis & humanæ id testificatur:

ficatur: nec ulla contraria lex est, neque Senatus, neque Pompeji. Ejusmodi est prosyllogismus propositionis: assumptio deinceps est:

At Clodius est insidiator sceleratus:

Tum assumptionis prosyllogismus: Miloni enim insidiatus est, motus utilitate, odio, malis moribus, spe impunitatis: quod verbis ipsius & factis intellectum est: Quod autem sceleratus fuerit, facta in deos & homines demonstrant. Ejusmodi est prosyllogismus assumptionis, unde concluditur,

Quare Clodius jure occisus est.

Sunt etiam sua complexioni & quidem longè majora ornamenta: Hoc summum est tam longæ defensionis judicium. Quamobrem cum major aliqua disputatio retexenda nobis erit, si quæstio, sit dubia quædam enuntiatio, syllogismus magnum fructum afferre poterit, docebitque quid constanter aut temerè conclusum sit: quæ vera justitiæ libra est, dum examinat controversæ rei æquitatem vel iniquitatem. Denique meminerimus syllogismum, rationis esse legem, quibusvis vel Lycurgi, vel Solonis legibus veriore & æquiore, qua judicium dubiæ enuntiationis sententia necessaria & immutabili constituitur: Legem rationis dico propriam hominis, nihil omnino reliquorum animantium communem, ut primum judicium fortasse parte aliqua fuerit. Attamen in sensibilibus & ad corpus, vitamque corporis dun-

taxat attinentibus, quanvis bestiis particula quædam ratiocinationis inesse videatur, attamen hoc iudicium nihil aliud est, quàm naturalis quidã instinctus & impetus ad ea persequendum, quæ suæ naturæ convenient : Ac tamen si Epicurus hominem, pecudum similem efficiens, summum omnium rerum iudicium sensibus attribuerit, mentique detraxerit, attamen corpus sensibus omnibus instructum, etiam propitio in hac rerum causa Epicuro iudice, syllogismum concludere nullum possit : nec collatione tertii, & medii dispositione quidquam comprehendere. Et quidem certè hæc iudicii species in homine imago divinitatis quædam est. Attamen ut primum iudicium, sic secundum frequenter opinionis errore conturbatur & fallitur : Amore enim, odio, metu, cupiditate, cæterisque fallacibus animi affectionibus, sæpe quidlibet concludimus potiùs, quàm solido constantique syllogismi iudicio. Quamobrem excitandum & confirmandum hoc tantum mentis iudicium, constantiaque & veritate syllogismi cõcludendum : secus conclusio nostra levitas, error, temeritas erit, non iudicium.

Hæc ars] In peroratione primo loco docemur primum iudicium de enuntiatione, lumen & fundamentum esse secundi iudicii syllogistici, illudque petendum esse maximè ex variis artibus, unde propositiones syllogismorum, quæ vulgò appellantur Maximæ, deducuntur, ad cognoscendam & æstimandam quæstionem : de inde syllogismos in hominum sermone raro perfectos inveniri,

inveniri, sed enthymemata sæpe fieri, id est syllogismos truncatos & aliqua parte imminutos: Tertio loco partes syllogismi non semper esse dispositas via & ordine artis: quarto partes syllogismi sæpe longa circuitione tractari & amplificari, raro brevibus illis tanquam verficulis astringi: ideoque facilioris intelligentiæ gratia longam disputationem, in brevem summam colligi debere: Quinto aliud esse iudicium enuntiationis, aliud syllogismi: & quomodo hæc inter se tum differant, tum convenient. *Cujus propositio*] Primus locus perorationis explicatur inductione variarum artium, unde propositiones syllogismorum peti solent: Sunt enim in singulis artibus & disciplinis axiomata, id est enuntiationes generales & sua natura perspicuæ, quæ syllogismis ad illustrandam conclusionem, clarissimum lumen fœnerantur: Ut si concludere velis, Deus sanctus, esse orationem congruam: ex arte Grammatica propositionem maximam elicies, atque ita judicabis:

Oratio, in qua adjectivum & substantivum conveniunt in genere, numero & casu, est congrua:

Deus sanctus, est oratio, in qua adjectivum & substantivum conveniunt in genere, numero & casu:

Quare, Deus sanctus, est oratio congrua.

Sic metaphoram esse in genere troporum, concludes ex definitione tropi, quæ est sua luce evidentissima:

Omnis elocutio, qua propria significatio verbi in aliam mutatur, tropus est:

Omnis metaphora, est elocutio, qua propria verbi significatio in aliam mutatur:

Omnis igitur metaphora, tropus est.

Sic in logicis, mathematicis, mechanicis, ethicis, physicis, politicis, æconomicis, aliisque omnibus disciplinis, catholicæ & generales regulæ sunt, & indubitata, ex quibus syllogismorum conclusiones probantur & illustrantur, quæque non solum per se cognoscuntur, sed efficiunt, ut dubiæ quæstiones syllogismis conclusæ, cognoscantur & approbentur. Quamobrem quale iudiciũ

est propositionis & assumptionis, tale futurum est quæstionis syllogismo conclusæ: Si partium antecedentium certa scientia & præceptio fuerit, cōclusio similiter pro certa veraque iudicabitur: Si opinio tantum fuerit, iudicium conclusionis, duntaxat erit opinio: Sin utraque dubia & incerta, dubia quoque & incerta erit conclusio, neque ullum tum iudicium quæstionis fiet, sed adhibetur ἀποχή, id est assentionis retentio & cohibitio.

Neque est hoc] Aliud est iudiciū de singulis partibus syllogismi, aliud de cohærentia & consecutione partium: illud siquidem aliās necessarium est, ut in rebus necessariis, aliās opinabile, ut in materia contingenti, aliās incertum & nullū, ut in materia dubia & incerta: Quales enim sunt res, quæ disponuntur, tale sit de his iudicium: hoc verò, quo dispositio iudicatur, semper est certum & necessarium. Nam quoties syllogismus contexitur ad normam & legē Logicæ artis, toties iudicare debemus, partes inter sese ea necessitate colligatas esse & dispositas, ut si vel omnes falsæ sint, cōclusio tamen necessariō deducatur. *Atque ut*] Similitudo adhibetur ad rem planiūs explicandam: Quemadmodum connexio dicitur absolutē vera & necessaria, cujus partes inter se certa conditione cohærent, ut antecedenti cōsequens necessariō connexa sit (veræ autem an falsæ sint, nihil ad necessitatem connexionis attinet) ita syllogismum dicimus necessarium & constantem, quando partes ea lege disponuntur, ut ex antecedentibus complexio necessariō concludatur: partes autem veræ sint an falsæ, nihil ad rationem dispositionis & consecutionis interest. *Secūs*] Syllogismus si legitimus non est, necessarius non est: Item si enthymema est, id est syllogismus aliqua parte mutilus & imperfectus, necessarius non est: Itaque tum iudicare non possumus certam esse & necessariam consecutionem, sed tantum probabilem & opinabilem: non secūs atque accidit in iudicio enuntiati contingentis. *Perfēcti uerò*] Secundus locus perorationis docet syllogismos in hominum sermone

mone perfectos raro inveniri: Nec verò id fieri semper est necesse, cum videlicet propositio aut assumptio aut complexio clarius est, quam ut exprimi debeat: qua ratione pars aliqua sæpe omittitur, & fit syllogismus imperfectus, quem vocant enthymema; & Aristoteles capite vicesimo septimo libri secundi priorum Analyticorum definit his verbis: *Ἐνθύμημα μὲν ὅσα, ὅτε συλλογισμὸς ἀτελής ἐξ εἰκότων, ἢ σημείων*. Enthymema igitur, est syllogismus imperfectus ex probabilibus aut signis: Idemque præcipit ex omni syllogismo, detractioe partis alicujus, enthymema fieri: vicissimque ex omni enthymemate, adjunctione partis, quæ fuerat omissa, syllogismum perfici: Appellatur quoque syllogismus Rhetoricus, quia Rhetores persæpe rem subtilius concludunt, enthymemate deducto à repugnantibus, ut ipsi loquuntur: ubi plerunque sententia assumptionis & complexionis inclusa est: ut,

Quam nihil accusas damnas:—

Tantum valet, ac si dicas,

Mulierem non accusas:

Damnare igitur non debes.

Cui si propositio addatur, syllogismus erit perfectus & absolutus: ut,

Quæ nihil accusatur, damnanda non est.

Martialis] Jocus est in Gelliam turpem & deformem: & exemplum enthymematis, quod addita assumptione completur in secunda simplici figura. *Senex*] Cicero probat senem esse feliciorē adolescente, ab adjunctis utriusque: Enthymema est ex complexione & assumptione: quibus si addatur propositio, syllogismus absolvetur in prima simplici figura. *Martialis primo*] Exemplum est enthymematis, ubi complexio desideratur: qua addita, fit syllogismus simplex secundæ figuræ: assumptio est in primo disticho: propositio in secundo. *Atque ut*] Tertius perorationis locus illustratur similitudine: Ut in Grammatica partes orationis non sequuntur perpetuum illum ordinem artis, sic ut nomi-

nativus semper antecedit, & verbum sequatur: ita in Logica partes syllogismi, via & ordine artis semper dispositæ non sunt: & tamen si rem propositam diligenter æstimare & dijudicare velis, mens ad trutinam artificiosæ dispositionis revocanda est: ut si locum illum examines, qui est Philippica secunda: A me C. Cæsar pecuniam? cur potius, quàm ego ab illo? an ille sine me vicit? an ne potuit quidem? Ego ad illum belli civilis causam attuli: ego leges perniciosas rogavi: ego arma contra Consules Imperatoresque populi Ro. contra Senatum P. Q. R. contra deos patrios, arasque & focos: contra patriam tuli: Num sibi soli vicit? Quorum facinus commune, cur non sit eorum præda communis? In hoc exemplo sententia syllogismi perfectè conclusa est, sed complexio præcedit, assumptio deinde sequitur, & propositio ultima est: Quem syllogismum sic ad normam artis revocare poteris:

Quorum facinus est commune, eorum præda debet esse communis:

Antonii & Cæsaris in bello civili facinus fuit cõmune:

Antonii igitur & Cæsaris præda debuit esse communis.

Atque etiam] Quartus locus perorationis admonet syllogismos in poëtis, oratoribus, philosophis; cæterisque doctis hominibus breves & nudos perarrò tractari: neque ferè tribus tanquam versiculis strictim & breviter concludi, sed partibus omnibus exornari, ut clariores & magnificèntiores existant: Est enim hoc ferè excellentibus viris propositum, ut ornatè & copiosè dicant, & cum doctrina eloquentiam conjungant: exceptis Stoicis, qui detractò ornatu & splendore dicendi, minutarum conclusiuncularum formulas consectantur. Cùm autem partes principalis syllogismi aliis argumentis amplificantur, transeunt in questionem & exinde multi syllogismi intertexuntur, quos Aristoteles capite vicesimo sexto libri primi priorum Analyticorum appellat προσυλλογισμούς, id est syllogismos antegressos syllogismaum principalem.

Cùm

Cúm evidentia] Cúm volumus de scriptis orationibus tum nostris, tum alienis, diligenter & accuratè judicare, tota disputatio detractis amplificationibus contrahenda est, & in summam breviorē conferenda. Hoc explicatur oratione Ciceronis pro Milone, ubi principalis syllogismus demonstratur, & prosyllogismi ex eo deducti, & in eo comprehensi. Denique] Quintus locus constat laude syllogismi, & collatione minorum declaratur: Leges Lycurgi aut Solonis justæ veræque sunt: at regula syllogismi superioribus præceptis descripta, longè æquior & verior fuerit: quia regula est catholica & immutabilis & necessaria: regula, inquam, rationis verè aurea, quæ docet quod verum aut falsum sit, quod verè simplici aut conjuncta enuntiatione proferatur, per tertium æstimare & judicare: Regula item propria hominis, non communis reliquorum animantium: Dissimilitudo interponitur ad rem explicandam: Judicium enuntiationis, est parte aliqua commune homini cum bestiis, ut accidit in enuntiatis propriis & sensilibus: at judicium syllogisticæ conclusionis, totum est hominis proprium: Nam syllogistica ratiocinatio non cadit in bestias. Attamen] Prolepsis est de bestiis, quæ videntur syllogismo & ratiocinatione uti: ut araneus telam subtilissimam texit & tendit ad muscas capiendas: formica æstate colligit & asservat cibos, quibus hyeme vescatur: ideoque, ut scribit Aristoteles capite octavo secūdi Physici, ἀπορῶσι τινὲς, πότερον τῶ, ἢ τινὶ ἄλλῳ ἐργάζονται οἱ τε ἀράχνη, καὶ οἱ μύρμηκες, καὶ τὰ τοιαῦτα. Dubitant aliqui, utrum mente, an alia quadam re agant & aranei & formicæ, & cætera ejusmodi animalia. Et Galenus in exhortatione ad attes liberales, distinguit hominem à bestia, non usu quidem rationis (nam rationem utrique communem attribuit) sed magnitudine duntaxat excellentiæ, quod ratio magis excellat in homine, quàm in bestiis. Sed tamen sic potiùs statuendum est, in bestiis inesse naturalem quēdam impetum similem rationis: rationem verò & syllogismum non inesse.

se, quia res inter se nec comparare, nec disponere possunt: Itaque & vulpes callida, & ferox leo, & simplex columba, & provida formica, & ingeniosus araneus, & ejusmodi animantes ferè reliquæ, aliquid habent virtutis & rationis: hanc tamen ratiocinationis connexionem, & duorum cum tertio comparationem nullam habent. *At tamen si*] Si mens & sensus de judicio syllogistico contenderent, & in ea causâ judex Epicurus sederet, quantumlibet sensibus propitius, attamen sensus non obtinerent, sed veri judicandi principatus menti tribueretur. *Atque ut*] Affectus mentem avocant ab æstimatione veritatis, magnaue ex parte judicium naturale mentis extinguunt: ut enim quisque affectus est, ita de rebus judicat, & cæcos affectus ad considerationem rerum adhibet, judicesque statuit: quo errore voluptuarii voluptatem, ambitiosi honorem, avari divitias probant: denique quod quisque vehementius amat, id longè optimum: quod maximè odit, id longè pessimum arbitratur: cum tamen interdum secus judicandum & æstimandum sit: quia cum affectibus temeritas & ignoratio conjungitur, non veritas & scientia.

METHODUS, AC PRIMUM

doctrinæ.

Methodus, est dispositio, qua de pluribus notitia primum primo loco, secundum secundo, tertium tertio, & ita deinceps unumquodque disponitur. Hoc nomine significatur omnis disciplina ac disputatio: attamen propriè pro cōpendio viæ sumitur. Methodus, est doctrinæ vel prudentiæ. Methodus doctrinæ est, qua evidentius omnino & absolutè notius præponitur: ut causæ sunt suis effectis: ideoque earum symbola,

bola, ut generale & universale, speciali ac singulari. Hæc methodus, judicii genere respondet enuntiationi necessariæ, & syllogismo rectè cōcluso: itaque quanvis in omnibus veris disciplinis omnes regulæ generales sint, & universales: attamen earum gradus distinguuntur: quantoque unaquæq; generalior erit, tantó magis præcedet: generalissima loco & ordine prima erit, quia lumine & notitia, prima est: subalternæ consequentur, quia claritate sunt proximæ: atque ex his natura notiores præponuntur, minús notæ substituentur: tandem exempla (quæ res specialissimæ sunt) postrema constituentur. Hæc methodus in artibus bene traditis singularis & unica est: in hac enim sola & unica proceditur ab antecedentibus omnino & absolutè clarioribus & notioribus, ad consequentia obscura & incognita declarandum & illustrandum. Quid quæris? hæc artificiosa methodus instar est aureæ cujusdam longioris catenæ, qualem fingit Homerus: cujus annuli, sint hi gradus, qui sic inter se ex aliis alii dependeant: omnesque tam affabre inter se copulati, ut nihil moveri possit, quin series rerum continuatioque tota dissolvatur. Veruntamen ut res tota familiaritatis accipiat, exemplo quoque familiari nobis utendum est. Omnes definitiones, distributiones, regulæ Grammaticæ repertæ sint, atque unaquæque verè judicata, omniaque hæc documenta variis tabellis inscripta: quæ omnes sint uná cō-

ratores in procemiis, narrationibus, confirmationibus, perorationibus hunc ordinem affectât, eumque tum artis & naturæ ordinem appellant: & interdum studiosius affectantur, ut in accusatione Cicero, primûm proponendo, tum partiendo: Quæstor Cn. Papirio Cos. fuisti abhinc annos quatuordecim: & ex illa die ad hanc diem quæ fecisti, in iudicium voco: hora nulla vacua furto, scelere, crudelitate, flagitio reperitur. Propositio hic & definitio summæ rei est, partitio sequitur: Hi sunt anni consumpti in Quæstura & legatione Asiatica, & prætura urbana, & Prætura Siciliensi: Quare hæc eadem erit quadripartita distributio totius accusationis meæ. Quas partes quatuor deinceps suo quaque ordine & loco tractavit: cæteris in caussis, quatenus conditio rerum naturaque tulit, lucem dispositionis hujus adhibuit. Idem poëtæ faciunt, si quando intelligentiæ & doctrinæ argumentum tractent: ut Virgilius in Georgicis distribuit propositam materiam in partes quatuor, ut antè dixi, primoque libro res communes persequitur, ut Astrologiam, Meteorologiam: deque segetibus & earum cultu differit, quæ pars operis prima erat: secundo libro scribit generaliter de arboribus, tum specialiter de vitibus: tertio libro de bobus, equis, ovibus, capris, canibus: quarto de apibus. Sic Ovidius in Fastis, dispositionis hujus gratiam sequi studet: Proposuit initio summam operis:

deligendo, ac tantis rebus præficiendo, dicendum esse videatur. Sic Virgilius secundo Georgico transitione usus est:

Hactenus arborum cultus & sydera cæli,

Nunc te Bacche canam.

Sic Ovidius in fine primi Fastorum, & initio secundi:

sed jam prima mei pars est exacta laboris,

Cumque suo finem mense libellus habet.

Janus habet finem, cū carmine crescat & annus:

Alter ut it mensis, sic liber aliter eat.

Ejusmodi igitur est methodus naturæ & doctrinæ: cujus explicatio facilis, usus & exercitatio valde difficilis, neque temerè: nemo enim hac methodo rectè uti possit, qui non possit antè & locis inventionis, & primo secundoque judicio rectè uti: Tum verò partibus infinitis & majus & operosius est, bene hac artificiosa methodo disponere & collocare, quàm bene invenire, beneque vel enuntiatione, vel syllogismo judicare: Ac sine dubio ars multò est hic excellentior, quàm vel in locis inventionis, vel in enuntiatione, vel in syllogismo fuerat: quod admirabili scientiarum disciplinarūq; omnium exemplo intelligi potest, in quibus permulta sunt & acutè inventa, & perfectè primo secundoque judicio judicata: pauca tamen accuratè hac artificiosa methodo judicata & collocata.

Methodus] Tertium logicæ dispositionis genus definitur, dispositio, per quam res multæ suo quæque loco

& ordine, pro natura & conditione suæ perspicuitatis & doctrinæ collocantur: appellaturque passim à Græcis μέθοδος, à Latinis methodus: quod nomen propriè significat brevem & compendiariam viam, & per metaphoram, facilem rationem docendi: ut enim compendia viarum facile & expeditè nos eò quò volumus, deducūt: sic dispositio rerum, quæ certa via & ratione progreditur, nos ad perspicuam cognitionem propositæ rei ducit: eoque ab enūtiatione & syllogismo differt, quòd enuntiatio quidem unum cum uno disponit, syllogismus autem unum cum duobus: At methodus res multas enuntiatas & conclusas, legitima via ordinis & dispositionis instituit, ut in partibus deinceps planius intelligetur. Rhetores hanc tertiam speciem, dispositionem vocant nomine generali: quanvis tamen in suis Rhetoricis speciatim tantum de methodo præcipiant: de duobus autem aliis logicæ dispositionis generibus, enuntiatione videlicet & syllogismo, præceptum nullū tradant. *Methodus doctrinæ*] Divisio logicæ methodi in duas species, approbati potest testimoniis Ciceronis, Quintiliani, & Aristotelis. M. Antonius apud Ciceronem libro secundo de Oratore, duplicem rerum collocationem statuit, unam quam affert natura causarum: alteram, quæ oratorum prudentia & iudicio comparatur: quo loco methodus, quæ tota generalis proponi debuit, ad usum duntaxat eloquætiæ forensis & popularis astringitur: Quintilianus libro septimo iudicium & doctrinam Ciceronis sequitur: Aristoteles porro in logicis utranque speciem docuit & præceptis informavit, tametsi partitionem minimè proposuerit. *Methodus doctrinæ*] Methodus doctrinæ, generaliter definitur dispositio, qua ut unūquodque est natura & absolutè prius & notius, ita præcedit ordine & expositione. Natura autem prius & natura notius, pro una & eadem re dicuntur: & his vocabulis ferè significantur magis universalia, ut scribit Aristoteles cap. 2. libri primi posteriorum Analyticorum: ἀπλῶς δὲ πρότερα καὶ γνωριμώτερα τὰ πρό-

ῥώτε-

πρῶτον ἔστι δὲ πρῶτον ταῦτα μὲν τὰ καὶ ὅλον μάλιστα. absoluté
 autem priora & notiora, quæ longius á sensu remota
 sunt: remotissima autem sunt, quæ maximé sunt univer-
 salia: Cumque philosophi præcipiunt doctrinæ scien-
 tiam á causis ad effecta deducendam esse, nihil aliud
 præcipiunt, quàm ut ab universalibus ad specialia, om-
 nem legitimam & artificiosam disputationē persequa-
 mur: Sunt enim universalia symbola causarum, ut spe-
 cialia effectorum, quemadmodum dictum est superio-
 re libro in doctrina generis & speciei: & quanvis in
 prima rerum disquisitione species anté cognoscatur,
 quàm genus (nam prima informatio & perceptio fit
 per sensus) tamen cum utrunque cognoveris, & do-
 ctrinam tradere volueris, genus ipsum sua natura cla-
 rius & prius erit: atque ideo in dispositione artis præ-
 cedere speciem debet. *Hæc methodus*] Comparatio est
 ex partibus sumpta: Quanta est veritas & firmitas ju-
 dicii in enuntiato necessario atque in syllogismo le-
 gitimé conclusio, tanta est in methodo doctrinæ ab uni-
 versalibus ad specialia progredientis: talis enim dispo-
 sitio certissimam rei scientiam & veritatem efficit: qua-
 lis elucet maximé in disciplinis bene traditis & dispositis.
Hæc methodus in artibus] Methodus doctrinæ non
 dividitur in multas species, quia unica est methodus
 rerum arte & ratione explicandarum, á summis videli-
 cet generibus ad intermedia, & hinc ad specialia & sin-
 gularia descendendo: non autem multæ, ut plerique
 philosophi somniarunt, ut una sit definitionis, altera
 divisionis, tertia demonstrationis: omnes enim artes be-
 ne traditæ, hæc unica artificiosa via, quam diximus, pro-
 cedunt, quæ quidem definitiones, divisiones & demon-
 strationes propositarum rerum ex suis causis continet:
 verum ea singularis & unica est, his tribus, tãquam ma-
 teria utens: & non plures: quod in scholis fortasse para-
 doxum videbitur, ad certas hominum auctoritates
 adhærescentibus: attamen verum est: nec ulla un-
 quam ars aut disputatio artificiosa, nisi hæc ratione &

progressione potest instrui. Unica enim & singularis method⁹ doctrinæ probari potest, testimoniis summorum philosophorum, Hippocratis, Platonis & Aristotelis: Hippocratis locus citatur à Galeno lib. 9. de Placitis Hippocratis & Platonis: ἡ ὁμοία, ἡ ἀνόμοια ἐξ ἀρχῆς ἀπὸ τῶν μαγίστων καὶ ρηίσων, ἀπὸ τῶν πάντως πάντα γινωσκομένων, ἃ δὲ ἰδεῖν καὶ ἀκοῦσαι ἔστιν, ἃ καὶ τῇ ὁψί, καὶ τῇ ῥύτῃ, καὶ τῇ γλώσσῃ, καὶ τῇ γνώμῃ ἔστιν αἰσθῆσθαι, οἷς γινωσκομένο, ἃ πάντες ἔστι γινῶναι. Similiane sint an dissimilia primū à maximis ac facillimis & notis omnino usquequaque, quæ & videre ac audire liceat, & quæ liceat percipere tum visu, tum naribus, tum lingua, tum mente, quibus omnia cognoscimus, quæ omnibus licet cognoscere. Hic itaque docet Hippocrates incipiendum esse ab his quæ maxima sunt κατὰ χρῆαν καὶ δύναμιν, usu & facultate ut Galenus interpretatur, & quæ sunt notissima tū sensibus, tum menti: qualia sunt generalia, quæ non solum mente, sed etiam sensibus ad objectas res cognoscendum, promptius & evidentius occurrunt: ut quod eminus movetur, primū judicamus esse animal: deinde propius inspicientes, hominem, tum demum Socratem, ut primo physico Aristoteles ait: Quæ de causâ capite tertio sexti Topici negat definitionem rectam & legitimam esse, nisi contingat idem nobis notius esse & absolutè notius: siquidem oportet per genus & differentias definire eum, qui bene definit. Tria autem Platonis testimonia notantur, ex Philebo, Phædro & Charmide: Socrates in Philebo his verbis definit methodum: καὶ οἱ μὲν παλαιοὶ κρείττονός τῃ μὲν καὶ ἐγγυτέρω θεῶν οἰκοῦντες, ταύτῃ φήμιν παρέδοσαν, ὡς ἐξ ἐνὸς μὲν καὶ πολλῶν ὄντων τῶν αἰεὶ λεγομένων εἶναι, πέρας δὲ καὶ ἀπάρειαν ἐν ἐκαστοῖς ἐμφυτον ἔχοντων δεῖν ἐν ἡμᾶς τούτων ἕτω διακεκοσμημένων αἰεὶ μίαν ἰδέαν πᾶσι πάντοτε ἐκάστοτε θεμένους ζητεῖν· εὐρήσθην γὰρ ἐνοῦσαν. εἰαν οὖν μεταλάβωμεν, μετὰ μίαν δύο εἴ πως εἰσὶ σκοπεῖν· εἰ δὲ μή, τρεῖς, ἢ τινα ἄλλον ἀριθμόν· καὶ τῶν ἐν ἐκείνων ἕκαστον πάλιν ὡσαύτως, μέχρι περ ἂν τὸ κατ' ἀρχὰς ἐν, μὴ ὅτι ἐν καὶ πολλὰ καὶ ἀπάρα ἔστι μόνον, ἴδῃ τις, ἀλλὰ

καὶ

καὶ ὅποσα. τὴν δὲ τῶ ἀπείρου ἰδέαν πρὸς τὸ πλῆθος μὴ προσφέ-
 ρειν, πρὶν ἂν τις τὸν ἀριθμὸν αὐτῶ πάντα κατίδῃ, τὸν μεταξὺ
 τῶ ἀπείρου τε καὶ τῶ ἑνὸς· πότε δ' ἤδη, τὸ ἐν ἔκαστον τῶ πᾶν-
 των εἰς τὸ ἀπείρον μεθέντα χαίρειν ἔαν. Ac pristī quidem no-
 bis excellentiores & ad Deos propiūs accedentes, hoc
 nobis oraculum tradiderunt: ut cūm ex uno & multis
 constent æterna omnia, finemque & infinitatem habeāt
 in se ipsis insitam, his ita constitutis, in re quavis sem-
 per ideam passim statuentes, inquiramus: Hanc enim,
 cūm insit, inveniēmus. Si igitur eam inveniamus, post
 unam, duas consideremus, si quo modo insunt: sin latius
 res pateat, tres, aut alium quendam numerum: & quod-
 libet eorum, quæ unum sunt, rursus eodem modo divi-
 damus, donec perviderimus illud, quod initio fuerat
 unum, non solum quod sit unum & multiplex & infini-
 tum, sed etiam quotuplex sit omnino. Infiniti uerō ideā
 non prius ad multitudinem deducamus, quā omnis
 numerus inter unum atque infinitum intermedius co-
 gnoscatur: tum demum unumquodque eorum omnium
 quæ in infinitum cadunt, omittamus. Socrates paucis
 verbis artem methodi comprehendit, ut genus univer-
 sum, de quo agitur, primō definiatur, tum species ejus
 proponantur: singulæ item definiantur, & sic ad extre-
 mum divisionibus & definitionibus explicentur, donec
 ad infinitas species & individuas perventum sit: quam
 methodicam progressionem declarat exemplis duarum
 artium, Musicæ & Grammaticæ. Idem Socrates cūm
 Phædrum interrogat, nunquid putet à Lyſia omnia te-
 merē projecta esse, neq; consideratū, quid primo aut se-
 cundo loco diceretur: ἀλλὰ τὸ δὲ γέ, inquit, διμαί σε φέ-
 ναι ἂν, δὲν πάντα λόγον, ὥστερ ζῶον σωεσθῆναι, σώματα
 ἔχοντα αὐτὸν αὐτῶ. ὥστε μήτε ἀκεφάλον εἶναι, μήτε ἀπὸν·
 ἀλλὰ μέσα τε ἔχειν, καὶ ἄκρα πρὶποντα ἀλλήλοισι καὶ τῷ ὅλῳ γε-
 γραμμένα. At hoc arbitror te dicturum esse, omnem dis-
 putationem, instar animalis suo quodam corpore con-
 stitui oportere, ut neque capite, neque pedibus careat,
 sed habeat descripta & media & extrema, sibi inter se

& toti conveniētia. Et pauló póst docet exēplo amoris, in omni artificiosa disputatione duas res imprimis persequendas esse, definitiones & divisiones: σω. τούτων δὲ τινων ἐκ τύχης ρυθέντων διανοῖν εἰδοῖν, εἰ αὐτῶν τῶ δύνανται τέχνη λαβεῖν δύναται τις, ἢ κ' ἄχαρι. φαῖ. τίνων δὴ; σω. εἰς μίαν τὴν ἰδέαν συμφορῶντα ἄγαν τὰ πολλαχῇ διασπαρμύσας· ἵνα ἔχουσιν ὀριζόμενους, διήλον ποιῇ πᾶσι ὅτι αὐτοὶ διδάσκον ἐθέλη· ὥστε τανῦν δὴ πᾶσι ἔρωτος ὁ ὅριον ὀριῶν, εἴτ' εἴ, εἴτε κακῶς ἐλίχθη. τὸ τοῦν σαφὲς καὶ τὸ αὐτὸ αὐτῷ ὁμολογοῦν, διὰ τῶντα ἔσχευεν εἰπεῖν ὁ λόγος. φαῖ. τὸ δ' ἕτερον δὴ εἶδος τί λέγεις, ὡς ὠκράτες; σω. τὸ πάλιν κατ' εἶδη δύνασθαι διατέμνησθαι ἄρθρα, ἢ πέφυκε· καὶ μὴ ἐπιχειρεῖν καταγνύναι μέρος μισθὸν κακοῦ μαγείρου τρεῖς ἡμέρας χρόνον· ἀλλὰ ὥστε ἄρτι τὸ λόγῳ, τὸ ἄφρον τῆς διανοίας ἐν τι κοινῇ εἶδος ἐλαβεῖν. ὥστε δὲ σώματος ἐξ ἐνὸς διπλᾶ καὶ ὁμόνυμα πέφυκε σκαυὰ τὰ δὲ ἢ δεξιά κληθέντα· οὕτω καὶ τὸ τῆς παραινούς ὡς ἐπ' ἡμῖν πεφυκὸς εἶδος ἡμισαμῶν τῷ λόγῳ· ὁ μὲν, τὸ ἐπ' ἀριστερὰ τεμνόμενος μέρος, πάλιν τῷ τὸ τέμνων οὐκ ἐπανήκε, περὶ αὐτοῖς ἐφθυρῶν ὀνομαζόμενον σκαυόντινα ἔρωτα ἐλοιδώρησε μάλ' ἐν δίκῃ. ὁ δ' εἰς τὰ δεξιά τῆς μανίας ἀγαγὼν ἡμᾶς, ὁμόνυμον μὲν ἐκείνῳ· θεῶν δ' αὐτὴν νὰ ἔρωτα ἐφθυρῶν καὶ προτεινόμενος ἐπήνεσεν, ὡς μεγίστων ἡμῖν αὐτίον ἀγαθῶν. φαῖ. Ἀληθέστατα λέγεις. σω. τούτων δὲ ἔγωγε αὐτὸς τε ἔρασης ὡς φαῖσθαι, τῶν διαιρίσεων καὶ συναγωγῶν, ἵνα εἶδος τε ὡς λέγῃ τε καὶ φρονεῖν· ἐάν τε τινα ἄλλον ἡγήσωμαι διυναρὸν εἰς ἐν καὶ ἐπὶ πολλὰ πεφυκότες ὁρᾷ, τῶν δὲ δῶκω κατόπιον μετ' ἰχνιον ὡς θεοῖο. καὶ μέντοι καὶ τὸς διωαμένους αὐτὸ δρᾷν, εἰ μὲν ὁρθῶς ἢ μὴ προσαγορεύω, θεὸς οἶδ'· καλῶ δὲ οὐν μέχρι τῶν διαιλετικών. Si quis autem harum duarum formarum, in quas fortē incidimus, vini & facultatem arte comprehenderit, rem non ingratam fuerit affecutus. Phæ. Quas? So. Ut in unam speciem intuens, passim dispersa colligat, & unumquodque definiens, id planum & perspicuum efficiat, quod docere velit: quemadmodum nunc amor quid esset, definitus est, sive recte sive male definitus sit. Claritatem igitur & consentientem sibi ipsi constantiam ex his habuit oratio. Phæ. Alteram autem speciem, quam appellas, o Socrates? So.

Ἦ

Ut rursus in species articulatim partiri possit, quatenus natura rei postulat: neque ullam partem, imperiti co-
 qui more, confringere tentet: sed quemadmodum pro-
 xima disputatio fecit, quæ concitationem mentis, unam
 quandam speciem communiter accepit. Quemadmo-
 dum autem ex uno duplicia membra & ejusdem nomi-
 nis enascuntur, sinistra & dextra: sic concitationis spe-
 ciem unam nobis insitam disputatio posuit: una quidē,
 partem sinistram dividens, rursusque eandem subsecās,
 non destitit priusquā sinistrum amorem ibi reperiens,
 improbaret: altera autem in dextram furoris partem
 nos deducens, amorem superiori similem, sed divinum
 tamen inveniēns: & verbis amplificans, ut maximorum
 nobis bonorum causam laudavit. Phæ. Verissima dicis.
 So. Harum ego divisionum & collectionum o Phædre,
 amator ipse sum, ut & dicere & sapere valeā: ac si quem
 alium esse existimo, qui & unum & multa, pro natura
 rerum perspicere atque comprehendere possit, hunc e-
 go sanē á tergo sequar, tanquam aliquem deum. Eos
 autē, qui id facere possunt, rectene an malé appellem,
 Deus ipse novit: hætenus siquidem dialēcticos appel-
 lo. Idē Socrates Charmidē sic alloquitur: πολλοὺν χρόνον
 παρρησιάζομαι πρὸς τῆς ἐπιδόξης οἷα τυγχάνει ἔσθ' ἄρτι δ' ἡ πόρρην
 τίνι πρόπω σοι ἐνδεδεαίμην τὴν δύναμιν αὐτῆς· ἔστι γὰρ ὧ χαρ-
 μίδην, τοιαύτην, οἷα μὴ δύνασθαι τὴν κεφαλὴν μόνον ὕμᾱ ποιῆν·
 ἀλλ' ὥσπερ ἴσως ἤδη καὶ σὺ ἀκήκοας τῇν ἀγαθῶν ἰατρῶν, ἐπει-
 δάν τις αὐτοῖς προσέλθῃ τὰς ὀφθαλμοὺς ἀλγῶν, λέγουσίν πον,
 ὅτι οὐχ οἷόν τε αὐτοὺς μόνους ἐπιχρῆν τοὺς ὀφθαλμοὺς ἰᾶσθαι,
 ἀλλ' ἀναγκαῖον εἶν ἅμα καὶ τὴν κεφαλὴν θεραπεύειν, εἰ μέλλει
 καὶ τὰ τῇν ὀμμάτων εὖ ἔχειν. καὶ αὖ τὸ τὴν κεφαλὴν οἰεῖσθαι
 ἂν ποτε θεραπεύσθαι αὐτὴν ἐφ' ἑαυτῆς ἀνδρ' ὅλον τοῦ σώματος,
 πολλὴν ἄνοιαν εἶναι. ἐκ δὴ τούτου τῆ λόγου διαίτης ἐπὶ πᾶν τὸ
 σῶμα τρεπόμενοι, ματὰ τῆ ὅλου τὸ μέρος ἐπιχρῶσθαι θεραπεύ-
 ειν τε καὶ ἰᾶσθαι. ἢ οὐκ ἤδη σοι ὅτι ταῦτα οὕτω λέγουσιν τε καὶ
 ἔχει πάνν γε ἔφην. ὁμοῦν καλῶς σοι δοκεῖ λέγεσθαι, καὶ ἀπο-
 δέχει τὸν λόγον; πάντων μάλιστα, ἔφην. Tibi veró liberius
 incantationem, cujuscunque modi sit, ostendam: pauló

anté veró dubitabam, quo pacto tibi vim illius demon-
strarem : Est autem o Charmides, ejusmodi, ut caput so-
lum curare & sanare nequeat : sed qualem sæpe ex Me-
dicis peritis audiisti, qui quoties ab hominibus dolore
oculorum laborantibus consuluntur, respondent se non
posse oculis mederi, sed necessarium esse simul & ca-
put curare, ut oculis sanitas restituatur : Et caput ipsum
separatim curare, neglecta curatione totius corporis,
magnam dementiam esse. Quapropter dicitur ad uni-
versi corporis curationem adhibent, & à totius curatio-
ne, ad curandam sanandamque partem accedunt. Nun-
quid animadvertisti hæc ita ab his dici, & ita se habere?
Char. Prorsus, inquit. So. Rectene loqui tibi videntur,
inquam, & hæc approbas? Charm. Maximé omnium,
inquit. Hac allegorica similitudine Socrates indicat,
cúm animum ignorantia, qui morbus est mentis, pur-
gare, & ad sanitatem doctrinæ revocare volumus, exē-
plo sapientum Medicorum, universum corpus primúm
esse curandum, id est totam rem, de qua agitur, primúm
& universé definiendam esse : deinde ad curationem
reliquarum partium esse veniendum, id est singulas spe-
cies & partes & particulas rei propositæ subjectas, dili-
genter & accuraté tractandas & explicandas esse : ut me-
thodus doctrinæ, id est artificiosa docendi ratio, metho-
do medendi maximé germana, & in re dissimili similli-
ma esse videatur. Aristoteles primo libro posteriorum
Analyticorum docet omnem scientiam aliunde dedu-
ctam, é causis notioribus & prioribus instituendam esse :
& primo libro de partibus Animalium, cúm quærit, qua
via de natura animalium disputandum sit, quæstionem
concludit in hunc modum : ἢ τὰ καθόλου ὑπάρχοντα πρό-
τερον εἰπεῖν, ἢ πολλάκις τῶν λέγων. τὰ δὲ καθόλου κοινὰ τὰ
καὶ πλείονα ὑπάρχοντα, καθόλου λέγομεν. aut universalia
prius explicanda esse, aut sæpius idem dicendum : uni-
versalia veró communia : quæ enim in pluribus insunt,
universalia dicimus. Tot igitur ac tantis testimoniis in-
telligimus unicam esse doctrinæ instituendæ methodū,
quæ

quæ à generalibus ad specialia procedit: cæteræ, quæ methodi appellâtur à Medicis, ut definitio, divisio, similitudo, methodi non sunt, sed particulæ logicæ inventionis & materiæ artificiosæ methodi: Syllogismus etiam apodicticus, methodus non est, sed ratione & præceptis à methodo distinguitur. Aristotelei interpretes fingunt duas artificiosæ dispositionis vias, unam genêsim, à simplicibus ad composita ascendendo, alteram analysim, à compositis ad simplicia descêdendo. sed ut per analysim artes inveniuntur, ita per solam genêsim tradi & doceri debent: vide locum libro nono Animadversionum cōtra Galenum & Aristotelis interpretes. *Hæc artificiosa*] *Homerus* libro octavo Iliados fingit catenam auream in continuatōne mundi suspensam, qua summa cum imis ita copulantur, ut dissolvi non possint: quin protinus id eveniat, quod est in proverbio, Sutsum ac deorsum omnia. Huic aureæ catenæ comparatur methodus, summa cum intermediis, & hæc cum imis tam affabre connectens & copulans, ut cōtinuatō rectum & ordinis dissolvi non possit, quin confusio & perturbatio summa protinus accidat. *Veruntamen*] Exemplum Grammaticæ artis adhibetur ad explicandam definitionem artificiosæ methodi, ut intelligamus si præcepta Grammaticæ artis confusa & indigesta essent, confusionem istam non alia arte, quàm methodi dialecticæ, distingui & in ordinem reduci posse: quod etiam Crassus planius apud Ciceronem inductione variarum artium docet, his verbis: Omnia fere, quæ sunt cōclusa nunc artibus, dispersa & dissipata quondam fuerunt: ut in Musicis, numeri & voces & modi: in Geometria, lineamenta, formæ, intervalla, magnitudines: in Astrologia, cœli conversio, ortus, obitus, motusque syderum: in Grammaticis poetarum pertractatio, historiarum cognitio, verborum interpretatio, propuntiandi quidam sonus: in hac denique ipsa ex alio genere quodam, quod sibi totum philosophi assumant, ratione dicendi excogitare, ornare, disponere, meminisse, agere, ignota quondam omnibus &

diffusa latè videbantur : adhibita est igitur ars quædam extrinsecus, quæ rem dissolutam divulsamque conglutinet, & ratione quadam costringeret. Sit ergo in iure civili finis hic, legitimæ atque usitatæ in rebus causisque civium æqualitatis conservatio: tum sunt notanda genera, & ad certum numerum paucitatemque revocanda: Genus autem est, quod sui similes communione quadam, specie autem differentes duas aut plures complectitur partes: Partes autem sunt, quæ generibus iis, è quibus emanant, subjiuntur : omniaque, quæ sunt generum vel partium nomina, definitionibus, quam vim habeant, est exprimendum. Quamobrem si omnium artium præcepta inventa & probata essent, sed tamen confusa & indigesta, hæc pars Dialecticæ confusam turbam præceptorum distinguere, & suo loco singula disponere atque tractare doceret: ut rectè dici possit ars reliquarum artium faciendarum & ordine tractandarum. *Partes Grammaticæ*] Partes Grammaticæ artis vulgò quatuor esse dicuntur, orthographia, prosodia, etymologia, syntaxis: sed duæ primæ sub tertia comprehendendi debent, quia cùm dictionum doctrina exponitur, partes earum docendæ sunt, literæ per orthographiam, & syllabæ per prosodiam : prima etenim distributio est totius in partes integrantes : Itaque generalis divisio Grammaticæ in duas partes primùm facienda est, etymologiam & syntaxim. Qua de re Petri Rami Grammatica & Scholæ grammaticæ testimonium perhibent. *Atque hæc methodus*] Methodus doctrinæ utilis est non solum ad tractandas artes, ut proximo exemplo demonstratum est, sed etiam reliquas disputationes artibus non comprehensas : quod exemplis oratorum & poetarum declaratur : Oratores enim cùm in exordiis rem, de qua agitur, summam proponunt, in narrationibus definiunt, in confirmationibus partes exequentur, in perorationibus concludunt, artificiosum illum & logicum ordinem consecretantur: itemque poetæ cùm materiam sui operis primùm proponunt, deinde in certas partes distribuunt,

& eas

& eas suo loco & ordine persequuntur, dialecticam methodum & progressionem exercent. *Ut in accusatione*] Cicero accusationem Verris distribuit in quatuor partes, Quæsturam, Legationem, Præturam urbanam, & Præturam Siciliensem: quas eo ordine, quo proposuit, exequitur: de Quæstura, actione tertia agit: ut Verres Quæstor averfa pecunia publica Cn. Papy. Carbonem cum exercitu deseruit: rationes non retulit. Legationis crimina hæc sunt, quod legatus Verres contra Carbonem testimonium dixit: in Ciliciam proficiscens fanum Apollinis in Delo spoliavit: Tenedo Tenem deum abstulit: Lampfaci, filiam Philodami rapere voluit: Philodamum ipsum, quod ejus libidinibus obstitisset, capite mulctandum curavit: Præturæ urbanæ duo crimina in eadem actione accusantur, unum in jure dicendo, alterum in factis rectis exigendis: Præturæ Siciliensis quatuor crimina reliquis quatuor actionibus explicantur: quarta, crimen de jurisdictione, quinta de frumento, sexta de signis sublati, septima de crudelitate suppliciorum.

Idem poëtæ] Poëtæ cum ad solam delectationem scribunt, persæpe methodum prudentiæ, de qua mox ageretur, adhibent: cum verò docere volunt, ut Virgilius in Georgicis agriculturam, Ovidius in Fastis rationem factorum & descriptionem anni, lumen artificiosæ methodi accendunt. *Hic præterea*] Utilis est transitio ad duas res, ad docendum primum: nam & quid dictum sit, admonet, & ad id, quod superest, comparat auditorem: deinde ad delectandum: reficit enim lectorem vel auditorem, cum & id quod dictum est, velut epilogo sub aspectum ponit, & sequentis disputationis summam aliquam proponit: qua non secus afficimur, atque viatores ipsi, quibus suscepti itineris, viæ notatæ demonstrantur. Sunt autem duo transitionis genera, unum perfectæ, quæ & id, quod dictum est, admonet, & quid deinceps dicendum est, proponit: ut pro lege Manilia: Quoniam de genere belli dixi, nunc de magnitudine pauca dicam. Alterum est transitionis imperfectæ, ubi

antecedens non repetitur, sed tantum proponitur consequens: ut cum Virgilius secundo Georgico de cultu arborum & vitium disseruisset, nullo facto epologo, ad tertium opus transit:

*Te quoque magna Pales, et te memorande canemus
Pastor ab Amphryso. —*

Cumque de re pecuaria libro tertio disputavisset, nulla adhibita repetitione, transit ad quartum opus:

*Protinus aërii mellis caelestia dona
Excuar. —*

Ejusmodi] Doctrina artificiosæ methodi paucis & facillimis præceptis continetur, videlicet, ut legitima disputatio à summis generibus ad specialia descendat: at usus hujus longè difficillimus est, ut constat testimonio Socratis in Philebo: *τω οὐ γὰρ οὐκ ὦ παῖδες, ὥς φησιν ὑμᾶς προσαγορέων φίλητος· οὐ μὲν ἔστι καλλίων ὁδὸς, οὐ δ' ἂν γίγνοιτο, ἥς ἐγὼ ἐραστὴς μὲν εἰμι αἰεὶ· πολλάκις δ' ἐμὴ ἡδὴ διαφυροῦσα, ἔρως καὶ ἄπορον κατέστησεν. προ· τίς αὐτῆς λέγει δὲ μόνον. τω· ἢν δηλώσαι μὲν οὐ πᾶν χαλεπὸν, χρῆσθαι δὲ, παγχαλεπὸν· πάντα γὰρ ὅσα τέχνης ἐχόμενα ἂν εὐρεθῇ πῶποτε, διὰ ταύτης φατέρα γέρονε.* Non sanè o pueri, sic enim vos appellat Philebus: nulla verò via pulchrior est, nec esse potest ea, cujus tamen amator semper fui, sæpe tamen me deseruit, solumque & sollicitum destituit. *Prota.* Quænam est? *Exponatur modò. So.* Quam declarare quidem facillimum est, exercere autem, difficillimum: Omnes enim artes, quæ unquam inventæ sunt, hac utique via inventæ & illustratæ sunt.

Nemo enim] Secundum argumentum difficultatis, sumitur è subiecta materia partium Dialecticæ antecedentium: Nam argumenta, & propositiones, & syllogismi, methodo collocantur: Itaque in promptu nobis esse debent, antequam methodo disponantur. *Tum verò]* Tertium argumentum est è collatione minoris difficultatis, quæ est in superioribus partibus, inventionem, enuntiationem, & syllogismo: quod exemplo artium declaratur. Itaque concludatur excellentia methodi artificiosæ testimonio

stimonio Socratis in Philebo: sic enim ait : θεῶν μὲν ἐστὶ ἀνθρώπων δόσις, ὥς γὰρ καταφαίνεται ἐμοί, ποθὲν ἐκ θεῶν ὁρμήσῃ διὰ τινος προμηθείας ἅμα φανωτάτῳ τινὶ πονρὶ· καὶ οἱ μὲν παλαιοὶ κρείττονες ἡμῶν, καὶ ἐγγυτέρω θεῶν οἰκούντες, ταύτην φήμην παρέδδον. Deorum certé ad homines, ut mihi quidē videtur, donum alicunde á diis per Prometheum quendam, uná cum igne clarissimo delatum : ac veteres nobis præstantiores, diisque magis familiares , hoc nobis oraculum tradiderunt.

METHODUS PRUDENTIÆ.

Sequitur methodus prudentiæ , in qua res præcedunt , non omnino & absoluté notiores, sed certé ei, qui docendus sit , convenientiores, & probabiliiores ad inducendum, quó volumus: appellatur ab oratoribus dispositio prudentiæ, quia magis in hominis prudentia, quám in arte & præceptis doctrinæ sita est : tanquam methodus doctrinæ , sit iudicium scientiæ , methodus prudentiæ, sit opinionis iudicium: Quanvis hæc methodus in philosophis, poëtis, oratoribus, observationis aliquid habeat cum syllogismo etiam commune. Huc referre possumus, crypsim, id est occultam & insidiosam insinuationem : de qua feré præcipitur. A medio incipere non exponere initio, quó tendas : nec ejus partes explicare, & longé repetere rationes & antecedentia consilii nostri, idque præcipué similitudine & parabola: ac si persona sit imprudens opposita , protinus exequi : ejusmodi enim ingenia facillè capiuntur: sin callida sit & astuta, non protinus argumenta sigillatim aperire, sed mutare , res alie-

nas miscere, contrarium fingere, sibi ipsi resistere, quandam non curantiam simulare, vulgare & ulitatum dicere, accelerare, irasci, contendere, liberius omnino & audacius agere, ut adversarius perturbatus dicat, Quorsum hæc: denique quod concludendum sit, postremum dicere. Socrates his stratagematis utitur adversus sophistas, qui nollent ab eo doceri: ideoque cum stultæ eorum opiniones ita refelluntur, irascuntur Socrati, eumque modò torpedinem, modò Dædalum, modò incantatorem nominant: tanquã hac methodo torpidos & stupidos redderet, & phantasmate aliquo illuderet & incantaret, vanaque rationis specie aliqua falleret. Poëta cum sæpe sit in omni Logicæ parte excellens, attamen hac laude magis est admirabilis: Populum sibi docendum proponit, id est belluam multorum capitum: ideoque variis modis decipit: incipit á medio, ibique primum sæpe comprehendit, postremum denique incerto aliquo & inopinato casu concludit: atque ut Horatius ait in Arte poëtica,

*Nec reditum Diomedis ab interitu Melcagri,
Nec gemino bellum Trojanum orditur ab ovo:
Semper ad eventum festinat, & in medias res,
Non secus ac notas auditorem rapit: & quæ
Desperat tractata nitescere posse, relinquit:
Atque ita mentitur, sic veris falsa remiscet,
Primo ne medium, medio ne discrepet imum.*

Sic Virgilius Æneam á Sicilia excepit, & in
medio

medio præterita narrantem fecit postrema variis perturbata casibus induxit : Sic comici poetæ, tametsi magno consilio judicioque comædias, actus, scenas, officia personarum distinguunt, efficiunt tamen ut omnia fortuita & inopinata videantur. Exemplum hujus astutiæ singulare unum est in Eunuchō Terentii : Thais duos amatores habebat, Thrasonem & Phædriam : Thrasonisque gratia Phædriam excluderat, prætereaque dies aliquot excludere cupiebat, ut à Thrasone servam puellam, quam ei pollicebatur, acciperet : Itaque ut Phædria placaretur & dies aliquot Thrasoni præterea cederet, hæc cryptica callidè sunt adhibita : principio nullum propositi signum dedit, sed contrarium simulans, lamentatur, & longa narratione utitur, muniendis consilii sui rationibus : in qua multæ nugæ & affectiones variæ miscentur : tandem verò, cum sentit iratum prius adolescentis animum mitigatum esse, imò magnam partem reconciliatum, tum ait :

Id amabo adjuta me, quò id fiat facilius :

Sine illum priores partes hosce aliquot dies apud me habere.

Tum certè postremum posuit, quod primum statui debuit, si nullus animi motus obstitisset : tam callidè, tam convenienter iratæ personæ mulier dissimulavit, ut tandem adolescens exclamet, captum se esse indicans,

At ego nesciebam quorsum tu ires !

Prudentia methodi hujus ab oratoribus quoque notata est, cum admonent in exordio antequam res, qua de agitur, proponatur aut narretur, non intelligentiam modo, sed gratiam & attentionem auditoris comparandam esse: cumque in reliquo orationis cursu retinendum digressionem aliqua & iteratione, tandemque in peroratione omnino commovendum, ut nobis faveat. Nam ejusmodi exordia & perorationes nihil requiruntur ad docendum bonum auditorem, qui per se veritatem amat & postulat: Quid multa? Quicquid ultra doctrinae methodum in docendo adhibetur, saepe reprehenditur: quod tamen auditoris occasione prudenter laudatur & a philosophis & ab oratoribus: a quibus praeterea praecipitur, in turpem & admirabilem causam, non recta via, sed averfa insinuatione aliqua ingrediendum esse: neque propositionem, neque partitionem ostendendam, ut neque Chirurgus timido ferrum ostendit, priusquam curarit, nihilque esse majus in hominis judicio, cum perviderit, quid in causa boni sit & mali, quam bonum ipsum amplecti, ornare, augere: in eo prorsus commorari & haerere, contrarium autem malum fugere: imo vero interdum molesto & difficili loco nihil respondere: ita tamen, ne armis abjectis fugere, sed speciem atque pompam potius adhibere: nec metu aliquo, sed capiendi loci ad pugnam commodioris gratia cessisse videamur. Quod Tullius prudenter egit: Proponit

nit Agraria secunda longam insinuationem, velut gratias agere tantum statueret, cum se popularem fingit, qui tamen de industria accedit ad populi causam evertendam: neque questionem proposuit, neque questionis partitionem. In epistola ad fratrem scripta, de officio gubernandæ provinciae, cum exposuisset & docuisset, quod statuerat: Sed nescio, inquit, quo pacto ad præcipiendi rationem delapsa est oratio mea, cum id mihi propositum initio non fuisset. Atque id est sibi ipsi resistere, & aliam occasionem fingere. Sæpe verò etiam in orationibus celeritatem, iracundiam, contentionem adhibuit, quibus turbatum auditorem eo perduxit, quo voluit: quin ut Plutarchus recitat, publicè hac de re contra Numatium eloquentia sua absolutum, gloriatus est: Tunc verò Numati, per te iudicium illud effugisti, non autem quod multas luci tenebras in iudicio circumfudi? Audacia magnificè adhibita est in defensione Rabirii perduellionis rei, cum è populo Romano quidam Ciceroni reclamarent: Nihil, ait, me clamor iste commover, sed consolatur, cum indicat esse quosdam cives imperitos, sed non multos: Nunquam mihi credite, populus Romanus hic, qui silet, Consulem me fecisset, si vestro clamore perturbatum iri arbitraretur. Quanto jam levior est acclamatio? Quin continetis vocem, indicem stultitiæ vestræ, testem paucitatis? Equidem *παρρησία*, quæ à Rhetoribus appellatur, nihil aliud est, quam

hæc audacia : denique omnes tropi ac figuræ e-
locutionis, omnes actionis gratiæ (quæ est Rhe-
torica integra, vera, & separata à Dialectica)
eò solùm spectant, ut ducatur hic morosus & re-
fractarius auditor, nec ob aliam causam Rhe-
toricæ artes illæ observatæ sunt, quàm propter ejus
contumaciam & perversitatem. His igitur posi-
tis, intelligimus quemadmodùm methodus pru-
dentix à philosophis, poëtis, oratoribus instituta
& tractata sit, & cognoscimus, ex eorum præce-
ptis & exemplis, quanta sit ista prudentia: sed mul-
tò magis cognoscemus, è rebus quotidianis &
hominum negotiis, in quibus hæc insinuatio calli-
da (si quid ei, qui nolit, persuadendum sit) facili
principem locum obtinebit. Quamobrem Dia-
lecticus, si aditus artificiosi & veri itineris occlu-
sus sit, aliam viam sibi faciet vi ingenii & prudē-
tiæ: & undique conquiret auxilia consuetudi-
nis & usus, quoniam doctrinæ præsidii destitui-
tur: ac quoniā rectum cursum tenere non potest,
velificationē mutabit, & quibus velis poterit, sal-
vam & incolumen navem ad portum deducet:
Atque ut Spartiatæ quondam occultis rapinis
laudabantur, sic, vel potiùs infinitis partibus am-
plius laudabitur, cùm ejusmodi solertia consen-
sum rebellis ac repugnantis animi meruerit.

Sequitur] Transitus fit ad methodum prudentiæ,
quæ est dispositio progrediēs non à notioribus quidem
natura & absolute, id est à generalibus & universali-
bus principiis, ut dictum est de artificiosa methodo, sed

á rebus ad rationem personarum, locorum, temporum magis accommodatis: Ideoque appellatur á Rhetoribus dispositio prudentiæ, quód magno in iudicio & prudentia dicētis versetur, ut videat in primis, quid deceat: quoniam non omni causæ, nec auditori, nec loco, nec tempori congruit unum & idem genus docendi: acciditque persæpe, ut iudicium prudentiæ potiús quæ-
ratur, quám consilium artis & doctrinæ. Hæc itaque tota feré videtur expertis artis, si cum methodo doctrinæ conferatur: Illic certa dispositione regula traditur, hic feré nulla certa & catholica, Quamobrem methodus artificiosa ad scientiam, methodus prudentiæ ad opinionem referenda est. *Quamvis hæc methodus*] Methodus prudentiæ nullam habet certam & stabilem & catholicam legem, qua perpetuó utatur: habet tamen aliquam similem artis admonitionem, quæ appellatur ab Aristotelicis *κρύψις*, id est occultatio & insinuatio. Quid igitur admonet *κρύψις*? perturbatum esse legitimum ordinem artificiosæ illius dispositionis, ut inusitata & obscuriore via ducatur auditor eó, quó volumus. Methodus artificiosa præcipit, ut prima primis, media mediis, & ultima ultimis locis disponantur: methodus prudentiæ contrá jubet á mediis incipere, & prima deinde subtexere: Illa initió proponit & paritur: hæc propositionis & partitionis lumina detrahit, nec partium explicationem via & ordine persequitur: Illa plané & aperté rationes explicat: hæc interdum parabolis involvit, & similitudinibus, quales descriptæ sunt apud Platonem & Xenophontem inductiones Socraticæ.

Ac si persona] Descriptio adversæ personæ sumitur ab adjunctis: adversarius enim, quo cum agitur, aut imprudens est, aut callidus: si imprudens, protinus est rationibus & argumentis capiendus: si callidus, sensim ac dissimulanter expugnandus & fallendus: Hæc præcepta Aristotelica sunt, & ex octavo Topico collecta: & in Rhetorum libris docentur, ubi tractatur ratio affectuum movendorum. Hæc admonitio illustratur ex-

emplis philosophorum, poëtarum, & oratorum.
Socrates frequenter] Exemplum philosophicum est Socratis, qui cum apud Platonem refellit sophistas, ut Thrasymachum, Gorgiam, Protagoram, & ceteros, non aperta & recta dispositionis via, sed occultis probationum quasi cuniculis incedit: ideoque ab iratis sophistis sæpe contumeliosè reprehenditur, appellaturque aliàs torpedo, aliàs Dædalus, aliàs incantator: Meno Socratem vocat & incantatorem & torpedinem: καὶ νῦν, ὥς γ' ἐμοὶ δοκεῖς, ρητεύεις με καὶ φαρμάτεις, καὶ ἀτέχνως κατεπάσιδες, ὥς μετὸν ἀπορίας ρηγόνειν· καὶ δοκεῖς μοι παντελῶς, εἰ δέ τι καὶ σκῶψαι, ὡμοιότατος εἶναι τὸ, τε εἶδες καὶ τ' ἄλλα, ταύτῃ τῇ πλατεῖα νάρκη τῇ θαλαττίᾳ. καὶ γὰρ ἄντη τὸν ἀεὶ πλησιάζοντα καὶ ἀπὸ μὲν ναρκῶν ποιεῖ. καὶ σὺν δοκεῖς μοι τῶν ἐμὲ ρητόν τι πεποιηκέναι ναρκῶν. ἀληθῶς γὰρ, ἐγὼ γὰρ καὶ πλεῖστον ψυχὴν καὶ τὸ σῶμα ναρκῶ, καὶ οὐκ ἔχω, ὅ, τι ἀποκρίνωμαί σοι.
 Et nunc, ut mihi videris, præstigiis me decipis, beneficiis inficis, & apertè incantas: ita ut ambiguitatis simplex plenus: videris quoque mihi prorsus (si quidem licet in te jugari) & forma, & aliis rebus, simillimus torpediti latissimo pisci maris: qui hominem sibi propinquantem & tangentem, membris & corpore stupidum reddit: & tu videris stuporem mihi nunc injecisse: nam & animo & corpore sic obstupui, ut quid tibi respondeam, non habeam. Euthyphro Socratem Dædalo comparat: Εἰ μοι δὲ δοκεῖ ἁπλῶς ὅτι τῷ αὐτοῦ σκώμματος ὡς Σώκρατες, δεῖσθαι τὰ λεγόμενα· τὸ γὰρ πρὸς εἶναι αὐτοῖς τοῦτο καὶ μὴ μένειν ἐν ταῦτά, οὐκ ἐγὼ γέ εἰμι ὁ ὀντινείας· ἀλλὰ σύ μοι δοκεῖς ὁ δαΐδελος. ἐπεὶ ἐμοῦ γε ἔνεχε, ἔμενον ἂν ταῦτα οὕτω. Mihi quidem propemodum videntur ea, quæ dicis o Socrates, eadem dicacitate notanda esse: quod enim illa nostra oberrant, neque sibi constant, non ego sum accusandus: sed tu mihi Dædalus videris: nam quod ad me attinet, illa sic constitissent & mansissent. Thrasymachus libro primo de Rep. Socratem nominat in sermonibus sycophantam & insidiatorem. *Poëta*] Tria sequuntur exempla poëtica, unū Homeri, alterum Virgilii, tertiū Terentii,

Terentii, ad illustrandam methodum prudentiæ: quæ sibi non proponit rectum illum & legitimum ordinem ab universis & primis ad specialia, sed inverso potius & commutato utitur: idque consulto & industria facit, quia hac ratione docendus sit auditor, & quod volumus, deducendus. *Nec reditum*] Homerus non utitur exordio longè petito, velut Cyclicus poëta, qui reditum narrans Diomedis à bello Trojano, exorsus est ab interitu Meleagri fratris ejus: Nec Iliada orditur à concubitu Jovis cum Læda, unde nata est Helena, causa belli Trojani: sed à precibus Chrysæ sacerdotis: Idemque Homerus auspicatur Odysseam à consilio Deorum, errantemque Ulysssem describit, non à littore Trojano primū, sed ab insula Calypsus ad Phæacas, qui in convivio Alcinoi Regis narrat Phæacibus, quemadmodū à Trojano littore ad Nympham usque navigarit: tum poëta reliquam navigationem Ulyssis à Phæacibus ad Itachā patriam ordine prosequitur. Unde constat Homerum in narrandis erroribus Ulyssis non esse secutum seriem rerum & temporis, sed à mediis exorsum fuisse, & medio loco, quæ prima erant, inseruisse. *Sic Virgilius*] Virgilius vestigiis Homeri insistens, errantem Aeneam nō excipit à litore Trojano, sed primū narrat quemadmodum è Sicilia navigans, in Libyam tempestate compulsus & delatus fuerit: qui in convivio Didus Reginae Carthaginensium narrat à principio, ut Troja everfa fuerit, & quibus erroribus eō navigarit: Et quemadmodum Homerus bellum Trojanum morte Hectoris, sic Virgilius bella Aeneæ, morte Turni finivit. *Sic comici*] Comici poetæ de industria res perturbatas & controversas efficiunt in epitali, ut qui spectant & audiunt, ad exitum inopinatum perducantur: interdum etiam parte aliqua Comædiæ, attem dissimulant, fallendi auditoris gratia. Exemplum singulare est in Eunuchō Terentii, ubi Thais meretrix ad fallendum Phædriam adolescentem, callidam insinuationem & dissimulationem usurpat.

Prudentia methodi] Postremus locus continet præcepta Rhetorum & exempla oratorum, ex quibus intelligere possumus, quæ & qualis sit methodus prudentiæ, & quantum in populari hominum usu valeat. Rhetores jubent exordiri, ita ut auditorem præparemus, quò sit nobis in cæteris partibus accommodatior: id autem fieri tribus maximè rebus, si benevolum nobis facimus, & docilem, & attentum: non quia ista per totam actionem custodienda nō sint, sed quia in initiis maximè necessaria, per quæ in animum judicis, ut procedere ultrà possimus, admittimur. Itaque & digressiones in partibus orationis interponuntur ad excitandum judicem, & motus animorum in peroratione vehementiùs excitantur, quæ in exordio leniores fuerant: de quibus lege Quintilianum libro quarto & sexto. Aristoteles primo capite libri tertii Rhetoricorum ad Theodectē ita scribit: δίκαιον γὰρ αὐτοῖς ἀγωνίζεσθαι τοῖς πρᾶγμασιν, ὥς τὰ ἄλλα ἔξω τοῦ ἀπωλεῖναι πειθεργία ἔσιν. ἀλλ' ὅμως μέγα δύναται, καὶ ὅτι ἐρεται, διὰ τὸ τοῦ ἀκροατοῦ μοχθηρίαν. Aequum siquidem est, eos rebus & argumentis certare: Itaque cætera, præter demonstrationes, supervacua sunt: atramen multum possunt, ut dictum est, propter auditoris improbitatem. Et capite decimo tertio ejusdem libri duas tantum constituit necessarias partes orationis, πρῶτον καὶ πῆν, propositionem & fidem: proœmium autem & epilogum negat ad docendum & demonstrandum pertinere. *A quibus præterea*] Insinuatio, ut ait Quintilianus libro quarto, in turpi genere causæ surrepit animis maximè ubi frons causæ non satis honesta est, vel quia res sit improba, vel quia ab hominibus parum probetur: aut si facie ipsa quoque premitur, vel invidiosa consistētis ex diverso patroni, aut patris, vel miserabilis senis cæci, infantis. Idem Fabius capite quinto libri quarti docet fallendū esse interea judicem, & variis artibus subeundum, ut aliud agi, quàm quod nos petimus, putet: Nam est nonnunquam dura propositio, quam judex si providet, nō aliter præformidat, quàm qui ferrum Me-

dici

dici, antequam curetur, aspexit. *Nihilque*] Antonius apud Ciceronem libro secundo de Oratore, exemplo suo proponit singulare præceptum prudentiæ, ut in causa si quid boni sit, id ornatur atque amplificetur: si quid mali, id sapienti dissimulatione obruatur atque obtegatur: quod postremum declaratur quatuor exemplis Ciceronis, in secunda Agraria, in epistola ad Quintum fratrem de gubernatione provinciæ, in oratione pro Numatio, & in causa Rabirii. *His igitur*] Peroratio concludit methodum prudentiæ non solum quibusdam præceptis (qualia exposuimus de crypsi) instrui, sed multo magis usu & exercitatione conformari. *Ac quoniam rectum*] Allegoria & similitudo est à nautis, qui quemadmodum tempestate & flantibus ventis abrepti, mutant velificationem, ut ad portum, si non recto & brevi, saltem utili & salutari cursu contendant: sic in docendo, si methodus doctrinæ proposito non convenit, qua via & progressionem possumus, ad explicationem rei propositæ perveniendum nobis est.

PERORATIO METHODI.

At verò iudicium methodi seu doctrinæ, seu prudentiæ, summum rationis lumen est: in quo ceteri animantes non modo commune cum homine nihil habent, ut in iudicio enuntiationis habent, sed homines ipsi inter se hac laude valde differentes sunt & dissimiles: nam tametsi sunt omnes syllogisticæ rationis suapte natura participes, attamen perexiguus numerus est eorum, qui ea bene uti cogitent: atque etiam ex hoc tantillo numero multo maior est paucitas eorum, qui vera methodo bene disponere beneque judi-

care didicerint : itaque quantò belluis præstant homines syllogismo, tantò homines ipsi præstāt hominibus methodo : nec in ulla parte clariùs humani ingenii divinitas relucet, quàm in sole hujus universi judicii. Verùm ut admonuimus in inventione, artis fructum exercitatione exprimi, ita nobis hic demum de tota Logica cogitandum est, non arte sola, sed multò magis artis meditatione & usu artificem fieri : Quod Plato ferè solùm Philosophia tota persequitur : ac ferè nihil in instructione ullius artis occupatur, sed ubique ac perpetuò ad artis opus & usum adhortatur. Et certè (ut Aristoteles magistrum secutus verissimè dicit) regulas universales tantùm scire, singularem rerum usum nescire, non est absolutè & actu scire : sed in specialibus exemplis offendi potest, quanvis generalis scientia teneatur : atque ad eandem sententiam ait: Tum verò ex iisdem & per eadem virtus omnis & generatur & corrumpitur : similiter autem etiam ars. Etenim cithara pulsando, & boni & mali citharedi fiunt, eodemque modo architecti & artifices reliqui: bene nanque ædificando, boni architecti fiunt, malè autem mali. Cumque magistri artis, discipulos suos operis effectores esse demonstrant, tum sese existimant magisterii munus explevisse : Secus si quis in arte quidem doctus sit, in usu autem indoctus, erit is (ait) Mercurius Pafsonis. Denique, non satis est scire, quid sit virtus: sed ut habeamus & utamur, est enitendum.

Qua-

Quapropter nemo se logicum putet, quia leges & regulas Logicæ didicerit in schola, & cum æqualib⁹ disputaverit, ut magna stultitia vulgò arbitramur: sed ut in omnibus artibus, etiam sordidis, videmus ut tyro certo tempore observat & animadvertit, non solum magistri præcepta, sed multo magis exempla & opera: paulatimq; imitatur, & meditatione tandem exacto tyrocinii tempore, eximium aliquod specimen artis exhibet, ut diligentiam suam comprobet, & magisterii gradum assequatur: deinde continuata multos annos exercitatione artis, & unicuique publicè demonstrata industriæ suæ excellentia, nomen ac famam singularis in sua professione magistri consequitur: Sic, ut veræ Logicæ laus obtineatur, non satis est de præceptis in schola arguari, sed ea exercenda & tractanda sunt in poetis, oratorib⁹, philosophis, id est, in omni specie ingenii, virtutibus eorum ac vitiis considerandis, & retexendis laudabilibus inventis & judiciis, primò scriptura & voce imitandis, tum etiam æquandis vel superandis, rebus omnibus tractandis & disputandis per se, nullaq; disputationum alienarum habita ratione: cumque hic discipulus Logicus diligentia & assiduitate longi temporis, intelligentiam Logicæ confirmarit, tum se examini magisterii liberè & constanter offerat: cumque tanti studii fidem fecerit, in cathedram deducatur, & muneribus à Repub. huic virtuti propositis fruatur. Hæc gloria Dialecticæ sic

adhibitæ & exercitatæ, Peripateticis propriè tribuitur: Aristotelis oratio, flumen aureum à Cicerone dicitur: at hoc aureum flumen ab hac exercitatione profluxit: Tyrtamus, discipulus Aristotelis appellatus est Theophrastus à divinitate loquendi: at hæc loquendi divinitas, ab hac exercitatione manavit: Strato Theophrasti auditor, eloquentissimus habitus est: at hæc eloquentia ab hac exercitatione genita est: Lycon, Stratonis sectator, unius præpositione literæ cognominatus est Glycon, id est suavis: at hæc dulcedo ab hac exercitatione expressa est: Laus eadem ex eadem caussa Phalereo tributa est, quod esset non solum subtilis disputator, sed etiam dulcis orator. Quamobrem hæc exercitatio nobis cōplectenda est, ut easdem laudes consequamur.

At verò] Generalis est operis conclusio, ubi præstantia logicæ methodi demonstratur, & excitamur ad studium & exercitationem dialecticæ virtutis: Argumentum præstantiæ & dignitatis duplex est, & quod soli homines dialecticæ methodi participes sint, & quod ex hominibus perpauci vera methodo disponere & judicare didicerint. *Ut in iudicio*] Diximus antea iudicium enūtiationis propriæ & contingentis nobis esse cum bestiis commune: Nam ut homines, ita bestię judicare possunt communi sensu, hoc esse calidum aut frigidum, durum aut molle, album aut nigrum, &c. *Verum*] Non solum præcepta Dialecticæ artis cognoscenda sunt, sed multo magis ad usum referenda: frustra enim artes discuntur, nisi exerceantur, & earum fructus percipiantur: quemadmodum Grammaticæ artis præcepta frustra & inutiliter à pueris ediscerentur, nisi in exemplis excellentium poetarum & oratorum imitandis, itemque in omni usu

ni usu sermonis exercerentur. Caput itaque hujusce cohortationis est, hominem non sola artis cognitione, sed multo magis exercitatione Logicum effici: quod confirmatur à genere, atque ita breviter concludi potest:

Omnes artes præcipuam laudem ex usu & opere assequuntur:

Dialectica est ars:

Dialectica igitur præcipua laus in usu & opere cernitur.

Propositio syllogismi confirmatur autoritatibus Platonis & Aristotelis. Tota Platonis philosophia ad philosophiæ potius exercitationem & usum cohortatur quam leges ejus aut regulas instruit: sic libri de Rep. educationem civitatis, non leges informant: & libri de Legibus, magnam partem in eadem re versantur, quibus modis, & quibus in rebus virtus sit exercenda: imò verò Socrates disputat totam philosophiam nihil esse aliud, quam μεταστροφήν καὶ πείραζωγίαν, conversionem atque circunductionem, qua animus convertitur ad id intueundum & imitandum, quod & sua sponte & doctrinæ beneficio intueri atque efficere possit. Idem Socrates contendit in Gorgia cum, qui veram scientiam nactus sit, antè didicisse & exercuisse & multa exempla edidisse, atque etiam opera multa egregia perfecisse: Calliclis autem opera nullum factum esse meliorem, nullum Periclis, Cimonis, Miltiadis, Themistoclis. Quare illos viros bonos non fuisse, neque virtutis & justitiæ civilis scientiam aut facultatem habuisse. *Aristoteles*] Aristoteles ait primo capite libri primi de Demonstratione, aliquid universaliter sciri posse, quod specialiter ignoretur: in usuque rerum singularium, hominem rudem esse posse, qui universalis artis præcepta didicerit: ut, Possum generatim intelligere omnem dualitatem, parem esse, & aliquam tamen dualitatem ignorare: lege etiam caput vicesimum primum libri secundi priorum Analyticorum. *Atque ad eandem*] Verba Aristotelis sunt nono libro Philosophiæ: διὸ καὶ δοκεῖ ἀδύνατον εἶναι

οἰκοδομῶν εἶναι, μὴ οἰκοδομῶντα μηδὲν. ἢ κιθαρίστῳ μηδὲν κιθαρίσντα. διὸ ὥσπερ οἱ διδάσκοντες ὄνερζοῦντα ἐπιδείξαντες οἴονται τὸ τέλος ἀποδεδικνῆναι. εἰ γὰρ μὴ οὕτω γίνεται, ὁ πάσωνος Ἑρμῆς ἔσται. ἀλλ' ὁ γὰρ ἢ ἐπισήμη, εἰ ἔσω, ἢ ἔξω, ὥσπερ καὶ εἶνός. Itaque etiam fieri non potest, ut sit ædificator qui nihil ædificarit: neque citharista, qui nihil cithara cecinerit: Ideoque quemadmodum doctores, cū discipulum aliquid agentem ostenderint, putant se summam persolvisse: Nam si secūs fuerit, Passonis Hermes erit: incertumque fuerit, intusne an foris scientia sit, quemadmodum & ille Hermes. Erat autem illa Mercurii statua, sicut Alexander docet, ita juncta copulataque ut nihil inæquale asperumve magis quā in speculo sentiretur: Itaque hac ratione Mercurius intus esse videbatur: at nulla commissura cernebatur: Itaque hac etiam ratione videbatur foris esse, nec intus inclusus.

Denique] Postremum testimonium Aristotelis sumitur é libro nono Ethicorū ad Nicomachum filium, ubi actio virtutis commendatur: οὐκ ἔστιν ἐν τοῖς πρᾶκτοῖς τέλος, τὸ θεωρῆσαι ἑκάστα καὶ γινῶναι, ἀλλὰ μᾶλλον τὸ πρᾶττειν αὐτά. οὐδὲ δὴ πρὸς ἀρετῆς ἱκανὸν εἰδέναι· ἀλλ' ἔχειν καὶ χρῆσθαι πεπραγέον. In rebus agendis finis non est singularis nosse, sed eas potiūs in actum deducere: Neque sané satis est scire, quid sit virtus: sed ut eam assequamur, & ea utamur, enitendum est. Quod singulare dogma, generale fieri potest, ut omnibus artibus conveniat, quarum fructus communis in usu, tractatione, & exercitatione positus est. *Artibus etiam sordidis]* Artes mechanicæ & quæstui inservientes, usu & opere vel maximé probantur: non enim appellamus bonum pistorem, qui norit regulas & præcepta bene pinsendi, sed qui bene pinsat: neque bonum sutorem, qui sciat quemadmodum oporteat calceos suere, sed qui bene calceos suat: eademque ratio valet in cæteris. Atque hoc loco conclusio syllogismi illustratur á similibus: Quemadmodum in sordidis artibus non solum cognitio artis, sed exercitatio & publica approbatio requiritur, sic in arte Logica perficiendum

ciendum est, non solum ut de præceptis argutemur, sed multo magis ut ea variis modis legendo, scribendo, dicendo, imitando exerceamus. *Hæc gloria*] Inductio illustrium philosophorum ad illustrandam & amplificandam proximam conclusionem: Peripatetici enim, Dialecticæ exercitationis gloria & laude imprimis floruerunt, ut Aristoteles, Theophrastus, Strato, Lycon, Demetrius Phalereus: de quibus lege Diogenem Laetium, & Ciceronem in libris Oratoris.

F I N I S.

E R R A T A.

Pag. 15. l. 10. accessisse. p. 30. l. 21. ὁρμήν. p. 33. l. 3. λίθος. p. 40. l. ult. vis ejus. p. 51. l. 7. affectione. p. 52. l. 1. liber. ibid. l. 29. affectionem. ibid. l. 30. decimi. p. 61. l. 32. οὐκ. ibid l. 14. τὸ. p. 65. l. 6. πῶτα. p. 69. l. 14. queruntur. p. 73. l. 14. δημιουργικαί. p. 75 l. 5. sit eliciendum. p. 77. l. 22. notationes. ibid. l. 34. lege. p. 79. l. 6. aufferri. p. 81. l. penult. ἀντιδιηρυμέναι. p. 109. l. 2. Φωνῆς. p. 126. l. 7. verum. p. 181. l. 11. Omnis. p. 182. l. 19. ὑπάρχον. p. 185. l. 7. non animal. p. 192. l. 22. αἴτια. p. 197. l. 10. animal. p. 205. l. 6. vicesimo. p. 212. l. 25. deligendo.

